

ინგლისურიდან თარგმნა ვახტანგ ჭელიძემ,  
ანა რატიანმა

ჰ ე ნ რ ი რ ა ი დ ე რ ჰ ა გ ა რ დ ი  
ს ო ლ ო მ ო ნ მ ე ფ ი ს ს ა გ ა ნ მ უ რ ი

თ ა გ ი I

ჰ ე ხ ე გ ე დ რ ა ჰ ე ნ რ ი გ უ რ ტ ი ს თ ა ნ

უცნაური გეჩვენოთ ის ამბავი, რომ აგერ ორმოცდათხუთმეტი წლის კაცი შევიქენი და კალამს პირველად ახლა მოვკიდე ხელი. არ ვიცი, რა სახეს მიიღებს ჩემი მოთხოვობა და, საერთოდ, შემწევს თუ არა ძალა, დავასრულო იგი.

როდესაც განვლილ ცხოვრებას გონების თვალით გავყურებ, გაოცებული ვრჩები: მიკვირს ხოლმე, რამდენი რამის გაკეთება მოვასწარ, რამდენი რამ განვიცადე და გადავიტანე. ალბათ ჩემი სიცოცხლის გზაც ასე უსასრულოდ გრძელი მიტომ მეტვეზება, რომ ძალიან ადრე გავები მძიმე უდელში. იმ ასაკში, როცა პატარა ბიჭუნები სკოლაში სიარულს იწყებენ, მე უკვე ვშრომობდი: ვყიდდი წვრილმან საქონელს ძველ კოლონიაში, შემდეგ ვნადირობდი, ვვაჭრობდი, ვმუშაობდი მაღაროში და, ასე გასინჯეთ, ვიბრძოდი კიდეც. მხოლოდ ამ რვა თვის წინათ შევიქენი მდიდარი ადამიანი და ამჟამად დიდძალ ქონებას ვფლობ, თუმცა ჯერჯერობით კარგად არც კი ვიცი, რა მაქვს და რისი პატრონი ვარ. მიუხედავად ამისა, არაფრით აღარ დავთანხმდებოდი გადამეტანა ის, რაც ამ თხუთმეტ-თექვსმეტ თვეში გადავიტანე, თუნდაც წინასწარ მცოდნოდა, უველავერი ასე შესანიშნავად დასრულდებოდა და ასე ზღაპრულად გავმდიდრდებოდი.

მე ერთი მოკრძალებული, თაგმდაბალი კაცი გახლავართ, მძულს სისხლი და ძალმომრეობა და, გულწრფელად რომ გამოგიტყდეთ, ამ ფათერაკებმა და უცნაურმა შემთხვევებმა გვარიანად მომაბეზრა თავი.

არ ვიცი, რატომ დავიწყე ამ წიგნის წერა, ეს ხომ ჩემი საქმე სულაც არ არის! ამასთან, არც განათლებულ ადამიანად მომაქვს თავი, თუმცა „ძველ აღთქმასა“ და ინგოლძის ლეგენდებს მუდამ დიდი სიამოვნებით ვკითხულობ.

ასეა თუ ისე, შევვცდები გაგაცნოთ ის მიზეზები, რამაც მაიძულა ხელი მომეკიდა ამ მძიმე საქმისათვის. ჯერ ერთი, ხათრი ვედარ გავუტეხე სერ ჰენრი კურტისსა და კაპიტან გუდს, რომელთაც მთხოვეს ამეწერა ჩვენი ფათერაკებით აღსავსე თავგადასავალი. მეორეც, ამჟამად შინ, დურბანში ვარ და უსაქმობა მკლავს, რადგან მარცხენა ფეხში ატეხილმა ტყიფილმა კვლავ საწოლს მიმაჯაჭვა. ეს სატკივარი მტანჯავს მას შემდეგ, რაც იმ წევულ ლომს გადავეყარე. ამ ცოტა ხნის წინათ კი ჭრილობა გამეხსნა და ჩვეულებრივზე მეტად დავიწყე კოჭლობა.

ალბათ ლომის კბილებში არის რაღაც შხამი, თორემ რას უნდა მიეწეროს ის ამბავი, რომ სავსებით მოშუშებული ჭრილობა ისევ და ისევ იხსნის ხოლმე

პირს? თანაც ნუ დაგავიწყდებათ, ეს ხდება ყოველწლიურად და მუდამ ერთსა და იმავე დროს.

ჩემს სიცოცხლეში სამოცდახუთი ლომი მყავს მოკლული. ნადირობისას თავზე ბეწვიც კი არ შემრხევია და განა საწყენი არ არის, რომ იმან, სამოცდამექექსემ, ასე უმოწყალოდ დამიღიჯნა ფეხი? ეს არღვევს საქმის ბუნებრივ მსვლელობას; მე კი, სხვა სიკეთესთან ერთად, წესრიგის მოყვარული კაცი ვარ და არ მომწონს ეს ამბავი.

გარდა ამისა, მინდა ჩემმა ვაჟიშვილმა ჰარიმ, რომელიც ამჟამად ლონდონის ერთ-ერთ საავადმყოფოში პრაქტიკაზე იმყოფება და მალე ექიმი უნდა გახდეს, ამ მოთხოვის კითხვისას დროებით დაივიწყოს თავისი საქმეები და ცოტათი მაინც გაერთოს.

საბრალო ბიჭს საავადმყოფოში მუშაობით ალბათ თავი აქვს მოძეზრებული და ვფიქრობ, მაინცდამაინც არც გვამების გაკვეთა ანიჭებს დიდ სიამოვნებას... ყოველ შემთხვევაში, ჰარის ეს წიგნი მოსაწყენი არ მოუწვენება და მის ერთფეროვან ცხოვრებას ორიოდე დღით მაინც გაახალისებს. მით უმეტეს, რომ აქ მრავალ საოცარ ამბავს ამოიკითხავს.

იქნებ გაგიკვირდეთ, ამ წიგნის ფურცლებზე, ფულატას გარდა, არც ერთი ქალი რომ არ შეგხვდებათ, თუმცა, რას ვამბობ, არის კიდევ გაგულა, მაგრამ ახლაც არ ვიცი, ქალი იყო ის თუ ქაჯი. ასეა თუ ისე, სათვალავში ჩასაგდები არ არის, რადგან სულ ცოტა, ასი წლის მაინც იქნებოდა და დამეთანხმებით, თავისი ქალობით დიდად არავის დააინტერესებდა.

მაგრამ ხომ არ არის დრო, გავება უდელში და გავწიო ეს მძიმე ჭაპანი? აქ, ცოტა არ იყოს, მნელი სავალია და ვშიშობ, ბორბლებიანად ჭანჭრობში არ ჩავეფლა. თუმცა ხარები ადვილად ამომათრევენ იქიდან. ძლიერ უდლეულს ეს არ გაუჭირდება, სუსტი კი, რასაკვირველია, ვერაფერს გააწყობს. ასე და ამგვარად, ვიწყებ თხრობას!

„მე, ალან ქუთხერმენი, ნატალის პროვინციის ქალაქ დურბანის მცხოვრები, ჯენტლემინი, ფიცსა ვდებ და ვაცხადებ, რომ...“ ამგვარად დავიწყე ჩვენების მიცემა სასამართლოში ხივასა და ვენტოფოგელის საბედისწერო დაღუპვის გამო, მაგრამ წიგნისთვის ასეთი დასაწყისი მაინცდამაინც შესაფერისი არ უნდა იყოს.

ვეჭვობ აგრეთვე, შემიძლია თუ არა ჯენტლემენი ვუწოდო ჩემს თავს? საერთოდ, რას ნიშნავს სიტყვა „ჯენტლემენი?“ ამ საკითხში ჯერჯერობით კარგად ვერ გავრკვეულვარ. ჩემს ცხოვრებაში არა ერთსა და ორ ნიგერთან მქონია საქმე... არა, არა, წაგმლი ამ სიტყვას, არ მომწონს იგი. მე ვიცნობდი ზანგებს, რომლებიც ნამდვილი ჯენტლემენები იყვნენ, ამაში შენც დამეთანხმები, ჰარი, ჩემო ბიჭიკო, როცა ბოლომდე ჩაიკითხავ ამ წიგნს... ვიცნობდი აგრეთვე ძალზე ბოროტსა და ფლიდ თეთრკანიანებს, ჯენტლემენობისა რომ არა ეცხოთ რა, თუმცა ფული თავსაყრელად ჰქონდათ. ყოველ შემთხვევაში, მე ჯენტლემენად ვარ შობილი, მიუხედავად იმისა, რომ ერთი საწყალი მეწვრილმანე და მონადირე გახლდით. შემომრჩა თუ არა ცხოვრებაში ჯენტლემენობა, ეს თქვენ განსაჯეთ, მე ვერაფერს გეტვით. ისე კი, გამოგიტყდებით, ძალიან დიდი სურვილი მქონდა ჯენტლემენი ვყოფილიყვავი.

ჩემს სიცოცხლეში ბევრი ადამიანი გამოვასალმე წუთისოფელს, მაგრამ უმანკო სისხლით ხელი არასოდეს გამისვრია. ვკლავდი მხოლოდ მაშინ, როცა იძულებული ვიყავი, თავი გადამერჩინა.

უფალმა გვიბოდა სიცოცხლე და გვიბორძანა, დაგვეცვა იგი. მეც მუდამ ამ მრწამისით ვმოქმედებდი და იმედი მაქვს, როცა ჩემი განკითხვის უამი დადგება, უფალი მომიტევებს.

ვაი რომ ქვეყანა ბოროტებით არის სავსე და ეს წყნარი ადამიანი იძულებული შევიქმნი ბლომად დამეღვარა სისხლი. არ ვიცი, სწორად ვმსჯელობ

თუ არა, მაგრამ ნაქურდალით ხელი არასოდეს მომითბია, თუმცა ოდესლაც, ერთ კაფრს მოტყუებით გამოვაცალე ხელიდან ძროხების ჯოგი. მართალია, ვალში არც ის დამრჩენია და კარგადაც გამაცურა, მაგრამ სინდისი მაინც დღემდე მქენჯის.

ამრიგად, სერ პენრი კურტისსა და კაპიტან გუდს დაახლოებით თვრამეტი თვის წინათ შევხვდი. ეს შემდეგნაირად მოხდა:

იმხანად ბამანგვატოს მახლობლად სპილოებზე ვნადირობდი, მაგრამ რატომდაც ხელი მომეცარა, ბოლოს საშინელმა ციებ-ცხელებამ დამრია ხელი. ოდნავ მოვიკეთე თუ არა, მაშინვე ალმასის ქვიშრობისაკენ გავწიე. აქ გავყიდე სპილოს ძლები, ფურგონი, ხარები, ანგარიში გავუსწორე მონადირეებს და ჩავჯექი საფოსტო კარეტაში, რომელიც კაში მიდიოდა.

კაპში ერთი კვირა სასტუმროში ვცხოვრობდი და, უნდა გამოვტყდე, საკმაოდ დამიცარიყლეს ჯიბე. საქმე არა მქონდა რა და, დრო ტყუილუბრალოდ რომ არ დამეკარგა, გადაგწყვიტე დამეთვალიერებინა ქალაქის ყველა დირსშესანიშნავი ადგილი. მოვიარე ბოტანიკური ბაღები, რომელთაც, ჩემი აზრით, ქვეენისთვის დიდი სიკეთე და სარგებლობა მოაქვთ, მოვინახულე პარლამენტის შენობაც, რომელსაც არავისთვის არავითარი სარგებლობა არ უნდა მოჰქონდეს. კვირის სწორზე გადაგწყვიტე „დანკელდით“ ნატალში დაგბრუნებულიყავი. ეს გემი იმსანად ნავსადგურში იდგა და ინგლისიდან „ედინბურგ კასტლს“ მოელოდა.

ის იყო ფული გადავისადე და გემზე ავედი, რომ „ედინბურგ კასტლმაც“ მოატანა, ნატალში მიმავალი მგზავრები ამ გემიდან „დანკელდზე“ გადმოსხდებინ. მეზღვაურებმა ღუზა აუშვეს და ჩვენ ზღვაში გავედით.

ახალ მგზავრებს შორის გემბაზე ჩემი ყურადღება ორმა კაცმა მიიპყრო. ერთი მათგანი ასე, ოცდაათიოდე წლის ჯენტლმენი იქნებოდა. გამოგიტყდებით, ასეთი მოსული და ლამაზი მამაკაცი მანამდე არსად შემხვედრია.

მას ქერა თმა, სქელი წერი, სახის სწორი ნაკვთები, ღრმად ჩამჯდარი ნაცრისფერი თვალები პქონდა და თავისი გარეგნობით რატომდაც ძველ დანიელს მომაგონებდა. ეს, რასაკვირველია, არ ნიშნავს იმას, თითქოს დანიელებზე ბევრი რამ ვიცოდე. ჩემს ცხოვრებაში მხოლოდ ერთ დანიელს შევხვდი და ისიც საკმაოდ გაიძვერა აღმოჩნდა.

პო, კიდევ ერთხელ, დიდი ხნის წინათ ვნახე სურათი. ტილოზე რამდენიმე ბატონი იყო დახატული, ისინი ძალზე წააგავდნენ თეთრკანიან ზულუსებს. ხელში ყანწები ეჭირათ, გრძელი თმა კი ზურგზე ჩამოშლოდათ. როცა კიბესთან ჩვენს ახალ მგზავრს ვუცქეროდი, უნებლიერ გამიელვა ფიქრმა, ამ კაცმა თმა ოდნავ რომ მოიზარდოს, ჯავშანი ჩაიცვას, ხელში საბრძოლო ნაჯახი და კათხა დაიჭიროს, თავისუფლად შეეძლება იმ სურათისთვის პოზირება-მეთქი.

სხვათა შორის, შემდგომ შევიტყვე, რომ პენრი კურტისის მარღვებში (პენრი კურტისი ის მაღალ-მაღალი ჯენტლმენი გახლდათ) მართლაც ჩქეფდა დანიური სისხლი. საოცარია, როგორ იჩენს ხოლმე თავს მეგვიდრეობა! პო, კურტისი ვიდაც ჩემს ძველ ნაცნობსაც მივამსგავსე, მაგრამ ვის, ვეღარ გავისხნე.

სულ სხვა იყო მეორე მამაკაცი, სერ პენრის რომ ესაუბრებოდა. შევხედე თუ არა, იმწამსვე გავიფიქრე, საზღვაო ოფიცერი იქნება-მეთქი. არ ვიცი, რატომ და საზღვაოსნო ოფიცერებს თვალის ერთი შევლებით იცნობს ხოლმე კაცი. მე რამდენჯერმე მქონდა შემთხვევა, მენადირა მათთან ერთად და ყოველთვის კმაყოფილი ვრჩებოდი. ყველანი არაჩვეულებრივად გაბედული, სასიამოვნო ვაჟაცები იყვნენ, რაც ასე იშვიათია ჩვენს დროში. მხოლოდ ერთი რამ არ მომწონს მათი – ძალიან უყვართ უშვერი სიტყვები და ლანძღვა-გინება. თუ გაგონდებათ, ამ მოთხოვნის დასაწყისში ვიკითხე, ვინ არის ნამდვილი ჯენტლმენი-მეთქი? ახლა შემიძლია ამ კითხვაზე გიპასუოთ. ნამდვილი

ჯენტლმენი ბრიტანეთის სამეფო ფლოტის ოფიცერი გახლავთ. თუმცა, რასაკვირველია, გამონაკლისი მათ შორისაც არის. ვფიქრობ, ზღვის უკიდეგანო სივრცე და მსუსხავი ქარები, რომელთაც თვით დმერთების სუნთქვა მოაქვთ, წმენდენ და აკრიალებენ მათ გულებსა და გრძნობებს ყოველგვარი სიბილწისაგან.

მაგრამ დავუბრუნდეთ ჩვენს მოთხოვნას. მე ახლაც მართალი გამოვდექი. ეს კაცი მართლაც ყოფილი საზღვაო ოფიცერი იყო. უმწიკვლოდ ემსახურა მისი უდიდებულესობის, ბრიტანეთის დედოფლის ფლოტში ჩვიდები წელი და სრულიად მოულოდნელად, საკუთარი სურვილის გარეშე, კაპიტნის ჩინით რეზერვში ჩაერიცხათ. აი, რა მოელით ადამიანებს, რომლებიც დედოფლის სამსახურში იმყოფებიან. როგორც კი ცოდნასა და გამოცდილებას დაგროვებენ და მათი ნიჭი, მათი უნარი სრულიად გაიფურჩქნება, თავიდან იცილებენ, უსპობენ ყოველგვარ საარსებო წყაროს და ცხოვრების ბობოქარ ტალღებში მოისვრიან ხოლმე. შესაძლოა, ისინი ურიგდებიან კიდეც ასეთ ცხოვრებას, მაგრამ მე მირჩევნია, ლუკმაცური ნადირობით ვიშოვნო. რა თქმა უნდა, ფული ცოტა მექნება, მაგრამ, სამაგიეროდ, დამცირებასა და ზედმეტ ჭირლაუებს გადავურჩები.

კაპიტანი ჯონ გუდი – მე მისი სახელი და გვარი მგზავრთა სიაში ამოვიკითხე – ოცდაათიოდე წლის, ჩასკვნილი, საშუალო ტანის შავთმიანი და საქმაოდ ორიგინალური გარეგნობის მამაკაცი იყო. მალზე ფაქიზად და გემოვნებით ეცვა, წვერი გულდაგულ გაეპარსა, თვალზე კი მონოკლი ედგა. ეს მონოკლი ზედ შეხორცებული გეგონებოდათ, რადგან უზონროდ ატარებდა და მხოლოდ მაშინ მოისხიდა ხოლმე, როცა გაწმენდას დააპირებდა. ჩემი გულუბრუვილობით მეგონა, საწოლშიაც ასე ძინავს-მეთქი, მაგრამ მერე დავრწმუნდი, რომ ვცდებოდი. ძილის წინ მონოკლს, ხელოვნურ კბილებითან ერთად, შარვლის ჯიბეში ინახავდა. კბილები ორი წევილი ჰქონდა, თანაც, ისე ოსტატურად ნახელავი, რომ ხშირად მავიწყდებოდა მეათე მცნება, რადგან საპუთარით მაინცდამაინც კმაყოფილი არ ვიყავი.

მე მგონია, ცოტა ავჩქარდი.

ზღვაში რომ გავედით, მალე მოსადამოვდა, ნაპირიდან სუსხიანმა ქარმა დაქროლა, ცოტა წამოწინწკლა კიდეც. მგზავრებმა კაიუტებს შეაფარეს თავი და გემბანი მალე დაცარიელდა. ჩვენს ბრტყელფსკერიან გემს მსუბუქი ტვირთი მიჰქონდა, ამიტომაც ტალღები თავის ნებაზე ათამაშებდა. ზოგჯერ გვეგონა, სადაც არის, გადავყირავდებითო, მაგრამ, საბედნიეროდ, მსგავსი არაფერი მომხდარა.

გემბანზე ვედარ გავძელი, დაბლა ჩავედი და სამანქანო განყოფილებასთან დავდექი. აქ თბილოდა. თანაც დახრის საზომს შევურებდი და თავს ვირთობდი. ხელსაწყოს ისარი ნელ-ნელა მოძრაობდა და გემის ყოველ დაფერდებაზე დახრის კუთხეს უჩვენებდა.

– ესეც დახრის საზომია, რადა, მგონი, შემოწმებულიც არ არის! – ბრაზით ჩაილაპარაკა ვიდაცამ ჩემ გვერდით.

მივიხედე და ხწორედ ის ოფიცერი დავინახე, წელან გემბანზე ჩემი ფურადება რომ მიიპყრო.

– მართლა? რატომ ფიქრობთ ასე? – გავეპასუხე.

– რატომ ფიქრობო? აქ საფიქრალი რა არის? გემი რომ მართლა იმ გრადუსამდე გადახრილიყო, ეს ხელსაწყო რომ უჩვენებს, მაშინვე გადავყირავდებოდით; თუმცა სავაჭრო ფლოტის კაპიტანს სხვა რა მოეთხოვება, მაგათზე დაუდევარი არავინ მინახავს.

ხწორედ ამ დროს გაისმა გონგის ხმა. მგზავრებს სადილად უხმობდნენ. ამან ძალზე გამახარა, რადგან აუგანელი მოსახმენია, როცა ბრიტანეთის ფლოტის კაპიტანი სავაჭრო ფლოტის კაპიტანის შემკრბას იწყებს. ამაზე უარესი

მხოლოდ ერთი რამ არის – უსმინო, რა გულახდილად თათხავს საგაჭრო ფლოტის კაპიტანი ბრიტანეთის ფლოტის ოფიცრებს.

მე და კაპიტანი გუდი კაიუტ-კომპანიაში ჩავედით. სერ ჰენრი კურტისი უკვე სუფრას უჯდა. კაპიტანი გუდი გვერდით მოუჯდა, მე კი მათ პირდაპირ დავიკავე ადგილი. მე და კაპიტანმა ნადირობაზე ჩამოვაგდეთ საუბარი. იგი კითხვას კითხვაზე მაყრიდა, მე კი ვცდილობდი, რაც შეიძლება, ამომწურავი პასუხი გამეცა. მალე სპილოებზეც ჩამოვაგდეთ სიტყვა.

– ბედი გქონიათ, სერ, – თქვა ვიღაც უცნობმა ჩემ გვერდით, – ქუოტერმენზე უკეთესად ვის შეუძლია სპილოებზე რამე გითხრათ.

სერ ჰენრი აქამდე უხმოდ ისმენდა ჩვენს საუბარს. ამ სიტყვებზე კი შესამჩნევად შეკროა.

– მაპატიეთ, სერ, თქვენ ალან ქუოტერმენი ხომ არ ბრძანდებით? – ბოხი ხმით მკითხა მან.

– გახლავართ-მეთქი, – ვუპასუხე.

„მართლაც ბედი მქონია“, – თავისთვის ჩაილაპარაკა სერ ჰენრიმ, ჩემთვის კი აღარაფერი უთქვამს.

ნასადილევს კაიუტ-კომპანიიდან რომ გამოვდიოდით, სერ ჰენრიმ მთხოვა, ჩემთან შემობრძანდით, ჩიბუხი გავაბოლოთ. კაიუტა ფართო და ნათელი იყო. გემბაზე გადიოდა. იგი ორი კაიუტისაგან გადაეკეთებინათ. ოდესდაც ერთ-ერთ წარჩინებულ ფრანგის „დანკელდით“ ზღვის სანაპიროს გასწვრივ უმოგზაურია, ეს კაიუტაც მაშინ მისთვის მოუწყვიათ, ტიხარი აუდიათ და მერე აღარ აღუდგენიათ. კაიუტაში ფართო დივანის წინ პატარა მაგიდა იდგა, სერ ჰენრიმ სტიუარდს ვისკი შეუკვეთა, ჩვენ კი ამასობაში ჩიბუხები გავაჩადეთ.

– მისტერ ქუოტერმენ, – თქვა სერ ჰენრიმ, როცა სტიუარდმა ვისკი შემოიტანა და ლამპა აანთო, – შარშანწინ, დახლოებით ამ დროს, მგონი, ტრანსვაალის ჩრდილოეთით, ბამანგვატოში იყავით, არა?

– დიახ, დიახ, – მივუგა ბაოცებულმა. გამიკვირდა, ამ უცხო ადამიანმა საიდან იცის, სად ვიყავი და სად არა-მეთქი.

– თქვენ იქ ვაჭრობდით? – მკვირცხლად შემეგითხა გუდი.

– ჟო, საქონლით დატვირთული ფურგონი წავიყვანე, ბამანგვატოში გავჩერდი და სანამ ყველაფერი არ მივყიდ-მოვყიდე, ფეხი არ მოვიცვალე.

სერ ჰენრი ჩემ პირდაპირ მოწნულ სავარძელში იჯდა, იდაყვებით მაგიდას დაყრდნობოდა, თვალჩაციებით მიცქერდა და რაღაც უცნაურად აღელვებული ჩანდა.

– შემთხვევით ხომ არ შეხვედრიხართ იქ ვინმე ნევილს? – მკითხა მან.

– როგორ არა, ნევილმა თავისი ფურგონი სწორედ ჩემი ფურგონის გვერდით დააყენა. ორიოდე კვირა დაცყო იქ. უნდოდა ხარები დაესვენებინა და ისევ განეგრძო გზა. ამ რამდენიმე თვის წინათ ვიღაც ვექილის წერილიც მივიღე, მთხოვდა, თუ იციო, მაცნობეთ, ნევილი საით გაემგზავრაო; მეც დაუყოვნებლივ მივწერე, რაც ვიცოდი.

– დიახ, – მითხრა სერ ჰენრიმ, – იმ ვექილმა გადმომიგზავნა თქვენი წერილი, სადაც ატყობინებდით, ჯენტლმენი, გვარად ნევილი, მაისის პირველ რიცხვებში ბამანგვატოდან ფურგონით გაემგზავრა, თან კაფრი მონადირე ჯიმი ახლდაო. ნევილს უნდოდა, აინაიტამდე, მატაბელეს სულ ბოლო დასახლებამდე მისულიყო, იქ ფურგონი გაეყიდა და გზა ფეხით განეგრძოო. იწერებოდით აგრეთვე, ნევილს მართლაც გაუყიდია თავისი ფურგონი, რადგან ექვსი თვის შემდეგ მას ერთი პორტუგალიელი გაჭარი დაატარებდაო. პორტუგალიელს ფურგონი აინაიტში თეთრგანიანისაგან ეყიდა. იმ კაცის სახელი აღარ ასეოვდა, მაგრამ დაბეჯითებით ამბობდა, ისა და მისი შავგანიანი გამყოლი სანადიროდ აფრიკის შუაგულისკენ წავიდნენ.

– სრული სიმართლეა, – დაგუდასტურე მე.

ერთხანს სამივენი ჩუმად ვისხედით.

– მისტერ ქუოტერმენ, – მოულოდნელად მითხრა სერ ჰენრიმ – თქვენ, რასაკვირველია, არ იცით და ვერც ხვდებით, რამ აიძულა ჩემი... პმ, დიახ... მისტერ ნევილი ჩრდილოეთისკენ დასდგომლა გზას.

– როგორ არა, ცოტა რაღაც ვიცი, – მივუგე და გავჩუმდი, არ მინდოდა ამ საკითხებე ლაპარაკი.

სერ ჰენრიმ და გუდმა ერთმანეთს გადახედეს, კაპიტანმა მრავალმნიშვნელოვნად დააქნია თავი.

– მისტერ ქუოტერმენ, – განაგრძო სერ ჰენრიმ, – მინდა რაღაც გაგანდოთ და რჩევა გაითხოთ, ადვილი შესაძლებელია, თქვენი დახმარებაც დამჭირდეს. ჩემმა ვექილმა თქვენი წერილი გადმომცა და მითხრა: შეგიძლიათ მისტერ ქუოტერმენს სავსებით ენდოთ, მას ნატალში კარგად იცნობენ, საერთო პატივისცემით სარგებლობს, თანაც ისეთი კაცია, რომ საიდუმლოს არასოდეს გასცემს.

მე დარცხვენით დაგუკარი თავი და, უხერხულობა რომ დამეფარა, გაზავებული ვისკი ოდნავ მოვსვი.

– მისტერ ქუოტერმენ, ახლა აღარაფერს დაგიმალავთ, მისტერ ნევილი ჩემი მმაა.

– ოჲ, – წამოვიძახე მე და უცებ გამახსენდა, ვის მაგონებდა სერ ჰენრი კურტისი. მისტერ ნევილი უფრო ტანმორჩილი იყო, წვერიც შავი პქონდა, მაგრამ მმები თვალებით და სახის მოყვანილობით ძალიან წააგავდნენ ერთმანეთს.

– მისტერ ნევილი ჩემი ერთადერთი ძმაა, – განაგრძო სერ ჰენრიმ, – რაც თავი მახსოვს, უერთმანეთოდ დღეც არ გაგვიტარებია. ამ ხუთიოდე წლის წინათ კი დიდი უბედურება დაგვატყდა თავს: სამკვდრო-სასიცოცხლოდ ვიჩუბეთ (ეს ხშირად ემართებათ ხოლმე ძალიან დაახლოებულ ადამიანებს) და მე მას საქმაოდ ცუდად მოვექცი.

აქ კაპიტანმა გუდმა, თითქოს ამ სიტყვების დადასტურება სურსო, ენერგიულად დააქნია თავი. ამ დროს ჩემი გერი კარგა მაგრად დაფერდდა, კედლის დიდი სარკე ზედ ჩემს თავზე მოექცა და სარკეში გამოჩნდა კაპიტანი, რომელიც გამალებით აკანტურებდა თავს.

– უთურდ მოგეხსენებათ, – განაგრძო სერ ჰენრიმ, – რომ დიდი ბრიტანეთის კანონების მიხედვით, თუ კაცი მოკვდა ისე, რომ ანდერბის დატოვება ვერ მოასწრო, და თუ მას არ გააჩნდა სხვა ქონება, გარდა მიწისა, რომელსაც ჩვენში უძრავ საკუთრებას ეძახიან, უველაფერი მისი უფროსი შეილის ხელში გადადის. სამწუხაოდ, მამაჩვენი სწორედ მაშინ გარდაიცვალა, როდესაც მე და ჩემი ძმა ერთმანეთს ვემდუროდით. კანონის მიხედვით, მთელი ადგილ-მამულის მფლობელი მე შევიქენი, ჩემი ძმა კი ულუკმაპუროდ დარჩა, რადგან არც ფული გააჩნდა და არც რაიმე პროფესია პქონდა. რასაკვირველია, ვალდებული ვიყავი მიმეცა მისთვის წილი, მაგრამ ამ დროისთვის ჩვენს შორის მდგომარეობა იმდენად გამწვავდა (ამ სიტყვებს დრმა ოხვრა მოჟყვა), რომ საამისოდ თავი აღარ შევიწუხე. არ იფიქროთ, თითქოს მსურდა უსამართლოდ მოვპყრობოდი, მაგრამ სულ ველოდი, გაუჭირდება და პირველად თვითონ შემირიგდება-მეთქი. მაპატიეთ, ასეთ წვრილმანებზე რომ გელაპარაკებით, მაგრამ თქვენთვის ამთავითვე ყველაფერი ნათელი უნდა იყოს. ხომ ასეა, გუდ?

– რასაკვირველია, – მიუგო კაპიტანმა, – დარწმუნებული ვარ, მისტერ ქუოტერმენი არ გაგოქვამთ.

– ეგ თავისთავად იგულისხმება, – ვუპასუხე მე. – უნდა გითხრათ, ძალიან ვამაყობ იმით, რომ საიდუმლოს შენახვა მესერსხება.

— პოდა, — განაგრძო სერ პეტრიმ, — იმ დროისათვის ჩემს ძმას ბანგში რამდენიმე ასეული გირვანქა სტერლინგი პქონდა, ეს უმნიშვნელო თანხა ისე გამოიტანა, ჩემთვის არაფერი უთქვამს, გვარი გადაიკეთა და გიშური ოცნებით, რომ სიმდიდრეს მოიხვეჭდა, სამხრეთ აფრიკისკენ გაემგზავრა. უველაფერი ეს შემდგომ შევიტყვე. სამიოდე წელმა განვლო, მე კი მასზე არაფერი მსმენია, წერილებს ვწერდი, მაგრამ, ცხადია, არ დებულობდა. რაც დრო გადიოდა, მით უფრო ვწუხდი. მაშინდა მივხვდი, მისტერ ქურტერმენ, რას ნიშნავს საქუთარი სისხლი და ხორცი.

— მართალს ბრძანებთ, — მივუგე მე და ოვალწინ ჩემი პარი დამიდგა.

— ჩემი ქონების ნახევარს მივცემდი, ვინც მეტყვის, ჯორჯი ცოცხალია და კარგად არისო. ღმერთო ჩემო, ნუთუ ადარასოდეს შევხვდებით ერთმანეთს?

— მე მგონია, დიდი იმედი არ უნდა იქონიოთ, კურტის, — ნაწყვეტ-ნაწყვეტად თქვა კაპიტანმა და სერ პეტრის გადახედა.

— დიახ, მისტერ ქურტერმენ, წლები გადიოდა, მე კი სულ უფრო და უფრო მტანჯავდა ფიქრი იმაზე, ცოცხალი იყო თუ არა ჯორჯი და თუ ცოცხალი იყო, როგორ დამებრუნებინა შინ. დავიწყე ძებნა, მალე თქვენი წერილიც მივიღე, შევიტყვე, რომ არც თუ ისე დიდი ხნის წინათ კარგად ყოფილა და ცოტა დაგმშვიდი, მაგრამ დღემდე მასზე სხვა ვერაფერი შევიტყვე. ბოლოს და ბოლოს, გადავწყვიტე, ჩამოვსულიყავი და უველაფერი ადგილზე გამერკვია, კაპიტანმა გუდმა კი იმდენი სიკეთე გამოიჩინა, რომ თან წამომყვა.

— მოგეხსენებათ, სხვა საქმე მაინც არაფერი მაქვს, — თქვა კაპიტანმა გუდმა, — საადმირალოს ლორდებმა ფლორტიდან ნახევარ ხელფასზე გამომაგდეს, რომ შიმშილით სული ამომძრომოდა, ახლა კი, სერ, იქნებ დაწვრილებით გვითხრათ, რა იცით, ან რა გაგიგონიათ მისტერ ნევილზე?

## თ ა ვ ი  I I

ლ ა ბ ა ნ ლ ა ს ო ლ ო მ თ ნ მ ე ფ ი ს  
ს ა ბ ა დ თ ე ბ ზ ე

ჩიბუხს თამბაქოთი ვტენიდი და პასუხი კარგა ხანს დავაყოვნე.

— გითხრათ თუ არა ჩემმა ძმამ მაშინ, სად მიდიოდა, ან რას აპირებდა? — მოუთმენლად მკითხა სერ პეტრიმ.

— მითხრა, მაგრამ დღემდე ამაზე სიტყვა არავისთან დამცდენია. მისტერ ნევილი მეუბნებოდა, სოლომონ მეფის საბადოებისკენ უნდა წავიდეო.

— სოლომონ მეფის საბადოებისკენ? მერე და, საით არის ეგ საბადოები? — ერთბაშად წამოიყვირა ორივემ.

— რა მოგახსენოთ, მეც გადმოცემით ვიცი. მართალია, დიდი ხნის წინათ დამანახეს მთის მწვერვალები, რომლის იქითაც თითქოს ის საბადოები მდებარეობს, მაგრამ იმ მთებამდე, მთელ ას ოცდაათ მილზე გადაჭიმული იყო უდაბნო. რამდენადაც ვიცი, თეორკანიანთა შორის მხოლოდ ერთმა შეძლო მისი გადალახვა. მაგრამ იქნებ სჯობდეს გაგაცნოთ ლეგენდა სოლომონ მეფის საბადოებზე? ოდონდ სიტყვა მომეცით, რომ უჩემოდ არსად არაფერს იტყვით. თანახმა ბრძანდებით? მე სერიოზული საფუძველი მაქვს, მოგმართოთ ასეთი თხოვნით.

— რასაკეირგელია, რასაკეირგელია! — წამოიძახა კაპიტანმა გუდმა, სერ პეტრიმ კი მხოლოდ თავი დააქნია.

— ალბათ მოგეხსენებათ, — დავიწყე მე, — რომ სპილოზე მონადირენი უხეში, ტლანქი ადამიანები არიან და, გარდა ყველადდიური წვრილმანებისა,

ცხოვრებაში არაფერი აინტერესებთ. თუმცა ზოგჯერ მათ შორისაც შეხვდებით ორიოდე კაცს, რომლებიც დიდი გულმოდგინებით კრებენ ადგილობრივ მკვიდრთა შორის გადმოცემებსა და ლეგენდებს და ცდილობენ ოდნავ მაინც ახადონ ფარდა ამ საიდუმლოებით მოცული ქვეყნის ისტორიას. პირველად სწორედ ასეთი ადამიანისაგან გავიგე ლეგენდა სოლომონ მეფის საბადოებზე. მას შემდეგ აგერ ოცდაათი წელიწადი გავიდა. მაშინ საილოებზე ნადირობა ის-ის იქ დავიწყე და საამისოდ მატაბელეს მხარე ავირჩიე. იმ კაცის გვარი ივენსი იქ. საბრალო მომდევნო წელიწადს დაიღუპა – დაჭრილმა კამებმა იმსხვერპლა. ზამძეზის ჩანჩქერთან დაასაფლავეს. მახსოვს, ერთ საღამოს ვუთხარი, ანტილოპებზე ნადირობისას საოცარ საბადოს წავაწყდი-მეთქი, ის ადგილი ახლა ტრანსვალის ლიდენბურგის რაიონს ეკუთვნის. ახლახან მითხრეს, ოქროსმაძიებლებმა იქ საბადო აღმოაჩინესო, მაგრამ მე დიდი ხნის წინათ ვიცოდი მისი არსებობა. იქ პიტალო კლდეში გაჭრილია ფართო გზა, რომელიც საბადოს შესასვლელში, ანუ ტალანში ჩადის. ამ ტალანში გროვა-გროვა ყრია ოქროვანი კვარცი, ჩანს, იგი დასამსხვრევად იქ გამზადებული. ყველაფერზე ეტყობა, რომ მუშები, ვინც არ უნდა ყოფილიყვნენ ისინი, იძულებულნი გამხდარან სასწრაფოდ მიეტოვებინათ იქაურობა. შესასვლელიდან ოციოდე ნაბიჯის დაშორებით, სიღრმეში ოსტატურად მოპირკეთებული ფართო ტალანი მიემართება.

– მართლა? – წამოიძახა ივენსმა, – მე კი უფრო გასაოცარ ამბავს გეტყვი. ერთხელ აფრიკის შუაგულში თავს წაგადექი ქალაქის ნანგრევებს. ჩემი აზრით, ეს იქ ოფორი, დაბადებაში რომ არის მოხსენებული. – სხვათა შორის, კარგა ხნის შემდეგ სხვა, უფრო გამოცდილმა და განათლებულმა მკვლევარებმა დაადასტურეს ივენსის ეს მოსახრება.

მახსოვს, მოჯადოებულივით ვისმენდი და ხარბად ვიჰერდი მის ყოველ სიტყვას. მხიბლავდა თხრობა უძველეს ცივილიზაციაზე და იმ განძეულზე, იუდეველ და ფინიკიელ ავანტიურისტებს აფრიკიდან რომ გაჰქონდათ, როცა ქვეყანა კვლავ ბარბაროსულ მდგომარეობას დაუბრუნდა.

– გაგიგონიათ რამე სულეიმანის მთებზე? – მკითხა უეცრად ივენსმა, – ეს მთები მაშუალუმბვეს ჩრდილო-დასავლეთით მდებარეობს.

მე ვუპასუხე, არაფერი გამიგია-მეთქი.

– ჰოდა, სოლომონ მეფის საბადოები სწორედ იმ მთების გადაღმა არის. მე, რასაკვირველია, ალმასის საბადოებს ვგულისხმობ.

– საიდან იციო? – შევევოთხე.

– როგორ თუ საიდან? განა სულეიმანი დამახინჯებული „სოლომონი“ არ არის? გარდა ამისა, მონიკას მიწაზე ერთმა მოხუცმა იზანუზიმ მითხრა, იმ მთების იქით მცხოვრები ხალხი ზულუსების ტომის შთამომავალია, მათ კილოკავზე ლაპარაკობენ, მაგრამ უფრო ტანმაღალნი და ლამაზები არიანო. წინათ თურმე მათ შორის გრძნეულებიც ყოფილან, გრძნეულებს მისნობა თეთრკანიანებისაგან ჯერ კიდევ მაშინ შეუთვისებიათ, „როცა მთელი სამყარო ბნელით მოცული ყოფილა“. მაშინ თურმე იცოდნენ, სად იქ ის საბადოები, ბრჭყვიალა ქვებს რომ პოულობდნენ.

მართალი რომ მოგახსენოთ, ივენსის ნაამბობი მაშინ სასაცილოდ მეზვენა, თუმცა დამაინტერესა კია, რადგან ალმასის ქვიშრობი იმ დროს ჯერ კიდევ არ იქ აღმოჩენილი. საბრალო ივენსი მაღლე იმ ადგილებიდან გამოემგზავრა და დაიღუპა კიდეც. მთელი ოცი წლის განმავლობაში ერთხელაც არ გამსხვენებია მაშინდელი ჩემი საუბარი. მაგრამ სწორედ ოცი წლის შემდეგ – ეს კი სამკაოდ დიდი დროა, რადგან სპილოებზე ნადირობა მეტად საშიში ხელობაა და მონადირეთა შორის იშვიათად თუ ვინმე ცოცხლობს ამდენ ხანს – ბევრი რამ შევიტყვე სულეიმანის მთებსა და მათ გადაღმა მხარეზე. იმხანად მონიკას მიწის

იქით, კრაალ სიტანდში ვცხოვრობდი. უნდა მოგახსენოთ, მეტად საზიზდარი ადგილია, საჭმელი არაფერია და ორც ცხოველი ან ფრინველია სადმე, რომ კაცმა ცოტა მაინც წაინადიროს. ციებ-ცხელებამ შემომიტია და თავს საძაგლად ვგრძნობდი. სწორედ ამ დროს კრაალში ერთი პორტუგალიელი მოვიდა. მას მეტისი მსახური ახლდა. უნდა გითხრათ, პორტუგალიელებს კარგად ვიცხობ, რადგან ხშირად შევხვედრივარ დელაგოაში. დედამიწის ზურგზე არ მოიპოვება მათზე უფრო გერაგი და მზაქვარი ხალხი. ყველამ იცის, რომ ისინი თავიანთი მონების სისხლითა და ტანჯვა-წამებით მდიდრდებიან. მაგრამ ეს ადამიანი არაფრით არ ჰგავდა თავის თანამემამულეებს და უფრო ზრდილობიან ესპანელს მოგაგონებდათ – ისეთ ესპანელს, წიგნებში გმირებად რომ გამოკყავთ ხოლმე. ეს იყო მაღალ-მაღალი, გამხდარი კაცი, კეთილი, შავი თვალები და ხუჭუჭი, ჭაღარა ულვაში ჰქონდა.

ჩვენ ერთხანს ვიმუსაიფეთ, მან დამტვრეული ინგლისური იცოდა, მე კი ცოტ-ცოტა პორტუგალიური მახსოვდა. გამეცხო, ხოზე სილვესტრი გახლავარ, დელაგოას უურესთან საკუთარი მიწის ნაკვეთი მაქვსო. გამოთხოვებისას ძველებურ ყაიდაზე კოხტად მომიხადა ქუდი და მითხრა:

– ნახვამდის, სენიორ, თუკი ოდესებ ამქვეყნად ისევ შევხვდით ერთმანეთს, იცოდეთ, მაშინ უმდიდრესი ადამიანი ვიქნები და ოქვენც არ დაგივიწყებთ.

ამ სიტყვებმა ცოტა გამამხიარულა, თუმცა ძალზე მისუსტებული ვიყავი და სიცილის თავი არ მქონდა. დავინახე, რომ სილვესტრი დასავლეთისაკენ გაემართა და გეზი დიდი უდაბნოსკენ აიღო. ნეტავ რას ეძებს, რა დარჩენია იქ, ჭავაზე აფრაკად ხომ არ არის-მეთქი? – გავიფიქრე მაშინ.

გავიდა ერთი კვირა, ნელ-ნელა გამოვჯანსაღდი. ერთ საღამოს პატარა კარვის წინ ვიჯექი (ამ კარავს ყველგან თან დავატარებდი) და საცოდავი, გაძვალტყავებული ჩიტის ფეხს ვღრღნიდი. ეს ჩიტი ერთ ზანგს გავუცვალე ქსოვილში, რომელშიც, სულ უკანასკნელი, ოცი ასეთი ჩიტი მაინც მეკუთვნოდა.

ფიქრმორეული გავცექრიდი წითლად გავარგარებულ მზეს, უკიდევანო უდაბნოში რომ იძირებოდა. უეცრად სამასიოდე იარდის დაშორებით, ბორცვზე ვიდაც კაცს მოვკარი თვალი. ტანსაცმელზე ეტყობოდა, ევროპელი უნდა ყოფილიყო. ჯერ მოფორთხავდა, შემდეგ წამოღგა, ტორტმანით გაიარა რამდენიმე იარდი, მერე დაეცა და ისევ წამოფორთხდა. მივხვდი, საქმე კარგად არ იყო და დასახმარებლად ერთ-ერთი ჩემი მონადირე გავაგზავნე. იგი მალე დაბრუნდა და, როგორ გგონიათ, ვინ მოიყვანა?

– რასაკვირველია, ხოზე სილვესტრი იქნებოდა, – წამოიძახა კაპიტანმა გუდმა.

– დიახ, ხოზე სილვესტრი გახლდათ, უფრო სწორად რომ ვთქვათ, კანგადაკრული მისი ჩონჩხი. ციებ-ცხელებისაგან სახე ბაიასავით გახდომოდა, სიგამხდრით თვალები ლამის ბუდიდან გადმოცვენოდა, ყვითელ კანქეშ, რომელიც პერგამენტს უფრო წააგავდა, საცოდავად ამოჩროდა ძვლები, თმა კი ერთიანად გაჭადარავებოდა.

– წყალი, ლვთის გულისათვის, წყალი! – ამოიკვნესა მან. დამსკდარახეთქილი ტუჩები ძლიგს აამოძრავა და ჩაშავებული ენა გამოუწნდა.

მე რძეგარეული წყალი მივაწოდე. ერთბაშად უზარმაზარი ყლუპებით დასცალა ორი კვარტი. მეტის მიცემა შემეშინდა. ცოტა ხნის შემდეგ ციებ-ცხელებამ შემოუტია, დაეცა და ბოდვა დაიწყო. რას არ ახსენებდა: სულეიმანის მთებს, ალმასებს, უდაბნოს... საბრალო კაცი კარავში შევიყვანე და ვცდილობდი, რამდენადც შემეძლო, ტანჯვა შემემსუბუქებინა. რასაკვირველია, ბევრი არაფერი შემეძლო. ჩემთვის ცხადი იყო, რით დამთავრდებოდა ყველაფერი ეს.

ასე, თერთმეტი საათისოთვის ავადმყოფი ოდნავ დამშვიდდა, მეც დავწექი, ვიფიქრე, ცოტა დავისვენებ-მეთქი, მაგრამ ჩამინებოდა. ალიონზე გამომედვიძა,

ბინდბუნდში ჩემს სტუმარს მოვკარი თვალი. გამხდარ-დალული, ქვეშაგებზე წამომჯდარიყო და უდაბნოს გასცემოდა. უეცრად მზის პირველმა სხივმა ჩვენს წინ გადაშლილი ფართო ველი გაანათა, მერე ჩვენგან ასეული მილით დაშორებული სულეიმანის მოების ყველაზე მაღალი მწვერვალი მოძებნა და ზედ გასრიალდა.

— აჲა, აი, ისიც! — წამოიძახა მომაკვდაცმა პორტუგალიურად და გრძელი, ძვალტყავად ქცეული ხელი გაიწვდინა, — მაგრამ მე ვერასოდეს, ვერასოდეს ველარ მივაღწევ იქმდე, ვერც სხვა ვინმე მივა, ვერა! — უეცრად დადუმდა, თითქოს რაღაც უნდა მოიფიქროსო. — მეგობარო, — მითხრა მერე და ჩემკენ შემობრუნდა, — აქა ხართ? თვალთ დამიბნელდა, ველარაფერს ვხედავ.

— ნუ გეშინიათ, ოქვენ გვერდითა ვარ, — ვუთხარი. — ახლა დაწეჭით და დაისვენეთ.

— დასასვენებლად დრო მერეც მეყოფა, — მომიგო საბრალომ, — მალე, სულ მალე სამუდამოდ დავისვენებ... ვავდები... ოქვენ ადამიანურად მომეპყარით. მინდა გადმოგცეთ ერთი დოკუმენტი. იქნებ თქვენ მაინც გაგიღიმოთ ბედმა და მიხვიდეთ იქამდე, თუ გაუქლებოთ უდაბნოში მგზავრობას. უდაბნომ, უდაბნომ დამდუა მეცა და საბრალო ჩემი მსახურიც.

თქვა ეს, უბეში ხელი ჩაიყო და ამოიღო რაღაც ნივთი, რომელიც ანტილოპას ტყავისაგან გაკეთებულ თამბაქოს ქისას მივამსგავსე — ისეთ ქისას, ბურებს რომ აქვთ ხოლმე. იგი მაგრად იყო შეკრული ტყავის თასმით, რომელსაც ჩვენ „რიმპის“ ვებახით. მომაკვდავი შეეცადა თასმა გაეხსნა, მაგრამ ძალა არ ეყო. მაშინ ის ნივთი მე გამომიწოდა და მოხოვა, გამისხენიო. უმალ შევაგებე ხელი, გავხესენი და დაფლეთილი, გაყვითლებული ტილოს ნაჭერი ამოვიღე; ტილოზე ჟანგისფერი ასოებით რაღაც ეწერა, შიგ კი ქაღალდი იყო გახვეული.

ხოზე სილვესტრს ძალამ უმტკუნა, იგი ოდნავდა ჩურჩულებდა:

— მაგ ქაღალდზე ის წერია, რაც ტილოზე იყო დაწერილი, ამ ამბების გარკვევასა და დაზუსტებას მრავალი წელი მოვანდომე. მისმინეთ! ჩემი წინაპარი, ლისაბორნელი პოლიტიკური ემიგრანტი, ერთ-ერთი პირველთაგანი გადმოვიდა ამ ნაპირზე თავის თანამემამულებელთან ერთად. ეს დოკუმენტი კი დაწერა სიკვდილის წინ, აი, იმ მოებში, სადაც არც მანამდე, არც შემდეგ თეთრკანიანს ფეხი არ დაუდგამს. ეს ჩემი წინაპარი ხოზე და სილვესტრა იყო და ზუსტად სამასი წლით წინათ ცხოვრობდა. მონას, რომელიც მთების გადმოღმა ელოდა, ეპოგნა მისი გამამი და ეს წერილი შინაურებისათვის მოეგბანა. წერილი ოჯახში ინახებოდა, მაგრამ მისი წაკითხვა არასოდეს არავის უცდია, ვიდრე ბოლოს მე არ დავინტერესდი. ამან შეიწირა ჩემი სიცოცხლე, ახლა შეიძლება ვინმე სხვას გამოადგეს და უძინდორესი კაცი გახადოს. ოღონდ ამ ქაღალდს ხელში ნურვის ჩაუგდებთ. თქვენ თვითონ სცადეთ ბედი.

ამის შემდეგ კვლავ ბოდვა დააწევებინა და ერთ საათში გათავდა კიდეც-დმერთმა სასუფეველი დაუმკვიდროს მის სულს! მშვიდად მოკვდა. რაც შემეძლო, დრმად გავუთხარე სამარე და ზედ დიდი ქვები დაგაწყვევა, იმედი მაქვს, ტურები მის გვამს ვერ ამოთხოიდნენ. მერე კი იმ კრაალიდან მეც წამოვედი.

— იმ დოკუმენტს რა ბედი ეწია? — მკითხა სერ პენრიმ, რომელიც დიდი გულისყურით მისმენდა.

— დიახ, დიახ, რა ეწერა იმ დოკუმენტში? — დაუმატა კაპიტანმა გუდმაც.

— კარგით, ბატონებო, რაკი გაინტერესებთ, ამასაც გეტყვით. ეს საიდუმლო ჯერ არავისთვის გამიმხელია, დვინით გამტყვრალ ბებერ პორტუგალიელ ვაჭარს კი, რომელმაც მაშინ ის დოკუმენტი მითარგმნა, მეორე დღესვე აღარ ასხოვდა მისი შინაპარი. ის ტილო, საბრალო დონ ხოზეს თარგმანთან ერთად, დურბანში მაქვს. მაგრამ უბის წიგნაძში მაშინვე ჩავიწერე ინგლისური თარგმანი, რუსაც

გადავისატე, თუკი შეიძლება მას, საერთოდ, რუკა უწოდოს კაცმა. აი, ის ჩანაწერიც, მაშ მისმინეთ:

„მე, ხოზე და სილვესტრა, შიმშილისაგან დონების დილი გავდები პატარა მდგომეში, სამხრეთით მდებარე თოვლიანი მთის მწვერვალზე, უფრო სწორად, მის ჩრდილო კალთაზე. ეს არის ერთ-ერთი მთა, იმ ორს შორის, რომელთაც მე დედოფალ საბიას მკერდი ვუწოდე. ამას ვწერ საკუთარი სისხლით, 590 წელს, ჩემი ტანსაცმლის ნაფლეთზე. კალმად ძვლის ნატეხს ვხმარობ. თუ ჩემმა მონამ აქ ამოაღწია, ეს წერილი იაპვა და დელაგოას მოიტანა, ჩემმა მეგობარმა (სახელი გაურკვეველია) აცნობოს მეფეს, რაც აქ წერია, რათა მან ლაშქარი გამოგზავნოს. თუ ლაშქარი მოახერხებს უდაბნოსა და მთების გადალახვას, დაამარცხებს მხენა კუკუანელებსა და მათ წყეულ ჯადოს გასტეხს, რისთვისაც თან მდგდელმსახური უნდა იახლონ, მაშინ ჩვენი მეფე სოლომონის შემდეგ ამქვეყნად უმდიდრესი გვირგვინოსანი შეიქნება.

მე საკუთარი თვალით ვნახე აურაცხელი ალმასი და ძვირფასი თვლები სოლომონის საგანძურში, „თეთრი სიკვდილის“ უკან, მაგრამ მისნებზე მონადირე გაგულას მუხანათობის გამო, ბეჭვზე გადაგურჩი სიკვდილს და ვერაფერი წამოვიდე. ის, ვინც წამოსვლას დააპირებს, დაადგეს რუკაზე აღნიშნულ გზას, აჟყვეს თოვლს დედოფალ საბიას მარცხენა ძუძუზე, ვიდრე მწვერვალს არ მიაღწევს... მწვერვალის ჩრდილოეთით იწევბა სოლომონ მეფის დიდი გზა, აქედან კი კუკუანელთა სამეფო სამი დღის სავალზეა. გაგულა უნდა მოკლათ. ილოცეთ ჩემი სულისათვის. მშვიდობით. ხოზე და სილვესტრა".

როცა კითხვა დავასრულე და ჩემს მსმენელებს პორტუგალიელის უღონო ხელითა და მისივე საკუთარი სისხლით დახატული რუკის ასლი დავანახე, კაიუტაში სიჩუმემ დაისადგურა.

კურტისი და კაპიტანი გუდი გაოგნებულები შემომცეკეროდნენ.

— დიახ, — დაარღვია ბოლოს დუმილი კაპიტანმა გუდმა, — მე ორჯერ შემოვუარე დედამიწას და თითქმის უკელა კუთხე მოვლილი მაქს, მაგრამ მიწა გამისკედეს, თუ ამგვარი რამ ოდესმე გამეგონოს, ან სადმე წამეგითხოს.

— დიახ, მეტად უცნაური ამბავია, მისტერ ქუოტერმენ, — თქვა თავის მხრივ სერ ჰენრიმ, — იმედი უნდა ვიქონიოთ, აბუჩად არ გვიგდებთ. გამიგია, ახალბედებთან ასეთი რამ დასაშვებიარ.

— თუ ასე ფიქრობთ, ჯობია ახლავე დავანებოთ ყველაფერს თავი, — ვუთხარი ძალზე გაბრაზებულმა, ქალალდი ჯიბეში ჩავიდე და წამოვდექი. — არ მიუვარს, როცა მაკუთვნებებს იმ ვინიდარათა რიცხვს, რომელთაც მახვილგონიერებად მიაჩნიათ ტყუილების ცხობა და ჩამოსულთა წინაშე გამუდმებული ტრაბახი, ნადირობისას ესა და ეს შემემთხვაო.

სერ ჰენრი შეეცადა დავემშვიდებინე და თავისი დიდი ხელი მხარზე დამადო.

— დაბრძანდით, დაბრძანდით, მისტერ ქუოტერმენ, — თქვა მან, — მაპატიეთ, ვიცი, გულშიც არ გაგივლიათ ჩვენი მოტყუება, მაგრამ თქვენი ნაამბობი იმდენად არაზეულებრივი იყო, რომ ძალაუნებურად ეჭვი შემეპარა.

— დურბანში რომ ჩავალო, ნამდვილ რუკას და დოკუმენტს გიჩვენებო, — ვუთხარი რამდენადმე დამშვიდებულმა, რადგან, ცოტა რომ დავფიქრდი, მივხვდი, სერ ჰენრი სავსებით მართალი იყო. — თქვენს მაზე ჯერ არაფერი მითქვამს. მე ვიცნობდი ჯიმს, მის მსახურს. ძალიან ჭკვიანი და კარგი მონადირე იყო. სწორედ იმ დილით, როცა მისტერ ნევილი გასამგზავრებლად ემზადებოდა, ჯიმი ჩემს ფურგონთან იდგა და ჩიბუხისოფის თამბაქოს ჭრიდა.

— ჯიმ, სპილოებზე სანადიროდ ხომ არ მიდიხართ? — ვკითხე.

— არა, ბაას, სპილოს ძვლები რაა, ჩვენ უფრო ძვირფასი რამ გვაინტერესებს.

– უფრო ძვირფასიო? მაშ თქმოს საძებნელად მიღიხართ?

– არა, არა, ბაას, ის, რასაც ჩვენ ვეძებთ, თქმოზე ძვირფასია, – ჩაიცინა ჯიმბა.

ადარაფერი ვკითხე, რომ ზედმეტ ცნობისმოყვარეობას მის თვალში არ დავემცირებინე, მაგრამ, მართალი გითხრათ, ძალიან დავინტერესდი.

– ბაას, – მითხრა უეცრად ჯიმბა და თამბაქოს დაჭრას თავი მიანება.

მე წავიყრუე, ვითომც არ გამიგონია.

– ბაას, – განმეორებით მომმართა მან.

– ჰმ, რა გინდა, მეგობარო?

– ბაას, ჩვენ ალმასების საძებრად მივდივართ.

– ალმასების საძებრად? მაშ, სწორ გზას არ ადგახართ, ქვიშრობისკენ უნდა წასულიყავით.

– ბაას, არ გაგიგია რამე სულეიმანის მთებზე?

– ჰო.

– არ გაგიგია, იქ ალმასები არისო?

– ჰო, რაღაც მაგის მსგავსს ხშირად ჩმახავენ, ჯიმ.

ეს მოჩმახული ამბავი არ არის, ბაას, მე ვიცნობდი ერთ ქალს, იქიდან გამოქცეულიყო და თავის პატარა ვაჟთან ერთად ნატალამდე მოეღწია. უველავერი თავისი პირით მიამბო. ახლა ის ქალი უკვე მკვდარია.

– შენი ბატონი მტაცებელი ფრინველების ლუკმა გახდება, ჯიმ, თუ ამ უგუნურ განზრახვაზე ხელი არ აიღო. არც უნდა დაგადგება კარგი დღე, თუმცა ეგ შენი გადამდრმვალი, გამხდარ-გაფშეკილი ჩონჩხი ვის რა ხეირს დააყრის.

– მართალი ხარ, ბაას, – ჩაიცინა ჯიმბა, – მაგრამ ადამიანი ბოლოს და ბოლოს მაინც უნდა მოკვდეს, მე კი ძალიან მინდა ბედი ვცადო. ამასთან, აქ მალე სპილოებს სულ ამოწყვეტებ.

– კარგი, კარგი, მოიცადე, ვიდრე ყვიციანი ანგელოზი არ გწვდება მაგ ჩაყვითლებულ უელში, მერე ნახე, რა სიმღერებს დაამდერებ, – ვუთხარი მე.

ნახევარი საათის შემდეგ ნევილის ფურგონი გზას დაადგა. უეცრად ჯიმი შემობრუნდა და ჩემქენ გამოიქცა.

– მისმინე, ბაას, მინდა დაგემშვიდობო, შენ მართალი ხარ, ჩვენ ვეღარასეოდეს დავბრუნდებით.

– ჯიმ, შენი ბატონი მართლა სულეიმანის მთებისკენ აპირებს წასვლას თუ წელან ტყეილი მითხარი?

– ტყეილს რად გეტყოდი? ჩემმა ბატონმა თქვა, რადაც არ უნდა დამიჯდეს, უნდა გავმდიდრდეო; პოდა, ალმასები სამისოდ არ გამოდგება?

– ერთი წუთი დამიცადე, ჯიმ, შენს ბატონთან წერილს გაგატან, მაგრამ პირობა უნდა მომცე, რომ ამ წერილს მხოლოდ აინაიტში გადასცემ (აინაიტი ჩვენგან ასიოდე მილით იყო დაშორებული).

– კეთილი, ბაას, – მიპასუხა ჯიმბა.

მე ქადალდის ნაგლეჯი ავიღე და ზედ დავწერე: „ის, ვინც იქ წასვლას დააპირებს, დაადგეს რუკაზე აღნიშნულ გზას, აქვეეს თოვლს დედოფალ საბიას მარცხენა ძუძუზე, ვიდრე მწვერვალს არ მიაღწევს. მწვერვალის ჩრდილოეთით იწყება სოლომონ მეფის დიდი გზა“.

– მაშ, ასე, ჯიმ, ეს წერილი შენს ბატონს გადაეცი და უთხარი, ზუსტად მიპყვეს იმ გზას. ქადალდი ახლა არ მისცე, თორემ მობრუნდება და შეკითხვებით ამომახრჩობს, მე კი პასუხის თავი არა მაქვს. ახლა კი გასწი, ზარმაცო, ხედავ, თქმენი ფურგონი აღარც კი ჩანს.

ჯიმბა წერილს ხელი დაავლო და ფურგონს უკან გამოუდგა. ამის შემდეგ მისტერ ნევილზე აღარაფერი გამიგია, სერ, მაგრამ ძალიან ვშიშობ, რომ...

— მისტერ ქუოტერმენ, — გამაწყვეტინა სიტყვა სერ პენრიმ, — მე მივყვები იმ გზას სულეიმანის მთებამდე და, თუ საჭირო იქნა, უფრო შორსაც წავალ. არ მოვისვენებ, სანამ არ ვიპოვი ჯორჯს, ან სანამ არ გავიგებ, რომ ნამდვილად დაიღუპა. ხომ არ წამოხვალო ჩემთან ერთად?

მგონი უკვე მოგახსეხეთ, ძალზე ფრთხილი, ჩუმი და მოკრძალებული კაცი ვარ-მეთქი, ამიტომ იყო, რომ ამ წინადაღებამ ძალზე გამაოცა და შემაშფოთა კიდევ. ეს ხომ უეჭველ სიკვდილს ნიშნავდა! გარდა ამისა, სხვა რომ ადარაფერი ვთქვა, მოვალე ვიყავი შვილს დაგხმარებოდი და უფლება არ მქონდა, ასე ნაადრევად გამეწირა თავი.

— გმადლობთ, სერ, მაგრამ მიჯობს, უარი მოგახსენოთ, საკმაოდ მოვხუცდი იმისთვის, რომ მსგავს გიურ საჭმებში მივიღო მონაწილეობა. ეჭვი არ მეპარება, ჩვენც ჩემი საბრალო მეგობრის სილვესტრის ბედი მოველის. ამასთან, ვაჟის პატრონი ვარ, მას ჯერ კიდევ ესაჭიროება ჩემი დახმარება, ამიტომ უფლება არა მაქს, თავი საფრთხეში ჩავიგდო.

ეტყობოდა, ჩემმა პასუხმა სერ პენრი და კაპიტანი გუდი ძალიან გაანაწყენა.

— მისტერ ქუოტერმენ, — მითხრა სერ პენრიმ, — მე მდიდარი კაცი ვარ და ჩემს განზრახვაზე ასე ადვილად ხელს არ ავიდებ, თუკი ჩვენთან წამოხვალთ, გასამრჯელოდ რაც გინდათ მთხოვეთ. ამ თანხას ჩვენს გამგზავრებამდე მიიღებთ. ამასთან, წინასწარ მივიღებთ ზომებს, რომ თქვენი ვაჟი ყოველმხრივ იქნეს უზრუნველყოფილი იმ შემთხვევაში, თუ ამ მოგზაურობიდან ვედარ დაგბრუნდით. ალბათ ჩემი ნათქვამიდან მიხვდებით, რამდენად საჭიროდ მიმაჩნია თქვენი მონაწილეობა ამ ექსპედიციაში. თუ სულეიმანის საბადოს მივაღწიეთ და ალმასების პოვნა მოვახერხეთ, თქვენ და გუდი მათ შეაზე გაიყოფთ, მე მათ არ ვსაჭიროებ. თანაც გზაში სპილოებზე წავინადირებთ და სპილოს ძვალსაც ასევე თანაბრად გაინაწილებთ. შეგიძლიათ წარმოადიგნოთ თქვენი პირობები, მისტერ ქუოტერმენ. გარდა ამისა, მინდა იცოდეთ, რომ ყოველგვარ სარჯებს მე ვკისრულობ.

— სერ პენრი, — ვუთხარი პასუხად, — ასეთი სარფიანი საქმე ჩემთვის ჯერ არავის შემოუთავაზებია. დარიბმა მონადირემ ყველაფერი კარგად უნდა აწონ-დაწონოს, ამისთვის კი დროა საჭირო. ყოველ შემთხვევაში, პასუხს დურბანში ჩასვლამდე მოგახსენებთ.

— ძალიან კარგი, — მომიგო სერ პენრიმ.

ამის შემდეგ ორივეს დამე ნებისა ვუსურვე და წამოვედი.

იმ დამით სიზმარში სულ საბრალო სილვესტრსა და ალმასებს ვხედავდი.

თ ა გ ი ს ი ს

ა მ ბ თ პ ა      ჩ გ ე ნ ი      მ ს ა ხ უ რ ი  
       ხ დ ე ბ ა

კეიპტაუნიდან დურბანამდე ზღვით მგზავრობას ოთხი-ხუთი დღე სჭირდება: ეს დამოკიდებულია ამინდზე და გემის სვლაზე. ისტ-ლონდონში მშენებლობა არ დამთავრებულა, მიუხედავდ იმისა, რომ იქ უამრავი ფულია ჩაერილი. ამიტომაც, ნაცვლად იმისა, რომ კარგად მოწყობილ პორტში შევიდეს, — ამაზე ლაპარაკით ხომ დიდი ხანია ყურები გამოგვიჭედეს — გემი იძულებულია ნაპირიდან კარგა მოშორებით ჩაუშვას დუბა. თუ ხდება დელაგს, მაშინ მოელი დღე და დამე უნდა ელოდო, რომ ნაპირიდან საბუქსირო ნავებმა მოაღწიონ. საბერიეროდ, ჩვენ ცდა არ დაგვჭირვებია. ისტ-ლონდონს რომ მივუახლოვდით, ზღვა ოდნავ დელავდა. ნაპირიდან უმალვე გამოგზავნები, რომელთაც

მწერივად მოჰყავდათ უშნოდ გამოჩორქნილი ბრტყელძირა ნავები. ჩვენი გემიდან გამეტებით ისროდნენ ნავებში ფუთებს, არც კი დაგიდევდნენ, რა იყო შეგ: მატყლი, მინა თუ ფაიფური. გემბანზე ვიდექი და დავინახე, როგორ დაიმსხვრა უფო, რომელშიც ოთხი დუჟინი შამპანურის ბოთლი იყო. ბოთლებიდან შადრევანივით გადმოჩქეფა დვინომ და ბინძური ნავის ფსკერს ქაფად მოედო. გული დამწყდა, ეს ძვირფასი სასმელი ასე ტყუილუბრალოდ რომ იკარგებოდა.

ალბათ კაფრ მტვირთავებსაც სინანული ამოძრავებდათ, ნამსხვრევებიდან სელად ამოაცოცეს შემთხვევით გადარჩენილი ორი ბოთლი, ყელი წაამტვრიეს და უკანასკნელ წვეთამდე დაცალეს. ლინო იმწამსვე თავში აუვარდათ და კარგა მაგრა შეზარხოშდნენ. ამას კი აღარ ელოდნენ, თავზარდაცემულები ნავის ფსკერზე დაფოფხავდნენ და გაჟყვიროდნენ, ეს საუცხოო სასმელი „ტაგატი“, ესე იგი, მოჯადოებულიაო. მე დავუმოწმე, საშინელი საწამლავი დალიეთ და ახლა ყველანი სათითად დაიხოცებით-მეთქი. კაფრები შიშისაგან მთლად გადაირივნენ, ნიჩბებს ეცნენ და ნავი ნაპირისკენ გააქროლეს. დარწმუნებული ვარ, შამპანურს თავის სიცოცხლეში აღარ გაეკარებიან.

ჩვენი საუბრის შემდეგ სულ კურტისის წინადაღებაზე ვფიქრობდი. პირველ ორ დღეს ამ საკითხს აღარ შევხებივარო, თუმცა სულ ერთად ვიყავით. მე უშესებოდი სერ ჰენრისა და გუდს სხვადასხვა ამბებს, ნადირობისას თავს რომ გადამხდენოდა, ამასთან, არაფერს ვთხხავდი და არც ვაზვიადებდი, როგორც ეს საერთოდ მონადირებებს სჩვევიათ. ანკი რაში გვჭირდება ჩვენ, აფრიკელ მონადირებებს, ტყუილების ცხობა, განა სატრაბახოდ ის არ კმარა, რაც თავს გადაგვხდენია?

ბოლოს, იანვრის ერთ მშვენიერ დღეს – იანვარი ხომ ჩვენში ყველაზე ცხელი თვეა – ჩვენი გემი ნატალს მიუხსლოვდა და მის თვალწარმტაც ნაპირებს გაუყვა. ვფიქრობდით, მზის ჩასვლამდე დურბანის კონცხისთვის შემოგვევლო. ეს ნაპირი ხომ ყველას აჯადოვებს ქვიშის წითელი გორაკებით, უსასრულო ზურმუხტისფერი სივრცით და ამ სივრცეში, ამ სიმწვანეში აქა-იქ მიყუჟული კრაალებით. ტალღები ზედიზედ ეხეოთქება ნაპირთან წამოყენდებულ კლდეებს, ყალყზე შემდგარი იმსხვრევა, უაუეცემა და აჩენს ქათქათა ქაფს, ზოლებად რომ გასდევს ნაპირს. მაგრამ განსაკუთრებით ლამაზია ბუნება თვით დურბანთან. საუკუნეთა განმავლობაში წვიმასა და ლვართქაფს ბორცვები ლრმა ხეობებით დაუსერავთ. ამ ხეობებში მოშეუიან მდინარეები, რომელთაც მზე თვალისმრთელად ალაპლაკებს; აყრილ-ატეხილ ბარდებსა და ბუჩქნარს შორის, რომელიც ისეა დარგულ-გახარებული, როგორც ეს თვით უფალს უნებებია, აქა-იქ მოჩანს ჰურის ხის ჭალაკები და შაქრის ლერწმის პლანტაციები. ამ მწვანე წარმოტარებულ უეცრად გამოკრთება ხოლმე თეთრი სახლი, თითქოს მის წინ უშფორველად გართხმულ ზღვას უდიმისო, და მისი გამოჩენა რაღაც განსაკუთრებულ დასრულებულ იერს აძლევს ირგვლივ ყველაფერს.

ჩემი აზრით, რაგინდ თვალწარმტაცი არ უნდა იყოს ბუნება, ადამიანი მას კიდევ უფრო მიმზიდველს ხდის. იქნებ ასე მიტომ მეჩვენება, რომ ძალიან დიდხანს მომიხდა ცხოვრება ველურ, უკაცრიელ ადგილებში და ამის გამო უფრო ვაფასებ ცივილიზაციას, მიუხედავად იმისა, რომ იგი სპობს და სდევნის ფრინველსა და ცხოველს. ედემის ბაღი, უეჭველია, წარმტაცი იყო ადამიანის გაჩენამდეც, მაგრამ უფრო წარმტაცი გახდა მას შემდეგ, რაც მის ბილიკებზე ევა გამოჩნდა.

თუმცა დავუბრუნდეთ ამბავს! ჩვენ, ცოტა არ იყოს, ანგარიშში მოვტყუვდით. მზე დიდი ხნის ჩასული არ იყო, როცა დუზა დურბანის კოშკის მახლობლად ჩავუშვით. გაისმა ზარბაზნის გრიალი, დურბანის მცხოვრებლებს ატყობინებდნენ, ინგლისიდან ფოსტა მოვიდაო.

რაკიდა დავიგვიანეთ და ნაპირზე გადასვლა აღარ შეიძლებოდა, გემბანზე ავედით და ვუცექროდით, როგორ დატვირთეს მაშველი ნავი ფოსტით, მერე კი სასადილოდ წავედით.

როცა ამოვბრუნდით, მოვარე უკვე ამოსული დაგვხვდა, მის შუქს ზღვა და სმელეთი გაეხახხახებინა.

ნიავს ნაპირიდან სასიამოვნო მოტკბო-მოცხარო სურნელი მოპქონდა. ეს სურნელი რატომდაც საეკლესიო საგალობლებსა და მისიონერებს მაგონებს. სანაპირზე სახლები განათებული იყო. უზარმაზარი ხომალდიდან, ჩვენ გვერდით რომ იდგა, მუსიკა და სიმღერა ისმოდა. მეზღვაურები ღუზას ხსნიდნენ და ზღვაში გასასვლელად ემზადებოდნენ. საუცხოო, წყნარი დამე იყო, ერთი იმ დამეთაგანი, რომელიც მხოლოდ სამხრეთ აფრიკაში იცის. მოვარე თავის ვერცხლის საბურველში ხვევდა მთელ ბუნებას.

სიმშვიდე მოპფენოდა დედამიწას. იმ სიწყნარისა და სიმშვიდის გავლენით უზარმაზარ ბულდოგსაც კი დავიწყებოდა თავისი სურვილი – წაჩეუბებოდა მაიმუნეს, გემბანზე, გალიაში რომ იჯდა. ძაღლი კაიუტის კართან გაშოტილიყო და ტკბილად ხვრინავდა.

ჩვენ სამნი – სერ ჰენრი კურტისი, კაპიტანი გუდი და მე – საჭევართან დავსხედით.

– მისტერ ქუოტერმენ, – მკითხა ჰენრიმ ცოტა ხნის სიჩუმის შემდეგ, – რა კასუეს მაძლევთ ჩემს თხოვნაზე?

– დიახ, დიახ, – სიტყვა შეაშველა კაპიტანმა გუდმა, – რა გადაწყვიტეთ? იმედი მაქვს, მონაწილეობას მიიღებთ ჩვენს ექსპედიციაში. ჩვენ ბედნიერად ჩავთვლით თავს, თუ დაგვთანხმდებით, წამოგვყვეთ არა მარტო სულეიმანის მთების გადაღმა, არამედ, საერთოდ, ყველგან, სადაც შეიძლება იმყოფებოდეს ჯერტლებინი, რომელსაც ჩვენ ვეძებთ.

უხმოდ წამოვდექი, გემის ქიმთან მივედი და ჩიბუხი გამოვბერტყე. არ ვიცოდი, რა პასუხი გამეცა, სულ ცოტა, ერთი წუთი მაინც მჭირდებოდა, რომ დაფუიქრებულიყავი და საბოლოოდ გადამეწყვიტა რამე. ბნელში თამბაქოს ფერფლმა გაიციმციმა და იმავე წამს გადაწყვეტილებაც მივიღე.

ცხოვრებაში ხშირად ხდება ასე: ადამიანი წვალობს, ყოფმანობს, არ იცის, რა გზას დაადგეს და ბოლოს, ერთ წამში გადაწყვეტს ხოლმე ყველაფერს.

– კარგი, ბატონებო, – ვთქვი და ჩემს ადგილზე დავჯექი, – მეც თქვენთან ერთად მოვდივარ. ახლა კი ნება მიბოძეთ, მოგახსენოთ, რატომ და რა პირობებში ვდებულობ თქვენს წინადადებას.

პირველი: გარდა იმისა, რომ გზის ხარჯები თქვენ გეპისრებათ, სპილოს ძვალი და სხვა ფასეულობა, რასაც გზაში ვიშოვით, მე და კაპიტანმა გუდმა შეაზე უნდა გავიყოთ.

მეორე: გარდა ამისა, ვიდრე გავემგზავრებოდეთ, ხუთას გირვანქა სტერლინგს გადამიხდით, მე კი ვალდებულებას ვკისრულობ, პატიოსნად გემსახუროთ მანამდე, ვიდრე ეს თქვენთვის საჭირო იქნება, ან ვიდრე მიზანს არ მივაღწევთ, უკიდურეს შემთხვევაში, ვიდრე არ დავიღუპებით.

მესამე: სანამ სულეიმანის მთებისკენ გავემგზავრებოდეთ, უნდა გავაფორმოთ ხელშეკრულება, რომლის მიხედვით ჩემი დაღუპვის, ან მძიმედ დაშავების შემთხვევაში ვალდებული იქნებით ჩემს ვაჟს, ჰარის, რომელიც ლონდონის უნივერსიტეტში მედიცინას უუფლება, ხუთი წლის განმავლობაში აძლიოთ გარკვეული თანხა – წლიურად ორას-ორასი გირვანქა სტერლინგი. ხუთი წლის შემდეგ კი იგი ფეხზე დადგება და საკუთარი თავის რჩენას შეძლებს, თუ რასაკვირველია, მისგან საერთოდ რამე გამოვიდა. აი, ჩემი პირობები. ხომ არ ფიქრობთ, რომ გადავაჭარბე?

— არა, არა, — აჩქარებით მომიგო სერ პენრიმ, — სიამოვნებით გეთანხმებით. გადაწყვეტილი მაქვს, მოვძებნო ჩემი ძმა და, რაც არ უნდა დამემართოს, ამ განზრახვაზე ხელს არ ავიღებ. ვიცი, რომ გამოცდილი და საქმეში ჩახედული კაცი ბრძანდებით და მზადა ვარ უფრო მეტიც გადაგიხადოთ.

— რაკი ასეა, ძალიან ვწუხვარ, რომ ვერ მოვისაზრე მეტი მეთხოვა, მაგრამ რაც არის, არის, ჩემი სიტყვა უკან არასოდეს წამიდია. ახლა კი გეტყვით, რამ მაიძულა თქვენთან ერთად წამოვსულიყავი: უპირველეს ყოვლისა, მთელი ამ ხნის განმავლობაში თვალყურს გადევნებდით, და კადნიერებად ნუ ჩამომართმევთ, თუ გეტყვით, რომ ძალიან მომეწონეთ. ეჭვი არ მეპარება, ჩვენ საუცხოვდ გავწევთ უდელს, ამას კი დიდი მნიშვნელობა აქვს, როცა კაცს წინ ასეთი შორი გზა უდევს. რაც შეეხება სულეიმანის მთების გადალახვას, ღრმად დარწმუნებული ვარ, რომ იქიდან ცოცხლები ვეღარ დაგრძუნდებით. რა ბედი ეწია მის შთამომავალს ამ ოცი წლის წინ? რა ბედი ეწია თქვენს ძმას? ვერ დამარწმუნებთ, რომ ჩვენც იგივე არ გველის.

ვთქვი ესა და შევჩერდი. მინდოდა მენახა, რა შთაბეჭდილება მოახდინა ჩემმა სიტყვებმა. კაპიტანი გუდი ოდნავ შემკრთალი მეჩვენა, სერ პენრის კი სახეზე ძარღვიც არ შეკრთომია.

— რაც უნდა იყოს, მაინც უნდა ვცადო ბედი, — მშვიდად მომიგო მან.

— შესაძლოა უცნაური გეგმებით, — განვაგრძე მე, — რომ ეს ფრთხილი და გაუბედავი კაცი, იმის შემდეგ, რაც ახლა ვთქვი, წამოსკლაზე უარს არ გეუბნებით, მაგრამ სამისოდ ორი მიზეზი არსებობს: ჯერ ერთი, საოცარი ფატალისტი ვარ და ღრმად მწამს, რომ ჩემი სიკვდილის დღე და საათი წინასწარ განსაზღვრულია, და თუ ბედით სულეიმანის მთებში წასვლა და იქ დაღუპვა მიწერია, რაც უნდა მოვიმოქმედო, ამას ვერ ავცდები. ღმერთს ყოველივე უკეთ მოეხსენება, ამიტომ ამაზე ფიქრით თავს არ შევიწუხებ. მეორე: მე ერთი ღარიბი კაცი ვარ და, მიუხედავად იმისა, რომ ორმოცი წელი ნადირობაში გავატარე, შავი დღისათვის მცირეოდენი თანხაც კი ვერ გადავინახე. ის კი არა, თავი ძლიერდივობით გამჭონდა. ბატონებო, თქვენ, რასაკვირველია, იცით, რა სახიფათო და საძნელო საქმეა სპილოზე ნადირობა. ადამიანები, რომლებიც ამით ცხოვრობენ, საშუალოდ ოთხ-ხუთ წელიწადში იღუპებიან. მე კი ეს ვადა თითქმის შვიდჯერ გავადიდე, ახლა კი ალბათ ჩემი აღსასრულიც მოახლოებულია. თუ ნადირობისას დავიღუპვ, ჩემს შვილს, ჰარის, გალების გასტუმრების შემდეგ საარსებო წყარო აღარ დარჩება, და მაშასადამე, ვედარც სწავლას განაგრძობს. თქვენთან რომ წამოვიდე, მაშინ იგი ხუთი წელიწადი უზრუნველყოფილი იქნება და საშუალება მიუცემა, ფეხზე დადგეს. აი, მოკლედ ჩემი შეხედულება ამ საკითხზე.

— მისტერ ქუორერმენ, — მითხრა სერ პენრიმ, რომელიც დიდი უურადღებით მისმენდა, — თქვენ ეჭვი გეპარებათ ექსპედიციის წარმატებაში და ფიქრობთ, უკელავერი ცუდად დამთავრდებათ. მართალი ხართ თუ არა, ამას დრო გვიჩვენებს, პირადად მე კი, რაც უნდა მოხდეს, გადაწყვეტილი მაქვს, საქმე ბოლომდე მივიყვანო. თუ მაინცდამაინც დაღუპვა გვიწერია, იმედი მაქვს, სიკვდილის წინ ცოტას მაინც წავინადირებთ. თქვენ რას იტყვით, გუდ?

— რასაკვირველია, — დაუმოწმა კაპიტანმა, — ჩვენ სამივენი შეჩვეული ვართ, სიკვდილს თვალებში ვუცეიროთ, ამიტომაც თავსაც კარგად დავიცავთ. ჩემი აზრით, უკან დახევა არ ღირს. ახლა კი, მეგობრებო, კაიუტ-კომანიაში ჩავიდეთ და ერთმანეთს გზა დავულოცოთ.

მეორე დღეს ნაპირზე გადავედით. მე შევთავაზე სერ პენრის და კაპიტან გუდს ჩემს პატარა სახლში დასახლებულიყვნენ. სახლი სანაპიროზე დგას, სამოთახიანია, აქვს სამზარეულოც. გამოუწვავი აგურისაგან არის ნაგები,

სახურავი კი მოთუთიებული რკინისა აქვს. თავისთავად დიდი არაფერია, სამაგიეროდ, საუცხოო ბადი აკრავს. რა არ ხარობს იქ: იაპონური ზღმარტლი და მანგოს ხეები, რომლებიც წელს დიდ მოსავალს მომცემენ. ეს ხეები ბოტანიკური ბადის დირექტორმა მაჩუქა. მებაღეობა ჯეპს დავაკისრე. ჯეპი ჩემი ყოფილი მონადირეა, სიკუპუნისის მხარეში გარეულმა კამეჩმა ფეხი ბარძავში გადაუმტკრია. საბრალო კაცი დასახიჩრდა და იძულებული შეიქნა, ნადირობაზე სამუდამოდ აეღო ხელი. ახლა ნელ-ნელა დახანხალობს და, ასეა თუ ისე, ბადს უვლის. ჯეპი ზულუსი არ გეგონოთ, გრიგვას მშვიდობიან ტომს ეჭუთვნის. ზულუსს ვერავინ აიძულებს, მებაღეობას მოჰკიდოს ხელი. ამგვარ შრომას იგი გულს ვერ დაუდებს.

რადგან სახლში სივიწროვე იყო, სერ ჰენრისა და გუდს კარავში ეძინათ. კარავი ბადის ბოლოს, ფორთოხლის ხეივანში ჩავდგით. ხეები უვაოდა და ირგვლივ საამო სურნელი იდგა, ტოტები კი მწვანე და ყვითელი ნაყოფით იყო დახუნდული (უნდა მოგახსენოთ, რომ ჩვენთან, დურბანში, ხეები ერთდროულად ყვავიან კიდეც და ნაყოფსაც იძლევიან), ბადის ეს კუთხე განსაკუთრებით ლამაზია და სუფთა ჰაერზე ძილიც სასიამოვნოა, მით უმეტეს, რომ ჩვენთან, ბერეაში, ქინქლი არ იცის და თუ გაჩნდა, ისიც ძლიერი წვიმების შემდეგ ჩნდება.

მაგრამ უნდა განვაგრძო თხერობა, თორემ, ვიდრე ჩვენ სულეიმანის მთებამდე მივაღწევდეთ, ეს წიგნი თავს მოგაბეზრებთ. რაკი გადავწყვიტე სერ ჰენრის გავყვები-მეთქი, შინ დაბრუნებისთანავე სამზადის შეკუდექი. უპირველეს ყოვლისა, ჩემო ბიჭიკო, სერ ჰენრისაგან ჩავიბარე ქაღალდი, რომელიც უზრუნველყოფდა შენს მომავალს. აქ რამდენადმე გაგვიჯანჯლდა კიდეც საქმე. სერ ჰენრი ადგილობრივი მკვიდრი არ იყო და უული, ჩემი სიკვდილის შემთხვევაში შენთვის რომ უნდა გადმოერიცხათ, ინგლისის ბანქში ინახებოდა, მაგრამ ბოლოს და ბოლოს ერთი მარჯვე ვექილის წყალობით ეს საქმეც მოვაგვარეთ, თუმცა იმ უსინდისომ გასამრჯელოდ ოცი გირვანქა სტერლინგი წაგვალიჯა.

ხეთასი გირვანქა სტერლინგის ჩეკი ჯიბეში ჩავიდე და ამით სიფრთხილეს ხარკი გადავუხადე, მერე სერ ჰენრის ანგარიშზე ფურგონი და საუკეთესო ხარები ვიყიდე. ფურგონის სიგრძე თცდაორი ფუტი იყო, რკინის ღერძები ჰქონდა, ძალიან გამძლე და მსუბუქი ჩანდა, თუმცა მთლად ახალთახალი არ ყოფილა, ერთხელ უკვე მოევლოთ იმით ალმასის ქვიშრობი (ამან უფრო დამარწმუნა, რომ მშრალი, გამოსული ხისგან იყო ნაკეთები). ფურგონი რომ ცუდად ყოფილიყო შეკრული ან ჩედლი მასალისაგან გამზადებული, ეს პირველი მგზავრობისთანავე გამოჩნდებოდა. ჩვენს ფურგონს უკანა მხარე დიად ჰქონდა დატოვებული; აქ ტვირთის დასაწყობი ადგილი იყო. ასეთ ფურგონს ჩვენში „ნახევრად გადახურულს“ ეძახიან. ჩარდახი საცხოვრებლად იყო განკუთვნილი, შიგ მოეწყოთ ტყავის საწოლი, რომელზედაც ორი კაცი მოთავსდებოდა. იყო აგრეთვე იარაღების თარო და გზაში გამოსადეგი სხვადასხვა ნივთები და საგნები. ფურგონში ას თცდახუთი გირვანქა გადავიხადე, ვფიქრობ, ბევრი არ მიმიცია.

შემდეგ შეკიძეთ ოცი საუკეთესო ზულუსური ხარი. ჩვენებურ უდელში თექვესმეტ ხარს აბამენ, მაგრამ ყოველი შემთხვევისათვის ოთხი კიდევ დავუმატე. ზულუსური პირუტყვი გაცილებით დაბალი და მსუქანია, ვიდრე აფრიკანდერული, რომელთაც მძიმე ტვირთის გადასაზიდად იყენებენ. ეს პატარა ჯიშის ხარები მაინცდამაინც არ იოჩევენ საჭმელს, ნაკლებად ავადდებიან და ეგუებიან უმძიმეს პირობებს. ამიტომ შეუძლიათ თავი გაიტანონ იქ, სადაც აფრიკანდერული ხარები შიმშილით იხოცებიან. ამასთან, მათზე უფრო სწრაფადაც დადიან და მსუბუქი ტვირთით დღეში ხეთი მილის გავლა შეუძლიათ. გარდა ამისა, ჩვენი უდლეული კარგად იყო ადიდაში გამოსული, ესე

იგი, გაპაშებულ-გამოწრთობილი, რადგან მთელი აფრიკა სიგრძე-სიგანით ჰქონდა მოვლილი. სწორედ ამის გამო, ასე თუ ისე, დაზღვეულები იყვნენ მალარიისაგან, ასე ემირად რომ ანადგურებს ხოლმე ჯოგებს უცხო, შეუჩვეველ ველდებში. არის კიდევ ერთი საშინელი დაავადება – ჭლექი, რომელიც უმოწყალოდ ელეტს პირუტყებს, მაგრამ არც ამის გვერდინოდა, რადგან ჩვენი ხარები თავის დროზე აცრილი იყვნენ, ეს სენი რომ არ შეეყრდათ. აცრი ასე ხდება ხოლმე: კუდის რიკიდან დაახლოებით ერთ ფუტზე კუდს გადასერავენ და ზედ ამ სენით დაღუტული პირუტყვის ფილტვის ნაჭერს მიაკრავენ. რამდენიმე ხნის შემდეგ ხარი მსუბუქად ავადდება ჭლექით, კუდი კი ნაჭდევზე ძვრება. აცრის შემდეგ ხარი სენშეუვალი ხდება. რასაკვირველია, საცოლაობაა პირუტყვის უკუდოდ დატოვება იმ ქვეყანაში, სადაც ამდენი ბუზია, მაგრამ პატრონს ხარის დაკარგვას მისი კუდის დაკარგვა უჯობს. კუდი უხაროდ რის მაქნისია, ზოგჯერ მტვრის გადმოსაფეროთხად თუ იხმარ, ეგ არის და ეგ! მაგრამ მაინც სასაცილოა, როცა ხარებს უკან მიჰყვები და კუდის ნაცვლად უბადრუჟ ჯირჯვებს უცქერი. ასე გგონია, ბუნებამ რაღაც აურდაურია და ამ საბრალო პირუტყვებს კუდის ნაცვლად პრემირებული ბულდოგების უკანალის მოსართავები მიაწებაო.

ერთი სიტყვით, ფურგონი და ხარები შევიძინეთ, ახლა სურსათ-სანოვაგენსა და წამლებზე უნდა გვეფიქრა. ეს ადგილი როდი იყო, ყველაფერი წინასწარ უნდა აგვეწონ-დაგვეწონა, რომ არ გადაგვეტვირთა ფურგონი და, ამავე დროს, თან წაგვედო ყველაფერი, რაც საჭირო იქნებოდა ასეთი ხანგრძლივი მოგზაურობისათვის. საბედნიეროდ, აღმოჩნდა, რომ გუდს მედიცინისა ცოტა რაღაც გაეგებოდა. დიდი ხნის წინათ როგორდაც მოქსმინა კურსი მედიცინასა და ქირურგიაში და ახლა დროდადრო თავის ცოდნას პრაქტიკულად იყენებდა. რასაკვირველია, კაპიტანს ექიმის დიპლომი არ ჰქონდა, მაგრამ ჩვენ თანდათანობით დაკრწმუნდით, რომ ამ საქმისა გაცილებით მეტი გაეგებოდა, ვიდრე იმ ვაჟბატონებს, რომელთაც უფლება ეძლევათ თავის თავს „მედიცინის დოქტორი“ უწოდონ. გუდს საუცხოო სამგზავრო აფთიაქი და ქირურგიული ხელსაწყოები ჰქონდა. მან ჯერ კიდევ დურბანში ყოფნისას ისე მარჯვედ მოჰკვეთა ერთ კაპრს ფეხზე ცერი, რომ ყველანი გაოცებულები დავრჩით. კაცმა ეს ოპერაცია ძალზე მშვიდად და გულგრილად გადაიტანა, მაგრამ როგორ გაოცდა ჩვენი კაპიტანი, როცა კაფრმა სთხოვა, ახალი თითი გამიკეთე, უკიდურეს შემთხვევაში, თეთრიც გამოდგებაო.

სურსათისა და წამლების საქმე, დვთის მადლით, მოვაგვარე, ახლა ჯერი იარაღის შერჩევასა და მსახურების აუგანაზე მიღგა. სერ პენრიმ ინგლისიდან ჩამოიტანა თოფები, მეც მქონდა ზოგი რამ, აქედან შევარჩიეთ, რაც ჩვენთვის გზაში კველაზე მეტად იყო საჭირო. თუმცა ჯობია მოვიშველიო სია, რომელიც ჩემი უბის წიგნაკში შემონახულა. ახლა მხოლოდ მისი გადაწერადა დამჭირდება:

„სამი მძიმე ორლულიანი თოფი, თითოეული დაახლოებით თხუთმეტ გირვანქას იწონის და დასატენად თერთმეტი დრახმა შავი თოფის წამალი სჭირდება“.

ეს თოფები სპილოებზე სანადიროდ მიგვჰონდა. ორი თოფი – სერ პენრისა და კაპიტან გუდისათვის ლონდონის ერთ-ერთი ცნობილი ფირმის საუკეთესო ოსტატების მიერ იყო დამზადებული. ჩემი თოფი სიკოხტავით იმ ორ თოფს ვერ შეედრებოდა და არც ფირმა მასს სოვდა მისი, მაგრამ სპილოებზე ნადირობისას ჩემთვის არასოდეს უმტკუნია. შემდეგ:

„სამი ორლულიანი თოფი „ექსპრეს 500“ სასკდომი ტყვიისათვის. დასატენის წონა ექვსი დრახმა“.

ეს თოფები უბრალო იყო, ასე, საშუალო სიდიდის ცხოველებზე სანადიროდ (ანტილოპა და სხვ.) და გაშლილ ალაგას მტრისაგან თავის დასაცავად გამოგვადგებოდა.

„ერთი ორლულიანი თორმეტყალიბიანი ფილთა თოფი ცენტრალური დარტჟმით".

ეს თოფი გზაში ძალიან გამოგვადგა, წვრილ-წვრილ ცხოველებს ვხოცავდით და საჭმლით უზრუნველყოფილნი ვიყავით.

„სამი „ვინჩესტერის" სისტემის კოლოფიანი შაშხანა (არა კარაბინი)". ეს ჩვენი სათადარიგო თოფები გახლდათ.

„სამი კოლტის" თვითშესამართი რევოლვერი, მსხვილყალიბიანი ტყვიებით".

ამგვარი იყო ჩვენი აღჭურვილობა. აღსანიშნავია, რომ ყოველი კლასის იარაღი ერთი და იგივე სისტემის და ყალიბის იყო, ამიტომ საჭიროების შემთხვევაში შეგვეძლო ტყვიები ერთმანეთისთვის გაგვეცვალა.

მე დაწვრილებით ჩამოვთვალე ყველაფერი, შესაძლოა, მკითხველი დაიქანცა კიდეც ამდენი წვრილმანით, მაგრამ მის წინაშე მაინც არ ვიხდი ბოდიშს, რადგან ყოველმა გამოცდილმა მონადირებ იცის, რა დიდი მნიშვნელობა აქვს იარაღის შერჩევას.

ახლა მინდა რამდენიმე სიტყვა მსახურებზეც მოგახსენოთ.

დიდი ბჭობის შემდეგ გადავწყვიტეთ, წაგეყვანა ხუთი კაცი: მეგზური, მეხრე და სამი მსახური. მეგზურისა და მეხრის დაქირავებაზე დიდი დრო არ დამისარჯავს. ორივე ზულუსი იყო, ერთს გოზა ერქვა, მეორეს – ტომი. მსახურების შერჩევა კი, ცოტა არ იყოს, გამიჭირდა. უნდა მოგვეძებნა გულადი, ერთგული და სანდო ადამიანები. მათზე ხომ ბევრი რამ, თვით ჩვენი სიცოცხლეც კი, იქნებოდა დამოკიდებული. როგორც იქნა, მივაკვლიერ თრ მათგანს, – ერთი პოტენტოტი ვენტფოგელი იყო, მეორე კი – პატარა ზულუსი ხივა. მან მშვენივრად იცოდა ინგლისური. ვენტფოგელს კარგა ხანია ვიცნობდი. ჩემს სიცოცხლეში მასზე უკეთესი მეგზური და მონადირე არსად შემხვედრია. ერთი ჩასკვნილი, ძარღვმაგარი კაცი იყო, მაგრამ, სამწუხაროდ, როგორც ყველა პოტენტოტს, ერთი ნაკლი პქონდა: ძალიან უყვარდა სმა. საკმარისი იყო, მის წინ ბოთლი გროგი დაედგათ, რომ ამქვეყნად ყველაფერი დავიწყებოდა. ცხადია, ასეთ ადამიანს სავსებით ვერ მივენდობოდით, მაგრამ რაკი გზად არც სამიკიტნოები შეგვხვდებოდა სადმე და არც დგინდის დუქნები, მისი ეს ნაკლი მაინცდამაინც არაფრად ჩაგვიგდია.

მესამე მსახურის პოვნა ძალიან გამიმნელდა, ამიტომ გადავწყვიტეთ, ჯერჯერობით ეს ორი წაგეყვანა. იმედი გვქონდა, გზაში ვინმეს შევხვდებოდით, მაგრამ სწორედ ჩვენი გამგზავრების წინა სადამოს, სადილობის ხანს, ხივა შემოვიდა და მომახსენა, ვიღაც ზულუსს თქვენი ნახვა უნდაო. სადილი რომ დავამთავრეთ, ხივას ვუბრძანე, ზულუსი შემოიყვანე-მეთქი. ოთახში ახოვანი, ლამაზი მამაკაცი შემოვიდა, ასე, ოცდაათიოდე წლის იქნებოდა, ზულუსის კვალობაზე კანი მეტად ლია ფერისა პქონდა. მისადმების მაგიერ თავისი კორძებიანი ჯოხი მაღლა ასწია და ოთახის კუთხეში უხმოდ ჩაცუცქდა. რამდენიმე ხანს თავს ისე ვაჩვენებდი, ვითომ მის იქ ყოფნას ვერც კი ვამჩნევდი. ჩემი მსრივ დიდი წინდაუხედაობა იქნებოდა, სხვაგარად მოვქცეულიყავი. ასეთ ხალხს მაშინვე რომ გამოელაპარაკო, მის თვალში ყოველგვარ ლირსებას დაკარგავ, მაგრამ შევნიშნე, რომ ეს ზულუსი „კეშლა", ესე იგი, „გვირგვინიანი კაცი" იყო. ოთაში ჩაწეული პქონდა კაუჩუკის ფართო რგოლი, რომელიც ქონით იყო გაპოხილ-გაპრიალებული. რგოლის ასე ტარების უფლება აქვთ მხოლოდ წარჩინებულ ზულუსებს მას შემდეგ, რაც გარკვეულ ასაკს მიაღწევენ.

მისი სახე მეცნაურა.

– პეტრი, შენ, მანდ, – გუთხარი ბოლოს, – რა გქვია?

– ამბობა, – მომიგო ზულუსმა დაბალი, სასიამოვნო ხმით.

– მგონი, ადრე სადღაც მინახისარ.

— დიახ, ინკორზი, სწორედ ბრძოლის წინა დღეს, ლიტლპენდთან იზანდჰუანში შემხვდით.

უეცრად ჩემთვის ყველაფერი ცხადი გახდა.

ზულუსებთან იმ დასაქცევი ომის დროს მე ლორდ ჩელმსფორდის ერთო მეგზურთაგანი ვიყავი. რამდენიმე ფურგონი მყავდა ჩაბარებული. ჩემდა საბეჭინებოდ, სწორედ ბრძოლის დაწყების წინ იმ ფურგონებთან ერთად მომიხდა ბანაკის დატოვება. ვიდრე ხარებს შეუბამდნენ, სწორედ ამ ზულუსს გამოველაპარაკე. მაშინ იგი ჩვენი მოკავშირე ზულუსების რაზმს მეთაურობდა. მითხრა, ძალიან ვეჭვობ, ჩვენმა ბანაკმა მტრის შემოტევას გაუქმდოს. მე ვურჩიქ, ენა დაიმოკლე, ეს შენი ჭკუის საქმე არ არის-მეთქი, მაგრამ შემდეგ მისი სიტყვები ხშირად მახსენდებოდა.

— პო, მართალი ხარ, — ვუთხარი, — ახლა რისთვის გარჯილხარ?

— აი რა, მაკუმაზან (ეს სახელი კაფრებმა შემარქვეს, მაკუმაზან ნიშნავს „ადამიანს, რომელიც ნაშუადამეგს დგება“, ჩვენებურად კი, უბრალოდ, ადამიანს, რომელიც მუდამ ფრთხილობს), მითხრეს, თითქოს თეთრკანიან ბელადებთან ერთად შორს, ჩრდილოეთისკენ აპირებ წასვლას. მართალია ეს?

— მართალია, მერე რა?

— თქვეს, გადაწყვეტილი აქვთ, მდინარე ლუგანგამდე მივიდნენო. ლუგანგას კი მანიკას მიწიდან ერთი მთვარის სავალი გზა აცილებს. ესეც მართალია, მაკუმაზან?

— რაში გესაჭიროება იმის ცოდნა, სად მივიგვართ და სად არა, შენ ვინ გეკითხება? — ვუთხარი და ქვეით გადავხედვ. გადაწყვეტილი გვქონდა, ჩვენი მგზავრობის მიზანი არავისთვის გაგვემხილა და საიდუმლოს გულმოდგინედ ვინახავდით.

— ოჳ, თეთრო ადამიანებო! — წამოიძახა ზულუსმა, — თუ მართლა ასე შორს მიდიხარო, ნუ დამტოვებო, მეც წამიყვანეთ!

მართალი გითხრათ, გამაცია ამ კაცის კილომ და ლაპარაკმა; თავი ძალზე დირსეულად ეჭირა და საქციელიც კეთილშობილური პქონდა. არც მისი მომართვა იყო ჩვეულებრივი. ზულუსი თავის დღეში არ ეტყვის თეთრკანიანს — ოჳ, თეთრო ადამიანო! თეთრკანიანთან საუბრისას ჩვეულებრივი მისი მიმართვა: „ინკორზი“, რაც მათ ენაზე ბელადს ნიშნავს.

— თავს ნუ იგდებ, — მეცირად ვუთხარი, — ვიდრე თეთრკანიანს რამეს ეტყოდე, კარგად უნდა დაფიქრდე. სად არის შენი კრაალი, ვინა ხარ? მიპასუხე, რომ ვიცოდეთ, ვისთან გგაქს საქმე.

— ამბობა მქვია. ზულუსების ტომს ვეკუთვნი, მაგრამ სინამდვილეში მათთან საერთო არაფერი მაქვს. ჩემი სამშობლო აქედან შორს, ჩრდილოეთშია. ჩემი ტომის ხალხი იქ დარჩა, როცა სხვა ზულუსები აქეთკენ წამოვიდნენ. ეს მოხდა ათასი წლის წინათ, გაცილებით უფრო ადრე, ვიდრე მეფე ჩახა ტახტზე ავიდოდა. მე არა მაქვს კრაალი და დიდი ხანია აქეთ-იქით დავეხეტები. ბავშვი ვიყავი, ზულუსთა ქვეყანაში ჩრდილოეთიდან რომ მოვედი. შემდეგ ნომაბაკოზის პოლკში მეფე კერვაიოს ვემსახურებოდი. ზულუსების ქვეყნიდან ნატალში გავიქცი, მინდოდა გამეგო, როგორ ცხოვრობდნენ თეთრკანიანები. შემდეგ კერვაიოს წინააღმდეგ ვიბრძოდი. მას მერე ნატალში ვცხოვრობ, მაგრამ ჩემი ადგილი აქ არ არის. გული ისევ ჩრდილოეთისაკენ მიმიწევს. წამიყვანეთ. ფულს არ გამოგართმევთ. ამტანი კაცი ვარ, გამოგადგებით. საჭმელს საკუთარი ოფლით მოვიპოვებ და ცეცხლთანაც ადგილს მართებულად დავიჭერ. აი ეს არის ჩემი სათქმელი!

ამ კაცის თხოვნამ საგონებელში ჩამაგდო, ყველაფერზე ეტყობოდა, არა ტყობოდა, მაგრამ იმდენად განსხვავდებოდა სხვა ზულუსებისაგან და მისი თხოვნა, უფრდეს გემსახურებით, იმდენად უცნაური იყო, რომ ძალაუნებურად

დავეჭვდი. არ ვიცოდი, რა პასუხი მიმეცა, ამიტომ ჩვენი საუბარი სერ ჰენრისა და კაპიტან გუდს გადავუთაგმნე და რჩევა ვკითხე.

— აბა, ერთი უთხარით, ფეხზე წამოდგეს, — მითხრა პასუხის ნაცვლად სერ ჰენრიმ.

ზულუსმა გრძელი სამხედრო მოსასხამი მხრებიდან გადაიგდო და წამოდგა. მთლად დედიშობილა იყო, თუ არ ჩავთვლით მუხასა და ლომის ბრჭყალების ყელსაბამს. ასეთი ლამაზი ზულუსი ჩემს სიცოცხლეში არ მენახა. სიმაღლით ექვსი ფუტი და სამი დუიმი იქნებოდა, მხარბეჭიანი და კარგად მოყვანილი იყო. ლამპის შუქზე მისი კანი ჩვეულებრივ შავგვრემანზე ოდნავ მუქი თუ ჩანდა. მხოლოდ ასეგაით მიუქნებული ჭრილობები აქა-იქ მუქი ლაქებივით ეტყობოდა. სერ ჰენრი მიუახლოვდა ზულუსს და ოვალი თვალში გაუყარა.

— რა საუცხოო წყვილია, — მითხრა გუდმა და ჩემკენ გადმოიხარა. — შეხედეთ, თითქმის ერთი სიმაღლისა არიან.

— მე მომეწონეთ, — უთხრა ზულუსს სერ ჰენრიმ, — მომეწონეთ და ჩემთან გტოვებთ.

ეტყობა, ამბოპა მიხვდა, რასაც ეუბნებოდნენ, იმიტომ რომ ზულუსურ ენაზე უპასუხა: კარგი, გმადლობთო. მერე ახედ-დახედა მის წინ მდგომ თეთრკანიან ბუმბერაზს და დასძინა:

— მე და შენ ნადვილი მამაკაცები ვართ, დიახ, დიახ, ნამდვილი ვაჟკაცები.

## თ ა გ ი V

### ნ ა დ ი რ თ ბ ა ს პ ი ლ თ ე ბ ზ ე

მე არ ვაპირებ დაწვრილებით მოგითხოვთ ყველაფერი, რაც გზაში, კრაალ სიტანდამდე თავს გადაგვხდა. სიტანდა დურბანიდან სამი ათასი მილით არის დაცილებული და მდინარე ლუკანგასა და კალუკვეს შესართავთან მდებარეობს.

ჩვენ იძულებული გავხდით, უკანასკნელი სამასი მილი ფეხით გაგვევლო, რადგან იმ ადგილებში ძალიან გახშირდა საზარელი ბუზი ცეცე, რომლის ნაკბენი, ვირისა და კაცის გარდა, ყველასათვის საბედისწეროა.

დურბანიდან იანვრის ბოლოს გამოვედით, სიტანდას კი მხოლოდ მაისში მივაღწიეთ, გზად ბევრი რამ გადაგვხდა თავს, თუმცა დიდად საყურადღებო არაფერი მომხდარა, გარდა ერთი შემთხვევისა, რომელზედაც მინდა დაწვრილებით გესაუბროთ.

აინაიტში, მატაბელეს ბოლო სავაჭრო პუნქტში, რომელსაც მევე ლობენზულა მართავს (უნდა ითქვას, რომ ეს ლობენზულა წარმოუდგენელი არამზადა), სინაწელით გამოვეთხოვთ ჩვენს ფურგონსა და ხარებს. იმ ოცი ხარიდან, დურბანში რომ შევიძინეთ, თორმეტიდა დაგვრჩა. ერთს კობრამ უპინა, სამი უწყლობით დაგვედუპა, ერთს გზა აებნა და დაგვეკარგა, სამმა კი ხეტიტას მსგავსი რაღაც შეამიანი მცენარე შეჭამა და მოკვდა. ის მცენარე სხვა ხარებსაც ეჭამათ, მაგრამ გადავარჩინეთ, ხეტიტას ფოთლების ნახარში ვასვით. ამგვარი ნახარში, თუ დროულად მიაშველეთ, შეხამის მოქმედებას მაშინვე აქარწყლებს. ფურგონი ხარებითურთ გოზას და ტომს ჩაგაბარეთ. მათ, რასაკვირველია, ზედმიწევნით ვენდობოდით, მაგრამ მაინც ვთხოვეთ შოტლანდიელ მოხუც მისიონერს, რომელიც ამ უდაბურ მხარეში დასახლებულიყო, მათზე თვალი სჭეროდა. შემდეგ ამბოპას, ხივას, ვენტფორგელისა და ექვსი კაფრი მებარგულის თანხლებით ქვეითად დაგადექით გზას.

მახსოვეს, მდუმარედ მივაბიჯებდით. ყოველი ჩვენგანი გულში ალბათ იმას ფიქრობდა, უკან დაბრუნება მომიწევს თუ არაო. მე კი, მართალი მოგახსენოთ, სულაც არ მქონდა იმედი, რომ ოდესმე ჩვენს ფურგონს ისევ დავინახავდი. კარგი

ხანს მიგვაგებოდით გზას ასე, მწარე ფიქრებში წასულნი. უეცრად ამბოპამ, რომელიც წინ მიგვიძოდოდა, ზულუსურ ენაზე სიმღერა წამოიწყო: რამდენიმე გულითად ადამიანს გული გაუწვრილა ერთფეროვანმა ცხოვრებამ, მობეზრდათ შეჩვეული გარემო და უკიდეგანო უდაბნოსაკენ გაუყვნენ გზას, რომ იქ ან რაღაც სიახლე ენასათ, ან ვაკეაცურად დაღუპულიყვნენ, მაგრამ აი საოცრება! უდაბნოს შუაგულს რომ მიაღწიეს, თვალწინ საუცხოო წალკოტი გადაეშალათ. ოჲ, რა პეპლუცი ქალები, რა საქონლის ჯოგები დახვდათ იქ. ამასთან, ტყეში ბლომად იყო ნადირი, ბრძოლის ველზე კი – მტერი. სხვა რადა უნდოდათ?

ამ სიმღერამ გულში იმედი გაგვიღვიძია და ყველანი გავმხიარულდით. ამბოპასაც შემოაწებოდა ხოლმე გულზე ნაღველი, მაგრამ მხოლოდ მცირე ხნით. საოცარი უნარი პქონდა, სხვები გაემხიარულებინა, მასთან საკუთარ დირსებას არასოდეს პკარგავდა. ეს სიცოცხლით საგსე ადამიანი ყველამ გულით შევიყვარეთ.

ახლა კი მინდა ერთი შემთხვევა გავიხსენო, ამით მეც ცოტას გავერთობი, რადგან ნადირობის ამბები ძალიან მიტაცებს.

აინაიტიდან ასე, ორიოდე კვირის სავალზე ერთ თვალწარმტაც ადგილს წავაწყიდით. ნიადაგი ნოტიო იყო. მაღლა, გორაკებს შორის, დაღრანტულ ხეობებში, სქლად აყრილიყო აიდოროს ბუჩქები (ასე ეძახიან ამ ბუჩქებს ადგილობრივი მკვიდრი), აქა-იქ კი „წაცტე-ენე-ბეცტე-ს“ („ცოტა ხანს შეჩერდი“) ეკლიანი ჯაგები მოჩანდა. მათ შორის აშოლტილიყო მაჩაბელეს ლამაზი ხები, რომელთაც ტოტები ყვითელი, გამაგრილებელი ნაყოფით პქონდათ დახუნდლული. ეს ნაყოფი სპილოების საყვარელი საჭმელია, ამიტომ არ გამკვირვებია, მთელი ის არემარე მათი ნაკვალევით რომ დაგვხვდა გადათელილი. ბევრგან შეგვხვდა გადამტვრეული და ძირფესფიანად ამოთხრილი ხებიც. სპილო ხომ ჭამის დროს თავის ირგვლივ ყველაფერს ერთიანად ამტვრებს და ანადგურებს.

მახსოვს, მთელი დღე შეუჩერებლივ ვიარეთ და საღამო ხანს ბუჩქნარით დაფარულ ერთ ლამაზ გორაკს მიგუახლოვდით. გორაკის ძირში მდინარის დამშრალი კალაპოტი მოჩანდა. აქა-იქ ხნარცებებში კი ბროლივით გამჭვირვალე წყალი ლივლივებდა. წყლის სიახლოეს ნადირისაგან ბილიკები იყო დახლაკნილი. ჩვენ წინ გადაშლილი ფართო ველი წალკოტს მოგაგონებდათ. აქ ჯგუფ-ჯგუფად მოჩანდა მორცხვი მიმოზა და ფოთლებსასხასა მაჩაბელეს ხები. ირგვლივ კი ზღვად აყრილიყო ბუჩქნარი, რომელსაც ერთი ბილიკიც არსად სერავდა.

როგორც კი მდინარის კალაპოტს მიგუახლოვდით, აყლაფუდა უირაფების ჯოგი ადგილს მოსწყდა და ჭენებ-ჭენებით გაქუსდა. ჭენებითო ვამბობ, თორემ ამ ცხოველმა ისეთი უცნაური სირბილი იცის, გეგონებათ, მიცურავსო. კუდები სასაცილოდ აეპრიხათ და ჩლიქებს კასტანეტებივით უხათქუნებდნენ მიწას. როცა სამასიოდე იარდით დაგვშორდნენ, ესე იგი, ფაქტიურად გასცდნენ ტყვიის სასროლ მანძილს, გუდმა ცოუნებას ვედარ გაუძლო, სასკდომი ტყვიით დატენილი თოვი შემართა და ესროლა ახალგაზრდა უირაფს, ჯოგს კუდში რომ მისდევდა. რაღაც საოცარი შემთხვევის წყალობით, საბრალო პირუბყვს ტყვია კისერში მოხვდა და ხერხემალი გადაუმსხვრია. უირაფი კურდლელივით გადავიდა უირას. კაცი ნადირობაში დავბერდი, მაგრამ ამაზე საოცარი სურათი, მართალი გითხრათ, არასოდეს მინახავს!

– ეშმაკმა დალახევროს! – წამოიძახა გუდმა (როცა აღელვებული იყო, ჩვეულებად პქონდა მაგარ-მაგარი სიტყვები ეხმარა, რაც მე ძალიან მწყინდა), – ეშმაკმა დალახევროს-მეოქი, აკი მოგვალი!

– უ უგწან! (დიახ, ბუგვან)! – წამოიყვირეს ჩვენმა კაფრმა მტვირთავებმა, – უ, უ! (დიახ, დიახ)!

ისინი გუდს მუდამ მონოკლით ხედავდნენ, ამიტომაც იყო, რომ „ბუგვანი“ (შუშისთვალი) შეარქვეს.

იმ დღიდან მოყოლებული, გუდმა, თუ ჩვენ შორის არა, კაფრებში მაინც, მარჯვე მსროლებლის სახელი დაიმკვიდრა, თუმცა სინამდვილეში თოფს კარგად ვერც კი ხმარობდა.

მსახურებს ვუბრძანეთ, მოკლული ჟირაფისთვის საუკეთესო ნაჭრები აეჭრათ, ჩვენ კი ერთ-ერთი ხნარცვის მარჯვნივ ასიოდე იარდი გადავზომეთ და ადგილის შემორაგვას შევუდექით. შემორაგვა ასე ხდება: რაც შეიძლება ბლომად დაჭრიან ეკლიან ძეგს და მრგვალი ღობის მაგვარად აწყობენ. მერე შიგნით მიწას მოასწორებენ, ცენტრში ბალახისაგან საწოლებს გამართავენ, მერე კი ერთს ან რამდენიმე კოცონს გააჩადებენ.

მუშაობაში შემოგვალამდა კიდეც. ღობის შემორაგვას რომ მოვრჩით, ცაზე უკვე მთვარე მიცურავდა. ვახშამიც მზად იყო. ძალიან გემრიელი გვეჩვენა ჟირაფის ხორცის ბიგშტექსი და შემწვარი ძვლის ტვინი, თუმცა ტვინის გამოსადებად ძვლის გატეხვა, ცოტა არ იყოს, გაგვიძელდა.

სავსე მთვარის შუქზე შევექცეოდით ჩვენს უბრალო ვახშამს, თანაც გუდს ვაქებ-ვადიდებდით. ნავახშეებს კი ჩიბუხები გავაბოლეთ და საუბარი გავაბით. კოცონის ირგვლივ ჩამსხდარ-ჩაცუცქელები ალბათ ძალზე უცნაური სანახავები ვიყავით.

განსაკუთრებით თვალში გეცემოდათ განსხვავება სერ ჰენრისა და ჩემ შორის. მე ერთი გამხდარი, ტანმორჩილი კაცი ვარ. მუქი კანის ფერი და ჯაგარივით გაფშევილი თმა მაქვს, თანაც სულ რაღაც სამოციოდე კილოგრამს თუ ვიწონი. სერ ჰენრი კი ბრგე, მხარბეჭიანი კაცია, თმა ქერა აქვს და წონითაც კაი თოხმოცდათხუთმეტი კილოგრამი იქნება. მაგრამ თუ გავითვალისწინებო მაშინდელ პირობებს, ჩვენ სამში ყველაზე უცნაური სამეფო ფლოტის გადამდგარი ოფიცერი, კაპიტანი ჯონ გუდი მოგეწვნებოდათ. იგი ტყავის ტომარაზე იჯდა და ისე სუფთად და ფაქიზად იყო ჩაცმული, გეგონებოდათ, სადმე ცივილიზებულ ქვეყანაში იმყოფება და ნადირობაში სასიამოვნოდ გატარებული დღის შემდეგ ეს-ეს არის დაბრუნდაო. საიმდევისოდ ტვიდის ყავისფერი კოსტუმი შეერჩია, ისეთი, მონადირეები რომ იცვამენ ხოლმე. თავზეც ყავისფერი ქუდი ეხურა, ფეხებზე კი კოხტა გეტრები ეცვა. უნდა მოგახსენოთ, არასოდეს მინახავს აფრიკის უდაბნოში ასე წმინდად გაპარსული, ასე კოხტად და სუფთად ჩაცმული ჯენტლემენი. მისი ჩახმული კბილები საუცხოო მოვლილ-შენახული იყო, მარჯვენა თვალზე მონოკლი ედგა. როგორც, ჩვეულებრივ, სხვა დროს, არც იმ საღამოს დავიწყებია გუბაფისის თეთრი საყელოს გაკეთება. უნდა მოგახსენოთ, რომ ამ საყელოების კაიხელა მარაგი ჰქონდა წამოდებული.

– იცით, ეს საყელოები ძალიან ცოტას იწონის, – გულუბრყვილოდ მითხრა მან, როცა გაოცება ვერ დავფარე. – მე კი მუდამ ჯენტლემენივით ჩაცმა-დახურვა მიყვარს.

დიახ, ამგვარად ვისხედით და ვსაუბრობდით მთვარის მომაჯადოვებულ შუქზე, თან გავცემოდით კაფრებს, რომლებიც ჩვენგან რამდენიმე იარღზე კოცონს შემოსხდომოდნენ და მათრობელა დაკათი დატენილ ჩიბუხებს უპლაკუნებდნენ. ჩიბუხის ტარები სამსრეუთაფრიკული ანტილოპის რქისაგან იყო გაკეთებული. ბოლოს კაფრები საბნებში გაეხვივნენ და ცეცხლის პირას მიიძინეს. მათ შორის ამბოპა არ ერია, იგი მოშორებით მიმჯდარიყო (შევამჩნიე, რომ კაფრებს გაურბოდა), თავი ხელისგულებზე დაეყრდნო და დრმა ფიქრს მისცემოდა.

უეცრივ ზურგს უკან, ბუგენვილიდან ხმამაღალი ბრდდვინვა შემოგვესმა.

– ლომია! – წამოვიძახე მე.

ვველანი ფეხზე წამოვხტიოთ და სმენად ვიქეციოთ.

იმავე წამს ხნარცვიდან, ჩვენგან ასიოდე იარდზე, უურთასმენის წამდებად დაიღრიალა სპილომ.

— ნეუნგუნკლოვო ინდლოვუ! (სპილო, სპილო!) — აჩურჩულდნენ კაფრები.

რამდენიმე წუთის შემდეგ ბუნდად დავლანდეთ სპილოების ჯოგი. ეს უზარმაზარი ცხოველები ნელი ნაბიჯით მიემართებოდნენ ბუჩქნარის შუაგულისაკენ. გუდი ნადირობის ჟინდა აიტანა და გახელებული წამოხტა. ალბათ ეგონა, სპილოსაც ისევე ადვილად მოვკლავ, როგორც ის ჟირაფი მოვგალიო. მაგრამ მე მკლავში ხელი წავატანე და ძალისმალად დავხევი.

— არავითარ შემთხვევაში არ ესროლოთ, — გუთხარი, — დააცადეთ, გაიარო.

— ეს მხარე მონადირისათვის ნამდვილი სამოთხე ყოფილა... მე მგონია, ცუდი არ იქნება, ერთი-ორი დღით აქ რომ შევჩერდეთ და ცოტა წავინადიროთ, — თქვა მოულოდნელად სერ ჰენრიმ.

ცოტა არ იყოს, გაკვირვებული დავრჩი. აქამდე სერ ჰენრი სულ იმის ცდაში იყო, რაც შეიძლება სწრაფად გვევლო წინ. განსაკუთრებით მას შემდეგ, რაც აინაიტში გვითხრეს, ამ ორიოდე წლის წინათ ინგლისელმა, გვარად ნევილმა გაყიდა თავისი ფურგონი და უდაბნოსაკენ გაემართაო. ახლა კი ალბათ მონადირის ინსტინქტმა სძლია და ეს სიტყვები ათქმევინა.

სერ ჰენრის წინადადებას გუდი სისარულით შეხვდა, რადგან სპილოებზე ნადირობა ოცნებად ჰქონდა გადაქცეული. მართალი გითხრაო, მეც ამაზე კოცნებობდი, ვერ შევრიგებოდი იმ აზრს, რომ სპილოების ჯოგი მშვიდად გაეცლებოდა აქაურობას, ჩვენ კი ასე გულხელდაკრეცვილები ვისხდებოდით.

— ძალიან კარგი, მეგობრებო, — ვთქვი მე, — არ გვაწყენს, ცოტათი მაინც რომ გავერთოთ, ახლა კი დავიძინოთ, ხვალ უთენია უნდა ავდგეთ, რომ ჯოგმა არ გაგვასწროს.

ჩემი თანამგზავრები დამეთანხმენ და ყველანი დასაძინებლად მზადებას შევუდექით. გუდმა ტანსაცმელი გაფერთხა, გაწმინდა, შემდეგ მონოკლი და ხელოვნური კბილები ჯიბეში ჩაიწყო, შარვალი და ხალათი გულდაგულ დაკეცა და, დილის ცვარს რომ არ დაესველებინა, თავისი გარეზინებული ზეწრის ქეშ ამოსდო. მე და სერ ჰენრიმ კი სწრაფად გავიხადეთ ტანსაცმელი, საბნები წავიხურეთ და თავი დრმა ძილს მივეცით. დადლილ-დაქანცულებს სიზმარიც კი არ გვინახავს, მაგრამ ძილშიც კი გვეჩენებოდა, რომ მივდიოდით, მივდიოდით და მივდიოდით...

ზუ, ეს რა ხმები ისმის?

იქ, სადაც წევალი გვეგულებოდა, ერთი ორომტრიალი და ლაწალუწი ატყდა. მეორე წუთს გაისმა შემზარავი დრიალი. დიახ, დიახ, ასე მხოლოდ ლომი დრიალებს ხოლმე. თვალისდახმახმებაში წამოვხტით და სიბნელეს თვალზაციებით დაგაშეგრდით. როგორც იქნა, გავარჩიეთ მოყვითალო-მოშავო ფერის რაღაც სხეულები. ისინი აქეთ-იქით აწყდებოდნენ და სამკვდრო-სასიცოცხლო ბრძოლით თანდათანობით გვიახლოვდებოდნენ. ჩვენ თოფებს ხელი დავაკლეთ, ვეღლდსკუნები გზადაგზა ჩავიცვით და მოღობილიდან სირბილით გავედით. სწორედ ამ დროს მოწინააღმდეგენი მიწაზე დაეცნენ, ერთ ხანს გვესმოდა, როგორ კოტრიალობდნენ ბალახში, მერე მიუუჩდნენ და როცა მივუახლოვდით, უმარე გაშეშებულნი იყვნენ.

აი, რა სურათი წარმოგვიდგა თვალწინ.

ბალახში მამალი ანტილოპა ეგდო — ეს ანტილოპა აფრიკაში გაგრცელებულ ჯიშებს შორის ყველაზე ლამაზია. იქვე დაგინახეთ საუცხოო შავფაფრიანი ლომი, იგი ანტილოპას თავისი უზარმაზარი მოხრილი რქებით გაეგმირა. ალბათ ანტილოპა წელის დასალევად ჩავიდა ხნარცვთან, სადაც საკბილოს მოღობინში ლომი იყო მიმალული (უთუოდ მისი დრიალი გვესმოდა

დაწოლის წინ). ანტილოპა რომ წყალს დაეწაფა, ლომი ზურგზე შეახტა და ზედ მის წვეტიან რქებს წამოეგო (მსგავს სურათს ერთხელ უკვე სადღაც წავაწყდი). ლომი გააფორდა და, რაკი თავი ვერაფრით გაითავისუფლა, სულ დაუფლითა ანტილოპას კისერი და ზურგი. შიშისა და ტკივილისაგან გაგიჟებული ანტილოპა გამწარებული გამოიქცა ხნარცვიდან. ასე გარბოდა, ვიდრე შეკვდარი არ დაეცა ძირს.

ჩვენ დაგათვალიერეთ უსულო ცხოველები, მსახურებსა და მტვირთავ კაფრებს ვუხმეთ და საერთო ძალით ლომი და ანტილოპა ლობისკენ გადმოვათრიეთ, შემდეგ ჩვენს საწოლებს დაგუბრუნდით და მზის ამოსვლამდე ფეხიც აღარ გაგინძრევია.

ცისპირი გატყდა თუ არა, ფეხზე წამოვდექით და ნადირობის სამზადისს შევუდექით. გადავწყვიტეთ წაგველო მსხვილყალიბიანი სამი თოფი და ბლომად ტყვია-წამალი, ჩვენი მოზრდილი მათარები კი ცივი ჩაის სუსტი ნაყენით აგვევსო. მე ვფიქრობ, ნადირობისას ჩაი საუკეთესო სასმელია. შემდეგ ნაჩქარევად ვისაუზეთ და გზას გავუდექით. ამბოპა, ხივა და ვენტოგელი უგან მოგვყვნენ. კაფრი მტვირთავები კი ბანაკში დავტოვეთ და ვუბრძანეთ, ლომი და ანტილოპა გაეტყავებინათ, მერე ანტილოპა ნაჭერ-ნაჭერ აექნათ.

სპილოების ფართო ბილიკის მიგნება არ გაგვჭირვებია. ვენტფოგელმა ბილიკი დაათვალიერა და თქვა, აქ ოც-ოცდაათამდე სპილოს გაუვლია, ამათგან უმეტესობა მამალი სპილოებიაო.

ლამით ჯოგს კარგა დიდი მანძილის გავლა მოესწრო და მხოლოდ ათი საათისათვის, როცა სიცხემ გვარიანად შეგვაწუხა, დამტვრეულ-დალეწილი ხეების, მოთხრილი ფესვების, მიურილ-მოყრილი ფოთლებისა და აბოლილი ნაკელის დანახვისას მივხვდით, რომ სპილოები სადღაც ახლოს იმყოფებიან.

მართლაც, ცოტა ხნის შემდეგ თვალი მოვკარით ჯოგს. ვენტფოგელი მართალი გამოდგა, ასე ოცი-ოცდაათი სპილო იქნებოდა. საუზმე დაემთავრებინათ, ახლა დარტაფში იდგნენ და უზარმაზარ ყურებს აფართხუნებდნენ. მართალი მოგახსენოთ, საუცხოო სანახაობა იყო.

სპილოები ჩვენგან ორასიოდე იარდით იყვნენ დაშორებულნი. მე დავიხარე, გამხმარ ბალახს ხელი მივუსვ-მოვუსვი, მუჭში შევაგროვე და მერე მაღლა შევისროლე, რომ ქარის მიმართულება გამეგო. ვიცოდი, თუ სუნს იკრავდნენ, ისე სწრაფად მიეფარებოდნენ თვალს, თოფის დაცლასაც ვერ მოვასწრებდით. როცა დავრწმუნდით, ქარი ჩვენკენ ქროდა, ნელ-ნელა, ფორთხვით წავედით სპილოებისკენ და, რაკი მაღალი ბალახი გვფარავდა, ამ უზარმაზარ ცხოველებს ასე, ორმოც იარდზე მივუახლოვდით. სწორედ ჩვენ წინ, გვერდშექცევით სამი ვეებერთელა სპილო იდგა. ერთ მათგანს უშველებელი ეშვები პქონდა. ჩემს თანამგზავრებს გადავუჩრულე, მე შეათანას ვესვრი-მეთქი. სერ პენრიმ მარცხნივ მდგომი სპილო ამოილო მიზანში, გუდმა კი იმ დიდეშვიანს უმიზნა თოფი.

— აბა, ვესროლოთ! — ჩურჩულით ვთქვი.

— ბახ! ბახ! ბახ! — იჭექა თოფებმა და სერ პენრის სპილო უსულოდ დაეცა ძირს, ტყვია შიგ გულში პქონდა მოხვედრილი.

ჩემმა სპილომ წამოიჩიქა, ასე მეგონა, სასიკვდილოდ დაგჭერი-მეთქი, მაგრამ წამის შემდეგ ფეხზე წამოდგა და ჩვენკენ გამოიქცა, ცოტას გაწყდა, გვერდი არ გამკრა. ამჯერად თოფი ფერდში დავუმიზნე და ვესროლე. სპილო მკვდარი დაეცა. თოფი საჩქაროდ დავტენე, მისკენ გავექანე, საბრალო პირუტყვს მესამე ტყვია ტგინში ჩაგაჭედე და ამით მის ტანჯგას ბოლო მოგუდე, მერე გუდისკენ მივიხედე, რომ მენახა, როგორ გაართვა თავი იმ უზარმაზარ ცხოველს, სიბრაზისა და ტკივილისაგან რომ ლრიალებდა და იქაურობას

აყრუებდა. დავინახე, ცუდ დღეში ჩავარდნილიყო და მისკენ გავექანე. ძალიან აღელვებული დამხვდა.

პირველი ტყვიით დაჭრილი, გააფთრებული ცხოველი თავდათავ მისკენ გამოქანებულიყო. საბრალო კაპიტანს ძლივს მოესწრო განზე გახტომა. ახლა სპილო გზა-კალის განურჩევდად პირდაპირ ჩვენი ბანაკისაკენ გარბოდა, დაფეთებული ჯოგი კი საწინააღმდეგო მიმართულებით მიქროდა.

ჩვენ შევყოყმანდით, ვერ გადაგვეწყვიტა, დაჭრილ სპილოს გამოვდგომოდით თუ ჯოგს ავდევნებოდით. ბოლოს ვარჩიეთ, ისევ ჯოგს გავუოლოდით. გვეგონა, იმ უზარმაზარ ეშვებიან სპილოს ვეღარასოდეს ვიზილავდით, მაგრამ შევცდით. ნეტავ მართლა ასე მომხდარიყო! სპილოების დევნა არ გაგვანელებია, ისინი გზად ტოვებდნენ ფართო ბილიკს, ისე თხრიდნენ და ლეწავდნენ სქელ ბუჩქებსა და ბარდნარს, თითქოს ბალახის ლეროები ყოფილიყო.

მაგრამ მათთან მიახლოვება არც ისე ადვილი აღმოჩნდა. სიცხისაგან გათანგულები ორი საათი მაინც მივდევდით უგან, ვიდრე ხელახლა დავინახავდით. უზარმაზარი მამალი სპილოს გარდა, ყველანი ერთად შუქუხულიყვნენ, მოუსვენრად ტოკავდნენ და ხორთუმს წამისწამ მაღლა სწევდნენ, რომ პაერი დაეყონსათ. ამით მივხვდი, რაღაც ცუდი განეზრახათ.

ის მამალი სპილო ჯოგს, ასე, ორმოცდაათ იარდზე დაშორებული. ალბათ დარაჯად იდგა. ჩვენგანაც დაახლოებით ამ მანძილით იქნებოდა დაშორებული. უფრო ახლოს მისვლა რომ გადაგვეწყვიტა, შეიძლებოდა დავენახეთ, ან სუნი ეკრა და მაშინ ჯოგი ისევ გაიქცეოდა. ამიტომ ჯოგის გუშაგი ყველამ მიზანში ამოვიდეთ და ჩემს მიცემულ ნიშანზე ერთბაშად ვესროლეთ. სამივე ტყვია მიზანში მოხვდა და სპილო უსულოდ დაენარცხა ძირს. ჯოგი გაიქცა, მაგრამ, საუბედუროდ, ასიოდე იარდის შემდეგ წააწყდა ნულას – მდინარის დამშრალ ციცაბონაპირიან კალაპოტს. სპილოებმა თავი ვედარ შეიკავეს და ფლატეზე გადაცვიდნენ. როცა მივუახლოვდით, დავინახეთ, დაფეთებული ცხოველები თავგანწირვით ცდილობდნენ იქთა ნაპირზე აბობებას, შემზარავი ღრიალით იქაურობას აყრუებდნენ და გადარჩენის ეგოისტური ინსტინქტით ამოძრავებულები ერთმანეთს ფეხევეშ თელავდნენ. ერთი სიტყვით, იქცეოდნენ ისე, როგორც მოიქცეოდა ადამიანთა უმრავლესობა მსგავს შემთხვევაში.

დრო ხელსაყრელი იყო. ჩვენც სასწრაფოდ დავტენეთ თოფები, ვისროლეთ და ხეთი ცხოველი სიცოცხლეს გამოვასალმეთ. ალბათ მთელ ჯოგს ამოვწყვეტდით, მაგრამ სპილოებმა მოულოდნელად გეზი იცვალეს. იმის ნაცვლად, რომ მაღლა აყოლოდნენ, მდინარის კალაპოტს თავქვე დაუყვნენ და რაც ძალი და, ღონე პქონდათ გაქუსლეს. ძალზე დაჭანცულები ვიყავით, მათი დევნის თავი ადარ გვქონდა, მგონი, მოგვწყინდა კიდეც ეს ხოცა-ჟლება. ხუმრობა ხომ არ იყო, რვა სპილო მოვკალით! ერთი დღისთვის ეს არც თუ ისე ცუდი ნადავლი იყო.

ცოტა ხნით შევისვენეთ. ამასობაში ჩვენმა მსახურებმა ორ მოკლულ სპილოს გულები ამოაცალეს და ვახშმისათვის შეინახეს, მერე კი კმაყოფილებმა ბანაკისკენ გამოვწიეთ. გადავწყვიტეთ, მეორე დილით მებარგულები გამოგვეგზავნა, რომ სპილოებისათვის ეშვები დაეძროთ.

იმ ადგილს რომ მივუახლოვდით, სადაც გუდმა უზარმაზარი სპილო დაჭრა, წინ ანტილოპების ჯოგი შემოგვეფეთა. არ გვისვრია, რადგან ხორცი ისედაც საქმარისი გვიონდა. ანტილოპებმა გვერდით ჩაგვიქროლეს, ასიოდე იარდი გაირბინეს, ბუჩქებს მიეფარნენ და შემობრუნდნენ, რომ კარგად დაგეთვალიერებინეთ. გუდს სამხრეთაფრიკული ანტილოპა არასოდეს ენახა, ერთი სული პქონდა, მათთან ახლოს მისულიყო, ამიტომ თოფი ამბოპას გაუწოდა და ხივას თანხლებით ბუჩქნარისკენ გასწია. ჩვენ კი მის მოლოდინში დასასვენებლად დაგსხვდით.

მზე ჩადიოდა დიდებული და ბრწყინვალე, დასალიერს მეწამული ფერი დასდებოდა. მე და სერ პენრი ამ ლამაზი სურათის ცქერით ვტკბებოდით. უეცრად საზარელი დრიალი შემოგვესმა. იმავე წამს უზარმაზარი სპილოც დავინახეთ. მას ხორთუმი აეშვირა, კუდი აეპრიხა და ისე გამორბოდა.

სწორედ ის სპილო იყო, დილით გუდმა რომ დაჭრა; გააფთრებული ცხოველის წინ თავქუდმოგლეჯილები გამორბოდნენ გუდი და ხივა. დიახ, დიახ, სპილო სწორედ მათ მოსდევდა. საზარელი სურათი იყო. ჩვენ გაშეშებულები ვიდექით, სროლას ვერ ვბედავდით, გვეშინოდა, შემთხვევით ჩვენიანები არ დაგვეჭრა, თუმცა სიმართლე რომ ითქვას, ამ სიშორეზე სროლას აზრიც არ პქონდა.

წამიც და საშინელი რამ მოხდა: გუდი მისმა ევროპულმა ტანსაცმელმა იმსხვერპლა. რომ არ აეხირებინა და შარვლისა და გეტრების ნაცვლად ჩვენსავით ფლანელის ხალათი და ველდსკუნები ეტარებინა, არაფერი მოხდებოდა. ახლა კი, ამ სამკვდრო-სასიცოცხლო წუთში შარვალი სირბილში ხელს უშლიდა. კაპიტანი სამოციოდე იარღით იქნებოდა ჩვენგან დაცილებული, რომ ფეხი აუსხლტა და ზედ სპილოს ცხვირწინ პირქვე გაიშხლართა (ფეხი კი მიტომ აუსხლტა, რომ მისი ევროპული ფეხსაცმლის ლანჩები ბალახზე სირბილის დროს გაპრიალდა და ძალზე ცურავდა).

ჩვენ ყველამ საზარლად შევყვირეთ და მისკენ გავექანეთ, თუმცა ვიცოდით, ვედარავერს ვუშველიდით.

მართლაც, სამიოდე წამში ყველაფერი დამთავრდა, მაგრამ არა ისე, როგორც ჩვენ ვვარაუდობდით. როცა ხივამ დაინახა, გუდი დაეცაო, შებრუნდა და გააფთრებულ ცხოველს შები ხორთუმში აძგერა. გამწარებულმა სპილომ დაიღრიალა, ზულუსი მიწაზე დაანარცხა, წელქვევით თავისი უზარმაზარი ფეხი დაადგა, წელზევით ხორთუმი შემოარკალა და საბრალო ბიჭი შუაზე გახლიჩა.

ამ საშინელი სანახაობით გონდაკარგულები იქიოკენ გავქანდით, თან გზადაგზა შეუჩერებლივ ვისროდით, ვისროდით მანამ, სანამ სპილო ზულუსის გვამს ზედ არ დაეცა.

ამასობაში გუდიც წამოდგა და, სასოწარკვეთილი ხელების მტვრევას მოჰყვა. დასტიროდა მამაც ჭაბუქს, მის გადასარჩენად სიცოცხლე რომ არ დაიშურა.

თუმცა ცხოვრებამ საკმაოდ გამაკაუა, ამ სურათის დანახვისას ყელში ბურთივით მომაწვა რაღაც და ლამის მეც ავქვითინდი. ამბოპა განზე იდგა და უზარმაზარ სპილოს და პატარა დასახიჩრებულ გვამს დასჩერებოდა.

— რა ვუყოთ, — თქვა მან უეცრად, — მართალია, ხივა მოკვდა, მაგრამ მოკვდა გმირულად, ვაჟაცური სიკვდილით.

## თ ა ვ ი V

### ჩ ვ ე ნ უ დ ა ბ ნ თ ს მ ი ვ ყ ვ ე ბ ი თ

ჩვენ ცხრა სპილო მოგალით, ეშვები დავაძვრეთ, ბანაკის ახლოს გადმოვიტანეთ და ერთი უზარმაზარი ხის ძირას ქვიშაში ჩავფალით. ყველაფერ ამას ორი დღე მოვანდომეთ. უკეთესი სპილოს ჭალი არსად შემხვედრია, ყოველი ეშვი, საშუალოდ, ორმოციდან ორმოცდათ გირვანქამდე იწონიდა. ხივა რომ დაფლითა, იმ სპილოს ეშვები კი, ჩვენი გარაუდით, ას სამოცდათი გირვანქა მაინც იქნებოდა. საბრალო ხივა, უფრო სწორად, მისი დასახიჩრებული გვამი, ჭიანჭველაჭამიას სოროში დაგერძალეთ. თან, ზულუსების ჩვეულების

თანახმად, საფლავში შები ჩავაყოლეთ, ეგება საიქიოს გზაზე მიმავალს თავდასაცავად დასჭირდეს.

მესამე დღეს, ალიონზე ისევ გზას გავუდექით. იმედი გვქონდა, თუ ცოცხლები გადავრჩებოდით, აქეთობისას იმ ეშვებს ამოვთხრიდით და თან წამოვიდებდით. საკმაოდ გრძელი და მომქანცეველი გზა გავიარეთ და, ბოლოს, როგორც იქნა, სიტანდას მივაღწიეთ. ეს კრიალა მდინარე ლუკანგას მახლობლად მდებარეობს. კაცმა რომ თქვას, ჩვენი მოგზაურობა სინამდვილეში სწორედ აქედან იწყებოდა.

შესანიშნავად მასსოვს, როგორ მივედით სიტანდაში. მარჯვნივ პატარა დაბა იყო. დაბა-მეთქი ვამბობ, მაგრამ ამ დაბაში სულ რამდენიმე უბადრუკი ქოხი იდგა. ქოხებზე საქონლისთვის ქვის გომურები მიეშენებინათ. უფრო ქვემოთ, ზედ მდინარესთან ზოლებად ილანდებოდა დამუშავებული მიწის ნაკვეთები, სადაც აქაური მკვიდრი მარცვლეულს თესავდნენ. უფრო შორს, თვალიუწვდომელ სივრცეზე გაჭიმულიყო მაღალი მობიბინე ბალახით დაფარული ველები, ანუ მდელოები, ზედ კი ჯოგ-ჯოგად დაეხეტებოდა წვრილფეხა პირუტყვი.

კრაალი სიტანდა სწორედ ამ ნაყოფიერი მიწის საზღვარზე მდებარეობდა. კრაალის მარცხნივ უდაბნო გადაჭიმულიყო. მნელი სათქმელია, რას უნდა მიეწეროს, რომ ნიადაგი ასე მკვეთრად და მოულოდნელად იცვლიდა სახეს, მაგრამ განსხვავება იმდენად გასაოცარი იყო, რომ, გინდა არ გინდა, თვალში გეცემოდა.

ჩვენ პატარა მდინარის მახლობლად დავიკარვეთ, წყალგადმა ქვადორდიანი ფერდობი მოჩანდა. ოციოდე წლის წინათ ამ ფერდობს ხოხვით მიჰყვებოდა საბრალო სილვესტრი; მისი გიგური ოცნება, მიეღწია სოლომონის საბადომდე, მარცხით დამთავრდა. ფერდობის იქით, დაბლა, ეკლიანი ბუჩქარით დაფარული უწყლო უდაბნო იწყებოდა.

საღამოვდებოდა. მზის უზარმაზარი ბირთვი ნელ-ნელა ეშვებოდა უდაბნოსკენ და მისი სხივები თვალუწვდენელ სივრცეს ნაირფრად აშუქებდა.

ვიდრე გუდი ბანაების საქმეებს მოაგვარებდა, მე სერ ჰენრის ვთხოვე, ცოტა გავისეირნოთ-მეთქი. ორივენი გორაკზე ავედით და იქიდან გავხედეთ უდაბნოს. პაერი წმინდა და კრიალა იყო. შორს, შორს, ცის დასალიერთან თვალი მოვკარი სულეიმანის მთების თოვლიან მწვერვალებს, რომლებიც აქედან ძალზე ბუნდოვნად მოჩანდა.

— შეხედეთ, — ვუთხარი სერ ჰენრის ცოტა ხნის სიჩუმის შემდეგ, — ის კედლები გარს ერტყმიან სოლომონ მეფის საბადოს. ღმერთმა უწყის, მივაღწევთ თუ არა იქამდე.

— იქ უნდა იყოს ჩემი ძმა და თუ ეს ასეა, უსიკვდილოდ მოვძებნო, — მშვიდად მიპასუხა სერ ჰენრიმ.

— რა გაეწყობა, ღმერთი იყოს ჩვენი მფარველი, იმედს ნუ დაგვარგავთ, — ამოვიოხრე და შევტრიალდი, რომ ისევ ბანაკში გავბრუნებულიყავი. მაშინდა დაგინახე, მარტონი არ ვიყავით.

ჩვენ უკან შორეული მთებისკენ თვალმიპყრობილი ჩვენი ზულუსი ამბოპა იდგა. როცა დამინახა, მისკენ ვიყურებოდი, სერ ჰენრის მიუბრუნდა (ვატყობდი, ამბოპამ სერ ჰენრი რაღაც გამორჩეულად შეიყვარა):

— მაშ, იმ მთებისკენ აპირებ წასვლას, ინკუბუ? — უთხრა და თავისი ფართო ასეგაი მთებისკენ გაიწვდინა.

ინკუბუ სპილოს ნიშნავს, ეს სახელი სერ ჰენრის ზულუსებმა შეარქევს.

ბრაზი მომერია და მკაცრად ვუთხარი, — როგორ ბედავ შენს ბატონთან ასე მოურიდებლად ლაპარაკს; შეგიძლიათ ერთმანეთში როგორც მოგესურვებათ, ისე ილაპარაკოთ, მაგრამ უფლება არა გაქვთ, თეთრკანიანს რაღაც სულელური

შერქმეული სახელებით მიმართოთ-მეთქი. ამაზე ამბოპამ მშვიდად გაიცინა. მისმა სიცილმა კიდევ უფრო აღმაშვოთა.

— რა იცი, რომ ადამიანი, რომელსაც ვემსახურები, ჩემი ტოლი და სწორი არ არის? — მითხვა ამბოპამ. — თქმა არ უნდა, ჩემი ბატონი მეფის შთამომავალია, ამას მისი სიმაღლე და გარეგნობა მოწმობს; მაგრამ საიდან იცით, რომ მეც სამეფო გვარს არ ვეკუთვნი? ოჲ, მაკუმაზან, გადაეცი ჩემი სიტყვები ინკუბუს, ჩემს ბელადსა და ბატონს, შენც მისმინე, მინდა რაღაც გითხვა.

გაბრაზებული ვუგდებდი ყურს. ზულუსებისაგან ჩვეული არა ვარ ასეთ ლაპარაკს. მაგრამ ასე იყო თუ ისე, ამ კაცს ჩემდაუნებურად პატივს ვცემდი, თანაც მაინტერესებდა, რა უნდა ეთქვა ჩვენთვის; ამიტომ მისი სიტყვები მაშინვე ვუთარგმნე სერ პენრის, ჩემი მხრივ კი დავუმატე, ეს ზულუსი ნამეტნავად გათავსედდა და გაკადნიერდა-მეთქი.

— ჰო, ამბოპა, — მიუგო სერ პენრიმ, — იმ მთებისკენ ვაპირებ წასვლას.

— უდაბნო უსასრულოა, იქ წყალი არ არის, ცად აზიდული მთები კი თოვლითაა დაფარული. ვერავინ იტყვის, რომ გადალახა ის მთები, რომელთა უკან მზე იძალება. როგორ მიაღწევ იქამდე, ინკუბუ, ან რატომ ეშურები იქითკენ?

მე სერ პენრის ეს სიტყვებიც ვუთარგმნე.

— გადაეცი, — მითხვა სერ პენრიმ, — რომ დიდი ხნის წინათ იქით წავიდა ერთი ადამიანი, რომლის ძარღვებშიც ჩემი სისხლი ჩქევს. ჩემი ვალია, მოვძებნო იგი.

— მართალს ამბობ, ინკუბუ. აქეთობას ერთ პოტენტოტს შევხვდი, მან მითხვა, ორი წლის წინათ ვიდაც თეთრკანიანი უდაბნოს გაჰყვა და იმ მთებისკენ წავიდა, თან მონადირე-მსახური ახლდა, უკან არც ერთი ადარ დაბრუნებულაო.

— რა იცი, რომ ის კაცი ჩემი მმა იყო? — პკითხა სერ პენრიმ.

— მე არაფერი ვიცი, მაგრამ პოტენტოტს რომ ვკითხე, ის კაცი როგორი იყო-მეთქი, მითხვა, თვალებით შენს ბატონს წააგავდა, ოღონდ შავი წვერი პქონდაო. მის მსახურს ჯიმი ერქვა. ბერუანლენდიდან ყოფილა, ტანსაცმელს ატარებდა თურმე.

— მართლაც თქვენი მმა ყოფილა! — წამოვიყვირე მე, — ჯიმს ხომ კარგად ვიცნობდი!

სერ პენრიმ დაფიქრებით დამიქნია თავი.

— ამაში ეჭვი არ მეპარებოდა, — თქვა მან, — ჯორჯი კერპი კაცია, თუ რამე ამოიჩემა, უკან აღარ დაიხევს. ბავშვობიდანვე ასეთი იყო. რაკი გულში ჩაიდო, სულეიმანის მთებზე უნდა გადავიდეო, გადავიდოდა კიდეც, რასაკვირველია, თუ გზაში რაიმე უბედურება არ დაატყდა თავს. ამიტომაც სწორედ იმ მთების იქით უნდა ვეძიო.

ამბოპას ცოტ-ცოტა ესმოდა ინგლისური, მაგრამ ამ ენაზე იშვიათად ლაპარაკობდა.

— ძალზე შორი გზაა, ინკუბუ, — თქვა მან.

მე მისი სიტყვები სერ პენრის ვუთარგმნე.

— დიახ, გზა მართლაც შორია, — მიუგო სერ პენრიმ, — მაგრამ არ არსებობს ამქვეუნად გზა, ადამიანმა რომ ვერ გალიოს, თუკი ამას მთელ ძალ-ღონეს მოახმარს. თუ სიყვარული კელაპტორად წინ უძღვის, კაცი ყველაფერს დაძლევს. არ არსებობს ისეთი მთა, მან ვერ გადალახოს, არ არსებობს უდაბნო, იგი რომ შეაჩეროს, გარდა, რასაკვირველია, იმ მთებისა და უდაბნოებისა, რომელთა ნახვა ამ ცხოვრებაში არ გვიწერია. ასეთი სიყვარულისთვის

უკელაფერს გაწირავ, თვით სიცოცხლესაც კი. დიახ, საპუთარ სიცოცხლესაც მსხვერპლად გაიღებ, თუკი უფალმა ასე ინება.

— დიადი იყო შენი სიტყვები, ოჲ, მამავ ჩემო, — მიუგო ზულუსმა (ასე ვეძახდი ამბობას, მიუხედავად იმისა, რომ იგი ზულუსი არ ყოფილა), როცა სერ პენრის სიტყვები გადავეცი, — დიადი და ამაღლვებელი, სწორედ ისეთი, ჰეშმარიტ მამაკაცს რომ შეჰვერის. შენ მართალი ხარ, ინჯებუ, მამავ ჩემო! რა არის სიცოცხლე? მსუბუქი ბუმბული, ან ბალახის თესლია, რომელსაც ქარი თავის ნებაზე წაიღ-წამოიღებს. ზოგჯერ იგი მრავლდება, ზოგჯერ ზეცისაკენ მიფარვატებს, მაგრამ თუ თესლი საღია, შეიძლება გზად მცირე ხნით შეჩერდეს. ქარგი იქნება, ქართან ჭიდილში განვლო ასეთი გზა და ერთ ხანს სადმე დაყოვნდე. ადამიანი ბოლოს მაინც უნდა მოკვდეს, უარეს შემთხვევაში, შეიძლება მოკვდეს ცოტათი ადრე. მე შენთან ერთად უკელგან წამოვალ, ინკუბუ, უდაბნოშიც და იმ მაღალ მთებშიც. დიახ, წამოვალ, თუ გზაზე არ დავეცი.

ამბობა დადუმდა, მაგრამ იმწამსვე განაგრძო ლაპარაკი რიტორიკული აღტყინებით, რომელიც ზოგჯერ ეუფლება ხოლმე ზულუსებს. ეს ამტკიცებს, რომ ამ ტომის ხალხი დაჯილდოებულია პოეტური ნიჭით და ინტელექტით, თუმცადა ერთსა და იმავე სიტყვას რამდენჯერმე იმეორებენ.

— დიახ, რა არის სიცოცხლე? — განაგრძო ამბობამ, — მითხარით, ჰოი, თეთრო ადამიანებო, თქვენ ხომ გონება უკელგან მიგიწვდებათ, აკი ფლობთ სამყაროს საიდუმლოს, გარსკვლავების საიდუმლოს. ოჲ, თეთრო ადამიანებო, თქვენ, რომელთაც გეხერხებათ შორი მანძილიდან უხმოდ, თვალისდახმამხებაში, გადასცეთ ერთმანეთს სიტყვები, გამიმუდავნები სიცოცხლის საიდუმლო, მარქვით, სად მიღის, ან საიდან მოდის იგი. არ ძალგიმო, არა, მიპასუხოთ, რადგან თავადაც არ უწყით ეს. მაშ მისმინეთ, ისევ მე გეტყვით! უკუნეთიდან მოვდივართ და უკუნსავე ვერწყმით. დამეში ქარიშხლისაგან დევნილი ჩიტივით ამოვიჭრებით ხოლმე არარაობიდან, კოცონის შუქზე წამით გაიელვებს ჩვენი ფრთები და მერე კვლავ არარაობას ვუბრუნდებით. სიცოცხლე არარაობაა, არაფერია, მაგრამ ამავე დროს უკელაფერია. ეს ის ხელია, რომელიც განარიდებს სიკვდილს, ეს ციცინათელაა, დამით რომ ციმციმებს და დილის შუქზე ქრება, ხარების მიერ ზამთრობით ამონასუნთქი თეთრი ბოლია, ბალახზე გაწოლილი ოდნავ შესამჩნევი ჩრდილია, რომელიც მზის ჩასვლისთანავე უნდა გაქრეს.

— უცნაური კაცი ხარ, ამბობა, — უთხრა სერ პენრიმ, როცა ზულუსი დადუმდა.

ამბობამ გაიცინა.

— მე მგონია, ჩვენ ძალიან ვგავართ ერთმანეთს, ინკუბუ. ვინ იცის, იქნებ მეც ვექებ ჩემს საკუთარ ძმას იმ მთების იქით.

— რა გინდა ამით თქვა? და საერთოდ, რა იცი იმ მთებზე? — ვკითხე მე და ეჭვით შევათვალიერე.

— ოჲ, ძალიან ცოტა რამ. ამბობენ, იმ მთების გადაღმა საიდუმლოებით მოცული წარმგაცი ქვეყანა არისო. საოცრებათა და გრძნეულთა, მამაცი მეომრებისა და მაღალი ხეების, თოვლიანი მწვერვალების, მწეხარე ჩანჩქერებისა და თეთრი ვაზის ქვეყანაო. მაგრამ ღირს კი ამაზე ლაპარაკი? წასვლის დროა, საღამოვდება. ვისაც ბედი წარუმდვება, ის მიაღწევს კიდეც იქამდე.

მე კვლავ უნდობლად გადავხედე, ამ კაცმა უეჭველად იცოდა რაღაც.

— ჩემი ნუ გეშინია, მაკუმაზან, — მითხრა ამბობამ, ჩემი იჭვნეული მზერა რომ დაიჭირა, — გულში ცუდი არაფერი მიღებს. არც სამარეს გითხრით ჩუმ-ჩუმად. თუ ოდესმე გადავლახეთ ის მთები, მზის უკან რომ აღმართულან, ვიტყვი უკელაფერს, რაც ვიცი, მაგრამ ვაი, რომ მათ მწვერვალებზე სიკვდილი

დახეტიალობს. გამოიჩინეთ კეთილგონიერება, დაბრუნდით უკან, დაბრუნდით-მეთქი, ბატონებო, და სპილოებზე ინადირეთ. მე ვთქვი!

შემდეგ დამშვიდობების ნიშნად შები ასწია, შებრუნდა და თავქვე დაეშვა; ბანაკში რომ ჩავედით, იგი უკვე თოფს წმენდდა, როგორც ეს ჩვეულებრივ მსახურს შეეფერება.

— რა უცნაური კაცია, — თქვა სერ ჰენრიმ.

— უცნაურზე მეტია, — დავუმოწმე მეც. — ჩემი აზრით, საეჭვოდ იქცევა, რაღაც იცის, მაგრამ არ უნდა თქვას. თუმცა მასთან ურთიერთობის გაფუჭება არა ღირს. გზაში ათას რამეს გადავეყრებით. და ჩვენი უცნაური ზულუსი უთურდ დიდ დახმარებას გაგვიწევს.

მეორე დღეს სამზავროდ მზადებას შევუდექით. რასაკვირველია, სისულელე იქნებოდა იმაზე ფიქრიც კი, ჩვენი თოფები და სხვა იარაღი უდაბნოში თან წაგვედო. მებარგულები გავისტუმრეთ და მოველეპარაკეთ იქვე მცხოვრებ კაფრს, ვიდრე დაგბრუნდებოდით, ჩვენი ნივთები თავისთან შეენახა. გული მეფლითებოდა, როცა ვფიქრობდი, ეს საუცხოო თოფები ამ ქურდს უნდა ჩავაბაროთ-მეთქი. ბებერ გაიძერას მათ დანახვაზე თვალები აუციმციმდა, ვერ იქნა და ვერ მოაცილა წუწყი მზერა. იძულებული გავხდი, სასწრაფო ზომებისთვის მიმემართა.

პირველ ყოვლისა, დავტენე ყველა თოფი, ჩახმახები შევაყენე და კაფრს გამოვუცხადე, ამ იარაღს თითო არ დააკარო, თორემ უბედურებას დაატრიალებ-მეთქი. კაფრმა მაშინვე მოისურვა შექმოწმებინა, მართალს ვეუბნებოდი თუ არა, და ჩემს ორლულიან თოფს დასწევდა. გაისმა გრიალი და ტყვიამ ფერდი შეულეწა ხარს, რომელსაც სწორედ ამ დროს კრაალში მოდენიდნენ. კაფრი კი უკავდარტყმისაგან ზურგზე გადაკოტრიალდა, იმავე წამს წამოხტა. ხარის დაკარგვა საშინლად ეწყინა და გათავებდებულმა საზღაური მომთხოვა. ერთი კია, მეფიცებოდა, მაგ თოფებს სიახლოვეს აღარ გავეკარებიო.

— ჩამალეთ თვალში ეგ ცოცხალი ქაჯები, თორემ ყველას გაგველებს! — ბუტბუტებდა იგი.

ვიცოდი, მოხუცი ძალზე ცრუმორწმუნე იყო და დავემუქრე: ერთი თოფიც რომ დაგვეკარგოს, ჯადოს ვიხმარ და შენც და შენს სახლობასაც ერთიანად ამოგეუშავთ-მეთქი. თუ ბედმა გვიმტყუნა და გზაში დაგიღუპეთ, შენ კი ამ დროს ჩვენი თოფების დასაძუთრება მოიწადინე, საიქიოდან გამოგეცხადები, ჩემს აჩრდილს ვერც დღისით და ვერც დამით ვერსად გაექცევი-მეთქი... გარდა ამისა, შენს საქონელს შეგულოცავ, დაგაცოფებ, რძეს გაფუშრობ, შენ კი იმ ზომამდე მიგიყვან, სიკვდილი სანატრელი გაგიხდეს-მეთქი. ამას არ გაკმარებ, ეშმაკეულებს, თოფში რომ სხედან, გარეთ გამოვუძახებ და ისინი მოგელაპარაკებიან, როგორც წესი და რიგია-მეთქი. ერთი სიტყვით, გავაგებინე, რა სახჯელი ელოდა, თუ ჩვენს ნდობას არ გაამართლებდა. ბებრუხანა გვარიანად შემინდა და შემომფიცა, თქვენს ნივთებს ისევე გაგუფრთხილდები, როგორც განსხვენებული მამაჩემის სულსო.

ზედმეტი ტყირთისაგან გავთავისუფლდით და საგზაოდ მზადებას შევუდექით. საჭირო იყო, გადაგვერჩია თან წასაღები იარაღი და ნივთები. ძალიან ვცდილობდით თავი არ გადაგვეტვირთა და რაც შეიძლება მსუბუქად გვევლო, მაგრამ თითოეულ ჩვენგანს ორმოც-ორმოცი გირვანქა ტყირთი მაინც შეხვდა საზიდად. აი, რა მიგვერნდა თან:

სამი „ექსპრესის“ სისტემის თოფი, თავისი თრასი ტყვიით; ორი საგაზნეკოლოფიანი „ვინჩესტრი“ (ამბობასა და ვენტფლოგელისათვის), ესეც ორასი ტყვიით; სამი „კოლტის“ სისტემის რევოლვერი სამოცი ტყვიით; ხუთი ოთხ-ოთხსამინტიანი მათარა; ხუთი საბანი; ოცდახუთი გირვანქა ბილტონგი ანუ აპოხტი; ათი გირვანქა საუკეთესო მძივი საჩუქრებისათვის; პატარა აფთიაქი

აუცილებელი წამლებით. თან წავიდეთ აგრეთვე ერთი უნცია ქინაქინა და მცირე ზომის ქირურგიული ხელსაწყოები.

ამას ემატებოდა ზოგიერთი წვრილმანი: კომპასი, ასანთი, ჯიბის ფარანი, ფილტრი, თამბაქო, პატარა ბარი, ერთი ბოთლი ბრენდი და, ბოლოს, ტანსაცმელი, რომელიც ზედ გვეცვა. ასეთი შორი და სახიფათო მოგზაურობისათვის ყველაფერი ეს, რასაკვირველია, ცოტა იყო, მაგრამ მეტის წალება ვედარ გავტედეთ, ორმოცი გირვანქა ტვირთი ჩვენთვის საკმაოზე მეტიც იყო. უდაბნოს გავარვარებულ ქვიშაზე მძიმე ტვირთით სიარული ძნელზე ძნელი საქმეა. ასეთ შემთხვევაში, ყოველი ზედმეტი გრამი უნდა აიწონ-დაიწონოს. ძალიანაც რომ ვცდილიყავით, ტვირთს ვერ შევიმსუბუქებდით, რადგან თან მხოლოდ აუცილებელი ნივთები მიგვქონდა.

დღიდი გაჭირვებით დაგიყოლიე სამი საცოდავი კაფრი, ოციოდე მილზე წამოგვყოლოდა. – ეს ჩვენი მოგზაურობის პირველი საფეხური იყო. ყოველ მათგანს უნდა წამოედო გოგრის დიდი ბოთლი, თითო გალონი წყლით. ფეხის ქირად თითოეულისათვის მონადირის დანა უნდა მიმეცა. იმედი გვქონდა, წყლის მარაგს პირველ გადასასვლელზე შევავსებდით. გადავწყვიტეთ გზას დამით დავდგომოდით, რადგან ამ დროს შედარებით უფრო გრილოდა. კაფრებს ვუთხარი, სირაქლემებზე სანადიროდ მივდივართ-მეთქი. კაფრები პასუხად რაღაცას მეუბნებოდნენ, მხრებს იჩეჩდნენ და მარწმუნებდნენ, ნამდვილად დაგიებულხართ, აუცილებლად წყურვილით დაიხოცებითო. ერთი მხრივ, ეს მართლაც საფიქრალი იყო. მაგრამ კაფრებს ძალიან უნდოდათ დაწები ხელთ ეგდოთ. სხვა დროს და სხვა პირობებში ასეთ რამეზე ვერც იოცნებდნენ, ამ ველურსა და უკაცრიელ ადგილებში დანა დიდი იშვიათობაა. ჰოდა, დაწების სათრით დაგვთანხმდნენ ის ოცი მილი ჩვენთან ერთად გაევლოთ. ალბათ გულში ფიქრობდნენ, თუნდაც ახლავე დახოცილან წყურვილით, ჩვენი რა საქმეა.

მოელი მეორე დღე ძილსა და დასვენებას მოვანდომეთ: მზის ჩასვლისას ძროხის ხორცით კარგად წავიგახშმეთ და ზედ ჩაიც დაგაყოლეთ. გუდმა ნადგლიანად შენიშნა, ვინ იცის, ჩაის კვლავ როდისდა დავდევთო. ნავახშმევს გავამზადეთ ბარგი-ბარხანა, შემდეგ ისევ დავწექით და მთვარის ამოსვლას დაველოდეთ. ბოლოს, დაახლეობით სადამოს ცხრა საათისათვის, მთვარეც ამობრწყინდა. მისი შუქი თქრიალით მოეფინა არემარეს და შორეთში გაჭრილი უდაბნო ვერცხლისფრად აალაპლაპა. ჩვენ წინ გართხმული სივრცე ისეთივე დიადი და მდუმარე ჩანდა, როგორც ვარსკვლავებით მოჭედილი ცის ტატნობი.

ყველანი მზად ვიყავით, გზას დავდგომოდით, მაგრამ ადგილიდან არ ვიძროდით, თითქოს ვეოყმანობდით, ფეხს ვითრევდით. თუმცა რა გასაკვირია, მოუსავლეთის კარიბჭესთან ადამიანი მუდამ ყოყმანობს ხოლმე. ჩვენ, სამი თერთკანიანი, განზე გავდექით. ამბოპა ჩვენგანა რამდენიმე ნაბიჯზე იდგა. თოვი მხარზე გადაეგდო, ხელში შუბი უჭირა და თვალჩაციებით გასცექროდა უდაბნოს. ვენტფორგელი და კაფრები ჩვენს ზურგს უკან შექუჩლიყნენ.

– ბატონებო, – წამოიწყო სერ პენრიმ დაბალი, სასიამოვნო ხმით მცირე დუმილის შემდეგ, – ჩვენი მოგზაურობა არაჩვეულებრივი იქნება, ვეჭვობ, იგი კეთილად დამთავრდეს. ჩვენ სამნი ვართ და დრმად მჯერა, რაც უნდა მოხდეს, ერთმანეთს უკანასკნელ წუთამდე დავიცავთ. ახლა კი, ვიღრე გზას გავუდგებოდეთ, ვახსენოთ ღმერთი, შემოქმედი ყოვლისა, რომელიც დასაბამიდან წარმართავს ადამიანთა ბედს და აღვავლინოთ მცირე ლოცვა მისდამი. ვენდოთ დვთის ნებას, შევევედროთ, სწორი და ჭეშმარიტი გზით გვატაროს.

სერ პენრიმ ქედი მოიხადა, სახეზე ხელები აიფარა და ორიოდე წუთი ლოცვად იდგა. მე და გუდიც ვლოცელობდით.

მე, მსგავსად მონადირეთა უმრავლესობისა, არ შემიძლია მხურვალედ ლოცვა. სერ პენრი კი დრმად მორწმუნე ადამიანია, თუმცა ამგვარი სიტყვები

მისგან სხვა დროს აღარ გამიგონია. გუდიც დკონისმოსავია, მხოლოდ ლანძღა-გინება უყვარს. ყოველ შემთხვევაში, არ მახსოვს, ოდესმე ასე მსურვალედ მელოცოს. ლოცვა რომ დავასრულე, გულს მეფონა. ჩვენი მომავალი ბნელით იყო მოცული, მაგრამ, ჩემი აზრით, იდუმალი და შეუცნობელი, ყოველგვარი საფრთხე და განსაცდელი, ადამიანს შემოქმედთან აახლოვებს.

— აბა, ახლა კი წავიდეთ! — თქვა სერ ჰენრიმ.

გზას დავადექით. მაგრამ არსებითად ალალბედზე უნდა გვევლო, რადგან გარდა იმ შორეული მთებისა, აქედან ძლიერ რომ ილანდებოდა და ხოსე და სილვესტრას მიერ სამასი წლის წინათ ქსოვილის ნაფლეთზე დახატული რუკისა, ვერაფრით ვიხელმძღვანელებდით. ნახევრად შეშლილი მომაკვდავი მოხუცის დატოვებული ტილოს ეს ნაფლეთი მაინცდამაინც დიდად საიმედო არ იყო. მიუხედავად ამისა, მთელ იმედებს მასზე ვამყარებდით. პირადად მე სულ იმაზე ვფიქრობდი, მივაგნებდით თუ არა პატარა ტბორს „ცუდი წყლით“, რომელიც, მოხუცი პორტუგალიელის რუკის მიხედვით, უდაბნოს შეაგულში, ესე იგი, კრაალ სიტანდადან სამოციოდე მილის დაშორებით უნდა ყოფილიყო. ეს ტბორი ამავე მანძილით იყო დაშორებული დედოფალ საბიას მთებიდან. წყლისთვის რომ ვერ მიგვეგნო, საშინელ ტანჯვაში ამოგვხდებოდა სული, მაგრამ ვინ იყო თავდები, რომ ქვიშისა და ბუქენარის ამ უკიდევანო ზღვაში მაინცდამაინც იმ ტბორს წავადგებოდით. დავუშვათ და, სილვესტრამ სწორად გადაიტანა რუკაზე მისი ადგილსამყოფელი, მაინც ძნელი დასაჯერებელი იყო, რომ სამი საუკუნის მანძილზე უდაბნოს თაკარა სხივებს ერთიანად არ ამოეშრო იგი. ბოლოს და ბოლოს, სულ რომ არაფერი, ქვიშით ამოიგებოდა ან გარეული ცხოველები გადატკეპინიდნენ. აჩრდილებივით უხმოდ მივყებოდით ბნელს. ჩქარი სიარული შეუძლებელი იყო. ფეხი წამდაუწუმ ქვიშაში გვეფლობოდა. ეკლიანი ბარდები გზას გვიღობავდა, ფეხსაცმელი სილით გვევსებოდა. იძულებული ვიყავით, დროდადრო შეგვესვენა და სილა გამოგვეფერთხა. უდაბნოს მძიმე, სულის შემხუთველ ჰაერს დამის სიგრილე რამდენადმე ამსუბუქებდა და სასიამოვნოს ხდიდა. ამიტომაც, მიუხედავად ზემოაღნიშნული სიძნელებისა, საქმაო მანძილის გავლა მოვასწარით. ირგვლივ შემზარავი სიჩუმე გამეფებულიყო. გუდმა ჩვენ გასამხნევებლად სტვენა წამოიწყო. მაგრამ მხიარული კილო ვრცელ უდაბნოში როგორდაც უდიმდამოდ და აგბედითად გაისმა. გუდმა იგრძნო ეს და სტვენა შეწყვიტა.

მალე ძალზე სასაცილო ამბავი გადაგხედა თავს, თუმცა, უნდა ითქვას, თავდაპირველად ძალიან შეგშინდით. გუდი კომპასით ხელში წინ მიგვიძლოდა — როგორც, საერთოდ, ყველა მეზღვაურს, მასაც ემარჯვებოდა კომპასით გზის გაპვლევა. ჩვენ კი ერთიმეორის მიყოლებით მის უკან მივაბიჯებდით. უეცრად ჩვენმა კაპიტანმა ხმამაღლა წამოიყვირა და სადღაც გაჭრა. იმავე წამს ჩვენ ირგვლივ რადაც საოცარი ხმები გაისმა: ფრუტუნი, ხვრინგა და კვნესა ერთმანეთში აირია, მერე ფეხის მძიმე ბარტყუნით ვიდაც გაიქცა.

დიდი გაჭირვებით დავლანდეთ ბნელში რადაც უცნაური ცხოველები, ფხოჭა-გლეჯით რომ გარბოდნენ წინ და ირგვლივ მტკრის კორიანტელს აყენებდნენ. შეშინებულმა კაფრებმა ტვირთი მიწაზე დააგდეს და გაქცევა დააპირეს, მაგრამ მალე მიხვდნენ, გასაქცევი რომ არსად პქონდათ, პირქვე დაემხნენ და აყვირდნენ, ეშმაკი, ეშმაკი! მე და სერ ჰენრი გაოცებულები ვიდექით. მაგრამ წარმოიდგინეთ, რა დაგვემართებოდა, როცა დავინახეთ, რომ გუდი გამალებული მიქროდა მთებისკენ, თან საზარლად ღრიალებდა. მოგენერნა, თითქოს ცხენს მიაჭენებდა. უეცრად ხელები აიქნია და მთელი ძალით მძიმედ დაასკდა მიწას.

მაშინვე მიგხვდით, რაც მომხდარიყო: ბნელში კვაგების ჯოგს გადავწყდომოდით. ცხენებს ემინათ. გუდმა წაიფორხილა და ერთ-ერთ მათგანს

ზურგზე დაცია. დაფეთხბული ცხოველი წამოხტა, ბნელში გაიჭრა და „მხედარიც“ თან გაიტაცა. ჩვენებს მივაძახე, არ შეშინდეთ-მეთქი, და სასწრაფოდ გუდისკენ გავექანე.

ადვილი წარმოსადგენია, როგორ გამიხარდებოდა, როცა ჩვენი კაპიტანი ქვიშაზე მჯდარი დავინახე. საბედნიეროდ, სულაც არ დაშაგებულიყო, მხოლოდ ძალზე შეშინებული ჩანდა და კარგა მაგრადაც იყო დაუშეილი, თუმცა ეს არც მას და არც მის მოხოკლს არ ემჩნეოდა.

ამ შემთხვევამ გვარიანად გაგვამხიარულა და მალე ისევ გზას დავადექით. დამის პირველი საათისთვის შევისვენეთ. ცოტა წყალი დავლიეთ (წყალს სამყოფად ვერ დავლევდით, რაღგან კარგად გვესმოდა, რას წარმოადგენდა ჩვენთვის ეს ძვირფასი სითხე) და ნახევარი საათის შემდეგ ისევ გზას გავუდექით.

ვიარეთ, ვიდრე აღმოსავლეთი აღისფრად არ შეფერადდა, და მოყვითალო-მოვარდისფრო ნაზი სხივები არ გამოჩნდა. ეს სხივები სწრაფად გადადლადდა და უცებ ცეცხლოვან ზოლებად მოედო მიწას, სწორედ ამ ზოლებით შემოცურდა უდაბოში განთიადი, ვარსკვლავები გაუფერულდნენ და ბოლოს სრულიად გაქრნენ. მთვარე მიიბნიდა და მის მკრთალ დისკოზე გამოჩნდა მთაგრეხილის ზოლი. ასე ლაცლაცებს ხოლმე მომაკვდავის სახეზე ჩრდილი. მზის სხივებმა ისრებივით გაიელვეს სადღაც, ძალიან შორს, დაცხილეს უდაბნოს ბურუსის საბურველი და მთელი უდაბნო ოქროსფრად აღაპლაპდა.

გზამ ძალიან მოგქანცა, მაგრამ გადავწყვიტეთ, არ დაგვესვნა, რაღგან ვიცოდით, როგორც კი მზე აიმაღლებდა, ისე ჩამოცხებოდა, ფეხს წინ ვედარ წავდგამდით. ბოლოს, დაახლოებით ერთი საათის სიარულის შემდეგ სწორ ადგილას წამოყუდებული რამდენიმე ქარაფი დავლანდეთ. დაღლილ-დაქანცულები წავლასლასდით იქით და დავინახეთ, რომ რამდენიმე დიდი ლოდი წინ წამოწვდილიყო. ამ ლოდების ქვეშ თავისუფლად შეგვეძლო მზისგან თავის შეფარება. სიამოვნებით შევლაგდით ჩრდილში. მიწა წვრილი სილით იყო მოფენილი. დავლიეთ ცოტაოდენი წყალი, თითო ნაჭერი ბილტონგი დავაყოლეთ, მერე იქვე მივექარეთ და იმწამსვე მკვდრებივით ჩაგვეძინა.

თვალი რომ გავახილე, უკვე სამი საათი იყო.

კაფრი მებარგულები ჩვენ გადვიძებასდა ელოდნენ, რომ უკან გამობრუნებულიყვნენ, მათ ეს უდაბნო უელში ამოუვიდათ და ვედარაფერი აიძულებდათ, ცოტაზე კიდევ გამოგვყოლოდნენ. ოდონდ აქაურობას გასცლოდნენ და დანებზეც კი ხელს აიღებდნენ.

ჩვენ აუწერელი სიამოვნებით დავლიეთ მათარებში ჩარჩნილი წყალი, მერე გოგრის ბოლოებიდან წყალი მათარებში გადავასხით და კაფრები შინ გავისტუმრეთ.

ხუთის ნახევრისთვის პელავ გზას გავუშევით. უდაბნოში სამარისებური სიჩუმე იდგა. თვალმიუწვდომელ ქვიშის ზღვაში, გარდა რამდენიმე სირაქლემისა, სულიერი არ ჰაჭანებდა. ამ უწყლო, გამომშრალ-გამოფიტულ მიწას, ეტყობა, ნადირიც გაურბოდა და ფრინველიც. ორიოდე შხამიანი კობრას გარდა, ქვეწარმავალიც კი არსად შეგვხვედრია. მიუხედავად ამისა, იყო ერთი მწერი, რომელსაც ვერა და ვერ დავაღწიეთ თავი. ეს გახლდათ ბუზი, დიახ, ჩვეულებრივი ოთახის ბუზი. ისინი უდაბნოში დაფრინავდნენ, ჯაშუშებივით გვზვერავდნენ და თან მოგვყვებოდნენ, მაგრამ თითო-თითოდ კი არა, გუნდ-გუნდად. ოთახის ბუზი ძალიან უცნაური მწერია. სად გნებავთ წახვიდეთ, რომ მას არ გადაეყაროთ. რას იზამთ, ათადან ბაბადან ასეთი ყოფილა მათი მოდგმა და ჯიში.

ერთხელ ქარვის ნატეხი მაჩვენეს, შიგ ბუზი მოქცეულიყო. ეს ქარვა ხუთი ათასი წლის მაინც იქნებოდა. ბუზი ზუსტად ჩვენი ოთახის ბუზს წააგავდა. ჩემი

აზრით, როდესაც დედამიწის ზურგზე უკანასკნელი ადამიანი მოკვდება, ბუზი (თუ, რასაკვირველია, ეს ზაფხულში მოხდა) ბზუილ-ბზუილით იტრიალებს მიცვალებულის ირგვლივ, რომ როგორმე დრო იხელთოს და ცხვირზე დაასკუპდეს.

საღამო ჟამს შევისვენეთ, რომ მთვარის ამოსვლას დავლოდებოდით. როცა იგი ჩვეულებრივ მშვიდად და უშფოთველად ცაზე ამოგორდა, ჩვენც გზას გავუყევით. დამის ორი საათისათვის ცოტა ჩავიფერხეთ, მერე კი მზის ამოსვლამდე შეუსვენებლივ ვიარეთ. მზე რომ ამოვიდა, დაღლილ-დაქანცულები დასასვენებლად შევჩერდით. დავლიერ რამდენიმე ყლუპი წყალი და პირდაპირ ქვიშაზე დაგეყარეთ. გაწამებულებს იმწამსვე ჩაგვეძინა. გუშაგის დატოვება სრულიად ზედმეტი იქნებოდა, რადგან ჩვენს ირგვლივ ჭაჭახება არაფრისა იყო. ჩვენი ერთადერთი მტერი სიცხე, უწყლობა და ბუზები იყო. პირადად მე მერჩივნა, კაცს ან გამძვინვარებულ მხეცს შევბმოდი, ოდონდ კი ამ საზარელი „სამებისაგან“ როგორმე თავი მექსნა. სამწუხაროდ, ამჯერად არ გვქონდა ბედნიერება, სადმე კედელს შევფარებოდით, რომ მზისგან თავი დაგვეცვა. შვიდ საათზე აუგანელმა სიცხემ გაგვადვიძა, ასე გვეგონა, გავარვარებულ ნაკვერხებლებზე ვიხრუკებოდით. მზე წვეთ-წვეთად გვიშრობდა სისხლს. სულს ძლიერ ვითქვამდით, რის ვაივაგლახით მოვახერხეთ წამოჯდომა.

— გაეთრიეთ! — შევძახე გასავათებულმა და ხელი ავუქნიე ბუზების გროვას, თავზე გულდაგულ რომ დამბზუოდა.

— რა ბედნიერები არიან, სიცხეს არც კი გრძნობენ.

— ღმერთმანი... — აღმოხდა სერ პენრის.

— პო, ცოტა არ იყოს, ცხელა, — შეაწყვეტინა გუდმა.

როგორც ვთქვი, სიცხე მართლა ჯოჯოხეთური იყო, თანაც თავს ვერსად შევაფარებდით. ირგვლივ, სადაც კი თვალი მიგვიწვდებოდა, გავარვარებული უდაბნო გადაშლილიყო. არ ჩანდა არც ბორცვი, არც ქვა, არც ხე და არც არაფერი, რომ პაწაწინა ჩრდილი მაინც სადმე დაგვეგულებინა. მზის მგვეთრად მოლაპლაპე სხივებს ლამის დავებრმაგებინეთ. პაერის გახურებული, მოლივლივე ნაკადი კი, უდაბნოს ბულივით რომ დასწოლოდა, თვალებს გვწვავდა და ხედვას გვიშლიდა.

— როგორ მოვიქცეთ? — იკითხა სერ პენრიმ, — გეენას დიდხანს ვერც ერთი ვერ გავუძლებთ.

შეცბუნებულები ერთმანეთს მიგაჩერდით.

— მოგიფიქრე, — თქვა გუდმა, — ორმო უნდა ამოგთხაროთ, შიგ ჩაგდვრეთ, ზემოდან კი ბუზების ტოტები წავიფაროთ.

ამ წინადადებას დიდი ადფრთოვანებით არ შევხვედრივართ, მაგრამ სხვა გამოსავალი არ ჩანდა. თქმა და შესრულება ერთი იყო. მაშინვე მიწის თხრას შევუდექით. ვთხრიდით ბარით, თან რომ წამოვიდეთ, ვიშველიებდით ხელებსაც და ასე, ერთი საათის შემდეგ, ამოგთხარეთ ორმო, რომლის სიგრძე ათ ფუტს უდრიდა, სიგანე — ოცს, სიღრმე კი — ორს. შემდეგ სანადირო დანებით ავკაფეთ მიწაზე გართხმული ბუზების ტოტები, ორმოში ჩავწექით და ეს ტოტები ზემოდან წავიფარეთ. მხოლოდ ვენტფორელს არ მოუბაძავს ჩვენთვის. ის პოტენტოტი იყო და სიცხე სრულებით არ აწუხებდა.

ეს საფარი რამდენადმე გვიცავდა მზის მწველი სხივებისგან. პკითხველი ადგილად წარმოიდგენს, რა პაერი იქნებოდა ამ სამარისმაგვარ ორმოში, მე კი ამის ასაწერად სიტყვები არ მყოფინა. კალკულის „შავი ორმო“ ჩვენს სოროსთან შედარებით ალბათ სამოთხედ მოგვეჩნებოდა. დღემდე ვერ მიგმხდარვარ, რამ გადაგვარჩინა იმ დღეს. ორმოში ჩაყრილებს პაერი არ გვყოფნიდა, სული გვეხუთებოდა, მხოლოდ უამიდან უამზე ვისველებდით ტუზებს წყლით. წყალი კი ძალიან ცოტა გვერდიდა. თავისთვის ნება რომ მიგვეცა, აქამდე ყლუპიც არ

დაგვრჩებოდა; ამ ძვირფას სითხეს თვალისწინივით ვუფრთხილდებოდით, თორემ წყურვილი დაგვახრობდა.

დრო საოცრად ნელა მიიზღაუნებოდა, მაგრამ ამქვეყნად ყველაფერს აქვს დასასრული, — თუ, რასაკვირველია, კაცმა მანამდე მიატანა. ეს საზარელი დღეც მიიწურა. სამი საათისათვის გთქით, ამ ორმოში ნელ-ნელა სიკვდილს გვირჩევნია, გზაში დაჭიხოცოთო. დავლიერ რამდენიმე ყლუპი თბილი წყალი და ბარბაცით გავუდექით გზას.

უკვე ორმოცდაათი მილი გვქონდა გავლილი უდაბნოში. თუ გაიხსენებთ და სილვესტრას სიტყვებს და ერთხელ კიდევ დახედავთ მის რუკას, დაინახავთ, რომ უდაბნო ორმოც ლიეზეა გადაჭიმული, ტბორი „მღვრიე წყლით“ კი თითქმის მის შუაგულშია მონიშნული. ორმოცი ლიკ ას ოც მილს შეადგენს, მაშასადამე, ჩვენ იმ ტბორს, დიდი-დიდი თხეუთმეტი-ოცი მილით ვიყავით დაცილებული, თუკი, რასაკვირველია, იგი ამ არემარეზე მართლა იყო სადმე.

გატანჯულ-გაწამებულები მზის ჩასვლამდე ძლივს მივლასლასებდით წინ, საათში მილ-ნახევარზე მეტს ვერ გავდიოდით. მზე რომ ჩავიდა, შევისვენეთ, რამდენიმე ყლუპი წყალი კიდევ მოგსვით და მთვარის ამოსვლამდე ცოტა წავთვლიმეთ კიდეც. სანამ დავწვებოდით, ამბობამ პატარა ბორცვი დაგვანახვა. იგი ბუნდად ილანდებოდა ქვიშის სწორ ზედაპირზე და ჩვენგან დაახლოებით რვა მილით იქნებოდა დაცილებული. აქედან ჭიანჭველების ბუდეს წააგავდა.

ბოლოს მთვარეც ამოვიდა. სიცხისა და წყურვილისაგან არაქათგამოცლილები გზას დავადექით. ვისაც ეს ტანჯვა საკუთარ თავზე არ გამოუცდია, ვერ წარმოიდგენს, რა გადავიტანეთ იმ დღეს. კი არ მივდიოდით, მივბარბაცებდით. ყოველ საათში ვჩერდებოდით. ისე მოვიქანცეთ, ლაპარაკიც აღარ შეგვეძლო. აქამდე გუდს ენა არ გაუჩერებია, სულ ლაპარაკობდა და ოხუჯობდა, რადგან ძალზე მხიარული ხასიათის კაცია, მაგრამ ახლა ისიც დადეუმდა.

ბოლოს, დამის ორი საათისათვის, სულიერად და ფიზიკურად გაწამებულები მივუახლოვდით პატარა ბორცვს, ერთი შეხედვით უზარამაზარ ჭიანჭველების ბუდეს რომ წააგავდა.

ამ ბორცვს სიმაღლე ასიოდე ფუტი ჰქონდა და ასე, ორ აკრზე იქნებოდა გადაჭიმული.

აქ შევისვენეთ და აუტანელი წყურვილისაგან სასოწარკვეთილებამდე მისულებმა უკანასკნელ წვეთამდე დავცალეთ მათარებში ჩარჩენილი წყალი. მაგრამ თვითოვეულს ნახევარმა პინტმა თუ მოგვიწია. ეს მაშინ, როცა შეგვეძლო მთელი გალონები დაგველია.

წყალი დავლიერ და დაგწექით. ის იყო ჩამთვლიმა, რომ ამბობას ხმა შემომესმა:

— თუ ხვალ წყალს ვერ მივაგენით, მთვარის ამოსვლამდე ყველანი დავიხოცებით, — ზულუსურ ენაზე თქვა მან.

მიუხედავად იმისა, რომ აუტანელი სიცხის ბუდი ტრიალებდა, ცივმა ქრუანტელმა დამიარა. საზარელია სიკვდილზე ფიქრი, მაგრამ ისე ვიყავი დაღლილი, რომ ძილი ამ ფიქრმაც კი ვერ დამიფრთხო.

დილის ოთხი საათისათვის გამეღვიძა. ძილმა თავისი გაიტანა და დაღლილობას ისე აღარა ვგრძნობდი, სამაგიეროდ, აუტანელი წყურვილი მტანჯავდა. ამის შემდეგ თვალი ვეღარ მოვხუჭე. სიზმარში ვნახე, ვითომ მდინარეში ვბანაობდი. ნაპირები ხეებითა და ბუჩქებით იყო გადამწვანებული, მაგრამ გაღვიძებისთანავე იძულებული გავხდი, მწარე სინამდვილეს დაგბრუნებოდი: ირგვლივ ისევ გადახრუკული უდაბნო გადაჭიმულიყო. გამახსენდა ამბოპას სიტყვები, თუ წყალს ვერ მივაგენით, საზარელი სიკვდილით დავიხოცებითო. ვის შეუძლია უწყლოდ გაძლოს ასეთ თაკარაში! მე წამოვჯექი და ბინძური სახე გამშრალ-გაფშეკილი თითებით დავიზილე. ქუთუთოები ერთმანეთზე შემწებებოდა, ვეღარც ბაგებს ვაცილებდი ერთმანეთს. თვალები ვერ გავახილე, სანამ მაგრად არ მოვიფშვნიტე. მალე გარიურაჟმა მოატანა, მაგრამ ჰაერში დილის სიგრილე ოდნავადაც არ იგრძნობოდა. საოცრად დახუთული, გავარვარებული დილის ბინდი გადაგვფენოდა თავს. ჩემს თანამგზავრებს ჯერ კიდევ ეძინათ. ბოლოს იმდენად ინათა, რომ კაცი ნაწერის გარჩევას შეძლებდა. მაშინ გადავშალე ინგოლძბის ლეგენდების პატარა წიგნი, რომელსაც ჯიბით დავატარებდი, და კითხვა დავიწყე. იმ ადგილს მივადექი, სადაც ეწერა:

პატარა ბიჭუნას მიპქონდა ოქროს ნაჭედი ლიტრა,  
სავსე ანკარა წყლით, ფირუზის  
ნაკადად რომ მოედინება ნამურსა და  
რეიმსს შორის...

დახეთქილი ტუჩები უნებლიერ ავაცმაცუნე, ან, უკეთ რომ ვთქვათ, შევეცადე ამეცმაცუნებინა. ამ ანკარა წყალზე ფიქრიც კი ჭარუას მაკარგვინებდა. აქ რომ რაღაც სასწაულით კარდინალი გაჩენილიყო თავისი ზანზალაკებით, საღმრთო წერილითა და სანთლებით, მივვარდებოდი და უკანასკნელ წვეთამდე შეესვამდი მის ხელსაბან წყალს, თუნდაც ეს წყალი პაპის ხელის დასაბანად დირსექმნილი საპიო ყოფილიყო აქაფებული. უკანასკნელ წვეთამდე შეესვამდი-მეთქი, ვამბობ, რომ მცოდნოდა კიდევაც, ამისათვის მთელი კათოლიკური ეკლესიის რისხვა და შეჩვენება დამატებული თავს. წყურვილმა, დაღლილობამ და შიმშილმა ცოტათი გონი ამიმღვრია. უცბად ცხადლივ წარმომიდგა თვალწინ, რა გაოცებული მიაჩერდებოდა კარდინალი, მისი თანმხელები ლამაზი პატარა მორჩილი ამ ტანდაბალ, მზით გარუჯულ, ჭადარა მონადირეს, როცა იგი ერთი ნახტომით გაჩნდებოდა მათ წინ, თავის ბინძურ სახეს წყლიან ჭურჭელში ჩაჰუფდა და სულმოუთქმელად, უკანასკნელ წვეთამდე შეესვამდა ძვირფას სითხეს. ეს იმდენად სასაცილოდ მეჩვენა, რომ თავი ვეღარ შევიკავე და გადავიხარხავ. ჩემმა ხრინწიანმა ხმამ დანარჩენებიც გააღვიძა. ისინიც მოჰყვნენ ჭუჭყიანი სახეების ზელასა და თვალების ფშვნებას.

როცა ძილს ყველამ თავი გავართვით, გავმართეთ ბჭობა, როგორ მოვქცეულიყავთ. ჩვენი მდგომარეობა სავალალო იყო, წვეთი წყალიც არ გაგვაჩნდა. მათარები გადმოვაპირქვავეთ, რომ სველ ყელზე ენა აგვესვა, მაგრამ რა, მათარები მშრალი იყო. გუდს ერთი ბოთლი ბრენდი ჰქონდა წამოღებული, იგი ახლა ხარბად დასცექროდა ბოთლს, მაგრამ სერ ჰენრიმ იგი ხელიდან გამოსტაცა და გადაუმალა. ჩვენს ყოფაში მაგარი სასმელის დალევა უეჭველ სიკვდილს ნიშნავდა.

— წყალს რომ ვერ მივაგნოთ, დავიღუპებით და ის არის, — თქვა სერ ჰენრიმ.

— თუ მოხუცი პორტუგალიელის რუგას ვერწმუნებით, წყალი აქ სადღაც ახლოს უნდა იყოს, — მივუბე მე.

ჩემი სიტყვებით მაინცდამაინც არავინ აღფრთოვანებულა, ცხადზე უცხადესი იყო, რომ იმ რუკაზე დიდი იმედები არ უნდა დაგვემჟარებინა.

ამასობაში კარგად გათქნდა. ვისხედით და გაწამებულები შევცემეროდით ერთმანეთს. უეცრად ვენტფორგელი წამოდგა, აქეთ-იქით სიარულს მოჰყვა, თან მიწას თვალს არ აცილებდა. მერე ერთბაშად შეჩერდა, რაღაც წამოიყვირა და მიწაზე მიგვითოთა.

— რა არის? — შევძახეთ ჩვენ, წამოვცვივდით და მისკენ გავექანეთ.

— დავუშვათ, ეს ქურციკის კვალია და ამასთან, სულ ახალი, მერე რა გინდა ამით თქვა? — კვითხე მე.

— ქურციკი მუდამ წყლის სიახლოვეს ცხოვრობს, — მიპასუხა მან პოტენტოტურ ენაზე.

— მართალი ხარ, — ვუთხარი მე, — ეგ სულ გადამავიწყდა. ისლა დამრჩნია, ამისთვის დმერთს მაღლობა შევწირო.

ამ უმნიშვნელო აღმოჩენამ ბალა გაგიორკეცა. საოცარია, რაგინდ გულგაბეჭილი და სასოწარკვეთილი არ უნდა იყოს ადამიანი, მაინც რაღაცას ებლაუჭება და იმედის ნაპერწალიც რომ ჩაეღვენთოს გულში, თავს უკვე ბედნიერად გრძნობს. ბნელ დამეში ცაზე ობლად რომ ციმციმებდეს ვარსკვლავი, მგზავრისთვის ესეც დიდი ნუგეში იქნება.

ამასობაში ვენტფორგელმა თავისი პაჭუა ცხვირი აპრიხა და გახურებული ჰაერი დაყნოსა. ასე ყნოსავს ჰაერს მთის ბებერი შურთხი, როცა საიდანმე საფრთხის მოახლოებას გრძნობს.

— წყლის სუნი მცემს, — თქვა ვენტფორგელმა.

სიხარულით ცას ვეწიეთ, რადგან ვიცოდით, რა საოცარი თანდაყოლილი ალღო აქვთ უდაბნოში გაზრდილ ადამიანებს.

სწორედ ამ დროს მზემაც ამოანათა მთელი თავისი ბრწყინვალებით და ჩვენს დატანჯულ თვალთა წინაშე ისეთი გასაოცარი სურათი გადაიშალა, რომ ლამის წყალიც კი დაგვავიწყდა. ჩვენგან ორმოცი-ორმოცდაათიოდე მიღის დაშორებით დილის მზის სხივებში ვერცხლისფრად ლაპლაპებდა დედოფალ საბიას მკერდი. მის ორივე მხარეს სულეიმანის დიდი მთები გადაჭიმულიყო. ახლა, როცა ჩემს მაგიდასთან ვზივარ და მინდა ამ განსაცვიფრებელი სურათის სიდიადე გადმოგცეთ, საჭირო სიტყვებს ვეღარ ვპოულობ. ზედ ჩვენ წინ, თხეუთმეტი ათასი ფუტის სიმაღლეზე აღმართულიყო ორი უზარმაზარი მთა, რომელთა ბადალი აფრიკაში კი არა, ჩემი აზრით, მთელი დედამიწის ზურგზე არ მოიპოვება. ამ ორ მთას, რომლებიც ერთმანეთისაგან ათიოდე მიღიოთ იყვნენ დაშორებული, ჩამოფხავებული კლდოვანი ქედი აერთებდა. მთებს ამაყად აღემართათ ცაში თოვლით დაფარული, გაქათქათებული მწვერვალები. ისინი თითქოს სვეტებად შედგომოდნენ უზარმაზარ ჭიშკარს და მოყვანილობით ძლიერ წააგავდნენ ქალის მკერდს. მთები თანდათან ვიწროვდებოდნენ მომრგვალებული მწვერვალებისაკენ და აქედან თითქმის გადატკეცილი ჩანდნენ. ორივე მწვერვალი ვეებერთელა, თოვლით დაფარული ბორცვით მთავრდებოდა, ბორცვის მოყვანილობა ქალის ძუძუსთავს წააგავდა. ჩამოფხავებული კლდოვანი ქედის სიმაღლე რამდენიმე ათას ფუტს უდრიდა. ამ მთების ორივე მხარეს, სადამდეც კი თვალი მიგვიწვდებოდა, მოჩანდა ასეთივე ქედების ჯაჭვი. მათ შორის ამოზიდულიყო ბრტყელმწვერვალიანი მთები, რომლებიც რამდენადმე კეიპტაუნის მთას მოგვაგონებდა. სხვათა შორის, აფრიკისათვის ეს მთები ჩვეულებრივი გეოლოგიური წარმონაქმნია.

ვიმეორებ, არ ძალმიძს აღვწერო ამ სურათის თვალისმომჭრელი სილამაზე. ეს უზარმაზარი ვულკანები — მთები უეჭველად ჩამქრალ ვულკანებს წარმოადგენდნენ — იმდენად დიადი და დამთრგუნველი ჩანდა, რომ სუნთქვა შეგვეპრა.

დილის მზის სხივები ერთხანს აციალებდა თოვლიან მწვერვალებს და ელაციცებოდა ყავისფერ კლდეებს თოვლის ხაზს ქვემოთ. შემდეგ ღრუბელი და სქელი ნისლი უცნაურ ბოლქებად აირ-დაირია და მთებს სქელ ფარდად აეკრა; თითქოს უნდოდა ეს დიდებული სურათი ჩვენი თვალთამზერისაგან მიეფარებინა. ახლა ძლიერდა ვარჩევდით მთების წმინდა მოხაზულობას, რომელიც ნისლის საბურველში ზმანებასავით მოჩანდა. როგორც შემდგომ დავადგინეთ, ამ მთებს, ჩვეულებრივ, უცნაური მჭივრი ნისლი ფარავდა ხოლმე. ალბათ ამიტომაც იყო, აქამდე კარგად რომ ვერ დავინახეთ.

როგორც კი მთებმა ნისლის პირბადე აიფარეს, გულზე კვლავ ცეცხლი შემოგვენთო, წყურვილი ადრინდელზე მეტად გახარჩობდა.

ვენტფორგელმა კი თქვა, წყლის სუნი მცემსო, მაგრამ საითაც უნდა გაგვეხდა, სანუგეშოს ვერაფერს ვპოულობდით. სადაც კი თვალი მიგვიწვდებოდა, ვალგან მოჩანდა უნაყოფო, სიცხისაგან გათანგული ქვიშა და დაბალი ბუჩქარი — სამხრეთ აფრიკის უწყლო პლატოების ჩვეულებრივი მცენარეულობა. ბორცვს ირგვლივ შემოვარეთ. აღელვებით ვაკვირდებოდით ყოველ მტკაველ მიწას იმ იმედით, რომ სადმე წყალს წავაწყდებოდით, მაგრამ სად იყო წყალი? არ ჩანდა არც ორმო, არც ტბორი, არც ნაკადული, წვეთი რომ წვეთია, ისიც კი არსად შეგვინიშნავს.

— ჩერჩეტი ხარ და სხვა არაფერი, — გაბრაზებით ვუთხარი ვენტფორგელს. — ხომ ხედავ, წყალი აქ არსად არის.

მაგრამ ვენტფორგელმა ისევ აბზიკა თავისი საზიზდარი პაჭუა ცხვირი და ჰაერი დაყნოსა.

— მე ვგრძნობ წყლის სუნს, ბაას, — მითხრა პასუხად, — აქ, სადღაც, ჰაერში ვგრძნობ.

— დიახ, დიახ, — ჩავიცინე მე, — ღრუბლებში წყლის მეტი რაა! იმედი მაქს, ერთი-ორი თვის შემდეგ იგი წვიმად წამოვა და ჩვენს გამხმარ ძვლებს დაალტობს.

სერ ჰენრიმ დაფიქრებით ჩამოისვა ქერა წვერზე ხელი.

— ეგება ბორცვის თხემზე მოჩეხხუხებდეს და არა მის ძირში?

— ყოველი შემთხვევისათვის, წავიდეთ და ვნახოთ, — შევთავაზე მე.

უიმედოდ შევეუვით ქვიშიან ფერდობს. უეცრად ამბოპა, რომელიც ჩვენ წინ მიაბიჯებდა, გაქვავებულივით შედგა.

— ანზია! ანზია! (წყალი, წყალი!) — დაიყვირა მან.

მისკენ გავექანეთ და, მართლაც, ზედ თხემზე ფიალის მსგავსი ღრმული დავინახეთ. ღრმულში წყალი იყო, დიახ, ნამდვილი წყალი!

დრო არ დაგიკარგავს იმის გამოსაკვლევად, ამ უადგილო ადგილას წყალი საიდან გაჩნდაო, არც მისი შავი ფერის გამო დაგვიწყია ყოფმანი. ისიც კმაროდა, რომ ჩვენ წინ იყო წყალი, ან რაღაც მისი მსგავსი. წამის შემდეგ მიწაზე განრთხმულები დავეწყვეთ ამ მდვრიე სითხეს. ისეთი ნეტარებით ვსვამდით, თითქოს დმერთების სასმელი ყოფილიყოს.

ვსვამდით და როგორ ვსვამდით! ოჰ, დმერთო ჩემო!

როგორც იყო, მოვიკალით წყურვილი, მერე ტანთ გავიხადეთ და ტბორში ჩავწექით, რომ ჩვენს მზისაგან გაფშეკილ კანსაც შეესრულა მაცოცხლებელი ტენი.

შენთვის, ჩემო მკითხველო, საკმარისია გახსნა ონკანი, რომ უხილავი ვეება ქვაბიდან გადმოდინდეს ცივი ან ცხელი წყალი, ამიტომ შენთვის არც თუ მთლად გასაგები იქნება, რა ნეტარებით ვჭყუმბალაობდით ამ მომლაშო, ბინძურ წყალში.

რამდენიმე ხნის შემდეგ გახალისებულები წყლიდან ამოვედით და მადიანად შევექმდით ჩვენს ბილტონგს, რომელსაც ამ ბოლო ხანებში არც ერთი

ჩვენგანი არ გაკარებია. შემდეგ ჩიბუხები გავაბოლეთ, ამ კურთხეული წყლის პირას მივწექით და შუადღემდე ვიძინეთ.

მთელი ის დღე წყალთან გავატარეთ, ვისვენებდით და ბედს მადლობას ვწირავდით, რომ ეს ტბორი გვაპოვნინა. როგორი იყო ეს წყალი, ამას, რასაკვირველია, არავითარი მნიშვნელობა არ ჰქონდა. არც ჩვენგან დიდი სნის წინ წასული სილვესტრას მოხსენიება დაგვიწყებია, რომლისადმი უდიდესი მადლიერების გრძნობით ვიყავით გამსჭვალულები იმისათვის, რომ ასე ზუსტად გადაეტანა თავისი პერანგის ნაფხრეწე ეს ტბორი, რაღაც მანქანებით ამდენ ხანს რომ არ დამშრალიყო. ჩემი ვარაუდით, მას კვებავდა მიწისქვეშა ნაკადი, რომელიც ქვიშის სქელი ფენის ქვეშ მოედინებოდა.

მთვარის ამოსვლისთანავე კვლავ გზას გავუყევით, რასაკვირველია, გამგზავრების წინ ბლომად დავლიერ წყალი და პირთამდე ავავსეთ ჩვენი მათარები. ყველანი საუცხოო გუნებაზე ვიყავით და იმ დამით თითქმის ოცდახუთი მილი მოვიტოვეთ უკან.

თავისთავად ცხადია, წყალი ადარსად შეგვხვედრია. მაგრამ მეორე დღეს ბედმა მაინც გაგვიღიმა, ჭიანჭველების ბუდის უკან პაწაწინა ჩრდილი დავინახეთ, როცა მზე ამოვიდა და მთებს ნიხლის საიდუმლო საბურველი ახადა, ჩვენთვის ცხადი შეიქნა, რომ სულეიმანის და დედოფალ საბიას მთებს ოციოდე მილიდა გვაშორებდა.

ასე გვეგონა, ეს მთები ზედ ჩვენ წინ იყო აღმართული. ახლა ისინი უფრო წარმტაცი გვერდინებოდა, ვიდრე წინათ. დაღამდა თუ არა, გზა განვაგრძეო და მეორე დღეს, ალიონზე, უკვე დედაფალ საბიას მარცხენა ძუძუს ძირში ვიყავით. ეს არ გაგვაკირვებია, რაკი გზაში გეზი აქეთკენ გვეჭირა. ამ დროისათვის წყალი ისევ გაგვითავდა და წყურვილი საშინლად გვტანჯავდა. ახლა კი არავითარი იმედი აღარ გვერდა, წყალს სადმე შეგვედროდით, ვიდრე არ მივადგებოდით თოვლის ზოლს, ამ უზარმაზარი მთის წვერზე რომ იყო. ერთი-ორი საათი დავისვენეთ და აუტანელი წყურვილით გაწამებულები კვლავ გზას დავადექით. დიდი გატიორვებით შეგვევით გაცივებული ლავით დაფარულ მთის ფერდობს. მზე უმოწყალოდ გვაჭერდა. აღმოჩნდა, რომ ეს უზარმაზარი მთა მრავალი საუკუნის წინათ ამოფრქვეული ლავის ფენებისაგან შედგებოდა.

თერთმეტი საათისათვის ძალ-ღონე მთლად გამოგველია. ფეხზე ძლივსლა ვიდექით. გაქვავებულმა, უსწორმასწორო ლავამ ფეხები დაგვისერა. მართალია, აქ ლავა საკმაოდ გლუვი იყო შედარებით მის სხვა სახეობებთან, რომელიც გხევდება, მაგალითად, ამაღლების კუნძულზე, მაგრამ ზედ სიარული მაინც გვიჭირდა და ფეხებში გვტეხდა. როცა ყველა ჩვენს უბედურებას ესეც ზედ დაერთო, ვიგრძენით, რომ მეტის ატანა აღარ შეგვეძლო. ჩვენგან რამდენიმე იარდის დაშორებით დავის დიდი ლოდები იყო გაღმოშვერილი, მათ ჩრდილში თავისუფლად შეიძლებოდა თავის შეფარება.

რის ვაი-ვაგლახით მივადწიეთ იქამდე და გაოცებულები შევდექით (საკვირველი იყო, კიდევ რომ შეგვრჩენოდა გაოცების უნარი!). ჩვენს ზემოთ, პატარა პლატოზე ლავა სქლად იყო დაფარული მწვანე მცენარეულით. როგორც ეტყობოდა, ლავის პროდუქტების დაშლის შედეგად იქ წარმოიქმნა მიწის ფენა, რომელზედაც დროთა განმავლობაში მოხვდა ჩიტების მიერ შემოტანილი თესლი. მაგრამ ამ მწვანე საფარმა დიდი სნით ვერ დაგვაინტერესა. კაცი ვერ იცოცხლებს, ნაბუქოდონოსორივით მხოლოდ ბალახეული რომ ჭამოს. ბალახეულით სიცოცხლე რომ შეინარჩუნო, ამისთვის სხვანაირ ვარსკვლავზე უნდა იყო დაბადებული და ცოტა სხვა მოყვანილობის კუჭიც უნდა გქონდეს. ლოდების ჩრდილში შეფარებულები მძიმედ ვოხრავდით. პირადად მე გულწრფელად ვნაონბდი, ამ ბედუულმართ საქმეში რომ ჩავები. უეცრად ამბოპა წამოდგა და იმ მწვანე პლატოსკენ წალასლასდა. რამდენიმე წუთის შემდეგ

დავინახე, რომ ეს მუდამ დინჯი და საკუთარი თავის პატივისმცემელი პიროვნება ცეკვავდა და შლეგივით გაჰყვირდა, ხელში კი რაღაც მწვანე ნაყოფი ეჭირა.

ვიფიქრეთ, ამბოპამ წყალი იპოვაო და ამ იმედით ფრთაშესხმულნი მისკენ გავექანეთ.

— რა მოხდა, ამბოპა, შე დამთხვეულის შვილო? — დავუყივრე.

— ეს წყალიც არის და საჭმელიც, მაკუმაზან, — მითხვა მან და ის მწვანე ნაყოფი კვლავ ჰაერში შეათამაშა. ახლა კი დავინახე, რა ეჭირა ხელში. ეს გახლდათ ნესვი. ჩვენ წავადექით პლატოს, სადაც ათასობით გარეული ნესვი მწიფობდა.

— ნესვები! — დავუყირე გუდს, რომელიც ფეხდაფეხს მომყვებოდა უკან.

წამის შემდეგ გუდმა უკვე ჩაასო მწიფე ნაყოფს თავისი ხელოვნური ქბილები.

ალბათ თითოეულმა ჩვენგანმა ექს-ექვსი ნესვი მაინც შეჭამა, სანამ დაცარიელებულ კუჭს ამოივსებდა და გაძლებოდა. თუმცა ამ ნესვებს განსაკუთრებული გემო არა ჰქონია, მაგრამ ასე მეგონა, ჩემს სიცოცხლეში ამაზე გემრიელი არაფერი მეჭამა.

წყურვილი რომ მოვიკალით, ნესვები შუა-შუა დაჭრერით და მზის გულზე დავაწყეთ, რომ წყალი აორთქლებულიყო და ნაყოფი გაეცივებინა. მაგრამ მოგეხსენებათ, ნესვი არც თუ ისე მსუე საჭმელია და შიმშილმა მალე ისევ შემოგვიტია. ცოტაოდენი ბილტონგი კი გვქონდა, მაგრამ გული არავის მიგვიღიოდა. გარდა ამისა, უნდა დაგვეზოგა, რადგან, ვინ იცის, როდის ვიშვიდით საჭმელს. სრულიად მოულოდნელად ბედმა გაგვიღიმა. მე უდაბნოსკენ ვიცქირებოდი. უეცრად თვალი მოვკარი ათიოდე დიდი ზომის ფრინველს, რომლებიც პირდაპირ ჩვენკან მოფრინავდნენ.

— შკიტ, აას, სკიტ (ესროლე, ბატონო, ესროლე!) — ჩამიჩურჩულა პოტენტოტმა და მიწაზე განერთხო. ჩვენც მის მაგალითს მივბაძეთ.

ახლადა მივხვდი, რომ ეს ფრინველები გარეული ინდაურები იყვნენ. ისინი ორმოცდაათი იარდის სიმაღლეზე მიფრინავდნენ. მე ვინჩესტერი ავიდე, თან ფრინველებს თვალს არ ვაშორებდი. როცა ზედ თავზე გადაგვიფრინეს, მოულოდნელად ფეხზე წამოვიჭერი, ფრინველები დაფრთხენენ და, როგორც მოველოდი, ერთად შუქუჩდნენ. ორჯერ დაგახალე ტყვია და ერთი ინდაური ჩამოვაგდე. კარგა მოზრდილი ფრინველი იყო, ასე, რც გირვანქამდე ხორცი აუვიდოდა. ნახევარი საათის შემდეგ ჩვენი ვახშამი ცეცხლზე შიშხინებდა, ცეცხლი ნესვის გამხმარი დეროებისაგან გავაჩაღეთ. მთელი კვირის განმავლობაში ასეთი ღრეობა პირველად გვქონდა. ინდაური პირწმინდად შეჭამეთ, ძლებისა და ნისკარტის გარდა აღარაფერი დაგვიტოვებია. კარგად დავნაყრდით და ახლა თავს გაცილებით უკეთ გვრძნობდით.

დამით, მთვარე რომ ამოვიდა, კვლავ გზას გავუდექით, თან წავიდეთ ნესვები, რამდენსაც მოვერიეთ. რაც უფრო მაღლა მივიწევდით, მით უფრო იგრძნობოდა სიცივე. ეს ჩვენთვის დიდი შეღავათი იყო. გამოენისას თოვლის საზს სულ რაღაც ათიოდე მილით ვიყავით დაცილებული. იქ, მაღლა, კვლავ წავაწყდით ნესვეს. წყალზე ფიქრი ახლა უკვე აღარ გვაშინებდა, რადგან სულ მალე თოვლიან მწვერვალს უნდა მივდგომოდით, მაგრამ გზა სულ უფრო და უფრო საშიში ხდებოდა. ჩვენ დიდი სიფრთხილით, ხელ-ნელა მივიწევდით წინ და საათში ერთ მილსაც ძლივს გავდიოდით. იმ დამით ბილტონგის უკანასკნელი ნაჭერი შევჭამეთ. მას შემდეგ, რაც მთას ავუყევით, გარდა ინდაურებისა, არც ერთი ცოცხალი არსება არ შეგვხედრია, არ წაგწყდომიგართ არც წყაროს, არც ნაკადულს, რაც ძალზე უცნაური გვეჩვენა. მწვერვალზე ხომ თოვლის უზარმაზარი ზვინები იდო, რომელიც, ჩვენი აზრით, დროდადრო მაინც უნდა

დამდნარიყო, მაგრამ როგორც შემდეგ აღმოჩნდა, რაღაც ამოუხსნელი მიზეზის გამო, ყველა ნაკადული მთის ჩრდილო კალთაზე მიედინებოდა.

შიმშილი ძალიან გვაწუხებდა. ნამცეცი საჭმელიც არ გვქონდა. წუთუ წყურვილით სიკვდილს მხოლოდ იმიტომ გადავურჩით, რომ შიმშილით დავხოცილიყავით?

ჩემი მოკლე ჩანაწერები უბის წიგნაკში ყველაზე უკეთ გაგაცნობთ ჩვენს სავალალო მდგომარეობას უკანასკნელი სამი დღის განმავლობაში.

მაისი. გზას დილის თორმები საათზე დავადექით, რადგან საკმაოდ გრილოდა და სიცხე არ შეგვაწუხებდა. თან წავიღეთ რამდენიმე ნესვი. გაჭირვებით მივდიოდით მთელი დღე. ნესვებს აღარსად გადავწყდომივართ, ალბათ გავცდით ზოდს, სადაც ისინი ხარობენ. არც ნადირი და ფრინველი შეგვევდრია. მზის ჩასვლისას დავიკარვეთ. უკვე დიდი ხანია, არაფერი გვიჰამია. დამით საშინლად ციოდა. გავწამდით.

მაისი. რიურაუზე გზა განვაგრძეთ. ძალიან დასუსტებულები ვართ. მთელი დღის განმავლობაში ხუთი მილის გავლა ძლივს მოვახერხეთ. შეგვხვდა თოვლით დაფარული მიწის პატარა ნაკვეთები. თოვლი შეგჭამეთ, რადგან სხვა საჭმელი არაფერი გვებადა. დამის სათევად უზარმაზარ პლატოს შევეფარეთ. ძალიან ციოდა, ცოტა ბრენდი დავლიეთ, საბნებში გავეხვიეთ და, რომ არ გავყინულიყავით, ერთმანეთს მივეკარით. შიმშილი და დაღლილობა წარმოუდგენლად გვტანჯავდა. გვეშინოდა, ვენტფოგელი დამით ხელში არ ჩაგვავომოდა.

მაისი. როგორც კი მზემ აიმაღლა და ჩვენი გაფშეკილ-გაშეშებული კიდურები ცოტათი შეათბო, კვლავ შევეცადეთ განგვევრდო გზა. საშინელ მდგომარეობაში ვართ, თუ საჭმელს ვერსად წავაწყდით, ეს ჩვენი მოგზაურობისა და არსებობის უკანასკნელი დღე იქნება. ბრენდი სულ რამდენიმე ყლუპილა დაგვრჩა. გუდს, სერ პენრისა და ამბობას მშვენივრად უჭირავთ თავი, მაგრამ ვენტფოგელი ძალიან ცუდად არის, პოტენტოტები ხომ საერთოდ ვერ იტანენ სიცივეს. დღეს კუჭი ისე მწვავედ აღარ მტკიფა, პირიქით, როგორდაც გაბუჟებული მაქეს. სხვებიც ასეთ მდგომარეობაში არიან. ჩვენ ახლა ვიმყოფებით იმ ფლატოვანი ქედის ანუ ლავის კედლის სიმაღლეზე, რომელიც ორ მთას აერთებს. ხედი საუცხოოა. ჩვენ უკან გადაშლილია თვალუწვდენელი უდაბნო, წინ კი რამდენიმე მილის მანძილზე თოვლის სწორი საფარი გადაჭიმული. მთა ზემოთ და ზემოთ თანდათან მრგვალდება. მის ცენტრში, ოთხი ათასი ფუტის სიმაღლეზე, აზიდულია უზარმაზარი მწვერვალი. ჩვენ ირგვლივ სულიერი არსად ჭაჭანებს. ღმერთო, გვისხენი! ვფიქრობ, ჩვენი აღსასრული მოახლოებულია.

ახლა კი ჩემს დდიურს გვერდზე გადავდებ, რადგან იგი მაინცდამაინც დიდი ინტერესით არ უნდა იკითხებოდეს. გარდა ამისა, ის, რაც შემდეგ მოხდა, უფრო საინტერესოა და მინდა დაწვრილებით მოგითხოთ.

მთელი ის დღე ( მაისი ) ხელ-ხელა მივუყვებოდით თოვლიან ფერდობს. დროდადრო ჩავიფერხებდით, ან დავწევებოდით, რომ ძალა მოგვეკრიბა. ალბათ საოცარი სანახავები ვიყავით. ხუთი კაცი, ხუთი ძალდონებამოცლილი, გასავათებული ადამიანი ძლივს მიათრევდა ცეხებს აზინვარებულ თოვლში და დამშეულები ხარბად აცეცებდნენ აქეთ-იქით თვალებს, მაგრამ სულ ტყუილად კი. რაც უნდა გვეძებნა, ირგვლივ პირში ჩასაკარებელს ვერაფერს ვიპოვიდით. იმ დღეს შვიდ მილზე მეტი არ გაგვივლია. მზის ჩასვლის ხანს მივაღწიეთ დედოფალ საბიას მარცხენა ძუძუს მწვერვალს – უზარმაზარ სწორ ბორცვს, რომელიც გაყინული თოვლით იყო დაფარული და ჩვენ ზემოთ ათასი ფუტის სიმაღლეზე გადმოყუდებულიყო.

ხომ შავი დღე გვადგა, მაგრამ ჩვენ წინ გადაშლილ სურათს მაინც თვალს ვერ ვაცილებდით. ჩამავალი მზის შუქი კიდევ უფრო აძლიერებდა ამ წარმტაცი

ბუნების სილამაზეს. მზის სხივებს ალაგ-ალაგ სისხლისფრად შეეღება თოვლი, მთის მწვერვალისათვის კი ბრწყინვალე ჯილა დაედგა.

— იცით, რა? — თქვა უეცრად გუდმა, — თუ ვერწმუნებით მოხუც და სილვესტრას, აქ, სადღაც მღვიმე უნდა იყოს.

— დიახ, დიახ, — მივაგებე მე, — უნდა იყოს, თუკი, საერთოდ, სადმე არსებობს.

— მომისმინეთ, ქუოტერმენ, — ამოიოხრა გუდმა, — ნუ ლაპარაკობთ ასე. მე სავსებით ვენდობი ამ რუკას. აბა წყლის ამბავი გაისხენეთ? პოდა, მღვიმესაც მალე მივაგებოთ.

— ძალიან კარგი, მაგრამ თუ მაგ მღვიმეს დაბნელებამდე ვერსად წავადექით, მაიც ცოცხლებში აღარ უნდა ვიგულოთ თავი, — გაისმა დამამშვიდებელი პასუხი.

კიდევ ათიოდე წუთს მივლასლასებდით სიჩუმეში. ამბოპა ჩემს გვერდით მოდიოდა. საბანში გახვეულიყო, ტყავის ქამარი მაგრად შემოეჭირა წელზე, რომ, როგორც თვითონ ამბობდა, „შიმშილი მოეკრუნჩხა“. უეცრად მან ხელზე ხელი წამატანა.

— შეხედეთ! — მითხრა და თითო მწვერვალისაკენ გაიწვდინა. მე იქითკენ გავიხედე და ორასიოდე იარდის დაშორებით, თოვლიან ფერდობზე ხერელის მსგავსი რადაც დავლანდე.

— იქ მღვიმეა, — თქვა ამბოპამ.

უკანასკნელი ძალა მოვიკრიბეთ და აჩქარებით გავეშურეთ იქითკენ. ის ხვრელი მართლა მღვიმის შესასვლელი აღმოჩნდა, სწორედ იმ მღვიმისა, და სილვესტრას რუკაზე რომ იყო აღნიშნული. სულზე მივასწარით. როგორც კი მღვიმეს მივაღწიეთ, მზე საოცარი სისწრაფით ჩაესვენა და ირგვლივ ყველაფერი წყვდიადმა მოიცვა. ამ განედზე ხომ ბინდბუნდი თითქმის არ არსებობს. მღვიმეში შევძვერით, იგი არც თუ ისე დიდი გვეჩვენა. ერთმანეთს მივეკარით, რომ როგორმე გავმობარიყავით, და დარჩენილი ბრენდი გადავკარით. თითოეულს თითო ყლუპმა თუ მოუწია. ბრენდი დავლიერ და შევცადეთ, ჩვენი უბედურება და შავსვიანობა ძილში დაგვევიწყებინა, მაგრამ აუტანელმა სიცივემ თვალი არ მოგვახუჭინა.

დარწმუნებული ვარ, რომ ამ მაღალ ადგილას თერმომეტრი თოთხმეტ-თხეუთმეტ გრადუს ყინვას უჩვენებდა. მკითხველს შეუძლია წარმოიდგინოს, რა იქნებოდა ეს ჩვენთვის, გზის სიმძიმით, უსმელ-უჭმელობითა და უდაბნოს სიცხით დონემიხდილი აღამიანებისათვის. მე კი ამის ასაწერად სიტყვები არ მყოფნის. საკმარისია ვთქვა, რომ არასოდეს მიგრძნია სიკვდილის მოახლოება ისე, როგორც იმ საზარელ დამეს ვიგრძენი.

საათი საათს მისდევდა, ჩვენ მღვიმეში ვისხედით და ვგრძნობდით, როგორ დაეხეტებოდა ყინვა ჩვენ ირგვლივ, დაგვეგერებოდა ხოლმე თითებში, ფეხებზე, სახეში. სულ უფრო მჭიდროდ ვეკვროდით ერთმანეთს, ვცდილობდით, გავმობარიყავით, მაგრამ ამაღდ, ჩვენს გასაცოდავებულ დამშეულ ჩონჩხებს სითბო აღარ შერჩენოდათ. ზოგჯერ რომელიმე ჩვენგანს ძილი წარმევდა თავს, მაგრამ ეს იყო მხოლოდ რამდენიმე წუთით. დიდხანს ძილი, საბედნიეროდ, არავის შეგვეძლო, რადგან, რომ დაგვინებოდა, ვეღარც გავიღვიძებდით. დარწმუნებული ვარ, იმ ღამით მხოლოდ ნებისყოფამ შეგვინარჩუნა სიცოცხლე.

გათენებას ბევრი აღარაფერი უკლდა, როცა ვნებლურებელმა, მთელი ღამე კბილზე რომ აცემინებდა, ერთი მაგრად ამოიოხრა და კბილების კაწვაწი შეწყვიტა. მაშინ ამისთვის უურადღება არ მიმიქვევია, ვიფიქრე, ალბათ ჩაეძინა-მეთქი.

ვენტფორებელი და მე ზურგიზურგმიყრდნობილი ვისხედით და ვიგრძენი, რომ მისი ზურგი თანდათანობით გაცივდა, ბოლოს კი ყინულივით შეიქნა.

წევდიადი რიურაჟმა შეცვალა. შემდეგ თოვლზე ოქროს სხივებიც აკიაფდა. მზე ამოგორდა და ჩვენი გათოშილ-გაყინული სხეულები გაანათა. მაშინდა დავინახეთ, ვენტფორგელი გარდაცვლილიყო, რადა გასაკვირია, მისი ზურგი ასე ცივი რომ მეჩვენებოდა. საბრალოს ალბათ მაშინ ამოხდა სული, როცა მისი ოხერა შემომეშმა. ახლა მისი გვამი ერთიანად გაშეშებული იყო. ღრმად შეძრწუნებულნი, ფოფევით გავშორდით ცხედარს (საოცარია, რა თავზარდამცემი გრძნობა გვიპყრობს ხოლმე მიცვალებულის დანახვისას). საბრალო ვენტფორგელი ისევ ისე იჯდა მუხლებზე ხელებშემოჭდობილი.

ამასობაში მზის ცივმა სხივებმა (დიახ, ნამდვილად ცივი სხივები იყო) პირდაპირ მდვიმეში შემოანათა. უეცრად ვიღაცამ საზარლად შეპყვირა. უკან მივიხედე და რა დავინახე: მდვიმის ბოლოში, – მდვიმის სიგრძე თციოდე ფუტი თუ იქნებოდა, – ვიღაც იჯდა, თავი მკერდზე ჩამოეგდო, გრძელი ხელები კი დაბლა დაეშვა. მიცვალებული იყო, თანაც თეთრკანიანი.

მიცვალებული სხევებმაც დაინახეს. ჩვენმა დაძაბულმა ნერვებმა ვედარ შეძლეს ამ სურათის ატანა. ყველანი ერთმა სურვილმა შეგვიპყრო, – სასწრაფოდ გავცლოდით ამ საშინელ ადგილს. წამოვცვივდით და ნახევრად გაყინული ფეხების თრევით გასასვლელისაკენ გავექანეთ.

## თ ა ვ ი V I I

### ს ო ლ თ მ თ ნ მ ე ფ ი ს გ ზ ა

მდვიმიდან მზით გაბრწყინებულ თოვლიან პლატოზე გამოვცვივდით, მაგრამ თითქმის იმწამსვე შეგჩერდით. ყველანი უხერხეულად ვგრძნობდით თავს იმ სულმოკლეობისათვის, მიცვალებულის დანახვაზე რომ გამოვიჩინეთ.

– მე მდვიმეში უნდა შევბრუნდე, – თქვა სერ პენრიმ.  
– რატომ? – შეეკითხა გუდი.  
– რატომდაც ასე მგონია, რომ ის... ის ჩემი ძმა უნდა იყოს, – აღელვებით თქვა სერ პენრიმ.

ეს სავსებით შესაძლებელი გვეჩენა და მდვიმეში შევბრუნდით. მზის სხივებმა და თოვლის ქათქათა სითეთრემ გარეთ ყველას თვალი მოგვჭრა, ამიტომ ნახევრად ბეჭედ მდვიმეში ერთ ხანს ვერაფერი გავარჩიეთ, მაგრამ თვალი ბეჭედს მალე შეეჩიდა და ჩვენც კრძალვით მივუახლოვდით მიცვალებულს.

სერ პენრიმ ჩამუხლა და მკვდარს სახეში ჩააშტერდა.  
– მადლობა დმერთს, ჯორჯი არ ყოფილა! – შეებით წამოიძახა მან ბოლოს.

მაშინ მიცვალებულს მივუახლოვდი და დაკვირვებით დაგაცემდი, ასე, შუახის კაცი იქნებოდა. სწორი ნაკვთები, გრძელი შავი ულვაში და შავი ჭალარაშერეული თმა პქონდა. გადაყვითლებული კანი მაგრად გადაჭიმოდა გამშრალ სახეზე. ტანო არაფერი ეცვა, გარდა ნახევრად შემომპალი შარვლისა, რომელიც უკვე ძონდებად ქცეულიყო. მიცვალებულს ყელზე სპილოს ძვლის ჯვარცმა ეკიდა.

– ნეტავ ვინ უნდა იყოს? – წამოვიძახე გაკვირვებით.  
– ნუთუ ვერ მიმხვდარხარ? – შემეკითხა გუდი.  
მე უარის ნიშნად თავი გავიქნიე.  
– გინ უნდა იყოს, თუ არ ხოზე და სილვესტრა!  
– ეგ შეუძლებელია! – შევძახე ათრთოლებული ხმით. – და სილვესტრა ხომ სამასი წლის წინათ მოკვდა.

— ვერ გამიგია, რა გიკვირთ, — მშვიდად მიპასუხა გუდმა, — ასეთ ყინვაში მიცვალებული სამასს კი არა, სამი ათას წელსაც გაძლებს. დაბალ ტემპერატურაზე სისხლი და ხორცი არ იხრწნება და უკუნითი უკუნისამდე შეინახება. ამ მღვიმეში კი, ღმერთმა დასწულებოს აქაურობა, საკმაოდ ცივა. მზე აქ არ შემოიხედავს, ვერც ნადირი მოქეხეგბა, რადგან სულიერი არსად ჭაჭანებს. უეჭველია მონამ, დონ ხოზე თავის წერილში რომ ასხენებს, ტანსაცმელი თან წაიღო, მიცვალებული კი აქ დატოვა. ეს გასაგებიცაა, მარტო ვერაფრით შეძლებდა მის დამარჩვას. აბა, ამას შეხედეთ! — გუდი დაიხარა და საკმაოდ უცნაური მოყვანილობის წვეტიანი ძვლის ნატეხი აიღო. — აი, ამ ძვლით დახატა და სილვესტრამ ის რუკა.

თავზარდაცემულები ვიდექით. ამ ადმოჩენამ იმდენად გაგვაოცა, რომ საკუთარი გასაჭირი სულ გადაგვავიწყდა. უკელაფერი თითქმის ზებუნებრივად მიგვაჩნდა. ჩუმად დავცეკეროდით ძვლის ნატეხს და მოხუცი პორტუგალიელის ცხედარს.

— აბა, ნახეთ, — თქვა სერ ჰენრიმ და სილვესტრას მარცხენა ხელზე მიგვითითა. ხელს ოდნავ აჩნდა პატარა ჭრილობა. — აი, საიდან აუდია სისხლი, რომ წერილი დაეწერა. განა თქვენს სიცოცხლეში მსგავსი რამ გინახავთ?

ახლა ეჭვი ადარ გვეპარებოდა, რომ ჩვენ წინაშე ნამდვილად და სილვესტრას ცხედარი იყო. მართალი მოგახსეხოთ, შიშმა ამიტანა.

შევურებდით მიცვალებულს, რომლის მითითებების წყალობით ამ გამოქაბულამდე მოვაღწიეთ. ეს მითითებები ხომ სამი საუკუნით აღრე იყო დაწერილი. ხელში მეჭირა ძვლის ნატეხი, რომლითაც სიკვდილის წინ წერდა. ვუცეკეროდი ჯვარცმას, რომელსაც ალბათ მიცვალების უამს გაყინული ტუჩებით ეამბორა. ვიდექი ცხედრის წინაშე და თვალწინ დამიდგა ამ საზარელი დრამის უკანასკნელი სურათი. თვალწინ დამიდგა შიმშილისა და სიცხისაგან დონემიხდილი მოგზაური, რომელსაც მარტოდმარტო ამოხდა სული ამ მღვიმეში. კვდებოდა, მაგრამ მაინც იმაზე ფიქრობდა, როგორმე ადამიანებისათვის გადაეცა თავისი დიდი საიდუმლო. მომეჩენა კიდეც, რომ სახის ნაკვთებით რამდენადმე წააგავდა თავის შთამომავალს, ჩემს მეგობარს, სილვესტრს, ამ ოცი წლის წინ ჩემს მკლავზე რომ დალია სული. ეგბზ ყველაფერი ეს ჩემი დაღლილი ფიქრის ნაყოფი იყო, მაგრამ ასეა თუ ისე, ჩვენ წინ იჯდა მოხუცი და სილვესტრა და თითქოს სასტიკად აფრთხილებდა მათ, ვინც არად აგდებს ბედისწერას და ცდილობს ფარდა ახადოს საიდუმლოებას. გაივლის საუკუნები, ისევ და ისევ იჯდება აქ და თავზარს დასცემს მგზავრს, რომელიც ჩვენსავით შემთხვევით შემოეხეტება ამ მღვიმეში და მყუდროებას დაურღვევს. მიუხედავად იმისა, რომ შიმშილი გვაწუხებდა და სიცივით ვკანკალებდით, ამ სურათმა სულით-ხორცამდე შეგვძრა.

— წავიდეთ აქედან, — ხმადაბლა თქვა სერ ჰენრიმ, — თუმცა არა, ჩვენ დაგუტოვებთ და სილვესტრას თანამოსაგრეს, რომელიც მის მარტობას გაიზიარებს. ისინი ხომ ერთნაირი სიკვდილით დაიხოცნენ!

სერ ჰენრიმ ჰორენტოტის გვამი და სილვესტრას ცხედრის გვერდით გადაიტანა. შემდეგ დაიხარა, გადაჭრა დამპალი თასმა, მოხუც ჰორტუგალიელს უელზე რომ ეკიდა, და ჯვარცმა ხელში აიღო. არც ცდილა, თასმა გაეხსნა, რადგან გაყინულ თითებს ვერც კი ხრიდა. ვფიქრობ, ეს ჯვარცმა დღესაც მასთან ინახება. მე კი წამოვიდე ძვლის ნატეხი, და სილვესტრამ კალმად რომ იხმარა. ეს „კალმი“ ახლაც ჩემ წინ, მაგიდაზე დევს. ზოგჯერ ხელს ამ ძვლის პატარა ნატეხით ვაწერ ხოლმე.

გარდასულ საუკუნეთა ამაყი თეორკანიანი და საბრალო ჰოტენტოტი ფეხდაუკარებელი თოვლიანი მთების სიჩუმეში მუდმივ სადარაჯოზე დავტოვეთ. არაქათგამოცლილები მზით გაბრწყინებულ ველზე გამოვედით და გზას

გავუყვაით, დარწმუნებული, რომ სულ მაღა ჩვენც ამ ორი ადამიანის ბედს გავიზიარებდით.

ნახევარი მილი თუ გვექნებოდა გავლილი, პლატოს კიდეს რომ მივადექით. აქედან ცხადად დავინახეთ, რომ მწვერვალი, ანუ ბორცვი, რომელიც მთას აგვირგვინებდა, არ იმყოფებოდა მთის შუაგულში, როგორც ეს უდაბნოდან გვეჩვენებოდა. სქელი ნისლის გამო ჩვენ ქვემოთ ვერაფერს ვხედავდით, მაგრამ მაღა ნისლი შეცროხსა, მიიფანტ-მოიფანტა და დაბლა, ასე ორმოცდაათიოდე იარდზე, ზედ თოვლიანი ფერდობის კიდეზე ხასხასა ბალახით დაფარულ მდელოს მოვკარით თვალი. მდელოზე ნაკადული მიწანწვარებდა, მაგრამ ეს კიდევ არაფერი. ნაკადულის პირას ათი-თორმეტი ანტილოპა მიფიცხებოდა მზეს. ძალიან შორს ვიყავით, ამიტომ გაგვიჭირდა დადგენა, რა ჯიშს ეკუთვნოდნენ.

ვერ აგიწერთ, როგორ გაგვეხარდა ამ ცხოველების დანახვა. ეს იყო საჭმელი, აუარება საჭმელი და იგი ახლა როგორმე ხელთ უნდა გვეგდო. როგორ მოვქცეულიყავით? ანტილოპები ჩვენგან ექვსასი იარდით მაინც იქნებოდნენ დაცილებული, ესე იგი, აქედან კარგ მსროლელსაც კი გაუჭირდებოდა ტყვიის მიწვდენა. ვის უნდა ესროლა? არადა, ჩვენი სიკვდილ-სიცოცხლე ამ ერთ ტყვიაზე იყო დამოკიდებული.

სასწრაფოდ მოვითათბირეთ, რა გზას დავდგომოდით. ვერც კი ვიფიქრებდით იმაზე, რომ ანტილოპებს ჩუმად მივპარვოდით, რადგან ქარი მათკენ ქროდა. გარდა ამისა, როგორც არ უნდა გვეფრთხილა, შეუძლებელი იყო ამ ქათქათა თოვლში ჩვენთვის თვალი არ მოუკრათ.

– მეტი რა გზა გვაქვს, აქედან უნდა ვესროლოთ, – თქვა სერ ჰენრიმ. – საქმე ისაა, რომელი თოფი ვიხმაროთ, „ვინჩესტერი“ თუ „ექსპრესი“. თქვენ რას ფიქრობთ, ქუოტერმენ?

საკითხი სერიოზული იყო, საგაზნექოლოფიანი „ვინჩესტერი“ („ვინჩესტერი“ ორი გვქონდა, ამბობამ თავის თოფთან ერთად საბრალო ვენტიფორებელის თოფიც წამოიდო) ათას იარდზე სცემდა, ორლულიანი „ექსპრესი“ კი სამას ორმოცდაათ იარდს ძლივს უწევდა. ამ მანძილს იქით სროლა საფრთხილო იყო, რადგან შეიძლებოდა მიზნისათვის აგვეცდინა, მაგრამ თუ ტყვიას მოვახედრებდით, ცხოველის მოკვლის მეტი შანსი გვქონდა, რადგან „ექსპრესი“ სასკდომი ტყვიებით იყო დატენილი. საკითხი მნელი გადასაჭრელი იყო, მე მაინც გავბედე და „ექსპრესი“ ავირჩიე.

– ყველამ ესროლეთ იმ ანტილოპას, რომელიც თქვენს პირდაპირ დგას, – გავეცი განკარგულება, – უმიზნეთ პირდაპირ ბეჭში, ან ცოტა ზემოთ, შენ კი, ამბობა, მოგვეცი ნიშანი, რომ ყველამ ერთბაშად გავისროლოთ.

ჩამოვარდა სიჩუმე. სამივენი ვუმიზნებდით თოფებს და გულდაგულ ვემზადებოდით სასროლად. უთუოდ ასე ემზადება ადამიანი, რომელმაც იცის, რომ მისი სიცოცხლე ამ ერთ გასროლაზეა დამოკიდებული.

– ისროლეთ! – ზულუსურ ენაზე თქვა ამბობამ და სამივე თოფმა გამაყრუებლად იჭექა.

წამით ჰაერში, ჩვენს თვალთა წინ, ბოლის სამი ღრუბელი დაეკიდა. ეხომ აიტაცა თოფის ხმა და თოვლის თეთრი მდუმარება დაარღვია. მაგრამ აი, ბოლი გაიფანტა და, ოპ, ღმერთო ჩემო! მამალი ანტილოპა ზურგით მიწაზე განრთხმულიყო და სასიკვდილოდ იკრუნჩებოდა. არა, შიმშილით ადარ დაგიხოცებოდით. ათიოდე წუთის შემდეგ წინ გვეწყო ანტილოპას გულ-ღვიძლი. მაგრამ აქ ახალი დაბრკოლება გადაგვედობა წინ. შეშა არსად იყო, რომ ცეცხლი გაგებადებინა და ხორცი შეგვეწყა. დამწუხებულ-დანაღვლიანებული შევცეროდით ერთმანეთს.

– როდესაც ადამიანი სიკვდილის პირზეა მისული, მისთვის არჩევანი აღარ არსებობს, – თქვა გუდმა, – ვჭამოთ ეს ხორცი უმად.

მართლაც, სხვა გამოსავალი არ გვქონდა. შიმშილი კი იმ ზომამდე გვტანჯავდა, რომ გუდის სიტყვებს ჩვენში ზიზღის გრძნობა არ გამოუწვევია, რაც სხვა შემთხვევაში და სხვა დროს უთუოდ მოხდებოდა.

ხორცი რამდენიმე წუთით თოვლში ჩავმარხეთ გასაცივებლად, მერე ნაკადულის ცივ წყალში გავადანდალეთ და დავუწყეთ ჭამა.

ახლა, როცა ამ სტრიქონებს ვწერ, ყველაფერი ეს ძალზე საზარელი მეჩვენება, მაგრამ უნდა ვაღიარო, რომ იმ გულ-ღვიძლზე გემრიელი ჩემს სიცოცხლეში არაფერი მიჰამია. სულ რაღაც თხუთმეტიოდე წუთში ჩვენი ცნობა აღარ შეიძლებოდა. ყველანი გამოვცოცხლდით, ძალ-ღონე მოგვემატა, სუსტი მაჯისცემა გაგვიცხოველდა, ძარღვებში სისხლი აჩქედა, მაგრამ რაკი კარგად ვიცოდით, რა სახიფათო იყო ნაშიმშილარზე გაძლომა, ძალიან ვფრთხილობდით და დაზოგვით ჭამდით.

— მადლობა ღმერთს! — წამოიძახა სერ პეტრიმ, — ამ ცხოველმა სიკვდილს გადაგვარჩინა. სხვათა შორის, ქუოტერმენ, რა ცხოველი იყო ეგ?

მე წამოვდექი და მოკლულ ცხოველს მივუახლოვდი, რომ კარგად დამეთვალიერებინა, რადგან ბოლომდე არც ვიყავი დარწმუნებული, რომ ნამდვილად ანტილოპა იყო.

იგი სიდიდით ვირს არ ჩამოუვარდებოდა, ბეწვი სქელი პქონდა, ყავისფერი და ზედ ოდნავ შესამჩნევი წითელი ზოლები გასძევდა, რქები — დიდი და უკან გადახრილი. მართალი გითხრათ, ასეთი ცხოველი არასოდეს მენახა. ეს ჯიში ჩემთვის სრულიად უცნობი იყო. ბოლოს შევიტყვა, რომ ამ უცნაური ქვების მცხოვრები მას „ინკოს“ ეძახდნენ. „ინკო“ ანტილოპას ერთ-ერთი იშვიათი სახეობადა და მხოლოდ და მხოლოდ ძალიან მაღლობ ადგილებში გვხვდება — იქ, სადაც სხვა ცხოველები, საერთოდ, არ ბინადრობენ. ჩვენს ანტილოპას ტყვია შიგ ბეჭში პქონდა მოხვედრილი. ძნელი სათქმელია, ვისმა ტყვიამ მოუსწრავა სიცოცხლე, მაგრამ ვფიქრობ, გუდს ახსოვდა, როგორ მოკლა უირაფი და გულის სიღრმეში ანტილოპას სიკვდილსაც თავის მარჯვენას მიაწერდა. მაგრამ, მართალი გითხრათ, ამის გამო არ შევდავებივართ.

ჭამაში გართულებს ყველაფერი გადაგვავიწყდა და არც კი გვიფიქრია, სად ვიმყოფებოდით, მაგრამ მხეცური შიმშილი რომ დავიოკეთ, დავმშვიდდით და ადგილმდებარეობის დათვალიერებას შევუდექით. ამბოპას უუბრძანეთ, აეკაფა საუკეთესო ნაჭრები, რომ გზაში ხორცის საკმაო მარაგი გვქონოდა. უკვე დილის რვა საათი სრულდებოდა. პატრი სუფთა და კრიალა იყო, გეგონებოდათ, ის სქელი ნისლი, წერან ხევსუებს რომ ებურა, ერთიანად მზებ შეიწვაო. როგორ ავწერო იმ სურათის სიდიადე, თვალწინ რომ გადაგვეშალა — ჩვენს თავზე და ზურგს უკან ამართული იყო მთები, დედოფალ საბიას მთების ქათქათა, თეთრი მწვერვალები. დაბლა კი, ასე, ხუთასი ფუტის დაშორებით, თვალისმომჭრელი ხედი იშლებოდა. ჩვენ პირდაპირ ქედებს, ველებსა და თვალუწვდენ ჩაბნელებულ ტყეებს შორის მოედინებოდა ფართო მდინარე. ხელმარცხნივ გადაჭიმული იყო ფართო საძოვრები, ტალღისებურად მობიბინე ბალახში ჯოგები გაფანტულიყვნენ. შორს, ცის დასალიერთან ძლიერს ილანდებოდა მთები. მარჯვენივ მთა-გორები ნაკლებად იყო. ცალკეულ ქედებს მოვლილ-დამუშავებული ველების ზოლი ემიჯნებოდა. ველებს შორის ჯგუფ-ჯგუფად მოჩანდა გუმბათისებური ქოხები. მთელი ეს სურათი რუკასავით იყო გადაშლილი ჩვენ თვალწინ. მდინარეები ვერცხლის გველებივით მიიკლაპნებოდნენ; მედიდურად აზიდულიყო თოვლის გვირგვინებით თავშემკობილი მთის მწვერვალები. ცად კი მხიარულად ციმციმებდა მზე. ყველგან სიცოცხლის სუნთქვა იგრძნობოდა.

ძალიან გაგვაოცა იმან, რომ ჩვენ წინ გართხმული მიწა სამი ათასი ფუტით უფრო მაღლა იმყოფებოდა უდაბნოზე, ახლახან რომ გადმოვლახეთ, და იმანაც, უკლებლივ ყველა მდინარე სამხრეთიდან ჩრდილოეთისაკენ რომ მიედინებოდა.

ჩემის მძიმე განსაცდელის უამს დავრწმუნდით, რომ ქედის სამხრეთ ფერდობზე, რომელზედაც ამჟამად ვიდექით, არსად იყო წყალი, მაშინ, როცა ჩრდილოეთ ფერდობზე ზოლებად მიიკლაპნებოდა ნაკადულები. მათი უმეტესობა ერთვოდა უცნაურად დახლაკნილ დიდ მდინარეს, რომელიც ქვეყნის შუაგულისაკენ მიედინებოდა. ვისხედით და მოჯადოებულებივით უხმოდ გავცემოდით ბუნების ამ საოცარ სურათს. სიჩუმე სერ პენრიმ დაარღვია.

— მითხარით, ქუოტერმენ, — მკითხა მან, — აღნიშნულია თუ არა და სილვესტრას რუკაზე სოლომონ მეფის დიდი გზა?

მე თანხმობის ნიშნად თავი დაგუქნიე, ისე რომ ჩემს წინ გადაშლილი სურათისათვის თვალი არ მომიცილებია.

— მაშ მიიხედეთ იქით, — მითხრა სერ პენრიმ და მარჯვნივ მიმითითა, — აი ის გზაც.

მე და გუდმა ნაჩვენები მიმართულებით გავიხედეთ და დავინახეთ ფართო გზა, რომელიც თავდაპირველად ვერ შეგამჩნიეთ, რადგან იგი ბარში ჩასვლისთანავე მკვეთრად უხვევდა გვერდით და ბორცვებს შორის იკარგებოდა. საპვირველია, მაგრამ ამ აღმოჩენას ჩვენზე მაინცდამაინც დიდი შთაბეჭდილება არ მოუხდებია. ამდენი რამის გადამტანებს ადარაფერი გვაკვირვებდა, თითქოს ისიც კი ჩვეულებრივ ამბად მივიჩნიეთ, რომ ამ მიკარგულ ქვეყნაში ვხედავდით გზატკეცილს, რომელიც, ერთი თვალის გადავლებით, ძველი რომის მოვლილ-შენახულ გზებს მოგვაგონებდა.

— ჩემი აზრით, გზა აქ სადღაც, მარჯვნივ, სულ ახლოს უნდა გადიოდეს, — თქვა გუდმა. — წავიდეთ, ვეძიოთ.

ეს კეთილგონივრული რჩევა იყო. ნაკადულში ხელ-პირი დავიბანეთ და გუდს მივყვათ. ერთხანს კაჭარზე და უთოვლო, მოტიტვლებულ ადგილებში მივაძიჯებდით. ამგვარად გავიარეთ დაახლოებით ერთი მილი და პატარა ბორცვის თხემზე აღმოვჩნდით. უეცრად ზედ ჩვენ წინ გზატკეცილი დავინახეთ... დიახ, ეს კლდეში გაჭრილი საუცხოო გზატკეცილი გახლდათ. სიგანით დაახლოებით ორმოცდაათი ფუტი იქნებოდა. საუცხოოდ იყო შენახული, ეტყობოდა, კარგად უკლიდნენ. თავდაპირველად ვიფიქრეთ, გზა აქ იწყებაო, მაგრამ, როდესაც დაბლა დაგეშვით და უკან, დედოფალ საბიას მთებს მივხედეთ, დავინახეთ, რომ იგი მთებისკენ მიემართებოდა, მაგრამ ჩვენგან ასიოდე ნაბიჯზე მოულოდნელად სადღაც იკარგებოდა. იქიდან მთელი მთის ფერდობი კაჭარით იყო დაფარული. მოტიტვლებული ადგილებიც ბლომად ჩანდა.

— როგორ ფიქრობთ, რა მოხდა, სად დაიკარგა გზა? — შემეკითხა სერ პენრი.

გაოგნებულმა თავი გავიქნიე.

— ყველაფერი ცხადია, — თქვა გუდმა, — დარწმუნებული ვარ, რომ ოდესდაც ეს გზა ქედზე გადადიოდა და უდაბნოს ჭრიდა. მაგრამ დროთა განმავლობაში, ვულკანების ამოხეთქვის შემდეგ, იგი მთებში ლავამ გადარეცხა, უდაბნომ კი ქვიშით დაფარა.

ეს მოსაზრება სიმართლესთან ახლოს იყო. ყოველ შემთხვევაში, ყველანი დავეთანხმეთ გუდს და მთიდან ნელ-ნელა დავეშვით. ახლა მაძღრები ვიყავით, გზატკეცილზე ადგილად მივაბიჯებდით, მაშინ, როცა ამოსვლისას ფეხებს ძლივს ვადგამდით და შიმშილით დაოსებულები, არაქათგამოლეულები და გაყინულები, წამდაუწეულ თოვლში ვეფლობოდით. ახლა თავს საუცხოოდ ვგრძნობდით, მაგრამ გვაგონდებოდა საბრალო ვენტილაციით, მისი შემზარავი სიკვდილი, ბნელი მდგიმე, სადაც იგი და სილვესტრასთან ერთად დაგზოვეთ, და გული გვეთუთქმებოდა. საკუთრ თავზე აღარ ვფიქრობდით, მიუხედავად იმისა, რომ მივდიოდით უცხო მხარეში, რომელზედაც არაფერი ვიცოდით. ვინ იცის, რა მოგველოდა იქ!

რაც უფრო დაბლა მიგიწევდით, პაერი მით უფრო რბილი და სურნელოვანი ხდებოდა. ჩვენ წინ გადაშლილი მიწა სულ უფრო და უფრო გვატყვევებდა თავისი სილამაზით. რაც შეეხება გზას, უნდა მოგახსენოთ, რომ ჩემს სიცოცხლეში მსგავსი არაფერი მენახა, თუმცა სერ პენრი ამტკიცებდა, სენ-გოტარდის გზა შეეიცარიაში ამ გზატკეცილს ძალიან წააგავსო. ეტყობოდა, მშენებლებს, რომელთაც ეს გზა გაჰყავდათ, არ აშინებდათ არავითარი დაბრკოლება და სიძნელე. ერთ ადგილს წავადექით ხეობას, რომლის სიგანე სამასი ფუტი მაინც იქნებოდა, სიღრმე კი არახაკლება ასი ფუტისა და დავინახეთ, რომ იგი მთლიანად თლილი ლოდებით იყო ამოვსებული. ამ ლოდებში დატანებული იყო დარი, რომ წყალს დაბლა თავისუფლად ედინა. მეორე ადგილს გზა უფსკრულის პირას მიიკლაკნებოდა. უფსკრულის სიღრმე ხუთასი ფუტი იქნებოდა. მესამეგან ოცდაათი ფუტის სიგრძის გვირაბს წაგაწყდით. იგი გათხრილი იყო კლდეში, რომელიც გზას წინ ედობებოდა. გვირაბის კედლები ბარელიეფებით იყო შემკული. ბარელიეფებზე უმთავრესად ჯავშანში ჩასმული მეომრები იყო გამოხატული, ისინი ეტყს მართავდნენ. განსაკუთრებით მომეწონა ერთი ბარელიეფი. წინა პლანზე ასახული იყო ბრძოლა, შორს, უგან კი დამარცხებული ტყვეები მიღიოდნენ.

სერ პენრი დიდი ინტერესით ათვალიერებდა შორეული წარსულის ამ შესანიშნავ ნიმუშებს.

— რასაკვირველია, — თქვა მან ბოლოს, — შესაძლოა, ამ გზას სოლომონ მეფის გზა ერქვას, მაგრამ გავბეჭდავ ვთქვა, რომ ეგვიპტელები აქ სოლომონ მეფის ქვეშვერდომების მოსვლამდე ყოფილან. ეს ბარელიეფები ძველი ეგვიპტური სტილის ნიმუშებს წააგავს.

შეადღისათვის უკვე კარგა გვარიანი მანძილი გავიარეთ და ტყის ზონაში შევეღით. თავდაპირველად მხოლოდ აქა-იქ გახვდებოდა წერილი ბუჩქნარი, მაგრამ რაც უფრო დაბლა ჩავდიოდით, ბუჩქები მით უფრო ხშირდებოდა. ბოლოს მიგაღწიეთ ერთ ფართო კორომს და დავინახეთ, რომ აქ ხარობდა მოვერცხლისფროფოთლიანი ხეები. ასეთი ხეები კეიპტაუნთან, მაგიდის მთის ფერდობებზე შემხევდრია და ამიტომ, ცოტა არ იყოს, გაკვირვებული დავრჩი.

— ოქ, — აღტაცებით წამოიძახა გუდმა, აბზინვარებული ფოთლების დანახევაზე, — აქ ხომ აუარებელი შეშა. მოდით, ცოტა შევისვენოთ და სადილიც მოვამზადოთ. ჩემმა კუჭმა ის უმი ხორცი უკვე მოინელა.

ეს წინადაღება ყველას მოეწონა. გზიდან ოდნავ გადავუხვიეთ და იქვე მოლიკლიკე ნაკადულისკენ წავედით. ხმელი ფიჩი შეგაგროვეთ და ორიოდე წუთის შემდეგ ცეცხლი ავაგუზუზეთ. ხორცს რამდენიმე სქელი ნაჭერი ჩამოვაჭერით, წეტიან ჯოხებზე წამოვაგეთ და ნაკვერცხლებზე ავაშიშხინეთ. სხვათა შორის, ხორცს კაფრებიც ამგარად წვავენ. სადილს უდიდესი სიამოვნებით შევექეცით. როდესაც კარგად დავნაურდით, ჩიბუხები გავაჩაღეთ და თავი განცხროდა მივეცით. ამგვარი ყოფა განვლილი ტანჯვა-წამებისა და ათასი უბედურების შემდეგ თითქმის ღვთაებრივი გვეჩვენა. ნაკადულის ნაპირებს სქლად მოსდებოდა უზარმაზარი გვირები, მათ შორის მაქმანებივით გამჭვირვალე ველური სატაცური იჭყიტებოდა, ნაკადული მხიარულად მორაკრაკებდა, ნაზი ნიავი ხეების ვერცხლისფერ ფოთლებში დაქროდა. ირგვლივ ქედნები ღუდუნებდნენ. პატარა ჩიტები ტოტიდან ტოტზე ხტოდნენ, მათი ჭრელი, მოხატული ბუმბული ძვირფასი ქვებივით ელგარებდა. დიას, ეს ქეშმარიტი სამოთხე იყო.

შეგნებამ იმისა, რომ დაუსრულებელი ტანჯვა-წამება, ფათერაკებით აღსავსე დღეები წარსულს ჩაბარდა და, როგორც იქნა, აღთქმულ ქვეყანას მივაღწიეთ, ისე გაგვაოგნა, რომ უნებლიერ ყველანი დავდუმდით. სერ პენრი და ამბობა გვერდიგვერდ ისხდნენ და დამტკრეულ ინგლისურ და არახაკლებ

დამტვრეულ ზულუსურ ენაზე ხმადაბლა ლაპარაკობდნენ. მე გვიმრის სურნელოვან საწოლზე ვიწექი და თვალმილულული მათკენ ვიცქირებოდი. უეცრად შევამჩნიე, რომ გუდი სადღაც გაქრა და თვალებით ძებნა დავუწევ. მალე მივაგენი კიდეც. იგი ფლანელის პერანგის ანაბარა იჯდა ნაკადულის პირას, ტანის დაბანა უკვე მოესწრო. ამ კაცს იმდენად ჰქონდა ტანში გამჯდარი სისუფთავის გრძნობა, რომ ძვირფას დროს დასვენების ნაცვლად თავის წესრიგში მოყვანას ანდომებდა.

მას უკვე გაერეცხა გუბაფისის თეთრი საყელო, გაებერტყა და გულდაგულ გაეწმინდა პიჯაკი, უილეტი, შარვალი, რომლებიც გზაში დახეოდა, დაკურებდა დახეულ-გამოგლეჯილ ადგილებს და თავს ნაღვლიანად იქნევდა. შემდეგ ტანსაცმელი კოტებად დაკვეცა, ნაპირზე დააწყო, ფეხსაცმელი აიღო და ტალახი გვიმრით მოაცილა, გაუსვა ქონი, რომელიც ინკოს ხორცს საგანგებოდ ააჭრა და დიდხანს აპრიალებდა. როცა ფეხსაცმელმა ლაპლაპი დაიწყო, მონოკლით კარგად დაათვალიერა და ჩაიცვა. პატარა სამგზავრო ტოპრაკიდან, რომელსაც არასოდეს არ იშორებდა, ამოიღო სავარცხელი შიგ ჩადგმული სარკით და ყურადღებით დააკვირდა თავის სახეს. ეტყობოდა, უკმაყოფილო დარჩა, რადგან ხელი მიჰყო თმის ვარცხნას და სწორებას. მერე ისევ სარკეში ჩაიხედა. ჩაიხედა და თავი კვლავ არ მოეწონა. თითებით მოისინჯა ნიკაპი, რომელზედაც კარგა მოზრდილი წვერი ამოსვლოდა. რა გასაკვირია, უკვე ათი დღე იყო, მის სახეს სამართებელი არ მიჰკარებოდა.

— „არა, ეს შეუძლებელია, — გავიფიქრე მე, — ნუთუ პირის გაპარსვას აპირებს?“

დიახ, არ შევმცდარვარ, გუდმა აიღო ქონის ნაჭერი, რომლითაც წელან ფეხსაცმელი გააპრიალა, გულდაგულ გააღანდალა წყალში, შემდეგ ისევ გახსნა ტოპრაკი, ბრინჯაოს პატარა სამართებელი ამოიღო, ლოყებზე და ნიკაპზე ქონი წაისვა და პარსვას შეუდგა. ეტყობოდა, ეს საკმაოდ მტკიცნეული იყო, იმიტომ, რომ დორდადრო ოხრავდა და კვნეხოდა. მე კი სიცილით ვიგუდებოდი, როცა ვუყურებდი, როგორ ცდილობდა ჩვენი კაპიტანი გაეპარსა აქეთ-იქით გაჩაჩხული, სქელი, ჯაგრისებური წვერი.

როგორც იქნა, დიდი ჯახირის შემდეგ, გაიპარსა მარჯვენა ლოყა და სწორედ ამ დროს რაღაც სხივმა ელვასავით გადაუქროლა თაგზე.

გუდი საშინელი წყვევლა-კრულვით წამოხტა (დარწმუნებული ვარ, ჩვეულებრივი სამართებელი რომ ჰქონოდა, უეჭველად ყელს გამოიჭრიდა). მეც ფეხზე წამოვიჭერი — ოღონდ მასავით წყვევლა-კრულვას არ მოგვოლივარ, — და, აი, რა დავინაზე: ჩემგან ოციოდე, გუდისაგან კი, ალბათ, ასე, ათიოდე ნაბიჯზე იდგა ხალხი. ძალზე მაღლები იყვნენ, კანი მოწითალო-მოსპილენბისფრო ჰქონდათ, ზოგ მათგანს თავზე შავი ბუმბულის ჯიღა ედგა, მხრებზე კი ჯიქის ტყავის მოსასხამი მოესხა. ერთი თვალის შევლებით სხვა ვერაფერი დავინახე.

ყველაზე წინ ჩვიდმეტიოდე წლის ჭაბუკი იდგა, ხელი მაღლა აღემართა და დისკოსმტყორცნელის ანტიკურ ქანდაკებას წააგავდა. როგორც ეტყობოდა, მან ისროლა ის დანა, კაპიტანს თავზე ელვასავით რომ გადაუშივლა.

ვიდრე მათ ვათვალიერებდი, წინ წამოდგა მოხუცი, ჭაბუკს ხელი წაავლო და რაღაც უთხრა. შემდეგ ყველანი ჩვენებ გამოემართნენ. სერ პერიმ, გუდმა და ამბოპამ თოფებს ხელი დავლეს და მუქარით აღმართეს, მაგრამ მოსულებს ამისათვის არავითარი ყურადღება არ მიუქცევიათ, არც ვეხი შეუჩერებიათ. ცხადი იყო, არ იცოდნენ, რა იყო თოფი, წინააღმდეგ შემთხვევაში ასე გულგრილად არ მოიქცეოდნენ.

— დაყარეთ თოფები! — დავუყვირე თანამგზავრებს, რადგან მივხვდი, თუ სიცოცხლე გესურდა, უნდა დაგვერწმუნებინა ეს ხალხი, რომ ცუდი განზრახვით არ ვიყავით მოსულნი და ვცდილიყავით, როგორმე მათი გული

მოგვენადირებინა. გუდი, სერ ჰენრი და ამბოპა ჩემს ბრძანებას დაემორჩილნენ. მე კი წინ წავდექი და თავი დაგუკარი მოხუც მეომარს, წელან ის ჭაბუქი რომ შეაჩერა.

— სალამი თქვენდა! — მივესალმე ზულუსურად, თუმცა არ ვიცოდი, ამ ხალხთან რა ენაზე მელაპარაკა. ძალიან გამიკირდა, როცა მოხუცი ნათქვამს მიმიხვდა.

— სალამი! — მომიგო მან არც თუ ისე წმინდა ზულუსურით, მაგრამ მე და ამბოპა მაშინვე მივხვდით, რაც გვითხრა.

შემდეგ შევიტყვეთ, ეს ხალხი ძველი ზულუსურით ლაპარაკობდა. ძველსა და ახალ ზულუსურს შორის დაახლოებით ისეთივე განსხვავებაა, როგორიც ჩოსერის ენასა და მეცხრამეტე საუკუნის ინგლისურ ენებს შორის.

— საიდან მოხვედით? — გვეითხა მოხუცმა. — ვინ ხართ? რატომ არის, რომ თქვენს შორის სამს თეთრი კანი აქვს, მეოთხე კი სახით ისე წაგვაგავს, თითქოს ჩვენთა დედათა ეშობნებს? — თქვა და ამბოპაზე მიგვითითა.

ამბოპას შევხედე და დავრწმუნდი, მოხუცი მართალს ამბობდა. ჩვენი მსახური სახით და თვალ-ტანადობით საოცრად წააგავდა ამ ხალხს, მაგრამ მაშინ ამაზე ფიქრის დრო არ მქონდა.

— ჩვენ უცხოელები ვართ და აქ მშვიდობიანი განზრახვით მოვედით, — ვუთხარი მე. თან ვცდილობდი, რაც შეიძლებოდა, ნელა მელაპარაკა, რომ მოხუცი ჩემი სიტყვების აზრს მიმხვდარიყო. — ეს კაცი კი, — დაგუმატე შემდეგ, — ჩვენი მსახურია.

— ცრუობ, — მომახალა მოხუცმა, — არც ერთ ადამიანს არ შეუძლია გადმოლახოს ეს მთები, იქ ხომ ვუელა სულიერი კვდება და იღუპება. თუმცა რა მნიშვნელობა აქვს, ცრუობ თუ არა, უცხოელებს კერძალებათ კუკუნელთა მიწაზე ფეხის დადგმა. თქვენ უნდა დაიხოცოთ, ასეთია მეფის უზენაესი ბრძანება. მოემზადეთ, პოი, უცხოელებო!

ამ სიტყვებმა, ცოტა არ იყოს, შემაცბუნა. მეტადრე მაშინ შევკრთი, როცა მეომრებმა ქამარზე იტაცეს ხელი. ქამრებზე დიდი მძიმე დანის მსგავსი რაღაც იარაღი ეკიდათ.

— რას რატრატებს ეგ ბებერი მაიმუნი? — მკითხა გუდმა.

— ამბობს, უნდა დაგხოცოთო, — კუშტად მივუგე მე.

— ოჳ, ღმერთო ჩემო! — აღმოხდა აკნესა გუდს და, როგორც ყოველთვის, აღელვების ჟამს, ახლაც ხელი პირისკენ წაიღო, ზემო ყბის ხელოვნური კბილები გამოიღო, შემდეგ ისევ ჩაიდგა და ენა გაატკაცუნა, რომ კბილები მჭიდროდ ჩაჯდომოდა.

გუდი უკეთესს ვერაფერს მოიფიქრებდა. ამის დანახვაზე ამაყ კუკუნელებს შემზარავი ყვირილი აღმოხდათ და ყველამ უკლებდლივ რამდენიმე იარდით უკან დაიხია.

— რა ამბავია, რა მოხდა? — გაოცებით შევეკითხა სერ ჰენრის.

— გუდმა კბილები ჩამოიხსნა, — აღელვებით ჩამჩურჩულა სერ ჰენრიმ, — პოდა, ამის დანახვაზე თავზარი დაეცათ. გუდ, გამოიღეთ კბილები, სულ გამოიღეთ!

კაპიტანი იმწამსვე დათანხმდა, კბილები გამოიღო და მარჯვედ ჩამალა ფლანელის პერანგის სახელოში.

ცნობისმოვარეობამ თანდათანობით სძლია შიშს და კუკუნელები ნელ-ნელა ისევ მოგვიახლოვდნენ. როგორც ეტყობოდათ, სულ დაგვიწყდათ, ყელის გამოდადვრას რომ გვიპირებდნენ.

— გვითხარით, პოი, უცხოელებო! — მოგვმართა მოხუცმა და ხელი გუდისკენ გაიწვდინა. გუდი ფლანელის — პერანგისამარა იყო, სახე სანახევროდ გაპარსული ჰქონდა, — როგორ შეუძლია ამ მსხვილ კაცს, რომელსაც სხეულს

ტანსაცმელი უფარავს, ფეხები კი შიშველი აქვს, თმა მხოლოდ სახის ერთ მხარეს ეზრდება, მეორეზე კი ბეწვიც არ ამჩნევია, ერთ თვალში მეორე თვალი უდგას, – გამჭვირვალე მბრწყინავი თვალი – როგორ შეუძლია-მეთქი ამ კაცს, თავის ნებაზე გამოიღოს კბილები პირიდან და მერე ისევ ჩაიდგას?

– გაადეთ პირი! – ვუწურჩულე გუდს.

კაპიტანმა იმწამსვე გააღო პირი და გამოაჩინა ორი წითელი ნუნა, რომელთაც ახლად შობილი სპილოსავით კბილების ნიშანწყალიც არსად ეტყობოდათ.

– სად გააქრო კბილები? – შიშით შეჰყვირეს კუკუნელებმა, – აკი წელან პირში პქონდა!

გუდმა ველურებს ამაყად შეაქცია ზურგი, ხელი პირთან მიიტანა, შემდეგ შემობრუნდა, პირი გააღო და, – ჰო, საკვირველებავ! – ველურებმა პირში ჩაწიკწიკებული კბილები დაუნახეს.

მაშინ ის ჭაბუკი, გუდს დანა რომ ესროლა, მიწაზე დაეცა და თავზარდაცემულმა გულშემზარავი ყვირილი მორთო. მოხუცს კი შიშისაგან მუხლები აუკანებალდა.

– ახლა კი ვხედავ, რომ სულები ხართ, – ენის ბორძიკით წაიბუტბუტა მან, – რადგან არც ერთ მოკვდავს, ქალის მიერ შობილს, არ ეზრდება წვერი ცალ მხარეს, არა აქს მრგვალი, გამჭვირვალე თვალი და თავის ნებაზე მოსეირნე კბილები. მოგვიტევთ, ჰო, მბრძანებელო!

ალბათ მიხვდებით, როგორ გამეხარდებოდა ამ სიტყვების გაგონება. რადა თქმა უნდა, მაშინვე ვისარგებლე ამ მოულოდნელი ბედნიერი შემოხვევით. მოწყალედ გავიღიმე და განვაცხად:

– კარგი, ამჯერად გვიპატიებია, რაც შესცოდეთ, ახლა კი დროა სიმართლე შეიტყოთ. ჩვენ სხვა სამყაროდან ვართ მოსულნი, დავეშვით უდიდესი ვასრკვლავიდან, რომელიც დამით თქვენს ქვეყანას თავზე დანათის, მაგრამ, მიუხედავად ამისა, ჩვეულებრივი ადამიანები ვართ.

– ო! ო! – ერთბაშად აღმოხდა ყველას გაოცების ამოძახილი.

– დიახ, ჩვენ ვარსკვლავეთიდან ჩამოვედით, – განვაგრძე შემწყნარებლური დიმილით, თან თვითონვე მიკვირდა, რაებს ვროშავ-მეთქი. – დავეშვით მიწაზე, რომ თქვენი ხალხი ჩვენი აქ ყოფნით გავაძედნიეროთ. ხომ ხედავთ, მეგობრებო, თქვენთან წამოსკლას ვეპირებოდით და ამისათვის თქვენი ენაც კი შევისწავლე.

– დიახ, დიახ, სწორია, ეს ასეა! – ერთხმად დამიმოწმეს ველურებმა.

– ჰო, მბრძანებელო ჩემო, მააბრიე, მაგრამ ძალიან ცუდად შეგისწავლია ჩვენი ენა, – სიტყვა გამაწყვეტინა მოხუცმა.

მაგრამ ისე მწყრალად გადავხედე, რომ საბრალო შექრთა და ენა მუცელში ჩაიგდო.

– ახლა კი, მეგობრებო, – განვაგრძე, – იქნებ იფიქროთ, სამაგიეროს გიზდავთ მტრული შეხვედრისათვის და სიცოცხლეს გამოვასალმებო იმას, ვინც მოძრავ კბილებიან კაცზე ხელი შემართა...

– შეგვიძრალეთ, ჩემო მბრძანებელო, ის ჩვენი უფლისწულია, ჩემი მმის შვილი, რამე რომ შეემოხვას, სისხლი მე უნდა ვზღო, რადგან მაგის სიცოცხლე მე მაბარია.

– მაგაში ეჭვი არ შეგვაროს, – ბოროტად ჩაისისინა ჭაბუქმა.

– ეგება ფიქრობთ, ძალა არ შეგვწევდეს სამაგიერო გადაგიხადოთ? – განვაგრძე მე ისე, რომ მისი სიტყვებისთვის ყურადღებაც არ მიმიქცევია, – მოითმინეთ და ახლავე დარწმუნდებით; შენ, ჰე, მონა ძალლო, – რამდენადაც კი შემეძლო მრისხანედ ვუთხარი ამბოპას, – მომაწოდე ის ჯადოქმნილი მოლაპარაკე ლულა! – თან შეუმჩნევლად თვალით ჩემს „ექსპრესზე“ ვანიშნე.

ამბოპამ იმწამსგე მომაგება ხელში თოფი, მის ამაყ სახეზე იმ დღეს პირველად დავინახე რაღაც დიმილის მსგავსი.

— ინებეთ, მბრძანებელთა მბრძანებელო! — მითხრა და თავი მდაბლად დამიკრა.

რამდენიმე წუთის წინ თვალი მოგარი ანტილოპას. ჩვენგან სამოცდათოდე იარდის დაშორებით კლდეზე იდგა. სწორედ მისი მოკვლა მქონდა განზრახული, როცა ამბოპას თოფის მოტანა ვუბრძანე.

— ხედავთ იმ ცხოველს? — ვკითხე ველურებს და ანტილოპასკენ ხელი გავიშვირე, — განა დედაკაცისაგან შობილ ჩვეულებრივ ადამიანს ძალუმს მხოლოდ და მხოლოდ ხმით მოკლას იგი?

— ეგ შეუძლებელია, ჩემო მბრძანებელო, — მიპასუხა მოხუცმა.

— მიუხედავად ამისა, მე მაინც მოკლავ იმ ანტილოპას, — მშვიდად მივუგა მოხუცმა მეომარმა გაიღიმა.

— არა, ჩემო მბრძანებელო, შენ ამას ვერ შეძლებ.

მე თოფი შევმართე და ანტილოპა მიზანში ამოვიდე. ანტილოპა ძალზე პატარა იყო და ასე შორი მანძილიდან სულ ადვილად შეიძლებოდა ტყვია ამეცდინა, მაგრამ ვიცოდი, რაღაც არ უნდა დამჯდომოდა, უნდა მომეკლა. ანტილოპა უძრავად იდგა. მე ღრმად ამოვიოხრე და ჩახმახს თითო გამოვკარი.

ბუჟ, ბუჟ! იგრიალა თოფმა. ანტილოპამ შეიკუნტრუშა და უსულოდ დაეცა მიწაზე. ველურებმა სახარლად დაიღრიალეს.

— თუ გინდათ ხორცი, წადით და ის ანტილოპა აქ მოათრიეთ, — მოჩვენებით გულგრილობით ვთქვი მე.

მოხუცმა ერთ-ერთ ველურს რაღაც ანიშნა. ველური კლდისკენ გაქანდა. მალე დაბრუნდა, ზურგზე მოკლული ანტილოპა მოეგდო. რომ იცოდეთ, როგორ გამეხარდა, როცა ვნახე, ტყვია ზედ ბეჭს ზემოთ მოხვედროდა. მე ხომ სწორედ ბეჭი ამოვიდე მიზანში. ველურები შემოეხვივნენ საბრალო ცხოველს და ცხობისმოყვარებით ათვალიერებდნენ ნატყვიარს. სახეზე შიში ეწერათ.

— ხომ ხედავთ, — მივუბრუნდი მათ, — მე სიტყვებს ფუჭად როდი ვხარჯავ!

ხმა არავის გაუდია.

— თუ ჩვენს ძლევამოსილებაში კიდევ ეჭვი გეპარებათ, — განვაგრძე მე, — რომელიმე თქვენგანი იმ კლდეზე დადგეს, დიახ, დიახ, დადგეს და მასაც იმ ანტილოპასავით გავაგორებ.

მსურველი არავინ აღმოჩნდა. ჩამოვარდა სიჩუმე, რომელიც მეფისწულმა დაარღვია.

— მისმინე, ძია, — მიმართა მან მოხუცს, — გემუდარები, წადი და იმ კლდეზე დადექ. ჯადო კაცს ვერ მოკლავს, მას მხოლოდ ცხოველზე აქვს ძალა.

მაგრამ მოხუცს ძმისწულის წინადადება სულაც არ მოეწონა, პირიქით, ეწყინა კიდევ.

— არა, არა! — სწრაფად წამოიძახა მან, — კმარა, რაც ჩემმა თვალებმა ნახეს, — მერე თავის ამალას მიუბრუნდა და ბრძანა: — ეს ადამიანები მისნები არიან და მეფეს უნდა მივგვაროთ, ხოლო თუ ვინმეს სურს, ჯადო საგუთარ თავზე გამოცადოს, შეუძლია წავიდეს და კლდეზე დადგეს, ჯადოსნური ჯოხი მასაც დაელაპარაკება.

მაგრამ კუკუანებითა შორის ამის მსურველი არავინ იყო.

— ტყვილუბრალოდ რად უნდა დახარჯო ჯადოსნური ძალა ჩვენს ბილწ სხეულებზე, — თქვა ერთმა ველურმა. — საკმარისია, რაც ვნახეთ. არც ერთ ჩვენს მისანს მსგავსი არაფერი შეუძლია.

— მართალს ამბობ, — შვებით მიუგო მოხუცმა მეომარმა, — დიახ, დიახ, ეს ჭეშმარიტება. მისმინეთ, პოი, ვარსკვლავის შვილნო, ბრჭყვიალა თვალისა და მოძრავი ქბილების შვილნო, თქვენ, რომელნიც მართავთ ელვა-ქუხილს და შორი

მანძილიდან კლავთ ცხოველს თუ კაცს. მე ინფადუსი ვარ, პუკუანელთა ყოფილი მეფის კაფას შვილი. ეს ჭაბუკი კი სკრაგაა.

— მაგ სკრაგამ ცოტას გაწყდა, საიქიოს არ გამისტუმრა, — დაიჩურჩულა გუდმა.

— სკრაგა უფლისწულია, — ერთი ყოფით განაგრძო ინფადუსმა, — თუალას შვილია. თუალა კი დიდი მეფე გახლავთ, — ათასი ცოლის მეუღლე, პუკუანელთა წინამდლოლი და მბრძანებელი, დიდი გზის ბატონ-პატონი, მტრის რისხვა და ძრწოლა, ბრძენი, რომელიც მისნობის ყველა საიდუმლოს განაგებს, ასი ათასი მეომრის სარდალი, თუალა ცალთვალაა, თუალა შავია, თუალა მრისხანეა.

— რაკი ასეა, წაგვიყვანე იმ შენს თუალასთან, — ქედმაღლურად ვუთხარი მე, — ჩვენ არ გვსურს ქვეშვრდომებთან და მსახურებთან ლაპარაკი თუ საქმის დაჭერა.

— თქვენს სურვილს შევასრულებთ, ჩემო მბრძანებლებო! წაგიყვანო მეფესთან. მაგრამ წინ გრძელი გზა გვიდევს! ამ ადგილებში სანადიროდ მოვედით და სასახლეს სამი დღის სავალითა ვართ დაცილებული. მოომინება იქონიეთ, მბრძანებელო, დიად თუალას სამი დღის შემდეგ იხილავთ.

— კარგი, — აგდებულად ვუთხარი მე, — ჩვენ დროს არ ვზოგავთ და არც არსად მიგვეჩარება, რადგან უკვდავნი ვართ. მზადა ვართ, წაგიყვანე, მაგრამ მისმინე, ო, ინფადუს, და შენც, ჭაბუკო სკრაგა! ერიდეთ ჩვენს მოტყუებას! ნუ ეცდებით მახე დაგვიგოთ. ვიდრე თქვენი საბრალო ტვინი რამეს გაიფიქრებდეს, ჩვენ უკვე გვეცოდინება ყოველივე, რადგან მონიჭებული გვაქვს სასწაულებრივი ძალა, ჩავწვდეთ ადამიანთა ფიქრსა და ზრახვებს. შექი, გამომდინარე იმ კაცის გამჭვირვალე თვალიდან, ვისაც ფეხები შიშველი აქვს, სახეზე კი მხოლოდ ცალ მხარეს ეზრდება წვერი, ადგილზევე გაგაქვავებთ, თქვენს ქვეშანაში უბედურებას უბედურებაზე დაატრიალებს. მისი მოძრავი კბილები პირიდან გამოხტებიან და ტანში ჩაგეხსობათ, რომ შეგჭამონ არა მარტო თქვენ, არამედ თქვენი ცოლებიცა და შვილებიც. ჯადოსნური მილები კი საცერივით დაცხრილავენ თქვენს სხეულს.

ამ ბრწყინვალე სიტყვამ საოცარი შთაბეჭდილება მოახდინა. თუმცა არც კი ვიცი, საჭირო იყო თუ არა ამის თქმა, რადგან ჩვენი ახალი მეგობრები უამისოდაც საკმაოდ შეშინებულები იყვნენ.

მოხუცმა მეომარმა მონურად მოიხარა ქედი ჩვენს წინაშე „გუშმ!“ „გუშმ!“ — რამდენჯერმე წამოიძახა. შემდგომ შევიტყვე, რომ „გუშმ“ პუკუანელთა მისასალმებლი სიტყვა იყო და ზუღუსურ „ბააიეტს“ უდრიდა. ამ სიტყვით კუკუანელები მხოლოდ მეფესა და სამეფო სახლის შვილთ ესალმებიან. შემდეგ ინფადუსმა რადაც გადაუდაპარაკა თვისიანებს. მათაც მყისვე სტაცეს ხელი მთელ ჩვენს ავლა-დიდებას, გარდა თოფებისა, რადგან მათთან მიკარებაც კი ეშინოდათ, აიღეს გუდის ტანსაცმელი, რომელიც, თუ გახსოვთ, ნაკადულის პირად იდო. კაპიტანმა მოინდომა მათვის თვისი შარვალი და პიჯაკი წაერთმია, რის შედეგადაც მასსა და ველურებს შორის კაი ხმამაღალი დავა ატყდა.

— ჩემი მბრძანებელი და მფლობელი გამჭირვალე თვალისა, ხელს ნუ ახლებს თავის ნივთებს. ყველაფერს მონები წამოიღებენ.

— კი მაგრამ, მე მინდა შარვალი ჩავიცვა, — დრიალებდა გუდი.

ამბოპამ მისი სიტყვები ველურებს გადაუთარგმნა.

— ჰოი, ჩემო მბრძანებელო, — შევყვირა ინფადუსმა, — ნუთუ გსურს ეგ მშვენიერი თეთრი ფეხები შენი მორჩილი მონების თვალთაგან დაჟვარო? რით დავიმსახურეთ შენი რისხვა, რატომ ინებე ასე ჩვენი დასჯა?

მე გუდს ვუცქეროდი და სიცილით ვიგუდებოდი. ამასობაში ერთ-ერთმა კელურმა გუდის ტანსაცმელს ხელი დაავლო და მოკურცხლა.

— წყეულიმც იყავ! — ბრდდვინავდა გუდი, — იმ შავგანიანმა მაიმუნმა ჩემი შარვალი გაიტაცა.

— მისმინეთ გუდ, — უთხრა სერ ჰენრიმ, — თქვენ ამ მხარეში გარკვეული როლით გამოცხადდით და ეს როლი ბოლომდე უნდა შეასრულოთ. ვიდრე აქ ვიმყოფებით, შარვალს ვეღარ ჩაიცვამთ, დღეიდან მხოლოდ ეგ პერანგი და ფეხსაცმელი უნდა ატაროთ; ჰო, მონოკლიც გრჩებათ. ერთი სიტყვით, დროებით ბედს უნდა დაემორჩილოთ.

— დიახ, დიახ, — დავუდასტურე მეც, — წვერიც მხოლოდ ცალ მხარეს უნდა ატაროთ. კუკუანელთა წინაშე ახლა სხვა სახით რომ წარსდგეთ, ყველას თაღლითებად მიგიჩნევენ. ძალიან ვნანობ, ამის გადატანა რომ გიხდებათ, მაგრამ სრული სერიოზულობით გეუბნებით: სხვა გამოსავალი არა გაქვთ, გუდ. კელურებმა მცირეოდენი ეჭვიც რომ შეიგანონ, სიცოცხლეს საფრთხეში ჩავიგდებთ.

— მართლა ასე ფიქრობთ? — კუშტად შემეგითხა გუდი.

— რა თქმა უნდა. ეგ „მშვენიერი თეთრი ფეხები“ და ეგ მონოკლი ჩვენი მხსნელია. თქვენი როლი ბოლომდე უნდა შეასრულოთ. დმერთს მადლობა შესწირეთ, ფეხსაცმლის ჩაცმა მაინც რომ მოასწარით და რომ აქ შედარებით თბილი ჰავაა.

გუდმა მწარედ ამოიოხრა, მაგრამ ალარაფერი უთქვამს. საბრალო მხოლოდ ორიოდე კვირის შემდეგ შეეგუა თავის მწარე ხვედრს.

## თ ა ვ ი V I I I

### პ ჟ პ ჟ ა ნ ე ლ თ ა ქ ვ ა ნ ა

მთელი დღის განმავლობაში მივდიოდით საუცხოო გზაზე. იგი პირდაპირ ჩრდილო-დასავლეთისაკენ მიემართებოდა. ინფადუსი და სკრაგა გვერდით მოგვევებოდნენ, მათი ამალა კი ასიოდე ნაბიჯით წინ მიაბიჯებდა.

— მითხარი, ინფადუს, — ვკითხე მოხუც მეომარს ცოტა ხნის სიჩუმის შემდეგ, — ხომ არ იცი, ვინ გაიყვანა ეს გზა?

— ეს გზა დიდი ხნის წინათ გაიყვანეს, ჩემო მბრძანებელო, არავის ახსოვს, როდის და როგორ მოხდა ეს. არც გრძნეულმა ქალმა გაგულამ იცის რამე ამაზე. გაგულა კი მრავალ თაობათა მომსწრეა. ჩვენ არც ისე ხნიერნი ვართ, რომ ეს ამბავი გვახსოვდეს. ახლა ამგვარი გზის გაყვანა არავის შეუძლია. ამიტომ არის, რომ მეფე თვალის ჩინივით უფრთხილდება მას და ზედ ბალახსაც არ გააჭაჭანებს.

— ვინ გამოაქანდაკა ადამიანები იმ გვირაბის კედელზე, ჩვენ რომ გამოვიარეთ? — ისევ შევეკითხე.

— ვინც გზა გაიყვანა, მანვე გამოკვეთა ქვაზე ის უცნაური გამოსახულებები, ჩემო მბრძანებელო. ჩვენ არ ვიცით, ვინ იყვნენ ისინი.

— როდის მოვიდნენ კუპუანელები ამ მხარეში?

— ჩემო მბრძანებელო, ჩვენი ხალხი ქარიშხლის სუნთქვასავით მოედო ამ მხარეს ათი ათასი მთვარის წინ. ისინი მოვიდნენ დიდი მიწიდან, იმ მხარეს რომ მდებარეობს, — მითხრა და ხელი ჩრდილოეთით გაიწვდინა. — როგორც გადმოგვცემენ ჩვენი მამა-პაპანი და როგორც ამბობს გრძნეული ქალი, მისნებზე მონადირე გაგულა, კუპუანელებმა ვეღარ შეძლეს გადაედახათ ეს მთები, რკალად რომ ერტყმიან ჩვენს ქვეყანას და გზას უდობავენ მას, — მითხრა და

თოვლით დაფარულ მწვერვალებზე მიმითითა. – ეს საუცხოო მხარე იყო და კუპუნელებიც აქ დასახლდნენ. დასახლდნენ და დროთა განმავლობაში ძლიერი და შემართებული გახდნენ. ახლა ჩვენ იმდენივე ვართ, რამდენიც ზღვაში ქვიშაა. როცა მეფე თუალა ჯარებს თავს უყრის, ფრთები, რომლითაც მეომრები თავს იმკობენ, ფარავენ მთელ დაბლობს, სანამდეც კაცს თვალი მიუწვდება.

– ახლა არ მითხარი, ჩვენი მხარე მთებით არის გარშემორტყმულიო? მაშ თუალას ჯარები ვიდას ეომებიან?

– არა, მბრძანებელო, იქით მხარეს გზა დიაა, – მითხრა და ისევ ჩრდილოეთით მიმითითა. – დროდადრო ჩვენთვის უცნობი ქვეწიდან მეომრები ღრუბელივით მოედებიან ქვეყნას და ჩვენც ვხოცავთ მათ. უკანასკნელი ბრძოლა რომ იყო, იმ დღიდან მოყოლებული ადამიანის სიცოცხლის მესამედმა ხანმა განვლო. ბრძოლაში ათასობით კაცი დაიღუპა, მაგრამ მაინც მოვსპერ მტერი. მას შემდეგ ომი ადარ ყოფილა.

– თქვენს მეომრებს ალბათ მობეზრდათ შუბზე დაყრდნობით თვლემა.

– არა, ჩემო მბრძანებელო, სწორედ მას შემდეგ, თვალამსხმელები რომ უგუვაგდეთ, აქ კიდევ იყო ერთი ბრძოლა, მაგრამ ეს იყო ბრძოლა ძმათა შორის, ხალხი ძაღლებივით ჭამდა ერთმანეთს.

– რა იყო ბრძოლის მიზეზი?

– ახლავე მოგახსენებთ, ჩემო მბრძანებელო. ჩვენი ახლანდელი მეფე ჩემი ნახევარმმაა. მას პყავდა ტყუპის ცალი. ორივენი ერთი დედისაგან, ერთ დღეს და ერთ საათს იყვნენ შობილი. ჩვენი ჩვეულების თანახმად, შეუძლებელია ორივე ტყუპმა იცოცხლოს, მათ შორის უფრო სუსტი უნდა მოკვდეს. მაგრამ მეფის დედამ გადამალა ტყუპის ცალი, რომელიც უფრო სუსტი ჩანდა, რადგან გულმა მისკენ გაუწია. სწორედ ეს ბავშვი გახლავთ თუალა, ჩვენი მეფე, მე კი მისი უმცროსი ძმა ვარ, სხვა ქალისაგან შობილი.

– მერე, მერე?

– როცა დავვაჟეაცდით, მამაჩვენი კაფა გარდაიცვალა და ჩემი ძმა იმოტუ მის ნაცვლად მეფედ აკურთხეს. იგი ერთ ხანს მართავდა ქვეყნას, საყვარელი ცოლისაგან ვაჟიც შეეძინა. ის ბავშვი სამი წლის რომ შეიქნა, – ეს დაემთხვა სწორედ დიდ ბრძოლებს, როცა არავის შეეძლო არც ხვანა-თესვა და არც მოსავლის აღება, – ქვეყნა დაიმშა, ხალხი დრტვინავდა და აქეთ-იქით აწყდებოდა, როგორც ლომი, რომელსაც შიმშილისაგან სული ხდება და სიკვდილის წინ დასაფლეთად ეძებს საკბილოს. მაშინ გაგულამ, ბრძენმა ქალმა, რომელიც უველას შიშის ზარსა სცემს, ხალხი შეკრიბა და გამოუცხადა, მეფე იმოტუ ნამდვილი მეფე არ არისო. იმოტუ კი ამ დროს ომში მიღებული ჭრილობით განაწარმები გაუნდრევლად იწვა თავის ქოხში. გაგულა ერთ-ერთ ქოხში შევიდა და გამოიყვანა თუალა, ჩემი ნახევარმმა, ხოლო მეფე იმოტუს მკვიდრი ძმა და ტყუპის ცალი. გაგულა გაჩენის დღიდან მალავდა მას კლდეებსა და მდვიმეში. ახლა წელზე შემოსაქრავი შემოხსნა და ხალხს დაანახა გველის წმინდა ნიშანი, უფლისწულს ტანზე რომ შემორკალოდა.

ჩვენს ქვეყნაში ამ ნიშანს შობისთანავე ადებენ ხოლმე მეფის უფროს ვაჟს. „აქეთ მოიხედეთ, აი თქვენი მეფე. მე მას დღემდე სიცოცხლე შევუნარჩუნებ“, – ხმამაღლა დაიყვირა გაგულამ. შიმშილით გონდაკარგული ხალხი სულ გადაირია. დაივიწყა ადამიანობა, სიკეთე, სამართლიანობა და დაიწყო ყვირილი: „მეფე, მეფე!“ მაგრამ მე ვიცოდი, თუალა მეფე არ ყოფილა. ტყუპებს შორის უფროსი იმოტუ იყო და, მაშასადამე, კანონის მიხედვით, ტახტიც მას ეკუთვნოდა. როცა ხმაური და დრიანცელი საზღვარს გადასცილდა, მეფე იმოტუმ ცოლს ხელი ჩასჭიდა და ქოხიდან გამოვიდა, თუმცა მძიმედ იყო დაჭრილი და სიარული უჭირდა. უკან მათი მცირეწლოვანი ვაჟი იგნოზი მოპყვებოდათ

(იგნოზი ელვას ნიშნავს). „ეს რა ამბავია? – იკითხა იმოტუმ, – რატომ გაჟყირით „მეფე-მეფეო?“

მაშინ თუალა, მისი მკიდრი ძმა და მისივე დედისაგან შობილი, მეფესთან მიიჭრა, თმაში ხელი სტაცა და დანა სასიკვდილოდ ჩასცა გულში. მოგეხსენებათ, ხალხი საერთოდ ორჭოფია, ადამიანები მუდამ მზად არიან ქედი მოიდრიკონ ამომავალი მზის წინაშე, ამიტომ ყველამ ტაში დასცხო და დაიწყო ყვირილი: „თუალა ჩვენი მეფეა! გაუმარჯოს თუალას, ჩვენს მეფე!“

– რა ბედი ეწიათ იმოტუს ცოლს და მის პატარა ვაჟს იგნოზის? ნუთუ თუალამ ისინიც დახოცა?

– არა, ჩემო მბრძანებელო. როცა ცოლმა დაინახა, ჩემი ბატონი მკვდარი დაეცაო, შეჰკივლა, შვილი ხელში აიტაცა და გაიქცა. ორი დღის შემდეგ შიმშილმა ერთ-ერთ კრაალში მიიყვანა, მაგრამ არავინ გაუწოდა დახმარების ხელი, არავინ ისურვა მიეცა მისთვის რდე ან სხვა რამ საჭმელი. იმიტომ, რომ ადამიანს სძაგს უბედურ დდეში მყოფი. როცა დადამდა, ვიდაც გოგონა ჩუმად მიიპარა მასთან და საჭმელი მიუტანა. ქალმა დალოცა ბავშვი და დილით, ვიდრე მზე ამოვიდოდა, შვილთან ერთად მთებისაკენ გაუყვა გზას. ეჭხსგარეშეა, ორივე დაიღუპა, რადგან მას შემდეგ არც ისა და არც პატარა იგნოზი თვალით არავის უხახავს.

– ესე იგი, ის ბავშვი, იგნოზი, ცოცხალი რომ ყოფილიყო, კუკუანელების კანონიერი მეფე იქნებოდა?

– დიახ, მბრძანებელო, წმინდა გველის გამოსახულება ნიშნად ერტყმის მის სხეულს. ის არის ჩვენი მეფე, მაგრამ ვაი რომ უკვე მკვდარია. იქით გაიხედე, მბრძანებელო, – მითხრა შემდეგ და დაბლა, ველისაკენ მიმითოთა. ამ ველზე ღობით გარშემორტყმული ქოხები იდგა. ღობებს კი თავის მხრივ ღრმა თხრილი ერტყა ირგვლივ, – კრაალში უკანასკნელად ვნახე იმოტუს ცოლ-შვილი. დამეს იქ გავათვოთ, თუკი ჩემს მბრძანებლებს, საერთოდ, ძილი სჩვევიათ, – მითხრა და იჭვნეულად გადმომხედა.

– როცა ჩვენ კუკუანელელთა შორის ვიმყოფებით, მეგობარო ჩემო ინფადუს, ჩვენც კუკუანელებივით ვიქცევით, – სიტყვა გავაძრტყელე და შევბრუნდი, რომ რაღაც მეთქვა გუდისათვის, ჩემს უკან რომ მოლასლასებდა და ამაოდ ცდილობდა შეეჩერებინა პერანგის კალთები, ქარი აქეთ-იქით რომ აფრიალებდა. შევბრუნდი თუ არა, კინაღამ შუბლით შევეხეოქე ამბოპას; იგი თურმე ფეხდაფეხ მომდევდა და ჩემი და ინფადუსის საუბარს აშკარა ინტერესით ისმენდა. სახეზე ცნობისწადილი აღბეჭდვოდა და წააგავდა ადამიანს, რომელიც თავს საოცრად ატანს ძალას, გაიხეხნოს რაღაც დიდი ხნის წინათ მივიწყებული და მხოლოდ ნაწილობრივ თუ ახერხებს ამას.

ამ ხნის განმავლობაში სწრაფი ნაბიჯით მივიწყევდით წინ და თანდათანობით ვეშვებოდით ბექობიანი დაბლობისაკენ, ჩვენ ქვემოთ რომ გადაშლილიყო. ცადაბჯენილი მთები, ჩვენ რომ გადმოვლახეთ, ახლა ბუნდადლა ილანდებოდა სადღაც, ზემოთ. ნისლის მჭვირი ღრუბელი კდემამოსილად შემოხვევიდა დედოფალ საბიას მკერდს. ბუნების სურათები სულ უფრო და უფრო თვალწარმტაცი ხდებოდა. მცენარეული ლადი და თამამი იყო, მაგრამ არა ტროპიკული, მზის სხივები თბილად გვეალერსებოდა, მაგრამ არ გვაწუხებდა, არ გვწვავდა, მთების სურნელოვან ფერდობებს მსუბუქი ნიავი თავს ევლებოდა. ეს მხარე ჭეშმარიტად ამქვეყნიური სამოთხე იყო. ჩვენ შორის მსგავსი რამ არავის ენახა. ტრანსფარალი საუცხოო კუთხეა, მაგრამ კუკუანელთა ქვეყანას ისიც კი ვერ შევდრება.

ინფადუსმა კრაალში მაღემსრბოლი აფრინა, რომ თავისიანებისთვის ჩვენი მისვლა შეეტყობინებინა. სხვათა შორის, ამ კრაალის მცხოვრები ინფადუსის სამხედრო ქვეშევრდომები იყვნენ. მაღემსრბოლი წარმოუდგენელი სისწრაფით

გაიქცა. ინფალუსმა მითხრა, მთელი გზა ნაბიჯს არ შეანელებსო. თურმე კუპუანელები სირბილში ძალიან გაწაფულნი არიან.

მალე დავრწმუნდით, რომ მალემსრბოლმა დავალება შესანიშნავად შეასრულა: კრაალამდე ორიოდე მილიდა დაგვრჩა გასავლელი, რომ ალაყაფის კარიდან რაზმებად დაწყობილი მეომრები გამოვიდნენ და ჩვენ შესახვედრად გამოემართნენ.

სერ ჰენრიმ მხარზე ხელი დამადო და მითხრა, ყველაფერზე ეტყობა, კრაალის მცხოვრებლები „თბილად“ გვიპირებენ შეხვედრასო.

ეს სიტყვები ისეთნაირად მითხრა, რომ მის კილოს ინფალუსმაც კი მიაქცია უერადლება.

– ხომ არაფრის შეგეშინდათ, ჩემო მბრძანებელო? – აჩქარებით იკითხა მან. – ჩემს გულში დალატს აღგილი არა აქვს. ეს მეომრები მე მექვემდებარებიან და ჩემი ბრძანების თანახმად, ჩვენ შესახვედრად მოდიან.

მე წყნარად დაგუქნიე თავი, მაგრამ გული მთლად ვერ დავიმშვიდე.

კრაალიდან ნახევარი მილის მანძილზე იწყებოდა გრძელი ბეჭობი, რომელიც გზას ზემოდან გადასცექროდა. სწორედ ამ ბეჭობზე დაეწყვნენ მეომრები. ეს მართლაც რომ დიდებული სანახაობა იყო. რაზმები, სამას-სამასი კაცის შემადგენლობით, სწრაფად ადიოდნენ ფერდობზე და მათთვის განკუთვნილ ადგილას უძრავად დგებოდნენ. მეომრებს თავი ფრთებით პქონდათ შემქული. მათი შუბები კი მზეზე თვალისმომჭრელად ლაპლაპებდა. ვიდრე მივუახლოვდებოდით, ბეჭობზე თორმეტი ასეთი რაზმი, ესე იგი, სამი ათას ექვსასი მეომარი ავიდა და გზის გასწვრივ თავისი ადგილი დაიკავა.

როცა რაზმებს მივუახლოვდით, დავინახეთ, რომ უკლებლივ ყველა მეომარი მადალი და მოხდენილი ტანადობისა იყო. ყველანი მომწიფებული ვაჟაპაცები ჩანდნენ, უმეტესად ასე, ორმოციოდე წლისა. მათ შორის არც ერთი არ ყოფილა ექვს ფუტზე დაბალი, ზოგიერთი კი სამი-ოთხი დუიმით მეტიც იქნებოდა. თავს უმშვენებდათ საკობულას ფრთების შავი, მძიმე ჯიღები, ისეთივე, როგორიც ჩვენს თანამგზავრებს პქონდათ. წელზე კამეჩის თეთრი კუდები ერტყათ, ასეთივე კუდები ერტყათ ფეხზე, მარჯვენა მუხლთან. ყოველ მათგანს მარცხენა ხელში ეჭირა მრგვალი ფარი.

ეს ფარები გაპეტებული იყო თხელი ფურცლოვანი რკინისაგან და ზედ გადაკრული პქონდა კამეჩის რძესავით თეთრი ტყავი. მეომრები უბრალოდ, მაგრამ კარგად იყვნენ შეიარაღებულები, პქონდათ მოკლე, მაგრამ ძალიან მძიმე ორმხრივწაწვებილი ხისტარიანი შუბი; შუბის ბუნიების სიგანე დაახლოებით ექვსი დუიმი იქნებოდა. ეს არ იყო სატყორცნი შუბები; მათ ისევე, როგორც ზულუსურ ბაზგანებს, ესე იგი ხანჯალ-ხელშუბებს, ხელჩართულ ბრძოლაში ხმარობდნენ. გარდა შუბებისა, ყველა მეომარს პქონდა სამ-სამი დიდი მძიმე დანა. ყოველი დანა სიმძიმით ორი გირვანქა მაინც იქნებოდა. მეომრებს თითო დანა კამეჩის კუდის ქამარში პქონდათ გარჭობილი, დანარჩენი ორი კი ფარის შიგნით იყო დამაგრებული. ეს დანები ზულუსების ასეგაის წააგავს. კუპუანელები მათ ტოლლებს უწოდებენ. კუპუანელ მეომარს შეუძლია ორმოცდაათ იარდზე ისროლოს ეს დანა და არ ააცილოს. ჩვეულებრივ, ვიდრე ხელჩართულ ბრძოლაზე გადავიდოდნენ, კუპუანელები სეტყვასავით აყრიან მოწინააღმდეგეს დანებს.

რაზმები ბრინჯაოს ქანდაკებებივით უძრავად იდგნენ, მაგრამ როცა მივუახლოვდით, მეთაურის მიერ მიცემულ ნიშანზე (მეთაური იმით გამოირჩეოდა, რომ ჯიქის ტყავის მოსასხამი ეცვა) ყოველი რაზმი რამდენიმე ნაბიჯით წამოიწევდა წინ, შუბებს პაერში შემართავდა და გვესალმებოდა გამაყრუებელი შეძახილებით: „კუუმ!“ „კუუმ!“. როგორც კი გავცდებოდით, რაზმი უკან მოგვექოდა და კრაალისკენ მოგვემოდა, ვიდრე ბოლოს და ბოლოს რუხების

მთელი პოლკი (ეს სახელწოდება პოლკმა მიიღო რუხი ფარების გამო), ესე იგი კუნძულების საუკეთესო სამხედრო ნაწილი, მტკიცე ნაბიჯით არ გამოგვყვა უკან. მეომართა ფეხის ხმა მიწას აზანზარებდა.

ბოლოს სოლომონ მეფის დიდი გზიდან განზე გადავუხვიეთ და მიუკავშიროვდით ფართო თხრილს, რომელიც კრაალს ირგვლივ ერტყა. კრაალი დაახლოებით ერთ მიღზე იყო გადაჭიმული და ირგვლივ მსხვილი მორების მაგარი მესერი ევლო. თხრილზე, ზედ ალაყაფის კართან, გადებული იყო ასაწევი ხიდი. ჩვენ მისვლაზე კრაალის მცველებმა ხიდი დაბლა დაუშვეს, რომ ზედ გადავსულიყავით. კრაალი საუცხოოდ იყო დაგეგმილი. მის ცენტრალურ ნაწილში გადიოდა ფართო გზა, რომელსაც სხვა, უფრო ვიწრო გზები კვეთდა. ეს გზები ქოხებს კვარტლებად ჰყოფდა. უნდა ითქვას ისიც, რომ ყოველ კვარტალში თითო რაზმი ცხოვრობდა.

ქოხებს გუმბათისებური სახურავები ამშვენებდა და, ზულუსური ქოხების მსგავსად, წელის კარგასები ჰქონდა. კარგასებში ლამაზად იყო ჩაწნული ბალახი. ზულუსების ქოხებისაგან განსხვავებით, ამ ქოხებს დატანებული ჰქონდა საქმაოდ ფართო კარი, რომელშიაც გამართული შევიდოდა კაცი. ქოხებს გარს ერტყმოდა ექვსიოდე ფუტის ვერანდა, კარგად დატკეპნილი კირქვის იატაკით.

კრაალში მიმავალ გზაზე ორივე შხარეს ქალები ჩაწერილი ყველიყვნენ, ისინი აქ ჩვენ სანახავად გამოსულიყვნენ. მადლები და ტანადები იყვნენ, ველურობის კვალობაზე ვერც სილამაზით დაიწუნებდით. უმეტესობა სახის სწორი ნაკთებით გამოირჩეოდა.

მოკლედ შექრილი თმა ხვეული ჰქონდათ და არა მატყლივით აბურდულ-დაბურდული, როგორც ეს, საერთოდ, ველურებს სხვევიათ. მაგრამ ყველაზე მეტად მათმა მშვიდმა და ამაყმა სახის გამომეტყველებამ გაგვაოცა. თავისებურად კარგად აღზრდილნი და ზრდილობიანებიც ჩანდნენ და ამით ხელად გამოარჩევდით ზულუსი, ან მათი მონათესავე მაზაის ტომის, ქალებისაგან (მაზაის ტომები ზანზიბარის სამხრეთით ცხოვრობენ).

მიუხედავად იმისა, რომ ისინი აქ ცნობისწადილმა მოყვანა, არც ერთი უხეში სიტყვა, ან წამოძახილი, არც ერთი შენიშვნა არ აღმოხდენიათ, ჩქარი ნაბიჯით გვერდით რომ ჩავუარეთ. მაშინაც კი, როცა მოხუცი ინფადუსი ხელის ოდნავი მოძრაობით ანიშნებდა, შეეხედათ საბრალო გუდის „მშვენიერი თეთრი ფეხებისათვის“ (ეს ფეხები მოხუც მეომარს ამქვეყნად საოცრებათა საოცრებად მიაჩნდა), დიას, მაშინაც კი თავს უფლება არ მისცეს, ხმამადლა გამოეთქათ აღტაცება. ისინი თვალს არ აცილებდნენ კაპიტნის „თოვლივით ქათქათა წვივებს“, ეს იყო და ეს, მაგრამ გუდისთვის, რომელიც ბუნებით ძალზე მოკრძალებული კაცი იყო, ესეც ქმაროდა.

როდესაც კრაალის შუაბულს მივუახლოვდით, ინფადუსი ყველაზე დიდი ქოხის წინ შეჩერდა. ამ ქოხს მოშორებით უფრო მომცრო ქოხები ერტყმოდა გარს.

– შემობრძანდით, ვარსკვლავეთის შვილნო, – ერთი ყოფით გვითხრა მან, – შემობრძანდით და ინებეთ დასვენება ჩვენს უბრალო საგანეში, რომ ცოტათი დანაყრდეთ და მშიერ კუჭზე ქამრების შემოჭერა არ დაგჭირდეთ. ცოტაოდენ თაფლსა და რძეს გაახლებთ, ერთ-ორ ხარს და რამდენიმე ცხვარსაც მოგბვრით. რასაკვირველია, ეს ბევრი არ არის, ჩემო ბრძანებლებო, მაგრამ, რაც არ უნდა იყოს, მაინც საჭმელია.

– ძალიან კარგი, ინფადუს, – ვუთხარი, – ჩვენ ცოტა არ იყოს, დაგვქანცა პაერში მოზაურობამ და ახლა სიამოვნებით წაგიძინებდით.

ქოხში შევედით. აქ ყველაფერი ისე მოეწყოთ, რომ კაცი მართლაც საუცხოოდ დაისვენებდა.

ლოგინის მაგიერ მოთელილი ტყავები დაეგოთ და წყალიც შემოეტანათ, რომ ხელ-პირი დაგვებანა.

უეცრად გარედან ხმაური შემოვესმა. კართან მივედით და დავინახეთ ქალები, რომელთაც ჩვენთვის რძე, სიმინდის კოკრები და თაფლი მოჰქონდათ. მათ უკან რამდენიმე კაცი მოდენიდა მსუქან ხარს. ჩვენ ჩამოვართვით ქალებს სასმელ-საჭმელი. ამის შემდეგ ერთ-ერთმა ჭაბუქმა ქამრიდან დანა ამოიღო და ხარს მარჯვედ გამოსჭრა უელი. სულ რაღაც ათიოდე წუთში ხარი გაატყავეს, ხორცი ასო-ასო აქნეს. საუკეთესო ნაჭრები ჩვენ დაგვიტოვეს, დანარჩენი კი ჩვენი სახელით გაუგზავნეს მეომრებს, ქოხთან რომ იდგნენ.

ამბობა და ერთი საკმაოდ მიმზიდველი ახალგაზრდა ქალი საქმეს შეუდნენ: ხორცი თიხის დიდ ქოთანში ჩააწყვეს, ქოხის წინ ცეცხლი გააჩადეს და საღილის თადარიგს შეუდნენ. როცა ხორცი თითქმის მზად იყო, ინფადუსს კაცი გავუგზავნეთ, რომ ისა და მეფისწული სკრაგა დარიბულ სუფრაზე დაგვწეოდნენ. ისინი მაშინვე მოვიდნენ და დაბალ სკამებზე ჩამოსხდნენ. ქოხში რამდენიმე ასეთი სკამი იდგა.

საერთოდ, კუპუანელებს არ უყვართ დაყუნტული ჯდომა, როგორც ეს ზულუსებს სჩვევიათ. მოხუცი მეომარი ძალზე ზრდილობიანად იქცეოდა, უურადღებიანი და თავაზიანი იყო, ახალგაზრდა კი დაუფარავი უჭვით გვათვალიერებდა. ამან ცოტა არ იყოს, გაგვაკვირვა. იმასაც სხვებივით აკრთობდა და აშინებდა ჩვენი თეთრი კანი და მისნური ნიჭი, მაგრამ როცა დაინახა, ჩვენც ჩვეულებრივი მოკვდავებივით ვჭამდით და გვეძინა, შიში და მოკრძალება ეჭვით შეეცვალა. ეს კუშტი მზერა კარგს არას მოასწავებდა, ამიერიდან მის გვერდით უფრო ფხიზლად უნდა ყვოფილიყვით.

სადილობისას სერ პეტრიძი გვითხრა, ურიგო არ იქნებოდა, ჩვენი მასპინძლებისთვის გვეკითხა, ხომ არაფერი იციან ჩემს ძმაზე, იქნებ სადმე უნახავთ, ან რამე გაუგიათო, მაგრამ მე უარვყავი მისი წინადაღება, რადგან, ჩემის აზრით, აჯობებდა ამ საკითხს ჯერჯერობით არ შევხებოდით.

ნასადილებს ჩიბუხი თამბაქოთი დავტენეთ და გავაბოლეთ, რამაც ინფადუსი და სკრაგა ძალზე გააოცა. როგორც ეტყობოდა, კუპუანელები არ იცნობდნენ თამბაქოს ლვთაებრივ თვისებებს. თამბაქო აქ უხვად იყო, მაგრამ აქაური შევიდრნი ზულუსებივით მხოლოდ ყნოსავდნენ მას. ეს იყო და ეს.

ინფადუს შევეკითხე, გზას როდისლა განვაგრძობთ-მეთქი და სიხარულით შევიტყვე, რომ მეორე დდეს, დილით უნდა გავმგზავრებულიყვავით. ინფადუს მაცნეებიც ეფრინა, რათა მეფე თუალასათვის ჩვენი მოსვლა შეეტყობინებინა. გამოირკვა, რომ ამჟამად თუალა ქვეყნის დედაქალაქში, ლუუში იმყოფებოდა და ემზადებოდა დიდი დღესასწაულისათვის, რომელსაც კუპუანელები ყოველწლიურად ივნისის პირველ კვირაში მართავდნენ. ამ დღესასწაულს ჩვეულებრივ ესწრება და მეფის წინაშე საზეიმოდ ჩაივლის ხოლმე ყველა სამხედრო ნაწილი, გარდა ზოგიერთი პოლკისა, რომელთაც საყარაულო სამსახურში ტოვებენ.

აქვე იმართება დიდი ნადირობა მისნებზე. მაგრამ ამაზე დაწვრილებით შემდეგ მოგითხოვთ.

გზას გამოენისას უნდა დავდგომოდით. ინფადუსიც თან მოგვყებოდა. მისი ვარაუდით, თუ ადიდებული მდინარეები გზას არ შეგვიკრავდა, ლუუში მეორე დღეს, საღამოს ვიქნებოდით.

ამ საუბრის შემდეგ ჩვენმა სტუმრებმა დამე ნებისა გვისურვეს და წაგიდნენ. ჩვენ გადაგწყვიტეთ, მორიგეობით გვეყარაულა. სამი ჩვენგანი იმწამსვე იატაკზე გაფეხილ ტყავებზე მიწვა და განცხომით ძილს მიეცა, მეოთხე კი ფხიზლად გუშაგობდა, რადგან ჩვენი მასპინძლების გულწრფელობაში, ცოტა არ იყოს, ეჭვი გვეპარებოდა.

## მ ა ფ ე თ უ ა ლ ა

მე მგონია, არ დირს დაწვრილებით აგიწეროთ ჩვენი ლუუში მგზავრობის ამბავი. გეტყვით მხოლოდ, რომ მთელი ორი დღე მიყვებოდით სოლომონ მეფის ფართო გზას, რომელიც პუკუანელთა ქვეყნის შუაგულისაკენ მიიმართებოდა. რაც უფრო წინ მივიწევდით, მით უფრო ნაყოფიერი ხდებოდა მიწა. სულ უფრო სშირად გვხვდებოდა დამუშავებულ მინდვრებში ჩადგმული კრაალები, ყველა კრაალი ძლიერ წააგავდა იმ კრაალს, სადაც ჩვენ წინა დამე გავათიეთ. მათაც მეომრები იცავდნენ. პუკუანელების ქვეყანაში, ისე როგორც ზულუსებსა და მაზაის ტომებს შორის, სამხედრო სამსახურისათვის გამოსადეგი ყოველი მამაკაცი მეომარია. ამიტომაც, როგორც თავდაცვით, ისე თავდასხმით ომებში ფაქტიურად მთელი მოსახლეობა დებულობს მონაწილეობას. გზაზე ათასობით მეომარმა გაგვისწრო. ისინიც ლუუსკენ მიისწრაფოდნენ, რომ დასწრებოდნენ აღლუმს. აღლუმის შემდეგ დაიწყებოდა დიდი ზეიმი.

მეორე დღეს, სადამო ხანს, გზამ გორაკის თხემზე გაგვიყვანა. აქ ცოტა ხანს შევისვენეთ. დაბლა ნაყოფიერი ლამაზი ველი მოჩანდა. სწორედ იქ იყო გაშენებული ქალაქი ლუუ. ველურების ქალაქის კვალობაზე მას უზარმაზარი ფართობი ეჭირა და გარეუბნის კრაალებთან ერთად ხუთ მილზე მაინც იქნებოდა გადაჭიმული. გარეუბნის კრაალებში დიდი დღესასწაულის დროს ასახლებდნენ მეომრებს, რომლებიც ქვეყნის სხვადასხვა კუთხიდან მოდიოდნენ. ლუუდან ჩრდილოეთით, ორიოდე მილის მანძილზე მოჩანდა ნალისებური მთა, რომელზედაც დაწვრილებით ქვემოთ მექნება ლაპარაკი. ქალაქი თვალწარმტაც ადგილას იყო გაშენებული. ფართო მდინარეს რამდენიმე ადგილას კვეთდა ხიდები; ეს სწორედ ის მდინარე იყო, დედოფალ საბიას მკერდიდან რომ დავინახეთ. იგი ქალაქის ცენტრში გადიოდა და ქალაქს ორ ნაწილად ჰყოფდა. შორს, ასე, სამოცი-სამოცდაათი მილის დაშორებით, მოჩანდა სამი მთა, მთებს სამკუთხედის მოყვანილობა ჰქონდათ, მათ მიუვალ, ციცაბო, ჩამოფხავებული კლდეების მწვერვალებზე თოვლი იდო. ეს მთები თავისი აღნაგობით ძალიან გამოირჩოდა დედოფალ საბიას მთებიდან, რომელთა ფერდობები მომრგვალებული და უფრო დამრეცი იყო.

ინფადუსმა დაინახა, ცნობისმოყვარეობით რომ გავყურებდით ამ მთებს, და გვითხრა:

— მაგ მთებს ხალხი „სამ ჯადოქარს“ უწოდებს, დიდი გზაც სწორედ მანდ მთავრდება, ჩემო მბრძანებლებო.

— რატომ მაინცდამაინც მანდ? — შევეკითხე.

— ეგ არავინ იცის, — მიპასუხა მოხუცმა მეომარმა და მხრები შეიშმუშნა, — ამ მთებში მრავალი ძლიერება, მათ შორის არის ღრმა ჭა, სადაც ეშვებოდნენ ძველი დროის ადამიანები, რომ ეპოვათ ის, რისთვისაც ამ ქვეყანაში მოვიდნენ. იქვე, სიკვდილის სავანეში, ვმარხავთ ჩვენს მევეებსაც.

— რისთვის მოდიოდნენ აქ ის ბრძენი ადამიანები? — მოუთმენლად გავაწყვეტინე სიტყვა ინფადუს.

— ამას კი ვეღარ მოგახსენებთ. ჩემი მბრძანებლები შორეული გარსკვლავეთიდან არიან მოსულნი და ყმალაფერი ეს ჩემზე უკეთ მოქსენებათ, — მიპასუხა ინფადუსმა და სწრაფად აგვავლ-ჩაგვავლო თვალი.

ცხადი იყო, არ უნდოდა ეთქვა ყველაფერი, რაც იცოდა.

– მართალი ხარ, ინფადუს, – ვუთხარი, – ვარსკვლავეთის მკვიდრებმა ვიციო ბევრი რამ ისეთი, რაზედაც თქვენ წარმოდგენაც არა გაქვთ. აი, მაგალითად, მე გამიგონია, რომ შორეულ წარსულში ადამიანები ამ მთებში ბრჭყვიალა ქვებისა და ყვითელი რკინისათვის მოვიდნენ.

– ჩემი მბრძანებელი ბრძენია, – ცივად მომიგო ინფადუსმა, – მასთან შედარებით მე უგუნური ბალდი ვარ, ამიტომაც არ შემფერის ამ საკითხზე საუბარი. ჩემი მბრძანებელი ასეთ რამეზე მოხუც გაგულას უნდა ელაპარაკოს, როცა ლუუში მივალთ, რადგან გაგულა მასავით ბრძენია.

მითხვა ეს და განმშორდა. როგორც კი მარტონი დავრჩიო, ჩემს მეგობრებს იმ შორეული მოებისკენ მივუთითე და შევევირ:

– აი, თურმე სად ყოფილა სოლომონ მეფის საბადო!

ამბობამ, რომელიც სერ ჰენრისა და გუდის გვერდით იღგა, გაიგონა ჩემი სიტყვები და შემომხედა. ამ ბოლო ხანებში იგი მეტად ჩაფიქრებული ჩანდა, ძალზე უგულისყეუროდ იქცეოდა და იშვიათად გველაპარაკებოდა.

– დიახ, მაკუმაზან, – ზულუსურ ენაზე მითხვა მან, – ალმასები სწორედ იქ არის და ისინი თქვენი იქნება, რადგან თქვენ, თეორ ადამიანებს, ფული და ბრჭყვიალა ქვები ძალიან გიზიდავთ.

– საიდან იცი, ალმასები რომ იმ მოებშია, ამბოპა? – მკაცრად ვკითხე.

არ მომწონდა მისი გულჩახვეულობა, არც ის, რომ არასოდეს სათქმელს ბოლომდე არ ამბობდა.

– ეს მე წუხელ სიზმარში ვნახე, თეორო ადამიანებო, – თქვა ამბობამ, შებრუნდა და გაგვეცალა.

– რა უნდოდა ამით ეთქვა ჩვენ შავკანიან მეგობარს, – რა განუზრახავს, ან გულში რა უდევს? – იკითხა სერ ჰენრიმ. – ცხადზე უცხადესია, რაღაც იცის, მაგრამ არჩევს, ჩუმად იყოს. სხვათა შორის, ქუოტერმენ... იქნებ მან ჩვენი გამყოლებისაგან გაიგო რამე ჩემს... ჩემს მმაზე?

– სამწუხაროდ, არაფერი. თუმცა ეკითხებოდა ყველას, ვისაც კი ამ ხნის განმავლობაში ოდნავ მაინც დაუმეგობრდა, მაგრამ ყველა პასუხობდა, ამ ქვეყანაში თეორკანიანი არასოდეს არავის უნახავსო.

– ნუთუ ფიქრობთ, რომ თქვენი მმა აქამდე მოაღწევდა? – პკითხა გუდმა, – განა ჩვენ თვითონ რადაც სასწაულით არ მოვხვდით ამ ქვეყანაში? გარდა ამისა, როგორ გაიკვლევდა გზას, როცა რუკა არ პქონდა?

– არ ვიცი, – მიუგო სერ ჰენრიმ და სახე მოედრუბლა, – მაგრამ დარწმუნებული ვარ, ადრე თუ გეიან ჩემს მმას მაინც ვიპოვო.

ვიდრე ჩვენ ვლაპარაკობდით, მზე თანდათანობით მიეფარა მთებს და ხელადვე ხამობნელდა. ამ განედებში ბინდბუნდი არ იცის და დდის სინათლე საოცრად სწრაფად ქრება. მზე ჩაესვენა თუ არა, არემარე ბნელმა მოიცვა, მაგრამ მალე დასავლეთით სუსტად აციმციმდა შუქი, შემდეგ მას ვერცხლისფერი გადაეკრა, ბოლოს კი გამოჩნდა უზარმაზარი სავსე მოვარე, რომლის მოკაშკაშე სხივებმა გაანათა ველი და დედამიწას ნაზი შუქის შარავანდედი მოჰყინა.

ჩვენ მოჯადოებულივით შევეურებდით ამ საოცარ სურათს. ძალა არ შემწევს აღვწერო ის მომხიბვლელი სილამაზე, რომლის წინაშეც ვარსკვლავებმა ფერი დაკარგეს, ჩვენი გულები კი თითქოს ცად ამაღლდა და მოკრძალებული სიხარულით აღიგხო.

მთელი სიცოცხლე ზრუნვასა და სიღარიბეში გავატარე, მაგრამ ზოგი რამ რომ მომაგონდება, გული მაღლობის გრძნობით მეგსება, იმისათვის, რომ ამქვეყნად მეც ვცხოვრობდი. ერთი ასეთი მოგონებათაგანია ის დაუვიწყარი საღამო და სავსე მოვარე, კუპუანელთა მიწა-წყალს ნაზ სხივებს რომ აფრქვევდა.

ფიქრი ჩვენმა ზრდილობიანმა მეგობარმა ინფადუსმა შემაწყვეტინა.

— უკეთუ ჩემმა მბრძანებლებმა დაისვენეს, ჩვენ შეგვიძლია განვაგრძოთ გზა, ლუუში თქვენთვის ყველაფერი გამზადებულია. მთვარე კი გზას გაგვინათებს და სიარული არ გაგვიჭირდება, — გვითხრა მან.

ჩვენ თანხმობა განვუცხადეთ. ყველანი გზას გავუდექით და ერთი საათის შემდეგ უკვე ლუუს მისადგომებთან ვიყავით. ერთი თვალის გადავლებით ლუუ უსაზღვროდ დიდი გვეჩვენა. ორგვლივ მეომართა ათასობით კოცონი ენთო, ასე გეგონებოდათ, ქალაქისათვის ცეცხლოვანი რკალი შემოუვლიათო. მალე მივუახლოვდით თხრილს, რომელზედაც ასაწევი ხიდი იყო გადებული. შემოგვესმა იარაღის ქდარუნი და დარაჯის შეძახილი. ინფადუსმა მათ პაროლი შეაგება, მაგრამ ხიტყვა კარგად ვერ გავარჩიე. მცველებმა თავისი მეთაური იცნეს, მიესალმნენ და ჩვენ ქალაქში შევედით.

მთელი ხახევარი საათი მივაძიჯებდით მთავარ ქუჩაზე ბალახისაგან დაწნულ ურიცხვ ქოხს შორის. ბოლოს ინფადუსი ქოხებთან შეჩერდა. მათ შეაგულში დახაყილი კირქვით მოკირწყლული პატარა ეზო მოჩანდა.

ინფადუსი ეზოში შევიდა და გამოგიცხადა, ეს უბადრუკი სადგომები დღეიდან თქვენს განკარგულებაშიაო. ყოველი ჩვენგანისათვის გაემზადებინათ თითო პატარა ქოხი. ეს ქოხები ბევრად სჯობდა იმ ქოხს, რომელშიც ამას წინათ დამე გავათიერ. ყოველ ქოხში იყო სურნელოვანი ბალახისა და მოთელილი ტყავების საწოლი. იქვე იდგა წყლით სავსე თიხის დიდი ჭურჭელი. ვახშამი უკვე გაემზადებინათ. ხელ-პირის დაბანა ვერც კი მოვასწარით, რომ შემოვიდა რამდენიმე ახალგაზრდა ლამაზი ქალი. ისინი მდაბლად მოგვესალმნენ და ხის თევზებზე კოხტად დაწყობილი შემწვარი ხორცი და სიმინდის კოკრები მოგვაროვეს.

ჩვენ მადიინად ვივახშემეთ და შემდეგ ვთხოვე, ჩვენი ლოგინები ერთ ქოხში გადაეტანათ. ამ სიფრთხილემ ლამაზ ქალებს დიმილი მოპგვარა. მგზავრობით დაღლილ-დაქანცულნი საწოლებზე მივეყარეთ და თავი დრმა ძილს მივეცით.

როცა გაგველებიძა, მზე კარგა მაღლა იყო წამოწეული. ფარეში ქალები უკვე ჩვენს ქოხში იყვნენ. მათ არ გააჩნდათ ყალბი სირცხვილის გრძნობა და უნდოდათ ტანსაცმლის ჩაცმაში დაგვეხმარებოდნენ, როგორც ეს უფროსებისაგან პქონდათ ნაბრძანები. დღეს ხომ მეფეს უნდა ვხლებოდით.

— პმ, — ბურტყუნებდა გუდი, — ფეხსაცმლისა და ფლანელის პერანგის ჩაცმას ნეტავი რა უნდა. მისმინეთ, ქუოტერმენ, სთხოვეთ ამ ხალხს მომიტანონ შარვალი.

მე შევასრულე მისი თხოვნა, მაგრამ მიპასუხეს, ეს წმინდა ნივთები წაიღეს მეფესთან, რომელიც ახლა თქვენს მოსვლას და ელისო.

ახალგაზრდა ქალებს ვთხოვეთ გასულიყვნენ ქოხიდან, რამაც ისინი აღიარებით დალზე გააკვირვა და გაანაწყენა. მერე კი დიდის გულმოღინებით შევუდექით ჩაცმას.

გედმა, რასაკვირველია, ვერ მოითმინა, მარჯვენა ლოფა კვლავ გაიპარსა და დააპირა სამართებელი მარცხენაზეც დაესვა, რომ ჯაგარივით სქელი წვერი ჩამოეცილებინა, მაგრამ ჩვენ დავარწმუნეთ, არავითარ შემთხვევაში ეს არ ჩაედინა. რაც შეგვეხება მე და სერ ჰენრის, ჩვენ კარგად დავიბან-დავისუფთავეთ და თმა დავივარცხნეთ. სერ ჰენრის ოქროსფერი კულულები ძალზე წამოზრდოდა და მხრებზე უყარა, ახლა იგი უფრო მეტად წააგავდა ძველ დანიელს. მეც ჯაგარი თმა ზომაზე მეტად დამგრძელებოდა, მაგრამ ამას ჯერჯერობით არაფერი უშველიდა. როცა კარგად დაგნაყრდით და ჩიბუხებიც გავაბოლეთ, ინფადუსი თავად გვეახლა და მოგვახსენა, თუ თუალას ნახვას ინებებთ, დროა წვიდეთ, მეფე გველისო.

ჩეგნ ვუპასუხეთ, გრძელმა გზამ ძალიან დაგვქანცა, ამიტომ ვამჯობინებთ, მეფესთან უფრო მოგვიანებით წავიდეთო. დაღლილობის გარდა სხვა ბევრი მიზეზიც მოგიგონეთ. როცა საქმე ველურებთან გაქვთ, ყოველთვის ასე უნდა მოიქცეთ, არ შეიძლება დაუყოვნებლივ აასრულო მათი ნება-სურვილი, რადგან თქვენს ზრდილობას ისინი აუცილებლად სიმხდალეს და მონურ ქედმოხრას მიაწერენ. ამიტომაც წასვლა კიდევ მთელი საათით დავაყოვნეთ, თუმცა მეფე თუალას ნახვა ძალიან გვაინტერესებდა. დრო რომ უფრო სწრაფად გასულიყო, მეფისა და მისი ახლობლებისათვის საჩუქრების გადარჩევას შევუდექით. ჩვენი ისედაც მცირე ნივთებიდან შევარჩიეთ საბრალო ვენტფორგელის ვინჩესტერი და ცოტაოდგნი მძივები. გადავწევირეთ, თოფი და ტყვიები მისი უდიდებულესობისათვის მიგვერთმია, მძივებს კი მის ცოლ-შვილსა და კარისკაცებს გავუნაწილებდით. საჩუქარმა ისინი აღტაცებაში მოიყვანა, მსგავსი რამ ხომ თავის სიცოცხლეში არ ენახათ.

ბოლოს და ბოლოს გამოვაცხადეთ, მზად ვართ მეფეს ვეახლოთო, და ქოხიდან ინფადუსის და ამბობას თანხლებით გამოვედით, ამბობას ჩვენი საჩუქრები მოჰქონდა.

რამდენიმე ასეული იარდი გავიარეთ და აღმოჩნდით ისეთსავე ღობეწულთან, როგორიც ჩვენს ქოხებს ერტყა გარს. მაგრამ იგი ორმოცდაათჯერ უფრო გრძელი იქნებოდა, რადგან, სულ ცოტა, ექვს-შვიდ აკრ მიწას ღობავდა. ღობის შიგნით ჩამწკრივებულიყო ქოხები, აქ მეფის ცოლები ცხოვრობდნენ. ალაყაფის კარის პირდაპირ, უზარმაზარ მოედანზე განცალკევებით იდგა კარგა მოზრდილი ქოხი, ეს მისი უდიდებულესობის სამფლობელო გახლდათ. მოედანი ცარიელი იყო, უფრო სწორად რომ ვთქვათ, ცარიელი იქნებოდა, ამჟამად ზედ მეომართა მრავალრიცხოვანი რაზმები რომ არ მდგარიყო. სულ ცოტა, შვიდი-რვა ათასი კაცი მაინც იქნებოდა თავშეურილი. გვერდით რომ ჩავუარეთ, ყველანი ქანდაკებებივით უძრავად იდგნენ. ვერ ავწერ, რა დიდებულ სანახაობას წარმოადგენდა ეს ჯარი, მათი აქეთ-იქით მოფრიალე ჯიღები, მზეზე მოლაპლაპე შეტები და კამების ტყავგადაპრული რკინის ფარები. მოედნის ერთ მხარეს, მეფის ქოხის წინ იდგა რამდენიმე სკამი. ინფადუსის მითითებით, სამი სკამი დავიკავეთ, ამბობა ჩვენ უკან დადგა, თვით ინფადუსი კი მეფის ქოხის კართან დარჩა. მოედანზე სამარისებური სიჩუმე იდგა. ათ წუთზე მეტი ველოდებოდით მისი უდიდებულესობის გამოსვლას და მთელი ამ ხნის განმავლობაში რვა ათასი წყვილი თვალი უდიდესი ინტერესით გვათვალიერებდა. რა თქმა უნდა, თავს მეტად უხერხელდად გვრმნობდით, მაგრამ ისე ვიქცეოდით, თითქოს ჩვენ არაფერი გვეხებოდა. ბოლოს, როგორც იქნა, დიდი ქოხის კარი გაიღო და იქიდან ერთი ოქლაქი მამაკაცი გამოვიდა. მხრებზე ვეფხვის ტყავის საუცხოო მოსახსამი ესხა. მას ფეხდაფეხ მოჰყვებოდა უფლისწული სკრაგა და, როგორც ერთი შეხედვით გვეჩვენა, გამხმარ-გალეული, სახედაღარული მაიმუნი, რომელიც ბეწვის მოსახსამში გახვეულიყო. ოქლაქი სკამზე დაჯდა. სკრაგა ზურგს უკან ამოუდგა, მაიმუნი კი ოთხზე დადგა, გაფოფხდა და ქოხის ჩრდილს თავი შეაფარა.

მთელი ეს მიღეთის ხალხი ისევ დუმდა.

უეცრად ოქლაქმა მოსახსამი გადაიძრო, წამოდგა და მთელი ტანით გაიმართა. ჩვენ წინაშე საზარელი გარეგნობის მამაკაცი იდგა. უგვანოდ მსხვილი ტუჩები, ფართო, მიტყეპნილი ცხვირი და ერთადერთი შავი თვალი პქონდა. მეორე თვალის ადგილას შავი ღრმული მოჩანდა. ჩემს სიცოცხლეში არსად შემხვედრია ამაზე საზიზდარი და ბოროტი სახის მქონე კაცი. ოქლაქს თავზე სირაქლემას ფრთების საუცხოო ჯიღა ედგა, მკერდს მბრწყინავი ჯაჭვის პერანგი უფარავდა. წელსა და მარჯვენა მუხლს ჩვეულებრივი სამაული – კამების თეთრი კუდები უმშვენებდა. ამ საზარელ კაცს ყელზე ოქროს ყელსაბამი ეკიდა.

მის შუბლზე კი მკრთალად ციმციმებდა უზარმაზარი გაურანდავი ალმასი. ხელო მძიმე გრძელი შუბი ეპყრა. მაშინვე მივხვდი, ეს საზარელი კაცი მეფე თუალა იყო.

სიჩუმე დიდხანს აღარ გაგრძელებულა, მეფემ თავისი შუბი მაღლა ასწია. პასუხად ჰაერში რვა ათასი შუბიანი ხელი აღიმართა და გაისმა მისალმება „ძუშმ! ძუშმ! ძუშმ!” – რვა ათასი კაცის შეძახილმა მიწა შეაზანზარა. ამ ღრიალს მხოლოდ გამაყრუებელ ჭექა-ქუხილს თუ მიამსგავსებდა კაცი.

– მორჩილნი იყავით, ჰო, ხალხო, ეს თქვენი მეფეა! – გაისმა უცაბ გამყივანი წვრილი ხმა ლაფარდან, სადაც სახედაღარული მაიმუნი იჯდა.

– მეფე! – ეხოსავით იგრგვინა რვა ათასმა კაცმა, – მორჩილნი იყავით, ხალხო, ეს მეფა!

მოედანზე კვლავ სამარისებური სიჩუმე გამეფდა.

უეცრად ერთ-ერთ მეომარს, რომელიც მარცხენა ფრთაზე იდგა, ფარი დაუვარდა. ფარი წერიალით დაენარცხა კირქვით მოკირწყლულ მიწას.

თუალამ თავი აიღო და ცივად გაიხედა იქით, სადაც ის მეომარი იდგა.

– შენ, ჰეი, აქეთ მოდექ! – მქუხარე ხმით დაუღრიალა სიჩუმის უნებლიერ დამრდევებს.

მეომართა რიგებს ლამაზი ჭაბუქი გამოეყო. იგი მეფეს ეახლა და მის წინ აისვება.

– მაშ, ეს შენ დაგივარდა ფარი, შე ქოფაკო, შენა? შენ შემარცხვინე ვარსკვლავეთიდან ჩამოსულ უცხოელებთან? როგორ გაბედე ეს?

საბრალო ჭაბუქს სახეზე მკვდრის ფერი დაედო.

– ჰო, ხბოო შავი ძროხისავ, – დაიჩურჩულა მან, – გეფიცები, არ მინდოდა, უნებლიერ მომიხდა.

– ჰოდა, ეგ უნებლიერ საქციელი საკუთარი სიცოცხლით უნდა ზღო, მოემზადე სასიკვდილოდ!

– მე მხოლოდ და მხოლოდ ხარი ვარ მეფისა, – ხმადაბლა თქვა საბრალო მეომარმა.

– სკრაგა! – დაიღრიალა მეფემ, – მაჩვენე შენი მკლავის ძალა, მოჰკალ ეს ძაღლი.

სკრაგა ავისმომასწავებელი დიმილით წამოდგა წინ და შუბი აღმართა. მის საბრალო მსხვერპლს სახეზე ხელები აეფარებინა და გაუნძრევლად იდგა. ჩვენ თავზარი დაგვეცა. გაქვავებულებივით ვისხედით.

სკრაგამ ორჯერ მოიქნია შუბი და ჭაბუქს მკერდში აძგერა. დარტყმა იმდენად მძლავრი იყო, რომ შუბის წვერმა ზურგში გაატანა. საბრალო მეომარმა ხელები აიქნია და უსულოდ დაასკდა მიწას.

გამკიცხავი ბუბბუტი შორეული ჭექილივით გაჰყვა მეომართა მჭიდრო რიგებს და სადღაც, შორს, ჩაკვდა. ჩვენ ვერც კი მოვასწარით გაბეგო, რა ხდებოდა, რომ სისხლში მოთხვრილი გვამი უკვე ჩვენს ფეხებთან ეგდო. სერ ჰენრი საშინელი წყევლა-კრულებით წამოიქრა, მაგრამ საერთო სიჩუმით სულ შეხუთული მძიმედ დაეშვა თავის ადგილზე.

– მარჯვე დარტყმა იყო, – თქვა თუალამ, – გაათრიეთ ეს გვამი აქედან!

მეომართა რიგებს გამოეყო თოხი კაცი. მოკლული მეომრის გვამი გაიტანეს.

– დააყარეთ სისხლს მიწა, მიწა დააყარეთ! – დაიწრიპინა მაიმუნის მსგავსმა არსებამ. – მეფემ თავისი სიტყვა თქვა და განაჩენი ადსრულდა!

ქოხის გვერდით გამოჩნდა ქალწული. ხელში დაფხვნილი კირქვით სავსე ჭურჭელი ეჭირა. მოგვიახლოვდა და სისხლიან გუბეს სქლად მოაყარა კირი. სერ ჰენრი სიბრაზისაგან სულ ცოფებს ყრიდა და ძლივს იოკებდა გულისწყრომას. ჩვენ რის ვაი-ვაგლახით შევძელით მისი დაშოშმინება.

— დგთის გულისთვის, დაწყნარდით, — წავჩურჩულე მე, — გახსოვდეთ, ჩვენი სიცოცხლე ჩვენს საქციელზეა დამოკიდებული.

სერ ჰენრი მიხვდა ამას და, როგორც იქნა, თავს სძლია.

ვიდრე ქალწული სისხლიან მიწას კირქვას აყრიდა და ამ საზარელი ტრაგედიის კვალს შლიდა, თუალა უხმოდ იჯდა, მაგრამ როგორც კი ქალწული იქაურობას გაეცალა, მისი უდიდებულესობა ჩვენები შემობრუნდა:

— გამარჯობათ, თეთრო ადამიანებო! — მოგვესალმა იგი.

— შენც გამარჯვებით გევლოს, კუკუანელთა მეფეო! — მივაგებეთ.

— თეთრო ადამიანებო, საიდან მოსულხართ, რას ეძებო ჩვენს ქვეყანაში?

— ჩვენ ვარსკვლავეთიდან დავეშვით, რომ გვენახა კუკუანელთა მიწა. ნუ გვკითხავ, როგორ და რა საშუალებით მოვახერხეთ ეს.

— განა ღირდა ამოდენა გზის გამოვლა მხოლოდ იმისთვის, რომ ეს ერთი ციცქა მიწა გენახათ? ანდა აი, ის კაციც ვარსკვლავეთიდან ჩამოვიდა? — თქვა და ამბოპაზე მიგვითოთა.

— პო, ისიც ჩვენ ჩამოგვევა, — მივუგე, — ცაში შავგანიანებიც არიან, მაგრამ პოი, თუალავ, ნუ გვკითხავ იმას, რაც შენს გაგებას აღემატება და რასაც შენი აზრი და გონება ვერ ჩასწვდება.

— თქვენ, ვარსკვლავეთის შეილები, რატომდაც ძალიან გაბედულად მელაპარაკებით, — შემოგვიღრინა თუალამ და თვალი ბოროტად აუბრწყინდა. — ნუ გავიწყდებათ, ვარსკვლავები შორსაა, თქვენ კი აქ, ჩემს ქვეყანაში იმყოფებით. იქნებ გნებავთ, თქვენ იმ მეომრის დღე გაყაროთ, ეს-ესაა აქედან რომ გაიტანებ?

მე ხმამაღლა გადავიხარხარე, თუმცა სიცილის გულებაზე სულაც არ გახლდით.

— პოი, მეფეო, — ვუთხარი, — ფრთხილად იყავი, ფეხები არ დაიწვა, როცა ცხელ ქიშაზე დადიხარ, შუბი ტარით დაიჭირე, ხელები არ დაგესეროს. გამიფრთხილებიხარ, მე და ჩემს მეგობრებს ბეჭვიც კი რომ შეგვერხეს თავზე, სიკვდილისაგან ვეღარაფერი გიხსნის. განა შენმა ხალხმა — განვაგრძე და ინფადუსზე და საზიზდარ სკრაგაზე მივუთითე (სკრაგა ამ დროს შებს სისხლისაგან წმენდდა), — არ გითხრა, ვინცა ვართ? ესეც არ იყოს, გინახავს სადმე ასეთი კაცი? — ხელი გუდისკენ გავიწვდინე, სრულიად დარწმუნებულმა, რომ მსგავსს ვერსად ვერავის ნახავდა.

— მართალი ხარ, არასოდეს მინახავს, — მიპასუხა თუალამ.

— არც ის უთქვამო შენთვის, რომ ჩვენ შეგვიძლია შორი მანძილიდან მოგალათ ცოცხალი არსება?

— მითხრეს, მაგრამ მათი არა მჯერა. მაჩვენე, როგორ აღწევ ამას, მოკალი ერთ-ერთი მეომარი აგერ, აი, იქ, — მითხრა და ხელი კრაალის მოპირდაპირე მიმართულებით გაიწვდინა, — მოკალი და მაშინ ეჭვი აღარ შემეპარება.

— არა, უდანაშაულო სისხლს ვერ დავდვრით, — ვუთხარი მე, — ჩვენ შეგვიძლია კაცი მხოლოდ მაშინ მოვკლათ, როცა რამეს დააშავებს და სასტიკ სასჯელს დაიმსახურებს. შენ კი, თუ გსურს ჩვენს ძლიერებაში დარწმუნდე, უბრძანე მსახურებს კრაალში ხარი მოდენონ, და ნახავ როგორ გავაგორებთ, ვიდრე ფეხის გადადგმას მოასწრებდეს.

— არა, არა, — გაიცინა მეფემ, — თუ გსურს დავიჯერო, კაცი უნდა მოკლა.

— კარგი, მეფეო, იყოს ნება შენი, — მშვიდად წარმოვთქვი მე, — გაჟყევი ამ მოედანს ალაყაფის კარისკენ და ვიდრე იქამდე მიაღწევდე, უსულოდ დაეცემი ძირს. თუ შენ არ გინდა წასვლა, სკრაგა გაგზავნე (უნდა მოგახსენოთ, იმ გარეწარ სკრაგას დიდი სიამოგნებით დაგახლილი ტყვიას).

ამ სიტყვების გაგონებაზე სკრაგამ საზარლად შეჰვირა და ქოხი შევარდა.

თუალამ ამაყად გადმომხედა და შებლი შეიქრა, აშკარა იყო, ჩემი წინადადება არ მოეწონა.

— მოდენეთ მოზვერი! — უბრძანა მსახურებს და ისინიც სწრაფად გაქანდნენ ბრძანების შესასრულებლად.

— ამჯერად თქეენ ისროლეთ, — გუთხარი სერ პენრის, — უნდა დავუმტკიცოთ ამ გარეწარს, რომ ჩვენს შორის მარტო მე არა ვარ ჯადოქარი და მისანი.

— იმედი მაქს, არ ავაცდენ, — თქვა და მძიმედ ამოიოხრა.

— თუ ერთხელ ვერ მოარტყით, მეორედ ესროლეთ. ას ორმოცდათ იარდზე რომ მოგვიახლოვდება, მაშინ ამოიღეთ მიზანში და დაიცადეთ, ვიდრე ჩვენაენ გვერდით არ შებრუნდება.

მოედანზე სიჩუმემ დაისადგურა.

უეცრად ალაფაფის კარი გაიღო და გამოჩნდა ხარი. ეს ზღვა ხალხი რომ დაინახა, შეჩერდა, დაფეთხებული თვალები უაზროდ მოავლო იქაურობას, შემდეგ შებრუნდა და დაიბლავლა.

— ესროლეთ! — გუჩურჩულე სერ პენრის.

— ბუმ! ბუმ! — გაისმა გამაყრუებელი გრიალი.

ხარი ზურგზე დაეცა და ფეხები ააფხარკალა. სასკდომი ტყვია შიგ ფერდში მოხვდა. ხალხი გაოცებული და თავზარდაცემული იდგა.

— ჰო, მეფეო, ხომ ხედავ, ტყვილი არ მითქამს შენთვის.

— არა, თეთრო ადამიანო, შენ მართალი იყავი, — კრძალვით და შიშით მომიგო თუალამ.

— მისმინე, თუალა, — განვაგრძე მე, — შენთვის სრულიად საკმარისია, რაც ნახე, მაგრამ იცოდე, ჩვენ მშვიდობა გვიყვარს და აქ საომრად არ მოვსულვართ. შეხედე, — გუთხარი და თოფი მაღლა აგწიე, — აი ამ გულგამოცლილი ჯოხით შენც შეგეძლება სროლა, მაგრამ იცოდე, ჯოხი შელოცვილია და თუ ადამიანს უმიზნებ, მის ნაცვლად შენ მოკვდები. მოიცა! მოიცა! მინდა კიდევ რაღაც გაჩვენო. ერთ-ერთმა შენმა მეომარმა აქედან ორმოც ნაბიჯზე ტარით ჩაასოს შები მიწაში, ისე რომ ბუნიკი ბრტყელი მხრით ჩვენაენ იყოს მოქცეული.

ეს ბრძანება დაუყოვნებლივ იქნა შესრულებული.

— ახლა კი უცქირე, ჰო, მეფეო, როგორ ვაქცევ ნამსხვრევებად იმ შებს.

თოფი გულდაგულ დავუმიზნე და ვისროლე. ტყვია ბუნიკს მოხვდა და ნამსხვრევებად აქცია.

მოედანზე მძიმე ოხვრა გაისმა.

— აჲა, თუალა, მიიღე ჩვენგან საჩუქრად ეს მოჯადოებული მიღი, შემდეგ მის ხმარებასაც გასწავლით, მაგრამ გაფრთხილებ, ადამიანის წინააღმდეგ არ გამოიყენო! — გუთხარი და თოფი გავუწოდე.

მეფემ სიფრთხილით გამომართვა საჩუქარი და ფეხებთან დაიდო. სწორედ ამ დროს შევამჩნიე, რომ ის მაიმუნისმსგავსი არსება თავისი ადგილიდან წამოდგა და ფორთხვით წამოვიდა ჩვენაენ. როცა მოგვიახლოვდა, ფეხზე წამოდგა და ბეჭვის მოსასხამი მოიხსნა, ჩვენს წინ არაჩვეულებრივი არსება იდგა. ეს იყო ძალზე მოხუცი ქალი, წელთა სიმრავლისაგან სახე საოცრად დაჭკნობოდა და დაპატარავებოდა, თანაც ღრმა ყვითელი ნაოჭებით პქონდა დაფარული. ნაოჭებს შორის პატარა ხვრელივით მოუჩნდა პირი. ამ არსებას ცხვირი სულაც არ ემჩნეოდა და, საერთოდ, ადამიანი კი არა, გამომშრალი მუმია გეგონებოდათ, რომ ნაღვერდალივით ანთებული დიდი შავი თვალები არ პქონდა. ეს თვალები ცოცხლად იმზირებოდნენ სრულიად გათეთრებულ წარბებს ქვემოდან, პერგამენტივით ყვითელი შებლი და წვეტიანი წინ წამოწვდილი ნიკაპი პქონდა, თავზე კი თმის ღერიც არ მოექებნებოდა. დანაოჭებული კანი კაპიშონივით მოძრაობდა თავის ქალაზე.

ამ საშინელი არსების დანახვაზე უნებლიერ შეგართო. შიშმა ამიტანა. შემზარდა ქალი. იგი წუთით უძრავად იდგა, შემდეგ გაიწვდინა გამვალტყავებული ხელი, რომელიც ფრინველის კლანჭს წააგავდა, და წვრილი, მკივანა ხმით დაიწყო:

— ჰოი, მეფეო, უური მომაპყარ! მისმინეთ თქვენც, მეომრებო, მთებო, ველებო, მდინარეებო, კუგუანელთა ქვეყანავ! მისმინეთ ქალებო და კაცებო, ჭაბუკნო და ქალწულნო, მისმინეთ ყრმანო, რომელნიც ჯერ არ შობილხართ! მისმინოს ყველამ და ყოველმა, რაც კი ცოცხლობს და რაც უნდა მოკვდეს. მისმინოს მანაც, რაც მოკვდა და აწ უნდა გაცოცხლდეს. გაცოცხლდეს და მერე ისევ მოკვდეს. ჩემში გაცხოველდა სიცოცხლის სული, ისმინეთ-მეთქი, ისმინეთ ჩემი წინასწარმეტყველება!

დედაბერმა ერთი შეპკივლა და დადუმდა, ყველანი თავზარდაცემულებივით ვიდექთ. ეს ქალი მართლაც საზარელი რამ იყო.

— სისხლი! სისხლი! სისხლი! სისხლის ზღვა დგას, ყველგან სისხლია, — კვლავ განაგრძო ამ ჯადომ. — ვხედავ მას, ვგრძნობ მის მღაშე გემოს, მცემს მისი სუნი.

— ჩუ! ნაბიჯი ნაბიჯს მიჰყვება! ეს თეთრი ადამიანის ფეხის ხმაა. იგი შორიდან მოდის, ნაბიჯები მიწას აზანზარებს. მიწა თრთის, ცახცახებს თავისი მბრძანებლის წინაშე.

რა საუცხოოა ეს სისხლი, ეს წითელი სისხლი, ნეტავ თუ რამე შეედრება თბილი სისხლის სუნს. ლომები ბრდლენივით ხარბად ალოკავენ მას, მტაცებელი ფრინველები ფრთებს განიბანენ შიგ და სიხარულით ყაშვაშ-ყრანტალს მოჰყვებიან.

მე მოხუცი ვარ, მოხუცი! ჩემს სიცოცხლეში სისხლის მდინარეები მინახავს, ჰა, ჰა, ჰა! მაგრამ სიკვდილამდე კიდევ უფრო მეტს ვნახავ და ჩემს სულს სიხარული დაეუფლება. როგორ ფიქრობთ, რა ხნის ვიქნები? თქვენი მამების, პაპებისა და პაპის პაპების მომსწრე ვარ. მე მინახავს თეთრი ადამიანი და ვიცი, რა სურს მას. მე დიდი ხნისა ვარ, მაგრამ ეს მთები ჩემზე უფრო დიდი ხნის წინათ გაჩნდნენ. მითხარით, ვინ გაიყვანა დიდი გზა? ვინ გამოკვეთა ის სურათები კლდეებზე? ვინ გამოაქანდაკა სამი დაყურსებული, მაღაროსთან მთებში რომ სხედან და ჩვენს ქვეყანას გადმოსცერიან? — თქვა და ხელი გაიწვდინა ჩამოფხავებული ციცაბო მთისკენ, რომელიც ჩვენ ჯერ კიდევ წინა დღით შევნიშნეთ. — თქვენ ვინ გეტყოდათ, მე კი ვიცი. დიდი, ძალიან დიდი ხნის წინათ, აქ იყენენ თეთრკანიანები, ისინი კალაგაც მოგლენ ჩვენს მიწაზე, თქვენ კი ადარ იქნებით, არ იქნებით იმიტომ, რომ თეთრი ადამიანები ამოგვჰლებენ. დიახ! დიახ! ამოგვჰლებენ.

რისთვის მოდიოდნენ აქ თეთრკანიანები — ეს გონიერი, ძლიერი, ჯიუტი და მისნობაში გაწაფული ადამიანები?

ჰოი, მეფეო! ვინ მოგცა ეგ ბრჭყვიალა ქა, შუბლს რომ გიმშვენებს? ვისმა ხელმა გაჭედა რკინის პერანგი, მკერდს რომ გიცავს? შენ არ იცი, არა, მე კი ვიცი. მე მოხუცი ვარ, ბრძენი ვარ, მე იზანუზი, დიადი მისანი ვარ!

შემდეგ მოტვლეპილი თავი ჩემპენ მოაბრუნა და დაიწვლა:

— რას ეძებთ ჩვენთან, ვარსკვლავეთის შეილნო, რას ეძებთ, თეთრკანიანებო?.. თუ დაკარგულ ადამიანს დაეძებთ, მას აქ ვერ იპოვით. უკვე დიდი ხანია არც ერთ თერთკანიანს არ დაუდგამს ფეხი ჩვენს მიწა-წყალზე. დიახ, დიახ, გარდა ერთისა, მაგრამ იმანაც მაღვე დატოვა აქაურობა და სულთა ქვეყანაში გაემგზავრა. თქვენ ბრჭყვიალა ქვებისთვის მოხვედით. ვიცი, ნამდვილად ვიცი ეს. როცა სისხლის გუბენები დაშრება, თქვენ იპოვით ამ ქვებს. მაგრამ გაბრუნდებით თუ არა თქვენს ქვეყანაში? თუ ჩვენთან დარჩებით? ჰა! ჰა!

— შენ კი, შენ, ამაყო შავკანიანო, — წაჲკივლა დედაბერმა და გაძვალტყავებული ხელი ამბოპასაკენ გაიწვდინა. — ვინა ხარ, ან რას ეძებ აქ? ბრჭყვიალა ქვები და ყვითლად მოციმციმე რკინა შენ არ გაინტერესებს — შენ მათ ვარსკვლავეთის თეთრკანიან შვილებს დაუთმობ. მე მგონია, გიცნობ, ვინცა ხარ, მე მგონია, ვცნობ სისხლის სუნს შენს ძარღვებში. აბა ეგ წელსაკრავი შემოიხსენი...

მოულოდნელად ამ საზიზდარ არსებას სახე უფრო დაემანჯა, პირიდან დუქმა დაუწყო დენა და ბნედამორეული მიწაზე დაყცა. იგი იმწამსვე ქოში შეიყვანეს.

მეფე წამოდგა. ეს ამოდენა კაცი თავით ფეხებამდე ცახცახებდა. ხელი აიქნია და მეომართა რაზმები ერთმანეთის მიყოლებით მწყობრად გაემართნენ გასასვლელისაკენ.

ათიოდე წუთის შემდეგ უზარმაზარი მოედანი დაცარიელდა.

ჩვენ მარტონი დავრჩით მეფესთან. მისი მცირერიცხოვანი ამალაც აქვე იდგა.

— თეთრო ადამიანებო, — თქვა მეფემ, — გაგულა რაღაც უცნაურად ლაპარაკობდა, მე მგონია, აჯობებს, რომ ყველანი აქვე დაგხოცოთ. რას იტყვით ამაზე?

— პო, მეფეო, გაფრთხილდი, — გავიცინე მე, — ხომ დაინახე, რა დაემართა ხარს? ნუთუ გინდა შენც ის დღე დაგადგეს?

თუალამ შუბლი შეიძმუხნა.

— მეფეს არ ემუქრებიან, — კუშტად გამოსცრა მან.

— ეს მუქარა არ არის, სიმართლეს გეუბნებით. პო, მეფეო, აბა აღმართე ჩვენზე ხელი და ნახავ, რა დღე დაგადგე!

ოქლაქმა ხელი შუბლზე მიიღო და წუთით დაფიქრდა.

— კარგი, წადით, — თქვა ბოლოს. — დღეს სადამოს მეჯლისს ვაწყობთ. ეს იქნება დიდი მეჯლისი, თქვენც უნდა დაესწროთ. ნუ გეშინიათ, არაფერს დაგიშავებთ, ხვალ კი გადაგწყვეტ, რა გიყოთ და როგორ მოგექცეთ.

— კარგი, მეფეო! — გულგრილად ვუთხარი.

ყველანი წამოვდექით და ინფადუსის თანხლებით ჩვენი კარვებისაკენ გავემართეთ.

## თ ა ვ ი X I V

### ნ ა დ ი რ თ ბ ა მ ი ს ნ ე ბ ზ ე

ქოხს რომ მივუახლოვდით, ინფადუსს ვანიშნე, ჩემთან შემოდი-მეთქი.

— მისმინე, ინფადუს, — ვუთხარი, — ჩვენ გინდა მოგელაპარაკოთ.

— გისმენით, მბრძანებელო!

— ჩვენი აზრით, ინფადუს, მეფე თუალა სასტიკი და ულმობელია.

— მართალი გახლავთ, ჩემო მბრძანებელო. ვაი, რომ ხალხი მძიმე უდელქვეშ გმინავს. თუმცა დღეს ყველაფერს საკუთარი თვალით ნახავთ. დამით მისნებზე ნადირობა მოეწყობა. მრავალი ადამიანი გამოესალმება სიცოცხლეს. გულდამშვიდებით ვერავინ იქნება. თუ მეფემ მოისურვა წაართვას თავის ქვეშევრდომს ჯოგი ან სიცოცხლე, მას ვეღარაფერი იხსნის. შემთხვევით ვინმეზე ეჭვი რომ მიიტანოს და არაკეთილსამედო კაცად შერაცხოს, მაშინ გაგულა ან მისი გაწერთნილი რომელიმე ქალი მისნად გამოაცხადებს და მოაკალევინებს მას. ამაღამ, ვიდრე მოვარე ფერს დაკარგავდეს, მრავალ ადამიანს მოესწრაფება სიცოცხლე. ასე ხდება მუდამ. რა გიცი, ეგება მეც მემუქრება სიკვდილი. დღემდე ხელი არ უხლიათ, იმიტომ რომ სამხედრო საქმეში დიდი გამოცდილება მაქვს,

თანაც, მეომრებს ვუყვარვარ, მაგრამ არ ვიცი, დიდხანს შევინახავ ამგვარად თავს თუ არა. თუალას ხელში ქვეყანა იტანჯება და თანდათანობით სისხლისგან იწრიტება.

— მაშ, ხალხი რატომ ითმენს მას, ინფადუს?

— ო, არა, მბრძანებელო, რაც უნდა იყოს, თუალა მეფეა, რომ მოვკლათ, მის ადგილს სკრაგა დაიჭერს. ის კი უფრო მძიმე უდელს დაგვადგამს ზურგზე, იმოტუ რომ ცოცხალი ყოფილიყო, ან მისი შვილი იგნოზი არ დაღუპულიყო, ყველაფერი სხვაგვარად წარიმართებოდა. მაგრამ, სამწუხაროდ, ისინი ამქვეყნად აღარ არიან.

— ვინ გითხრა, რომ იგნოზი მკვდარია? — გაისმა ხმა ჩვენს ზურგს უპან. ეს ამბობა იყო.

— რა გსურს ამით თქვა, ჭაბუქო! — შეეკითხა ინფადუსი, — და რატომ გაკადინიერდი ისე, რომ ხმის ამოღება გაბედე?

— მისმინე, ინფადუს, — უთხრა ამბოპამ, — მოისმინე რასაც გეტყვი. დიდი ხნის წინათ კუკუანელთა ქვეყანაში მოკლეს მეფე. მისი ცოლი პატარა ვაჟთან ერთად, რომელსაც იგნოზი ერქვა, აქედან გაიქცა და თავს უშველა. მართალია ეს თუ არა?

— მართალია.

— ამბობენ, ქალი და ბავშვი შიმშილით დაიღუპნენო, ხომ ასეა?

— დიახ, ასეა.

— ხალიან კარგი, მაგრამ ყველაფერი სხვაგვარად შეტრიალდა, დედა-შვილი არ დაღუპულია. ისინი მოებზე გადავიდნენ, რომელიღაც მოხეტიალე ტომთან ერთად გადალახეს უდაბნო, მოების გადაღმა რომ დახვდათ, და მიაღწიეს ადგილს, სადაც იყო წყალი და ხე და ბალახი ხარობდა.

— შენ ეს საიდან იცი?

— მისმინე. მათ შეუსვენებლივ იარეს მრავალი დღის განმავლობაში, ვიდრე ბოლოს და ბოლოს არ მიაღვნენ ქვეყანას, სადაც კუკუანელთა მონათესავე ტომი ამაზუდუ ცხოვრობს. დიდხანს ცხოვრობდნენ იქ. ბოლოს დედა მოკვდა. მაშინ მისმა შვილმა იგნოზიმ კვლავ მოხეტიალე ცხოვრებას მიჰყო ხელი, იგი გაემგზავრა საოცრებათა ქვეყანაში, სადაც თეთრკანიანები ცხოვრობენ და წლების განმავლობაში ეწაფებოდა მათ სიბრძნეს.

— საოცარ ამბავს ყვები, — უნდობლად თქვა ინფადუსმა.

— იგნოზიმ მრავალი წელი დაჲყო იქ. იყო მსახური, მეომარი, გულში კი სათუთად ინახავდა დედის ნაამბობს სამშობლოზე, ოცნებობდა დაბრუნებულიყო იქ, ენახა თავისი ხალხი, ენახა მამის კერა, ვიდრე სიკვდილი თვალს დაუხუჭავდა. მრავალი წელი ელოდა მარჯვე შემთხვევას. და აი, დადგა დრო და ბედმა იგი თეთრკანიანებს შეახვედრა. თეთრკანიანები მის სამშობლოში აპირებდნენ წამოსვლას და იგნოზიც მათ შეუერთდა. შეუჩერებლივ მოდიოდნენ. გადაიარეს ცხელი უდაბნო, თოვლით დაფარული მოები, კუკუანელთა ქვეყანაში მოვიდნენ და პირველ დღესვე შეგხვდნენ შენ, პოი, ინფადუს!

— შენ უთუოდ შეშლილი ხარ, თორემ ასე არ ილაპარაკებდი, — წამოიყვირა მოხუცმა მეომარმა, რომელიც გაოცებით შესცეკროდა ამბოპას.

— ტყუილად ფიქრობ ასე, აბა კარგად შემომხედე, პოი, ბიძაჩემო, მამაჩემის მმაო, მე ვარ იგნოზი, კუკუანელთა კანონიერი მეფე!

ამ სიტყვებით მან თეძოებიდან ერთი ხელის მოსმით მოიძრო შემოსაკრავი და ჩვენ წინ დედიშობილა დადგა.

— აბა, კარგად დააკვირდი, იცი თუ არა, რა არის ეს? — თქვა და მიუთითა ლურჯი საღებავით ამოსეირინგებულ გველზე, ტანზე რომ შემოკლაპნოდა. გველს პირით მისივე კუდი ეჭირა.

ინფადუსს გაოცებისაგან ლამის თვალები წამოსცვივდა. იგი ერთხანს გაშეშებული იდგა, შემდეგ კი მუხლებზე დაეცა.

— კუუმ! კუუმ! — წამოიძახა მან, — ეს ჩემი ძმისწულია, კუკუანელთა მეფეა!

— მეც სწორედ ებ გითხარი, პო, ბიძაჩემო. მხოლოდ ერთი კია, ჯერჯერობით მეფე არა ვარ, მაგრამ იმედი მაქსი, შენი ხელშეწყობითა და ჩემი მამაცი თეთრკანიანი მეგობრების დახმარებით უსათუოდ დავიბრუნებ ტახტს. გაგულამ მართალი თქვა, მიწა სისხლით მოირწყებაო, იმ სისხლს გაგულას სისხლიც შეუერთდება, თუკი, რასაკირველია, იმ კუდიანს კიდევ უდგას ძარღვებში სისხლი, იმიტომ რომ მან თავისი ბილწი სიტყვით მოაკვლევინა მამაჩემი, დედა კი სამშობლოდან გააძევა. ინფადუს, ისურვებ თუ არა ხელი მომცე, გაიზიარო ყველა საფრთხე და საშიშროება, რომელიც მე მემუქრება, დამეხმარები თუ არა ტახტიდან ჩამოვაგდო მტარგალი და კაცისმკვლელი? აირჩიუ-მეთქი, პასუსს ველი!

მოხუცმა შუბლზე ხელი მიიღო და დაფიქრდა. შემდეგ წამოდგა, მიუახლოვდა იმ ადგილს, სადაც ამბოპა, უფრო სწორად რომ ვთქვათ, იგნოზი იდგა, მუხლი მოიყარა და იგნოზის ხელს შეეხო.

— იგნოზი, კუკუანელთა კანონიერო მეფევ, თანახმა ვარ ხელი მოგცე და სიკვდილამდე გემსახურო. როცა პატარა იყავი, ჩემს მუხლებზე გარწევდი და გათამაშებდი, ახლა კი ამ დამჭერა-დანაოჭებულ ხელში ავიდებ იარაღს, რომ ვიბრძოლო შენთვის და თავისუფლებისათვის!

— ეს საუცხოოდ თქვი, ინფადუს! თუ გავიმარჯვე, კუკუანელთა ქვეყანაში მეფის შემდეგ პირველი კაცი შეიქნები, მაგრამ თუ დავმარცხდი, მაშინ უეჭველი სიკვდილი გელის. სიკვდილი კი ყველა ჩვენგანის ხვედრია, ამასთან შენ არც ისე ახალგაზრდა ხარ. ადექ, მამაჩემის ძმაო. თეთრკანიანებო, თქვენ რაღას მეტყვით? დამეხმარებით? რა შემიძლია სანაცვლოდ შემოგთავაზოთ? თუ გავიმარჯვე და იმ ბრჭყივალა ქვების პოვნა შევძელი, თან გაგატანო იმდენს, რამდენსაც ზიდავთ. საქმარისია ეს თქვენთვის?

მისი სიტყვები ჩემს თანამგზავრებს ვუთარგმნე.

— გადაეციო ამბოპას, — მითხრა სერ ჰენრიმ, — რომ ინგლისელებზე მცდარი წარმოდგენა ჰქონია. სიმდიდრე კარგი რამ არის და თუ იგი ცხოვრების გზაზე შეგვხვდა, ზურგს არ შევაქცევთ. მაგრამ ჯენტლმენი სიმდიდრისთვის სულს არ გაყიდის. ჩემი სახელით კი აი, რა უთხარით: მე ყოველთვის მომწონდა ამბოპა და ამ ბრძოლაში მუდამ მის გვერდით ვიქნები. ესეც რომ არ იყოს, უდიდესი სიამოვნებით გაფუსტორებ ანგარიშს იმ ქაჯსა და ეშმაქს — თუალას. თქვენ რაღას იტყვით, გუდ, რას იტყვით, ქუოტერმენ?!

— რა მეოქმის, — მიუგო კაპიტანმა, — ჰიპერბოლურად რომ ვთქვა, შეგიძლიათ გადასცეო, რომ ბრძოლა ჭეშმარიტი ადამიანის გულს ახარებს. ამიტომ, რამდენადაც საქმე მე შემეხება, შეუძლია ჩემი იმედი იქონიოს, მხოლოდ ერთი პირობით, შარვალი უნდა დამიბრუნოს.

მე მისი პასუხიც გადავთარგმნე.

— გმადლობთ, მეგობრებო, — თქვა იგნოზიმ, — შენ რაღას იტყვი, მაკუმაზან? დარჩები ჩემთან, უბადლო მონადირევ, დაჭრილ კამებზე უბრძნესო?

მე კეფა მოვიქექ და დავფიქრდი.

— ამბოპა, ანუ იგნოზი, — ვუთხარი ბოლოს, — არ მიყვარს რევოლუცია, მე მშვიდობისმოყვარე და, ცოტა არ იყოს, მშიშარა კაცი ვარ (აქ იგნოზიმ გაიღიმა); მაგრამ მიუხედავადა ამისა, მუდამ ჩემი მეგობრების ერთგული ვიქნები. შენ ერთგულად გმემსახურებოდი და ნამდვილი გაშპაცობა გამოიჩინე, ამიტომ ამ ბრძოლაში არც მე მიგატოვებ, მაგრამ ნუ დაგავიწყდება, რომ ვაჭარი კაცი ვარ და ცხოვრება მაიძულებს ლუკმა-ჟური შრომით მოვიპოვო. ამიტომ უარს არ გამბობ იმ ალმასებზე, რასაკირველია, თუ მათ ადგილსამყოფელს მივაგნებთ.

ამასთან, როგორც იცი, ჩვენ აქ ინკუბუს დაკარგული ძმის საძებრად წამოვედით, პოდა, უნდა დაგვეხმარო და გვაპოვნინო იგი.

— შენს თხოვნას ავასრულებ, — მომიგო იგნოზიმ, — მისმინე, ინფადუს, — განაგრძო მან და მოხუც მეომარს მიუბრუნდა, — გაფიცებ გველის წმინდა გამოსახულებას, მართალი მითხარი, გსმენია ოდესებ, რომ თეთრკანიანს ქუპუანელთა მიწაზე ფეხი დაედგას?

— არა, იგნოზი.

— აქ რომ სადმე თეთრკანიანი ენახათ, ან გაეგოთ რამე მასზე, შენ ხომ უსათუოდ შეიტყობდი?

— რა თქმა უნდა, შევიტყობდი.

— ხომ გესმის, ინკუბუ? — მიმართა იგნოზიმ სერ ჰენრის, — ცხადზე უცხადესია, შენი ძმა აქ არ ყოფილა.

— ვაი, რომ მესმის! — ოხვრით ადმოხდა სერ ჰენრის, — უეჭველია, აქამდე ვედარ მოაღწია... საბრალო ჯორჯი, მაშ, ამდენმა ტანჯვა-წვალებამ ფუჭად ჩაგიარა? იყავნ ნება დვთისა.

— აბა, ახლა კი საქმეზე გადავიდეთ, — სიტყვა ჩავურთე მე, რადგან მინდოდა შემეწყვიტა ეს სევდიანი საუბარი, — რასაკვირველია, თუ დმერთი შეეწია, მეფობაზე უარს არავის იტყვის, იგნოზი, მაგრამ როგორ და რა გზით აპირებ გამეფებას?

— ებ უკვე აღარ ვიცი, იქნებ ინფადუსმა რამე გეგმა შემოგვთავაზოს?

— იგნოზი, ძეო ელგისა, — დაიწყო ინფადუსმა, — ამაღამ გაიმართება დიდი ცეკვები, მერე კი მისხებზე ნადირობა დაიწყება, მრავალ ადამიანს დაუბნელდება მზე, უფრო მეტი კი დამწუხერებული და გულდათუთქული დარჩება. ხალხი გულში თუადას წინააღმდეგ ამსხედრდება. ცეკვა რომ დამთავრდება, ბელადებს მოველაპარაკები, ისინი კი თავის მხრივ მეომრებს მოეთათბირებიან. ბელადებთან, რასაკვირველია, საიდუმლო ბჭობას გავმართავ და თუ მათი გადმობირება შევძლი, ყველანი აქ მოვალთ. თუ საქმე ისე წარიმართა, როგორც მე მინდა, ხვალ, ალიონზე შენს განკარგულებაში ოცი ათასი კაცი მაინც იქნება. ერთი სიტყვით, თუ ცოცხლები გადავრჩით, აქ შევგროვდებით და ყველაფერზე ვიმსჯელებთ. მხოლოდ იცოდე, რაც არ უნდა მოხდეს, ბრძოლა მაინც არ აგვცდება.

საუბარი ხმამაღლა ლაპარაკმა და ხმაურმა შეგვაწყვეტინა. მეფის მსახურნი იყვნენ. ჩვენ ქოხის კარს მივადექით და მცველებს მათი შემოშვება ვუბრძანეთ.

მაშინვე შემოვიდა სამი კაცი. ყოველ მათგანს ხელში ჯაჭვის პერანგი და საუცხოო საბრძოლო ნაჯახი ეჭირა.

— ეს ჩემმა მბრძანებელმა, მეფე თუალამ აახლა ვარსკვლავეთიდან ჩამოსულ ადამიანებს, — გამოგვიცხადა ჰეროლდმა, მათ რომ ახლდა.

— გაბრუნდით და ჩვენგან მადლობა გადაეცით მეფეს, — ვუთხარი. მსახურნი წავიდნენ და ჩვენ დიდი ინტერესით შევუდექით საჩუქრების დათვალიერებას. ასეთი საუცხოო ჯაჭვები არასოდეს გვენახა. ისეთი ფაქტი ხახელავი და ისე თხელი იყო, რომ ხელისგულზე ადვილად თავსდებოდა.

— რა უცხო ნაკეთობაა, ინფადუს, ნუთუ თქვენს ქმედანაში მსგავს რამეს ამზადებენ?

— არა, ჩემო მბრძანებელო, — გვიპასუხა ინფადუსმა, — ეგ წინაპართაგან შემოგვრჩა, არ ვიცი, ვინ და როდის გაჭედა. ახლა ცოტადა დაგვრჩა და მხოლოდ მეფის ოჯახის წევრებს შეუძლიათ მათი ტარება. ეს მოჯადოებული რკინა, შიგ შუბი ვერ ატანს და ბრძოლაში მათ პატრონს არავითარი საფრთხე არ ელის. მეფე ან მალიან კმაყოფილია თქვენით, ან რაღაცას შეუშინებია, თორემ ამას აქ არ გაახლებდათ. კარგი იქნება, თუ სადამოს ამ ჯაჭვებს ჩაიცვამთ, ჩემო მბრძანებლებო!

ის დღე მშვიდად გავატარეთ, ვისვენებდით და ჩვენს ახლანდელ ყოფაზე ვმსჯელობდით. მდგომარეობა ძალზე დამაფიქრებელი იყო.

ბოლოს მზეც ჩავიდა. აბრიალდა ათასობით კოცონი. ბნელში მძიმე ნაბიჯების ხმა დაირხა, შუბების ჩხარუნიც შემოგვესმა. მეომრების უსასრულო რაზმები მოედნისაკენ მიემართებოდნენ, რომ ადგილები დაეჭირათ და დიდი ცეკვებისთვის მომზადებულიყვნენ.

ცაზე სხივნათელი ბადრი მთვარე ამოგორდა.

ინფადუსი რომ მოვიდა, ჩვენ ეზოში ვიდექით და მთვარიანი დამით ვტკბებოდით. ინფადუსს სამხედრო ტანსაცმელი ეცვა, თან ოცი კაცისაგან შემდგარი რაზმი ახლდა. რაზმს მოედნამდე უნდა მივეცილებინეთ. ინფადუსის რჩევით, ჯაჭვის პერანგი ჩავიცვით, ზემოდან კი ჩვენი ტანსაცმელი გადავიცვით. საკვირველი ის იყო, რომ ამ ჯავშანში თავს საოცრად მსუბუქად და თავისუფლად ვგრძნობდით. ეს ჯაჭვები, რომლებიც ოდესდაც, ალბათ, გოლიათური აღნაგობის ადამიანებს ეკუთვნოდა, გუდსა და მე სრულად გგადგა, მაგრამ სერ პენრის მკერდზე პქნონდა შემოსალტული.

ქამრებზე რევოლუციები დავიკიდეთ, მეფის ნაბომვარი საბრძოლო ნაჯახები ავიდეთ და ჩვენს მასპინძლებს მოედნისაკენ გავყევით.

დიდი კრაალი, სადაც ამ დილით მეფემ შეხვედრა მოგვიწყო, ერთიანად ხალხით იყო გაჭედილი. წრეში ოცი ათასამდე მეომარი იდგა, ყოველ პოლქს მისთვის განკუთვნილი ადგილი ეჭირა. პოლკები, თავის მხრივ, რაზმებად იყო დაყოფილი, რაზმებს შორის ვიწრო გასასვლელები დაეტოვებინათ, რომ მისნებზე მონადირე ქალებს თავისუფლად ემოძრავათ აქეთ-იქით.

მართლაც რომ დიდებულ სანახაობას წარმოადგენდა ერთად თავშეყრილი იარაღასხმული ეს ამოდენა ხალხი. მეომრები სრულ სიჩუმეში მწყობრად იდგნენ. მთვარე დაპნათოდა მაღლა შემართულ შუბების ტყებს, მოფრიალე ფრთებსა და სხვადასხვა ფერის ფარებს. საითაც არ უნდა მიგვეპყრო მზერა, ყველგან გაქვავებულ სახეებს და შუბების უსასრულო მწკრივებს ვხედავდით.

— დღეს ალბათ მთელი თქვენი ჯარი აქ არის თავმოყრილი, — ვუთხარი ინფადუსს.

— არა, მაგუმაზან, — მიპასუხა მან, — ამ მოედანზე ჩვენი ჯარის მხოლოდ ერთი მესამედი, ესე იგი ოცი ათასი კაცი დგას. მეორე მესამედი გარეთ, თხრილის ირგვლივ გვიყენია, მათ უნდა დაიცვან კრაალი, თუ ხოცვა-ულების დროს აყალ-მაყალი ატყდა. ათი ათასი კაცი ლუუს დასაცავად საგუშაგოზე დგას, დანარჩენები კრაალებში არიან გაფანტულნი.

— რა საოცარი სიჩუმეა, — თქვა გუდმა.

მართლაცდა, გულშემზარავი იყო ეს დაძაბული სიჩუმე იმ დროს, როცა ამდენი ხალხი ერთად იყო თავშეყრილი.

— რას ამბობს ბუგვანი? — მკითხა ინფადუსმა.

მე გადავუთარგმნე.

— კაცი უსიტყველი ხდება, როცა თავს სიკვდილის აჩრდილი დასტრიალებს.

— ამაღამ ბევრს დახოცავენ?

— ძალიან ბევრს.

— მე მგონია, ჩვენ დღეს გლადიატორების ბრძოლას დავესწრებით, — ვუთხარი ჩემს თანამგზავრებს, — და როგორც ვატყობ, მასპინძლებს მის მოსაწყობად არაფერი დაუშურებიათ.

სერ პენრის ტანში ურუანტელმა დაუარა. გუდმა კი განაცხადა, კარგი იქნებოდა, ახლა აქედან წასვლა რომ შეგვეძლოსო.

— მითხარი, საფრთხე ხომ არაფერი გველის? — ვკითხე ინფადუსს.

— დანამდვილებით ვერაფერს გეტყვი, ჩემო მბრძანებელო; მაგრამ ვფიქრობ, დღეს ცუდი არაფერი გველით. ყოველ შემთხვევაში, შიში არ შეიმჩნიოთ,

შეიძლება უველაფერი კეთილად წარიმართოს: მეომრები მეფის უკმაყოფილონი არიან.

იმ ლაპარაკში ნელ-ნელა მივიწევდით წინ და თანდათან მოედნის შუაგულს ვუახლოვდებოდით. იქ რამდენიმე სკამი დაედგათ. ის იყო, მივედით კიდეც, რომ მეფის კრალიდან რამდენიმე კაცი გამოვიდა და ჩვენებ გამოემართა.

— ეს მეფე თუალა, უფლისწული სკრაგა და მოხუცი გაგულაა, მათ ჯალათები მოჰყვებიან, — გვითხრა ინფადუსმა და ხელი მეფის მხლებლებისაკენ გაიშვირა.

მხლებლების ჯგუფში ასე, თორმეტიოდე კაცი იქნებოდა, უველანი ძლიერ მაღლები იყვნენ და საზარელი სახეები ჰქონდათ. ყოველ მათგანს ცალ ხელში შუბი ეჭირა, მეორეში კი „კესი“, ანუ მძიმე ხელკეტი.

მეფე სკამზე დაეშვა, გაგულა მის ფერხთით მოიკრუნჩხა, სკრაგა და ჯალათები კი მათ უკან მოთავსდნენ.

— სალამი მითქვამს, თეთრო მბრძანებელო! — შეცყვირა თუალამ, როგორც კი მივუახლოვდით. — დასხედით, დასხედით, ძვირფას დროს ტყუილუბრალოდ ნუ დაკარგავთ, დამე ისედაც მოქლეა იმ საქმისათვის, რომელიც უნდა აღსრულდეს. თქვენ კარგ ფეხზე მოხვედით და ბრწყინვალე სანახაობა გელით. მიმოიხედვთ ირგვლივ, თეთრო მბრძანებელებო, მიმოიხედვთ! — აქ თუალამ თავისი ბოროტი თვალი აავლ-ჩავლო რაზმებს. — განა შეიძლება ვარსკვლავებზე მსგავსი რამ ნახოთ? დააკვირდით, რარიგ ძრწიან და კანკალებენ სულმდაბალნი, რომელთაც გული ბოროტებით აქვთ სავსე და ზეციური მართლმსაჯულებისა ეშინიათ!

— დაიწყეთ! დაიწყეთ! — წვრილი, მწივანა ხმით წამოიკნავლა გაგულამ, — აფთრები დამშეულია, ისინი ყმუიან და საჭმელს ითხოვენ. დაიწყეთ, დროა!

წამით სიჩუმე ჩამოვარდა, დაძაბული, შემზარავი სიჩუმე. ყველა რაღაც საშინელების მოლოდინში იყო.

მეფემ შები აღმართა და უეცრად ოცი ათასმა მეომარმა, თითქოს ერთი კაციაო, ფეხი ასწია და შემდეგ მთელი ძალით მაგრად დაჰკრა მიწას. ეს სამჯერ განმეორდა.

შემდეგ წრეში სადღაც, შორს გაისმა ხმა. კიდაც მდეროდა, მაგრამ ეს მოთქმა უფრო იყო, კიდრე სიმდერა. მას დაახლოებით ასეთი მისამდერი ჰქონდა:

- რა ელის ყოველ კაცს, დედაკაცისაგან შობილს?
- სიკვდილი! — ერთხმად იგრიალა პასუხმა.

რაზმებმა ერთიმეორის მიყოლებით თანდათან ააყოლეს ხმები იმ ეულ ხმას, კიდრე ბოლოს მთელი ეს მილეთის ხალხი არ ამდერდა და აგუგუნდა. მე გაჭირვებით ვიგებდი სიტყვებს, მაგრამ ვხვდებოდი, რომ აქ ლაპარაკი იყო ადამიანის ტანჯვა-წამებაზე, სევდასა და სიხარულზე, ეს ხან სატრფიალო სიმდერა გეგონებოდათ, ხან ძლევამოსილად მოგუგუნე საბრძოლო ჰიმნი, ხან კი გლოვა-გოდება. სიმდერა გულშემზარავი კივილით დამთავრდა. ხმა კიდით კიდემდე ზრიალით დაირხა და მისმა ეხომ ძარღვებში ლამის სისხლი გაგვიყინა. შემდეგ კვლავ სიჩუმე ჩამოვარდა, მაგრამ აი, მეფემ ხელი აღმართა და დუმილი კვლავ დაირღვა. გაისმა ფეხის ტყაპა-ტყუპი, მეომართა რიგებიდან უცნაური, საზიზდარი არსებები გამოცვივდნენ და პირდაპირ ჩვენებ გამოემართნენ.

მოხუცი ქალები იყვნენ. თევზის ბუშტებით შემკული ჭაღარა ბულულები სწრაფი სირბილისაგან გასწერილათ, სახე წითელ-ყვითელი ზოლებით შეეთითხათ, მხრებზე გველის ტყავები მოეგდოთ, მათ ქამრებზე აცმულ ადამიანის ძვლებს კი რაკარუკი გაუდიოდათ. დამჭნკარ-დანაოჭებულ ხელში პატარა ორთავიანი კვერთხი ეჭირათ. სულ ათხი იყვნენ.

აი, მოგვიახლოვდნენ, შეჩერდნენ, ერთმა მათგანმა გაგულასაკენ კვერთხი გაიწვდინა და დაიყვირა:

- პო, დედაო, მოხუცო დედილო, მოვედით!

— კეთილი, კეთილი, კეთილი! — უპასუხა თუალას ფეხებთან მოკრუნჩხულმა ბიწიერმა არსებამ. — თვალგამჭრიახნი ხართ თუ არა, იზანუზნო, ბნელის გამჭვრებნო?

— თვალი სწრაფი გვაქვს, დედილო!

— კეთილი! კეთილი! კეთილი! ყურმახვილნი ხართ თუ არა, იზანუზნო, სიტყვის უთქმელად გამგებნო!..

— სმენა კარგი გვაქვს, დედილო!

— კეთილი! კეთილი! კეთილი! ფხიზლობს თუ არა თქვენი გრძნობები, იზანუზნო, გცემთ თუ არა სისხლის სუნი, შეგიძლიათ თუ არა განწმინდოთ ქვეყანა დამნაშავეთაგან, რომელთაც მეფისა და თავის კეთილთა მიმართ ბოროტი უდევთ გულში? შეგწევთ თუ არა ძალა, ადასრულოთ სამართალი ზეცათა, ჩემ მიერ გაწვრთნილ-გაწაფულნო? აკი დიდი ხანია ეზიარეთ ჩემს სიბრძნეს და დაეწაფეთ ჯადოქრობის წყაროს!

— ჩვენ მზად ვართ, დედილო!

— მაშინ წადით, წადით, ნუდარ აყოვნებთ, სულის მტარვალნო! აი, ჯალათებიც, დე, გალესონ თავიანთი შუბები, შორიდან მოსული თეთრი ადამიანები სანახაობას ელიან, წადით!

მისი ნების მორჩილი საზარელი არსებები დამსხვრეული ნიუარის ნატეხებივით მიმოიფანტნენ აქეთ-იქით, ქამარზე დაკიდული ძვლების რაკარუკით მეომართა მჭიდრო რიგებში შეიჭრნენ და თვალს მიეფარნენ. მხოლოდ ერთი მათგანი იქვე, ჩვენ გვერდით დარჩა, იგი მეომრების წინ რამდენიმე ნაბიჯზე შეჩერდა და ცეკვა დაიწყო. წარმოუდგენელი სისწრაფით ტრიალებდა და თან გაჰკიოდა:

„მე ვგრძნობ, ვგრძნობ, რომ ის ბოროტგამზრახველი სადღაც აქ არის, აქ არის-მეთქი, მშობელი დედის მკვლელი!“ დედაბერი სულ უფრო და უფრო სწრაფად ტრიალებდა, ბოლოს თავი გიჟურ აღგზებამდე მიიყვანა — კბილებს აღრჭიალებდა, დუე ნაფლეთ-ნაფლეთ სცვიოდა დაბრუებილი პირიდან, თვალები გადმოცვენაზე პქნებდა და მთელი ტანით კანკალებდა. უეცრად ადგილზე გაქვავდა, მეძებარი ძალივით დაიძაგრა. შემდეგ კვერთხი გაიწვდინა და ქურდულად წატუსტუსდა მეომრებისაკენ.

მოგვეჩვენა, რომ ამ კუდიანის მიახლოვებაზე მეომრების სიმტკიცე და თავდაჭერილობა გატყდა და მათ ოდნავ, სულ ოდნავ უკან დაიხიეს. თავზარდაცემულები და გაქვავებულები თვალს არ ვაშორებდით ამ სურათს. იზანუზი ოთხზე დაეცა და მათკენ წახოხდა. აქ ნაბულზე დამდგარი ძალივით გაშეშდა, მაგრამ ცოტა ხნის მერე თრიოდე ნაბიჯით წაჩოჩდა წინ.

შემდეგ მოხდა მოულოდნელი რამ: იზანუზი ყვირილით წამოიჭრა და იქვე მდგომ მაღალ მეომარს ორგაპი კვერთხით შეეხო. იმავე წამს მარცხნივ და მარჯვნივ მდგომმა ორმა მეომარმა მკლავში ხელი წაავლო საბრალოს და მეფეს მიჰგვარეს.

მას წინააღმდეგობა არ გაუწევია, მაგრამ ვხედავდით, დამბლადაცემულივით მიათრევდა ფეხებს. მერე შუბი დაუვარდა და ხელები უსიცოცხლოდ დაეკიდა ტანზე.

ჯალათებს ორი კაცი გამოეყო. ისინი ჩქარი ნაბიჯით წამოვიდნენ მსხვერპლისაკენ, გასწორდნენ და მეფისკენ შებრუნდნენ, თითქოს მის ბრძანებას ელიან.

— მოჰკალით! — ბრძანა მეფემ.

— მოჰკალით! — დაიწრიპინა გაგულამ.

— მოჰკალით! — ექოსავით გაისმა სკრაგას ხმა და ავისმომასწავებელი სიცილი.

ხმები ჯერაც არ ჩამკვდარიყო, რომ საზარელი საქმე უქმე აღსრულდა, — ერთმა ჯალათმა შიგ გულში აძგერა შები, მეორემ კი უზარმაზარი ხელკეტით პეფა ჩაუმსხვრია.

— ერთი! — თითო მოხარა თუალამ.

გვამი ჩვენ უკან რამდენიმე ნაბიჯზე გაათრიეს და იქ დააგდეს.

წამის შემდეგ, თითქოს დასაკლავი ხარიათ, მეფესთან მეორე უბედური მოათრიეს. ლეოპარდის წამოსასხამზე ეტყობოდა, წარჩინებული პირი უნდა ყოფილიყო. კვლავ გაისმა საზარელი სიტყვები და მსხვერპლი უსულოდ დაეცა ძირს.

— ორი! — ითვლიდა მეფე.

ეს სისხლიანი გარობა მანამ არ შეწყვეტილა, სანამ ჩვენ უკან დახოცილთა ათობით გვამი არ ჩამწკრივეს.

ბევრი რამ მსმენია კეისრების დროის გლადიატორებზე, ან ესპანეთში ხარების ბრძოლაზე. მაგრამ კადნიერებად ნუ ჩამომართმევთ, თუ ვიტყვი, რომ ყველაფერი ეს სანახევროდაც არ იქნებოდა ისე შემზარავი, როგორც მისნებზე ნადირობა იყო. ყოველ შემთხვევაში, გლადიატორთა ბრძოლა და ხარების შერკინება ოდნავ მაინც ართობდა მაყურებელს, აქ კი გარობაზე ლაპარაკი ზედმეტი იყო. მწვავე განცდების თავდავიწყებული მოტრფიალეც კი შეეცდებოდა, თავი აერიდებინა სენსაციისათვის, თუ ეცოდინებოდა, რომ განგებამ სწორედ მას განუმზადა შემდგომ „ამბებში“ უშუალო მონაწილეობა.

ერთხელ ვედარ მოვითმინეთ, წამოვდექით და შევეცადეთ წინააღმდეგობა გაგვეწია, მაგრამ თუალამ უკმეხსად შეგვაჩერა:

— მართლმსაჯულება უნდა აღსრულდეს, თეორო ადამიანებო, ეს ძაღლები გულშავი, დამნაშავე მისნებია და მათი დახოცვა უსამართლობად არ მიმაჩნია, — იყო მისი პასუხი.

თეორმეტის ნახევრისთვის შესვენება გამოცხადდა. მისნებზე მონადირე ქალები ერთად დადგნენ, ეტყობოდათ, დაიღალნენ. გვეგონა, ეს სისხლიანი წარმოდგენა დასრულდათ, მაგრამ შევცდით. მოულოდნელად გაგულა წამოდგა თავისი ადგილიდან, სადაც აქამდე მოკრუნჩხული იჯდა, ჯოხს დაეყრდნო და ჩვენები წამოსანხალდა.

უფალავი წლების ტვირთქეულ თრად მოხრილ-მოკაგული ფასკუნჯისთავიანი ეს ბებერი კუდიანი საზიზდარი სანახავი იყო. ნელ-ნელა მოიკრიბა ძალ-ღონე და აქეთ-იქით მიაწყდა, წინ და უკან მირბოდ-მორბოდა, თან ცხვირში რაღაც ერთფეროვან სიმღერას დუდუნებდა. ბოლოს მოულოდნელად გაუსწორდა ერთ მაღალ მეომარს, პოლკის თავში რომ იდგა, და ხელი შეახო მას. ეს ალბათ პოლკის მეთაური იყო, რადგან მის მეომრებს გმინვისმაგვარი ხმა აღმოხდათ მკერდიდან. მაგრამ მიუხედავად ამისა, ორმა მეომარმა მაინც წაავლო კაცს ხელი და ჩგენებ წამოიყვანა. შემდეგ შევიტყვეთ, რომ ის კაცი ძალზე მდიდარი იყო, თანაც თურმე დიდი გავლენით სარგებლობდა, როგორც მეფის მკვიდრი ბიძაშვილი. ის, რასაკვირველია, მოკლეს. მეფემ ჯამი დაიანგარიშა, სულ ას სამი კაცი მოეკლათ. გაგულამ კვლავ დაიწყო აქეთ-იქით სირბილი და თანდათანობით მოგვიახლოვდა.

— გეფიცებით, ამ კუდიანს ჩვენზე უჭირავს თვალი! — შემკრთალი ხმით წამოიძახა გუდმა.

— სისულელეა, — უპასუხა სერ ჰენრიმ.

მე კი, როცა დავინახე, ის წყეული კუდიანი თავის ეშმაკისეულ ცეკვას არ წყვეტდა და სულ უფრო და უფრო გგიახლოგდებოდა, შიშით სული კინაღამ გამძვრა და კანკალმა ამიტანა.

გაგულა კიდევ უფრო მოგვიახლოვდა, თვალებში ჯოჯოხეთური ალი ენთო.

აპა, სულ ახლოს მოვიდა, კიდევ, კიდევ, სულგანაბული ხალხი დაძაბული მისჩერებოდა მას. ბოლოს კუდიანი გაჩერდა და გაინაბა.

— ვიცოდე მაინც, ვინ აირჩია ჩვენ შორის, — თითქოს თავისთვის ჩაილაპარაკა სერ ჰენრიმ.

წამის შემდეგ უგელაფერი გაირკვა. კუდიანი სწრაფი მოძრაობით შეეხო ამბობას, ანუ იგნოზის მხარზე.

— გული მიგრძნობს, ეს კაცი უნდა მოკვდეს, — იწივლა მან, — მოკალით ბოროტებით სავსე უცხოელი, მოკალით, ვიდრე მოასწრებდეს სისხლით მორწყოს ჩვენი ქვეყანა! პრო, მეფე, მოჰკალ ეს ჭაბუკი!

ჩამოვარდა სიჩუმე, რითაც იმწამსვე ვისარგებლე.

— ოპ, მეფე! — წამოვიძახე და ფეხზე წამოვიჭერი, — ეს კაცი შენი სტუმრების მსახურია, მათი ძაღლია. ვინც ჩვენი ძაღლის სისხლს დაღვრის, ჩვენი მოსისხლე შეიქნება. ნუ შებდალავ სტუმართმოყვარეობის წესებს, მასპინძელი ხარ და გთხოვ, დაიცვა ეს ადამიანი.

— გაგულას რადაც ეჭვი აქვს, ეგ კაცი უნდა მოკვდეს, თეთრო ადამიანებო, — გაისმა მკვახე პასუხი.

— არა და არა, არ მოკვდება! — შევყვირე მე, — მოკვდება ის, ვინც მასზე ხელს შემართავს.

— წაიყვანეთ ეგ ძაღლი! — დასჭექა თუალამ სისხლში მოსვრილ ჯალათებს, ჩვენს ირგვლივ რომ იდგნენ.

მათ ნაბიჯი გადმოდგეს, მაგრამ ბოლო წუთს შეყოფანდნენ. იგნოზიმ შუბი აღმართა, ეტყობოდა, აპირებდა ძვირად დაესვა ამ ხალხისათვის თავისი სიცოცხლე.

— იქით, ძაღლებო, — დავიყვირე მე, — უკან-მეთქი, თუ თავი არ მოგძულებიათ! იცოდეთ, ამ კაცს თითი რომ დააკაროთ, თქვენს მეფეს უსულოდ გავაგორებ ძირს, — ვთქვი და თუალას რევოლვერი დაუშიზნე.

სერ ჰენრიმ და გულმაც ხელი წაატანეს რევოლვერებს. სერ ჰენრიმ დაინახა, რომ უფროსმა ჯალათმა განაჩენის სისრულეში მოსაყვანად ჩვენკენ გადმოდგა ნაბიჯი და რევოლვერი დაუშიზნა მას. გუდი კი გაგულას არ აშორებდა თვალს.

თუალა შეკრთა, მისკენ მიმართული ლულა რომ დაინახა.

— აბა, რას იტყვი, თუალა? — კითხები.

— მოაშორეთ ეგ მოჯადოებული ჯოხები, თქვენ სტუმარ-მასპინძლობის წესი ახსევეთ და სწორედ ამიტომაც დავინდობ ამ კაცს და არა იმის გამო, რომ თქვენი მეშინია.

— კარგი, — მშვიდად მივუგა მე, — ჩვენ დავიქანცეთ ამდენი სისხლის ცერიოთ და გვინდა დავისვენოთ. ცეკვები დამთავრდა?

— დამთავრდა, — კუშტად მომახალა თუალამ, — ეს ძაღლის ლეშები აფთრებსა და მტაცებელ ფრინველებს გადაუყარეთ! — დასძინა მერე და გვამებისაკენ გაიწვდინა ხელი.

პოლკებმა სამარისებურ სიჩუმეში ერთიმეორის მიყოლებით დატოვეს კრაალი, დარჩენენ მხოლოდ ის მეომრები, რომელთაც დავალებული ჰქონდათ, გაეწმინდათ მოედანი გვამებისაგან.

ბოლოს ჩვენც წამოვდექით და მის უდიდებულესობას დავემშვიდობეთ. მან ძლივს ინგბა ჩვენი მოსმენა.

ამ ცერემონიალის შემდეგ ჩვენ-ჩვენი კრაალისკენ გავეშურეთ.

ქოხში რომ შევადით, პირველ ყოვლისა, ჭრაქი ავანთეთ. ამ ჭრაქის ფთილა პალმის მსგავსი ხის ბოჭკოსაგან იყო გაკეთებული, საწვავად კი ჰიპოპოტამის გაწმენდილი ქონი ჰქონდა.

— იცით, — თქვა სერ ჰენრიმ, როცა დავსხედით, — ძალიან მერევა გული.

— თუ ამდენ ხანს კიდევ პეტვობდი, დავხმარებოდი თუ არა ამბოპას იმ გაიძევრა თუალას წინააღმდეგ ბრძოლაში, ახლა ეს ჭყვი სავსებით გამეფანტა, — თქვა გუდმა. — იმ ხოცა-ულების შემყურე, ძლიერ ვიმაგრებდი თაგს, ვცდილობდი თვალი დამეხუჭა, მაგრამ, თითქოს განგებ, ყველაზე საზარელ მომენტში ვახელდი. ნეტავ სად არის ახლა ინფადუსი? ამბოპა, ჩემო კარგო, ჩვენ უნდა გვიმადლოდე, თორებ კიდევ ცოტაც და, ტყავს გაგაძრობდნენ.

— მადლობელი ვარ, ბუგვან, — მიუგო ამბოპამ, როცა გუდის სიტყვები ვუთარგმნე, — მადლობელი ვარ და ამაგს არასოდეს დაგივიწყებთ, ინფადუსი კი მალე მოვა, წუთი წუთზე უნდა ველოდოო.

ამის მეტი აღარაფერი გვითქვას, მხოლოდ ვისხედით და ინფადუსის მოლოდინში ჩიბუხებს ვაბოლებდით.

## თ ა გ ი  X I

### ჩ ვ ა ნ  ს ა ს წ ა უ ლ ი  მ თ ვ ა ხ დ ი ნ ე თ

თითქმის მთელი ორი საათი სრულ მდუმარებაში გავატარეთ; არც ერთი ჩვენგანი ხმას არ იღებდა, იმ საზარელი ამბის გახსენება სულს გვიხუთავდა. ბოლოს, გამოქნისას, როცა უკვე დაძინებას ვაპირებდით, გაისმა ფეხის ხმა და გუშაგის შეძახილი. ნაბიჯები სულ უფრო ახლოვდებოდა, ალბათ გუშაგს პასუხი გასცეს, მაგრამ ისე ხმადაბლა, რომ ჩვენ ვერ გავიგონეთ. შემდეგ კარი გაიღო და ინფადუსი შემოვიდა, უკან ექვსი ბელადი მოჰყვებოდა.

— ჩემო მბრძანებელო და იგნოზი, კუკუხელთა კანონიერო მეფევ, ჩემი სიტყვა ავასრულე, მოვედი და ეს ხალხი მოვიყვანე! — თქვა ინფადუსმა და ხელი ბელადებისკენ გაიწვდინა. ესენი ჩვენი ქვეყნის უბრწყინვალესი ადამიანებია, ყოველ მათგანს ემორჩილება სამსახი ათასი მეომარი, რომლებიც, მეფის ბრძანების თანახმად, უსიტყვოდ ასრულებენ მათ ბრძანებას. მე გავანდე ბელადებს ჩვენი საიდუმლო. გადავეცი, რაც აქ ვნახე და გავიგონე. პოდა, მათ მოისურვეს ენახათ წმიდა გველის გამოსახულება შენს ტანზე, სურთ აგრეთვე მოისმინონ შენი თავგადასავალი, რათა საბოლოოდ გადაწყვიტონ, გადაუდგნენ თუალას თუ არა.

პასუხის ნაცვლად იგნოზიმ წელზე მუხა მოიძრო და ყველამ დაინახა სამეფო ნიშანი — გველი, თემოებზე რომ პქონდა ამოსვირინგებული. ბელადები რიგ-რიგობით მიდიოდნენ იგნოზისთან და ჭრაქის მკრთალ შუქზე დაკვირვებით ათვალიერებდნენ ამ ნიშანს.

შემდეგ იგნოზიმ კვლავ აიფარა მუხა, მიუბრუნდა ბელადებს და თავისი თავგადასავალი მოუთხრო. ეს ამბავი ჩვენ უკვე დილით მოვისმინეთ.

— რას იტყვით, ბელადებო? — იკითხა ინფადუსმა, როცა იგნოზიმ თხრობა დაასრულა, — მიეხმარებით და დაუჭერთ მხარს, რომ მამის ტახტი დაიბრუნოს? ჩვენი ქვეყანა კიდით-კიდემდე მძიმე უდელქვეშ გმინავს, მიწა სისხლით ირწყვება. დღეს ეს ყველამ საკუთარი თვალით ნახეთ. იყო კიდევ ორი ბელადი, ვისთანაც ამ საკითხზე მოლაპარაკება მსურდა, მაგრამ სადღა არიან ისინი? მათ გვამებს აფთრები დაჲყმუიან. თუ თუალას არ შეებრძოლებით, თქვენც მალე გაიზიარებთ მათ ბედს. მაშ აირჩიეთ, ძმებო!

ამ სიტყვებზე წინ წამოდგა ჭადარა, ჩასკნილი მამაკაცი. იგი მოსულთა შორის ყველაზე უხნევი ჩანდა.

— შენ მართალი ხარ, ინფადუს, — თქვა მან, — თუალას ავკაცობით ქვეყანა შეწუხებულია. ხალხი კვნეხის და დრტვინავს. ამ სადამოს სხვებთან ერთად ჩემი

მმაც დაიღუპა. შენ დიდი საქმე განგიზრახავს, მაგრამ, რაც ახლა გვითხარი, ძნელი დასაჯერებელია. ვინ არის თავდები, რომ ვიდაც თაღლითის გულისფრის არ აღმართავთ იარაღს? დიდი საქმე-მეთქი, გეუბნებით, მაგრამ არავინ იცის, რით დამთავრდება ყოველივე ეს. ვიდრე საწადელს ვეწეოდეთ, სისხლის ზღვა დადგება. ბოლოს და ბოლოს არც თუალას დატოვებენ მარტო ამ ბრძოლაში, მასაც მრავლად ეყოლება ერთგული ხალხი, რადგან ადამიანები თაყვანს სცემენ მზეს, ცაზე რომ ანათებს და არა იმას, რომელიც ჯერ არ ამოსულა. ვარსკვლავეთის თეთრი ადამიანები დიდი მისნები და ჯადოქრები არიან. ისინი მფარველობენ იგნოზის. თუ იგი მართლა ჩვენი ქვეყნის კანონიერი მეფეა, თეთრკანიანებმა მოახდინონ რადაც სასწაული, ისეთი სასწაული, რომ ყველა ჩვენგანს შეეძლოს მისი დანახვა და ხალხი გულდაჯერებული გამოგვევება უკან, დარწმუნებული, რომ თეთრების ჯადოქრობის წყალობით გავიმარჯვებთ.

— კი მაგრამ, თქვენ აკი ნახეთ წმინდა გველის ნიშანი! — ჩავურთე სიტყვა.

— ეს საკმარისი არ არის, ჩემო მბრძანებელო, შეიძლება წმინდა გველის გამოსახულება დაბადებიდან კარგა ხნის შემდეგ დაუხატეს ტანზე. მოახდინეთ სასწაული, წინააღმდეგ შემთხვევაში თითს თითზე არ დავაკარებთ.

დანარჩენმა ბელადებმა იგივე, ან თითქმის იგივე გაიმეორეს. მე საგონებელში ჩავვარდი. ბოლოს სერ ჰენრისა და გუდს მიგუბრუნდი და საქმის ვითარება ავუხესენი.

— ვიცი, ვიცი, როგორც უნდა მოვიქცეთ! — წამოიძახა გუდმა და სახე სიხარულით გაუბრწყინდა, — მხოლოდ უთხარით, რამდენიმე წუთი მოგვცენ მოსაფიქრებლად.

მე გუდის სიტყვები მხედართმთავრებს გადავუთარგმნე და ისინი ქოხიდან გავიდნენ. გუდი კი მივარდა წამლების პატარა ყუთს, გახსნა და თავისი უბის წიგნაკის თავფურცლებზე კალენდარი იყო.

— მისმინეთ, მეგობრებო, — გვითხრა გუდმა, — ხვალ ოთხი ივნისია, არა? — ჩვენ, საერთოდ, ზუსტად ვანგარიშობდით დღეებს, — გრინვიჩის დროით, საღამოს რვა საათსა და თხუთმეტ წუთზე დაიწყება მთვარის სრული დაბნელება. იგი კარგად გამოჩნდება ტენერიფედან, სამხრეთ აფრიკაში... მერე სხვა ქვეყნებშიც, მაგრამ ეს ჩვენ არ გვაინტერესებს, ესეც თქვენი სასწაული! ქუოტერმენ, უთხარით ბელადებს, რომ ხვალ საღამოს მთვარეს ჩავაქრობთ.

ეს ბრწყინვალე აზრი იყო, მაგრამ ჩვენ მაინც ცოტათი ვყოფმანობდით. ხომ შეიძლებოდა, გუდის კალენდარი მთლად ზუსტი არ გამომდგარიყო. წინასწარმეტყველება რომ არ ამხდარიყო, ჩვენი პრესტიჟი სამუდამოდ დაეცემოდა და იგნორი მამის ტახტს უნდა გამოთხოვებოდა.

— იქნებ თქვენი კალენდარი სწორი არ არის? — ჰკითხა სერ ჰენრიმ გუდს, რომელსაც ამ დროს დიდი გულმოდგინებით გამოჰყავდა რადაც ციფრები თავისი უბის წიგნაკის ფურცლებზე.

— არავითარი საფუძველი არა გვაქს, ასე ვიფიქროთ, — მიუგო გუდმა, — დაბნელება მუდამ ზუსტად ემთხვევა გამოთვლილ დროს. ამაში საკუთარმა გამოცდილებამ დამარწმუნა. იმ ცნობაში კი, წელან რომ წაგიკითხეთ, ხაზგასმითაა აღნიშნული, დაბნელება სამხრეთ აფრიკიდან გამოჩნდებაო. ახლა მე მხოლოდ მიახლოებით გამოვიანგარიშე, რადგან ჩვენი აღგილსამყოფელი ზუსტად არ ვიცით, მაგრამ ჩემი გამოთვლით, დაბნელება ხვალ დაახლოებით საღამოს ათი საათისთვის დაიწყება და პირველის ნახევრამდე გასტანს. ასე რომ, თითქმის საათნახევრის განმავლობაში აქ სრული სიბნელე იქნება.

— მეტი რა გზა გვაქს, — თქვა სერ ჰენრიმ, — უნდა გაგბედოთ და ეგ არის.

მე თავი დავუქნიე, თუმცა გულში ძალზე ვეჭვობდი, აქედან რამე გამოსულიყო. დაბნელებაზე იმედის დამყარება საკმაოდ სახიფათოდ მიმაჩნდა.

ერთიც ვთქვათ, ცა დრუბლებით იყოს დაფარული და მთვარე, საერთოდ, ცაზე არც კი გამოჩნდეს, მაშინ რაღას ვაპირებო-მეტქი, ვფიქრობდი.

ამ ფიქრით გულდამძიმებულმა ამბობა ბელადების დასაძახებლად გავგზავნე. ისინი იმწამსვე შემოვიდნენ ქოხში.

— კუპუანელთა ქვეყნის ბელადნო და შენც, ინფადუს, მისმინეთ! — მივმართე მათ. — ჩვენ არ გვიყვარს ტრაბახი ჩვენს ძლიერებაზე, რადგან ეს ნიშნავს, დავარღვიოთ ბუნების კანონები და ქვეყანა განსაცდელისა და შიშის წინაშე დავაყენოთ. მაგრამ რაკი დიდ საქმეს მოვაიდეთ ხელი, და რაკი გაგულამ ჩვენი მეგობრის, იგნოზის მოკვლა დააპირა და თუალამაც საზარელი ხოცა-ქლეტით ჩვენი რისხვა დაიმსახურა, გადავწყვიტეთ, მოვახდინოთ სასწაული და მოგცეთ ხალხისთვის უტყუარი, თვალმოსახვედრი ნიშანი. აბა აქეთ მოდექით, — ვუთხარი ბელადებს, ქოხის კარი გამოვალე და ჩამავალი მთვარისკენ გავიწვდინე ხელი. — რას ხედავთ იქ?

— მომაკვდავ მთვარეს, — მიპასუხა ერთმა მათგანმა, რომელსაც, როგორც ეტყობოდა, დავალებული ჰქონდა ჩვენთან მოლაპარაკება გაემართა.

— მართალი ხარ. ახლა მითხარი, შეუძლია თუ არა ადამიანს ჩააქროს მთვარე, სანამ იგი თავისი ნებით ჩავიდოდეს, ჩააქროს და დედამიწას დამის შავი საბურველი გადააფაროს?

ბელადებმა ხმადაბლა გაიცინეს:

— არა, მბრძანებელო, ამას ძეხორციელი ვერ შეძლებს. მთვარე ადამიანზე ძლიერია. ადამიანს შეუძლია მხოლოდ უცქიროს მას, არავის ძალუბს დაარღვიოს დიდებული მნათობის ზეციური გზა და გეზი.

— შენ ასე ფიქრობ, მე კი გეუბნები, რომ ხვალ შუალამებდე ჩვენი ჯადოქრობის წყალობით, მთვარე ცის ტატნობიდან გაქრება და მიწას წყვდიადი მოიცავს. ამით მიგანიშნებო, რომ იგნოზი კუპუანელთა ქვეყნის ნამდვილ მეფედ მიგვაჩნია. ერწმუნებით ჩვენს ნიშანს?

— დიახ, ჩემო მბრძანებელო, — ღიმილით მითხრა მოხუცმა ბელადმა, დანარჩენებმაც გაიდიმეს და დაგვიდასტურეს, ვერწმუნებითო.

— თუკი ასეა, ჩვენ სამნი: ინკუბუ, ბუგვანი და მაკუმაზანი გიცხადებთ, რომ ხვალ საღამოს შუალამებდე ორი საათით ადრე მთვარეს ჩავაქრობთ, ხომ გესმის, ინფადუს?

— მესმის, ჩემო მბრძანებელო, შენ აპირებ ჩააქრო მთვარე, დედა ჩვენი ქვეყნისა და ისიც მაშინ, როცა გავხებულია და მის სხივებს კაშკაში გაუდის. მაგრამ რასაც ამბობ, საოცარზე საოცარია.

— მიუხედავად ამისა, ჩვენ მას ჩავაქრობთ, ინფადუს.

— კარგი, მბრძანებელო, დღეს მზის ჩასვლის შემდეგ თუალა გაახლებთ ხალხს და ქალწულების ცეკვაზე მოგიწვევთ. ის ასული, რომელსაც თუალა ლამაზთა შორის ულამაზესად მიიჩნევს, ცეკვის დაწყებიდან ერთი საათის შემდეგ უფლისწულმა სკრაგამ უნდა მოკლას. იგი მსხვერპლად უნდა შეეწიროს დაყურსებულებს, აგერ აი იმ მთებს რომ დარაჯობენ, — თქვა და ხელი სამი ჩამოფხავებული მთისაკენ გაიწვდინა. იქ, როგორც უკვე გვითხრეს, სოლომონ მეფის დიდი გზა მთავრდებოდა. — დიახ, ჩემმა მბრძანებლებმა ჩააქრონ მთვარე და გადაარჩინოს ის საბრალო ქალწული, მაშინ ჩვენი ხალხი იწამებს თქვენს ძალას.

— დიახ, — კვერი დაუკრა მოხუცმა ბელადმა, რომელიც ჯერ კიდევ იღიმებოდა, — მაშინ ხალხი თქვენს ძლიერებაში დარწმუნდება.

— ლუკედან ორიოდე მილის დაშორებით არის პატარა გორაკი, რომელიც მოყვანილობით ახალ მთვარეს წააგავს, — განაგრძო ინფადუსმა. — იქ გამაგრებულია ჩემი პოლკი და კიდევ სამი სხვა, რომელთაც ეს ბელადები მეთაურობენ. თუ მბრძანებლები მართლა ჩააქრობენ მთვარეს, მე ბნელში ხელ

ჩავკიდებ მათ, ლუუდან გავიყვან და იმ გორაცამდე მივაცილებ. იქ გულმშვიდად ვიქნებით და თუალასაც იქიდან შემოვუტევთ.

— ძალიან კარგი, — ვუპასუხე, — ახლა კი წადით, გვინდა ცოტა დაგისვენოთ და მისნობისთვის ყველაფერი მოვამზადოთ.

ინფადუსი წამოდგა, დაგვემშვიდობა და ბელადების თანხლებით ქოხიდან გავიდა.

— ჩემო მეგობრებო, — გვითხრა იგნოზიმ, როგორც კი ისინი კარს გასცდნენ. — ნუთუ მართლა შეგიძლიათ ჩააქროთ მთვარე, თუ ამ ხალხს ტყუილი უთხარით?

— ჩვენ ვფიქრობთ, შეგვიძლია, ამბოპა, უკაცრავად, იგნოზი-მეთქი, უნდა მეოქვა.

— საკვირველია, — თქვა ამბოპამ, — თქვენ რომ ინგლისელები არ იყოთ, ამას არ დავიჯერებდი, მაგრამ ინგლისელები ჯენტლმენები არიან და ზედმეტი ლაპარაკი არ უყვართ. თუ ამ ბრძოლებს გადავურჩით, თქვენს ამაგს არ დავივიწყებ.

— იგნოზი, — უთხრა სერ ჰენრიმ, — ერთი რამ უნდა ამისრულო.

— მითხარი, რა გნებავს, ჩემო მეგობარო ინგლიური, — შეაგება ჩვენმა ყოფილმა მსახურმა და გაიღიმა. — რა გინდოდა გეთხოვა?

— აი, რა, თუ მართლა კუკუნელთა მეფე გახდი, აკრძალე მისნების დევნა, ტყუილუბრალოდ ხალხს ნუ დასჯო.

მე ვუთარგმნე ეს სიტყვები იგნოზის. იგი წუთით დაფიქრდა და შემდეგ თქვა:

— შავკანიანების კანონ-სამართალი თეთრი ადამიანების კანონებისაგან განსხვავდება, ინკუბუ! ჩვენ მაინცდამაინც ძვირად არ გვიდიოს სიცოცხლე. მაგრამ მიუხედავად ამისა, პირობას გაძლევ, თუ მალა მეუყო და მისნებზე მონადირე ქალები დავიმორჩილე, მისნების დევნას მოვსპობ და გაუსამართლებლად არც ერთ ადამიანს არ მოვკლავ.

— მჯერა შენი სიტყვა, იგნოზი, ახლა კი, რაკი ეს საკითხი მოვაგვარეთ, მოდით, ცოტა დავისვენოთ, — თქვა სერ ჰენრიმ.

ჩვენ საშინლად დაქანცულები ვიყავით, მაშინვე მაგრად ჩაგვეძინა და დილის ოორმეტ საათამდე ფეხი არ გაგვინდრევია. ოორმეტ საათზე იგნოზიმ გაგვალვიძა. წამოვდექით, ხელ-პირი დავიბანეთ, კარგად ვისაუზმეთ და სასეირნოდ წავედით. სეირნობისას ცნობისწადილით ვათვალიერებდით კუკუნელთა ნაგებობებს და დიდი ინტერესით გაკირდებოდით, როგორ ცხოვრობდნენ, ან რას აკეთებდნენ ქალები.

— იმედი მაქვს, მოვარის დაბნელება მაინც მოხდება, — თქვა სერ ჰენრიმ, როცა შინ ვბრუნდებოდით.

— ეგ რომ არ მოხდეს, განწირულები ვართ, — კუშტად მივუგე მე, — თავი მომჭერით, თუ ამ ბელადებში ვინმემ მაინც არ მიუტანოს მეფეს ამბავი. თუალა ისეთ „დაბნელებას“ გვიჩვენებს, ჯერ რომ არ მოგვლანდებია.

შინ რომ დაგბრუნდით, ვისადილეთ და სადამომდე დარჩენილი დრო სტუმრების მიღება-გასტუმრებას მოვანდომეთ. ზოგი ოფიციალურად მოდიოდა ჩვენ სანახავად, ზოგი კი ისე, უბრალოდ, ცნობისწადილის დასაკმაყოფილებლად.

ბოლოს მზე ჩავიდა. მარტონი დავრჩით და ორი საათი დასვენებას მოვანდომეთ, რამდენადაც ჩვენი შავი ფიქრები და ამდვრეული გუნება-განწყობილება ამის საშუალებას გვაძლევდა. ცხრის ნახევარზე თუალამ მაცნე გგაახლა და ყოველწლიურ ტრადიციულ დღესასწაულზე — ქალწულითა ცეკვაზე მიგვიწვია. ცეკვები მაღე უნდა დაწყებულიყო.

ჩვენ აჩქარებით გადავიცეით მეფის ბოძებული ჯაჭვის პერანგები, წავიდეთ იარაღი და ტყვიები იმ შემთხვევისათვის, თუ მართლა გაქცევა მოგვიხებოდა

და საქმაოდ მხენე ნაბიჯებით გავემართეთ მეფის კრაალისაკენ, თუმცა გულში შიშით ვცახცახებდით. მეფის ქოხის წინ მოედანი გადასხვაფერგბული გვევენა, მჭიდრო რაზმებად ჩამწერივებული მეომრების ნაცვლად აქ ახლა ნორჩი ქალწულები დაგვხვდნენ. უნდა მოგახსენოთ, რომ ყველანი შიშველ-ტიტველნი იყვნენ, თავზე ყოველ მათგანს ყვავილების გვირგვინი ედგა, ცალ ხელში პალმის ტოტი ეჭირათ, მეორეში კი – თეთრი შროშანი.

მოედნის შუაგულში მთვარით გაკაშკაშებულ გაშლილ ადგილას თვით მეფე თუალა წამოჭიმულიყო. ფერხთით გაგულა ეჯდა, მის უკან სკრაბა, ინფადუსი და თორმეტი მცველი. აქვე იყო ოციოდე ბელადი, რომელთა შორის ვიცანი ჩვენი მეგობრებიც, დამით ინფადუსმა ჩვენს ქოხში რომ მოიყვანა.

თუალა გულთბილად მოგვესალმა, კაცს ეგონებოდა, ჩვენი მოსვლა ძალიან გაეხარდაო, მაგრამ შევამჩნიე, რომ ერთადერთი თვალი ავად მიაშტერა ამბოპას.

– სალამი, ვარსკვლავეთის შვილნო! – გვითხრა მან, – დღეს თქვენ სულ სხვა სანახაობა გელით. მეტად განსხვავებული იმისგან, რაც თქვენმა თვალებმა გუშინდელი მთვარის შუქზე იხილა. ქალწულების ჭვრება თვალს ატკბობს და რომ ესენი არა, – აქ თუალამ ირგვლივ მოაგარა გაწვდილი ხელი, – დღეს არც ჩვენ ვიქნებოდით აქ. მაგრამ მამაკაცების ცქერა უფრო სასიამოვნოა. ტკბილია ქალის ხევენა-ალერსი, მაგრამ შუბის წკრიალი და ადამიანის სისხლის სუნი უფრო დამატებობელია. ხომ არ გნებავთ, ჩვენი ქალები ცოლად შეირთოთ, თეთრო ადამიანებო? თუ ასეა, აირჩიეთ ყველაზე ლამაზები, აირჩიეთ, რამდენიც გნებავთ, უარს არავინ გეტყვით.

თქვა და პასუხის მოლოდინში დადუმდა.

ეს წინადადება, რასაკვირველია, სახარბიელო იქნებოდა გუდისათვის, რადგან მას, როგორც საერთოდ მეზღვაურთა უმრავლესობას, ძალიან უყვარს ქალები. მე კი, როგორც ხანდაზმული და გამოცდილი კაცი, წინასწარ ვგრძნობდი, რომ ყველაფერი ეს უამრავ გართულებას და უსიამოვნებას გამოიწვევდა, რაც, სამწუხაროდ, მუდამ დაკავშირებულია ქალებთან.

– მადლობელი ვარო, ჰოი, მეფეო, – სასწრაფოდ შევაგებე მე, – მაგრამ თეთრკანიანები მხოლოდ მათივე მსგავს თეთრკანიან ქალებს თხოულობენ. თქვენი ქალწულნი თუმცა თვალწარმტაცნი არიან, მაგრამ ჩვენთვის არ არიან გაჩენილნი.

მეფემ გაიცინა.

– ძალიან კარგი, – თქვა მან, – იყოს ნება თქვენი, თუმცა ჩვენს ქვეყანაში ამბობენ: რა ფერის პანიც არ უნდა ჰქონდეს ქალს, თვალები მუდამ ეშხით უელავსო. იმასაც იტყვიან ხოლმე, გიყვარდეს ის, ვინც გვერდით გყავს, რადგან ის, ვინც შორს არის, უეჭველად შენი თრგული და მოღალატე იქნებაო. მაგრამ შეიძლება თქვენთან, ვარსკვლავებზე, ეს ასე არ ხდება. იქ, სადაც ადამიანებს თეთრი კანი აქვთ, ყველაფერი მოსალოდნელია. იყოს-მეთქი ნება თქვენი, თეთრკანიანებო. ჩვენი ქალწულები ხევწნა-მუდარას არ დაგიწყებენ, ცოლად გვითხოვთო. ერთხელ კიდევ მოგეხსალმებით ყველას და მათთან ერთად შენც, შავებანიანო. გაგულას გუშინ თავისი რომ გაეტანა, ახლა უკვე მკვდარი და გაშეშებული ეგდებოდი სადმე. ბედი შენი, რომ ვარსკვლავეთიდან ჩამოხვედი, პა, პა!

– ჰოი, მეფეო, შენ ჩემზე ადრე გაგაშეშებს სიკვდილი, მზეს დაგიბნელებ, თუ იფიქრე, ჩემზე ხელი აღმართო.

თუალა შეკრთა.

– გაბედულად ლაპარაკობ, ჭაბუკო, – გაბრაზებით თქვა მან, – მიფრთხილდი-მეთქი, შორს ნუ შესტოპავ!

— მართლის მოქმედს შეუძლია გაბედული იყოს, სიმართლე და ჭეშმარიტება მტრელი დაშნაა და იგი მიზანს არასოდეს ასცდება; უკრად იღე ვარსკვლავეთის შვილთა გაფრთხილება, პო, მეფეო!

თუალამ მრისხანედ შეპყარა წარბები და ამბობას გააფთრებით გადახედა, მაგრამ თქმით არაფერი უთქვაშს.

— დაიწყეთ ცეკვები! — ბრძანა მან.

მოედნის შუაგულში იმწამსვე გამოცვივდნენ უვავილწნულებით მორთული მოცეკვავე ქალები. ისინი მელოდიურად მღეროდნენ და მთვარის სევდიან, ნაზ შუქჩე სხვა სამყაროდან ჩამოსულ უსისხლხორცო, ჰაეროვან არსებებს წააგავდნენ. ნარნარად არხევდნენ ტანს, ხან ნელა, ხან კი თავბრუდამხვევი სისწრაფით ტრიალებდნენ, წუთით გვიახლოვდებოდნენ, მერე გვშორდებოდნენ და სხვა მხარეს მიქროდნენ. უოველი მათი მოძრაობა მაყურებელთა აღტაცებას იწვევდა. უეცრად ცეკვა შეწყდა, მოცეკვავეთა ჯგუფს გამოუყო ძალზე ლამაზი ახალგაზრდა ქალი. იგი ჩვენ წინ დადგა და მომხიბელელად, ნარნარად დაიწყო ცეკვა. კარგა ხნის შემდეგ დაღლილ-დაქანცული უკან გაბრუნდა, იგი მეორე მოცეკვავემ შეცვალა. ქალწულები რიგ-რიგობით გამოდიოდნენ საცეკვაოდ, მაგრამ ვერც ერთი მათგანი ვერ შეედრებოდა პირველ მოცეკვავეს ვერც სიტურფე-სინარნარით და ვერც ცეკვით.

როცა ლამაზმანებმა ცეკვა დაასრულეს, თუალამ ხელი ასწია და გვითხრა:

— რომელია ამ ქალწულთა შორის ულამაზესი, თეთრო ადამიანებო?

— რასაკვირველია, პირველი, — უნებლიერ აღმომხდა მე, მაგრამ მაშინვე ენაზე ვიკინე, — გამახსენდა ინფადუსის ნათქვამი: ყველაზე ლამაზ ქალწულ დაყურსებულებს მსხვერპლად შესწირავენ.

— მართალი ხარ, შენი აზრი — ჩემი აზრია, ჩემი თვალები, შენი თვალებია, გეთანხმები, ის ყველაზე ლამაზია, მაგრამ, მიუხედავად ამისა, უნდა მოკვდეს.

— დიახ, უნდა მოკვდეს, — ეხოსავით ამოიკნავლა გაგულამ და ქორივით გადახედა საბრალო მსხვერპლს. ქალმა არ იცოდა, რა საშინელება ელოდა, ჩვენგან ათიოდე იარღის დაშორებით ტოლ-მეგობრებში ჩამდგარიყო და გვირგვინს ნერვულად აწყვეტდა უვავილებს.

— რატომ, რატომ უნდა მოკვდეს, პო, მეფეო? — წამოვიძახე მე, თან გულისწყრომას ძლივს ვიოკებდი, — მაგ გოგონამ ისე მშვენივრად იცეკვა და იმდენი სიამოგნება მოგვანიჭა! შეხედე რა ლამაზია, რა დაგიშავა, რისოვის უნდა მოუსწრაფო სიცოცხლე ასე შეუბრალებლად?

თუალამ გაიცინა.

— ასეთია ჩვენი წესი. ქვის ქანდაკებებმა, იქ რომ სხედან, — თქვა და ხელი სამი მწერვალისაკენ გაიწვდინა, — უნდა მიიღონ კუთვნილი. დღეს ყველაზე ლამაზი ქალწული რომ არ მოვკლა, მეც და მთელ ჩემს საგვარეულოს უბედურება დაგვატყდება თავს. აი, რას ამბობს ხალხი: „თუ ცეკვებისთვის დათქმულ დღეს მეფე მსხვერპლად არ შესწირავს ულამაზეს ქალწულს სამ დაყურსებულს, მთებში გუშაგად რომ დგას, მაშინ ისიც მოკვდება და სამეფო სახლიც დაიშლება. მისმინეთ, რას გეტვით, თეთრო ადამიანებო: ჩემი ძმა, რომელიც ჩემზე ადრე მართავდა ქვეყანას, უარს ამბობდა მსხვერპლის შეწირვაზე, რაღან ქალის ცრემლს ვერ იტანდა. პოდა, თვითონ მოკვდა, მისი სამეფო სახლი დაეცა და, როგორც ხედავთ, ახლა ქვეყანას მის ნაცვლად მე განგვაგებ. მაგრამ კმარა, — უცებ შეცყვირა მან, — ეს ქალი უნდა მოკვდეს, მოიყვანეთ აქ! — უბრძანა მან მცველებს, — შენ კი, სკრაგა, შუბი მოამზადე!

ორი მამაკაცი წინ წამოდგა და ქალწულისკენ გაემართა. საბრალო მაშინდა მიხვდა, რაც ელოდა. ხმამაღლა შეპყვირა, გაქცევა დააპირა, მაგრამ მცველებმა მაგრად ჩასჭიდეს ხელი და ჩვენთან მოიყვანეს, თუმცა იგი ტიროდა და უძალიანდებოდა.

— რა გქვია, ასულო? — დაიწრიპინა გაგულამ, — პასუხესაც არ იძლევი? თუ გნებავს, უფლისწულმა ახლავე მოგკლას?

ამ სიტყვების გაგონებაზე სკრაგამ ბოროტად ჩაიცინა, ერთი ნაბიჯით წინ წაიწია და შუბი აღმართა. გუდმა უნებლიერ რევოლუციურზე გაივლო ხელი. თუმცა ქალწულს თვალები ცრემლებით ჰქონდა სავსე, მაინც არ გამოჰქონდა ფოლადის მკრთალი ციმციმი. ახლა იგი უკვე აღარ უძალიანდებოდა მცველებს, ერთ ადგილას გაშეშებულიყო და ციებიანივით ცახცახებდა.

— შეხედეთ, ამ პატარა სათამაშოს დანახვაზე როგორ აცახცახდა! — აღტაცებით შეცყვირა სკრაგამ და შუბი ხელში შეათამაშა.

ამ დროს მომესმა გუდის ბუტბუტი:

— როგორც კი შემთხვევა მომეცემა, ასკეცად გაზღვევინებ ყველაფერს, შე არამზადავ, გარეწარო!

— ჰოდა, ახლა რაკი დამშვიდდი, შენი სახელიც გვითხარი, ჩემო კარგო, — მზაკვრული ღიმილით ეუბნებოდა გაგულა ქალწულს, — ჲო, თქვი, ნუ გეშინია.

— ოჲ, დედილო, — მოგუდული ხმით თქვა საბრალომ, — მე სუკოს სახლიდან ვარ. ფულატა მქვია. მითხარი, რისთვის უნდა მოგკვდე, მე ხომ არაფერი დამიშავებია!

— დამშვიდდი, — დვარძლიანი ღიმილით განაგრძო დედაბერმა, — შენ უნდა მსხვერპლად შეეწირო დაყურებულებს, იქ, მთებში რომ სხედან. დიახ, უნდა მოგკვდე! დღედაღამ შრომასა და ოფლის ღვრას განა არ გიჯობს საუკუნო ძილით განისვანო? დამიჯერე, სიკვდილი სიცოცხლეზე სანატრელია. გარდა ამისა, შენ თვით მეფისწულის ხელით მოკვდები.

ფულატა ტიროდა და სახოწარკვეთილი ხელებს იმტკრევდა.

— ოჲ, შეუბრალებლებო, მე ხომ ასე ახალგაზრდა ვარ, რატომ უნდა მოგკვდე? ნუთუ ვეღარასოდეს ვიხილავ, როგორ ფანტაგს მზის სხივები წყვდიადს, ან როგორ ინთება ვარსკვლავები ცის ტატნობზე? ვეღარ მოვისმენ ნაკადულის ლიკლიკს. ვაი მე უბედურს, ვეღარ ვნახავ ჩვენს ქოხს, ვეღარ ვიგრძნობ დედის ალერსს, ვეღარ მოვუვლი ჩემს დაგარდნილ ბეკეკას, ვაიმე და ვაგლას მე! სატრფო ვეღარ შემომხვევს წელზე ხელს, ვერ ჩამხედავს თვალებში. ვერასოდეს გავხდები დედა მეომრისა. ოჲ, ულმობელნო! შეუბრალებელნო!

ფულატა კვლავ მოჰყვა ხელების მტკრევას და ცრემლით დალტობილი სახე ცისკენ აღაპყრო.

ოჲ, რა საოცრად ლამაზი მეჩვენა ეს საბრალო განწირული გოგონა. დარწმუნებული ვარ, ამ სამ ღემონზე ოდნავ უფრო გულმოწყალე ადამიანი უსათუოდ შეიბრალებდა მას.

მე ვფიქრობ, პრინცი არტური ისევე გულმხურვალედ შესთხოვდა პატიებას არამზადებს, რომელთაც მისი დაბრმავება ეწადათ, როგორც ეს ველური გოგონა ავედრებდა თავის სიცოცხლეს ამ ჯალათებს.

მაგრამ საბრალო ქალის ხეეწნა-მუდარას არავითარი გავლენა არ მოუხდებია არც გაგულაზე და არც მის გულშავ ბატონზე, თუმცა სარდლებისა და მცველთა სახეებზე სიბრალულის მსგავსი რადაც ამოვიკითხე. გუდი კბილებს აკრაჭუნებდა, ძლივს იოკებდა გულისწყრომას, ბოლოს ვეღარ მოითმინა და წამოხტა. ფულატა ქალებისათვის ჩვეული გამჭრიახობით მიხვდა, რაც ხდებოდა ამ კაცის გულში, გუდის წინ მუხლებზე დაეცა და „მშვენიერ თეთრ ფეხებზე“ მოეხვია.

— ოჲ, შორეული ვარსკვლავეთიდან მოსულო თეთრო ადამიანო, გადამაფარე შენი მფარველი კალთა, მისესწი ამ მტარგალთაგან.

— კარგი, ჩემო ძვირფასო, შენს თავს არავის დავაჩაგვრინებ, ადექი, ადექი და დამშვიდდი, — აღელვებით უთხრა გუდმა ინგლისურად, თან დაიხარა და ხელში ხელი ჩავლო.

თუალამ უკან მიიხედა, ამ ნიშანზე სკრაგა შუბშემართული წამოდგა წინ.

- რადას უცდით, დროა დავიწყოთ, – ჩამჩურჩულა სერ პენრიძ.
- დაბნელებას ველოდები, – ვუპასუხე მე, – ნახევარი საათია თვალს არ ვაცილებ მთვარეს, ჩემს ცხოვრებაში არ მახსოვს, ასე ეკაშკაშოს.
- სულ ერთია, უნდა გავტედოთ, ახლავე, დაუყოვნებლივ, თორემ ამ გოგოს მოკლავენ, თუალას მოთმინება ეკარგება.

არ შემეძლო არ დავთანხმებოდი სერ პენრის, მაგრამ ვიდრე მოქმედებას დავიწყებდი, ერთხელ კიდევ ავხედე ქაშკაშა მთვარეს, მერე წინ წავიწიუ და მიწაზე განრთხმულ ქალსა და სკრაგას შემართულ შუბს შორის გამარჯვებული იერით ჩავდექი.

- მეფეო, – წარმოვთქვი, – ეს არ მოხდება, უფლებას არ მოგცემო, ეს ქალწული მოკლა! გაათავისუფლე, დაუ, წავიდეს თავისი გზით.

თუალა გააფორებული წამოხტა. სარდლებს შორის გაოცების ჩურჩული გაისმა. ჩურჩული გაჰყვა ქალწულთა მჭიდრო რიგებს, გაუბედავი მოკრძალებით რომ გვერტყმოდნენ გარს და ძრწოლვით ელოდნენ ამ საზარელი ტრაგედიის დასასრულს.

- ეს არ მოხდებაო! თეთრკანიანო ძაღლო, როგორ ბედავ შეპყეფო ლომს მის საგუთარ ბუნაგში? მაშ, არ მოხდება, პა? იქნებ შეიშალე? უფრთხილდი, შენც ამ ქალის ბედი არ გეწიოს, შენც და იმათაც, შენთან ერთად რომ მოეხეტნენ აქ გგონია, ძალა შეგწევს გადაარჩინო ეგ ქალიცა და შენი ტყავიც? ვინა ბრძანდები, წინააღმდეგობას რომ მიბედავ? ჩამომეცალე გზიდან, ჩამომეცალე-მეთქი, გეჟბნები. სკრაგა, მოჰკალ შენი მსხვერპლი! პე, მცველებო, შებოჭეთ ეს ხალხი!

ქოხის უკან მიმალული რამდენიმე მეომარი სწრაფად გამოქანდა ჩვენკენ, ეტყობოდა, ისინი წინასწარ მოეყვანათ აქ.

სერ პენრი, გუდი და ამბობა გვერდში ამომიდგნენ და თოვები მოამზადეს.

- შეჩერდით, – მრისხანედ შევევირე მე, თუმცა სიმართლე რომ ვთქვა, შიშით სული აღარ მედგა. – შეჩერდით-მეთქი! ჩვენ, ვარსკვლავეთიდან მოსული ადამიანები, კიდევ ვიმეორებთ, რომ ეს არ მოხდება! ამიერიდან ამ ქალწულს ჩვენ ვუწევთ მფარველობას. იცოდეთ, ერთი ნაბიჯიც რომ წამოდგათ წინ, მთვარეს ჩაგაქრობთ და დედამიწას ბნელით შევმოსავთ. აბა, გაბედეთ ურჩობა, ნახავთ, თუ სანაებლად არ გაგიხდით საქმეს.

ჩემმა მუქარამ გასჭრა. მცველებმა უკან დაიხიეს, სკრაგა კი შუბშემართული გაშეშდა.

- ერთი უსმინეთ ამ ცრუპენტელას, სანთელივით უპირებს მთვარეს ჩაქრობას! – წამოიქავლა გაგულამ, – აბა ჩაქროს, ჩააქროს და მაშინ შეიძლება შევიწყალოთ ეგ ქალწული, დიახ, დიახ, ან ჩაქროს ან მოკვდეს, მოკვდეს მის მეგობრებთან ერთად.

სახოწარკვეთილმა მაღლა ავიხედე. პო, ბედნიერებავ! უზარმაზარი ქაშკაშა დისკოს კიდეზე მსუბუქი რამ ჩრდილი დავინახე, მთვარის ზედაპირიც ოდნავ მქრქალი მეჩვენა. მაშ გუდის კალენდარმა არ გვიმტყუნა. ჩემს სიხარულს საზღვარი არ ჰქონდა.

მე ერთი ყოფით აღვაპყარი ხელები ცისკენ და ინგოლძბის ლეგენდებიდან რამდენიმე სტროფი წარმოვთქვი. სერ პენრიძ და გუდმაც მომბაძეს. სერ პენრიძ ხმამაღლა და დამაჯერებლად თქვა რამდენიმე სტროფი ძველი აღთქმიდან, გუდი კი დამის მეუფეს უსასრულო ლანძღვა-გინებით გაუმასპინძლდა.

მთვარის კაშკაშა ზედაპირს ნელ-ნელა გადაეფარა ჩრდილი. ხალხში გაოცებისა და შიშის შეძახილები გაისმა.

- შეხედე, პო, მეფეო, – დავივირე მე, – უცქირე, გაგულა, უცქირეთ თქვენც, ბელადებო, მეომრებო, ქალწულებო, მითხარით, შევასრულეთ თუ არა

ჩვენი სიტყვა? მოვარე თვალდათვალ ქრება. მალე წყვდიადი ჩამოწვება, დიახ, წყვდიადი ჩამოწვება და მერე როდის? როცა ცაზე სავსე მოვარე კაშკაშებს. თქვენ სასწაულს მოითხოვდით, აჲა, სასწაულიც! დაიგხე და დანელდი, მოვარეებ! ჩაქრე შენი შუქი ზეციერო მნათობო, ქედი მოახრევინე ამაყ პუკუანელებს, უპუნი მოჰვინე ქვეყანას!

ხალხმა გულშემზარავად შეკლრიალა. ზოგი ზარდაცემული იქვე გაშეშდა, ზოგი ხმამაღალი მოთქმა-გოდებით დაეცა მიწაზე, თუალა შიშისაგან გაქვავდა, ენა ვედარ დაძრა, მიუხედავად მისი შავი კანისა, შევამნივ, რომ სახეზე მკვდრის ფერი დაედო. მხოლოდ გაგულა იყო მშვიდად.

— ჩრდილი გადაივლის! — გაპკიოდა იგი, — ნუ გეშინიათ, ჩემს ცხოვრებაში ასეთი რამ ბევრჯერ მინახავს. ადამიანს არ ძალუმს მოვარის ჩაქრობა. არ შეშინდეთ, სულით ნუ დაეცემით, ეს გაივლის, გაივლის-მეთქი, გეუბნებით!

— ჯერ სადა ბრძანდებით, მოიცათ, კიდევ ბევრს ნახავთ, — გავყვიროდი პასუხად და აღელვებული ერთ ადგილზე ვხტოდი, — „ოჲ, მოვარევ, მოვარევ, რამ გშობა ეგზომ ცივი და მერყვი“, — განვაგრძე ისევ, ეს შესანიშნავი, სწორედ შესაფერისი სიტყვები ვისესხე ერთი ძალზე პოპულარული რომანიდან, შემთხვევით სადღაც რომ ჩამივარდა ხელში. ახლა, როცა იმ დროს ვიგონებ, ვფიქრობ, ჩემი მხრივ ძალიან დიდი უმაღურობა იყო, ცის მეუფეს ისე რომ ვამცირებდი. იმ სადამოს მოვარემ დაგვიმტკიცა, რომ ჩვენი ერთგული მეგობარი იყო და, ბოლოს და ბოლოს, რაში მეკითხებოდა, როგორ მოიქცა რომანში ვიდაც შეყვარებულის მიმართ! ერთ- ხანს კიდევ გავყვიროდი ასე, მერე კაპიტანს მივუბრუნდი:

— აბა ახლა კი თქვენ უნდა განაგრძოთ, გუდ, მე აღარც ერთი ლექსი ადარ მახსოვს, ისევ ლანძღვა-გინება უნდა მოიშველიოთ, მეგობარო!

გუდი დიდი სიამოვნებით დამეთანხმა. არასოდეს არ მეგონა, რომ საზღვაო ოფიცერს ასე ოსტატურად შეეძლო გინება, არც ის ვიცოდი აქამდე, რა უსაზღვრო იყო გუდის ნიჭი და უნარი ამ დარგში. მთელი ათი წელის განმავლობაში სულმოუთქმელად იგინებოდა, ამასთან, ნათქვამი ერთხელაც არ გაუმეორებია.

ამასობაში შავი ლაქა თანდათანობით გადაეფარა მოვარეს. ეს ამოდენა ხალხი სრულ მდუმარებაში მოჯადობულივით გასცეკროდა ცას. ვერც ერთს ვერ მოეცილებინა თვალი ამ უცნაური სანახაობისათვის. საზარელი ჩრდილები კი ნოქავდნენ მოვარის შუქს. ავისმომასწავებელი დუმილი გამეფდა, თითქოს ირგვლივ ყველაფერს სიკვდილის სუნთქვა შეხებოდეს. ამ სიჩუმეში, ამ საოცარ დუმილში დრო ნელა მიიზლაზნებოდა. ბნელი მედიდურად და შეუბრალებლად ავსებდა მოვარის კრატერებს. გეგონებოდათ, ეს უზარმაზარი მკრთალი ბურთი მიწას მიუახლოვდა და კიდევ უფრო გადიდდათ. მოვარეს სპილენძისფერი გადაეკრა. მერე მისი განათებული ნაწილიც განაცრისფრდა და ბოლოს, სრული დაბნელების წინ, დისკოს მეტამული ნისლი აცრიატდა. ნელ-ნელა მიცოცავდა წინ და წყვდიადი მატულობდა. ძლივსლა ვარჩევდით ჩვენ გვერდით გამმჭინვარებულ სახეებს. ხალხი ხმას არ იღებდა. გუდმაც შეწყვიტა ლანძღვა-გინება.

— მოვარე კვდება, თეთრმა ჯადოქრებმა მოკლეს მოვარე, — უეცრად ხმამაღლა შეჰყვირა სკრაგამ, — ყველანი დავიღუპებით ამ უპუნეთში!

ვერ გეტყვით, ბრაზი მოერია თუ შიშმა აიძულა; ან იქნებ, ერთიც იყო და მეორეც, სკრაგამ შუბი მოიქნია და სერ პენრის მთელი ძალით გვერდში აძგერა. საბედნიეროდ, სამივეს გვეცვა ჯაჭვის პერანგები, მეფემ რომ გვიბომა, მაგრამ სკრაგას ეს საიდან უნდა სცოდნოდა!

შუბი ასხლტა ისე, რომ სერ პენრისთვის კანიც არ გაჟკაწრავს. ვიდრე სკრაგა მეორედ აღმართავდა ხელს, კურტისმა შუბი წაგლიჯა და მკერდი შუაზე გაუპო. უფლისწული უსულოდ დაეცა ძირს.

ამის დანახვაზე ქალწულები, რომლებიც ისედაც გულგახეთქილები იყვნენ მით, რომ საზარელმა ჩრდილმა შთანთქა მთვარე და წყვდიადი გამეფდა, წივილ-კივილით გაცვივდნენ კრაალის კარისკენ. მაგრამ მარტო ისინი როდი აიტანა შიშმა. მეფე თუალაც მცველებისა და რამდენიმე სარდლის თანხლებით ქოხებისკენ გაიქცა. გაგულაც არაჩვეულებრივი სისწრაფით გახანხალდა მათ უგან.

წუთიც და, მოედანი დაცარიელდა. დავრჩით მხოლოდ ჩვენ სამნი, ინფადუსი, ფულატა და ბელადები, წუხელ ქოხში რომ გვესტუმრნენ. იქვე ეგდო თუალას მემკვიდრის, სკრაგას უსულო გვამიც.

— სარდლებო, — ხმამაღლა ვთქვი მე, — ჩვენ მოვახდინეთ სასწაული. თუ კმაყოფილები ხართ, დაუყოვნებლივ უნდა დაგტოვოთ ლუჟ და გავიქცეთ იმ გორაკისკენ, თქვენ რომ გვეუბნებოდით. ჩვენი ჯადო კიდევ საათსა და ნახევარს იმოქმედებს, მისი შეწყვეტა ახლა არაფრით შეგვიძლია, ვისარგებლოთ წყვდიადითა და გავიქცეთ.

— წავიდეთ, — შესძახა ინფადუსმა და კრაალის კარისკენ გაემართა. მას მოკრძალებით მიჟყვნენ ბელადები და ფულატა, რომელიც გუდს ხელჩაკიდებული მოჰყავდა.

კართან მისვლაც ვერ მოვასწარით, რომ მოვარე სავსებით გაქრა. კუპრივით ბნელ ცაზე ერთიმეორის მიყოლებით აინთო ვარსკვლავები. ჩვენ ერთმანეთს ხელი ჩავკიდეთ და ნელა, ბორძიკით მივჟევით წყვდიადს.

## თ ა ვ ი X I I

### ბ რ ძ მ ლ ი ს წ ი ნ

ჩვენდა საბედნიეროდ, ინფადუსი და სარდლები კარგად იცნობდნენ ყოველ ბილიქს. ამიტომ იყო, რომ მიუხედავად ლუსკუმი დამისა, შედარებით სწრაფად მივიწვდით წინ.

საათზე მეტი ვიარეთ ასე. ბოლოს მოვარის ის კიდე, რომელიც ყველაზე ადრე შთანთქა ბნელმა, ხელ-ნელა განათდა. უცებ ვერცხლისფერმა სხივმა გაპეტო წყვდიადი და მასთან ერთად გამორჩდა ალივით წითელი საოცარი ათინათი, რომელმაც უშუქარ ცაზე კაშკაშა ლამპარივით გაიციაგა. ეს რაღაც უზებელო და, ამასთან ერთად, ჭეშმარიტად დიდებული სურათი იყო. ხუთიოდე წუთის შემდეგ ვარსკვლავები გაფერმკრთალდა და იმდენად განათდა, რომ თვალი უკვე კარგად ხედავდა ყველაფერს. აღმოჩნდა, რომ ქალაქ ლუჟს გავცელენდით და ვუახლოვდებოდით ბრტყელმწვერვალიან დიდ გორაკს. ეს გორაკი სამხრეთ აფრიკის ჩვეულებრივ წარმონაქმნს წარმოადგენდა. მისი სიმაღლე ასე, ორასიოდე ფუტი, იქნებოდა, მაგრამ ქვა-ღორღით მოვენილი ფერდობები საკმაოდ დაქანებული ჰქონდა. გორაკი ნალისებური მოვანილობისა იყო. ინფადუსმა ბალახით დაფარულ პლატოზე მიგვითოთა და გვითხრა, აქ სამხედრო ბანაკებია განლაგებულიო. ჩვეულებრივ, თურმე იქ სამი ათასი კაცი ეყენა, მაგრამ როცა ციცაბო ფერდობზე დიდი გაჭირვებით აგცოცდით, ახლად გამოჩენილ მთვარის შუქზე დავინახეთ, რომ პლატოზე რამდენიმე პოლკს მოექარა თავი, ხალხისაგან ტევა აღარსად იყო. მეომრები შიშით ცახცახებდნენ.

ბუნების უცნაურ მოვლენას ძილი გაეფრთხო მათთვის, ახლა გროვა-გროვად იღენენ და გულგახეთქილები მოვარეს შეპყურებდნენ.

უხმოდ გავიარეთ მათ შორის და მივუახლოვდით ქოხს, პლატოს ცენტრში რომ იდგა. როგორ გაგვიკვირდა, როცა დავინახეთ, რომ იქ გველოდა ორი კაცი, დატვირთული ჩვენი ბარგიბარხანით, რომელიც, რასაკვირველია, ბედის ანაბარა მივატოვეთ, როცა აქეთ გამოვრბოდით.

— თქვენი ნივთები მოვატანინე. ესეც თან წამოიღეს, — გვითხრა ინფადუსმა და გუდს დიდი ხნის წინათ დაკარგული შარვალი დაანახვა.

გუდი აღტაცებული გაქანდა მოხუცი მეომრისაკენ, შარვალი ჩამოართვა და ჩაცმას შეუდგა.

— ნუთუ ჩემს მბრძანებელს ნებავს, დაფაროს ჩვენს თვალთაგან თავისი მშვენიერი თეთრი ფეხები? — სინანულით წამოიძახა ინფადუსმა.

მაგრამ გუდი ჯიუტად განაგრძობდა ჩაცმას და „მისმა მშვენიერმა თეთრმა ფეხებმა“ უკანასკნელად გაიელვა კუპუანელების თვალთა წინაშე.

გუდი ძალზე თავმდაბალი ადამიანია. ამის შემდეგ კუპუანელები მხოლოდ მისი ცალი ბაკენბარდის, გამჭვირვალე თვალისა და მოძრავი კბილების ცქერით უნდა დაკმაყოფილებულიყვნენ.

ინფადუსი ერთხანს უსიტყვოდ შესცეკეროდა გუდს, მისი მზერა ადასტურებდა, რომ ეს კაცი წარსულის ნეტარ მოგონებებში ჩაძირულიყო. მერე შარვალს თვალი მოსწყვიტა და გვითხრა, ბრძანება გავეცი, ინათებს თუ არა, პოლკები ერთად შეპყარონ, რათა მეგობრებს შევატყობინოთ, რა მიზნით აწყობენ აჯანყებას ბელადები და ტახტის კანონიერი მემკვიდრე — იგნოზი წარვუდგინოთო.

როგორც კი მზე ამოვიდა, ოცი ათასამდე მეომარი — კუპუანელთა ჯარის საუკეთესო ნაწილი — ფართო პლატოზე შეიკრიბა და მჭიდრო რაზმებად დაეწყო. დიდებული სანახაობა იყო. ჩვენ მათ წინ დავდექით, ირგვლივ მეთაურები და ბელადები გვერტყმოდნენ.

როცა სრული სიჩუმე ჩამოვარდა, ინფადუსმა სიტყვით მიმართა მეომრებს. როგორც ყველა წარჩინებული კუპუანელი, ბუნებით ისიც შესანიშნავი ორატორი იყო; მოქარგული ენით გააცნო შეკრებილთ იგნოზის მამის ამბავი, მოუყვა და გაახსენა ხალხს, რა მუხანათურად მოკლა იგი თუალამ, როგორ გააძევა და სასიკვდილოდ გასწირა მისი ცოლი და ვაჟიშვილი, მერე აწმეოს დაუბრუნდა; კუპუანელთა ქვეყანა თუალას უდელქვეშ გმინავს და იტანჯებაო. მაგალითად დაასახელა წინა დამის შემთხვევა, როცა ხალხის საუკეთესო შვილებს დალატი დასწამეს და საზარელი სიკვდილით დახოცეს. თეთრმა ადამიანებმა ვარსკვლავეთიდან დაინახეს, რა ყოფაში იყო ხალხი, გაწირეს თავი და გადაწყვიტეს, ჩვენი ხვედრი შეემსუბუქებინათ. მონახეს სამშობლოდან გადახვეწილი ტახტის კანონიერი მემკვიდრე — იგნოზი, ხელი ჩაჰებული და მთები გადმოაზარეს. აქ საკუთარი თვალით იხილეს, რას ჩადიოდა თუალა და, რომ დაერწმუნებინათ ორჭოფი და მერყევი ხალხი და გადაერჩინათ საბრალო ფულატა, თავისი ჯადოსნობით ჩააქრეს მთვარე და მეფისწული სკრაბა მოკლეს. თეთრები კუპუანელების მეგობრები არიან და სურვილი აქვთ, დაეხმარონ ხალხს, ჩამოაგდონ თუალა და ტახტზე აიყვანონ კანონიერი მემკვიდრე იგნოზი, რომელიც სამშობლოდან მუხანათურად გააძევეს.

ინფადუსმა სიტყვა დაასრულა, ირგვლივ ჩურჩული გაისმა. სწორედ ამ დროს წინ წამოდგა იგნოზი. მანაც გაიმეორა ინფადუსის ნათქვამი და თავისი მჭექარე სიტყვა შემდეგნაირად დაასრულა:

— პოი, მეთაურებო, ბელადნო, პოი, ხალხო! თქვენ მოისმინეთ ჩემი სიტყვები, ახლა არჩევანი თქვენზეა — ან მე, ან ის კაცი, ჩემს ტახტზე რომ ზის. თუალამ მოკლა დვიძლი ძმა და გააძევა ძმისწული, რომ იგი შიმშილით სადმე

ჩამკვდარიყო. თქვენი მეთაურები და ბელადები გეტყვიან, მართლა მეფე ვარ თუ არა, მათ ვაჩვენე სამეფო ნიშანი – წმიდა გველის გამოსახულება. მეფე რომ არ ვიყო, განა ეს თეთრი ადამიანები, რომლებიც ჯადოსნობის ყველა საიდუმლოს ფლობენ, მე მომებმარებოდნენ? ძრწოდეთ მეთაურნო, ძრწოდეთ ბელადნო და მეომრებო, ძრწოდეთ ხალხო! განა დაგავიწყდათ, როგორ მოპფინეს წყვდიადი დედამიწას თეთრმა ადამიანებმა? განა ის ბელი ჯერაც თვალწინ არ გიდგათ?

– შენ მართალი ხარ! – იგრგვინეს მეომრებმა.

– მე თქვენი მეფე ვარ, გეუბნებით, მეფე ვარ-მეთქი თქვენი! – განაგრძო იგნოზიმ, წელში გაიმართა და ფართოპირიანი საბრძოლო ნაჯახი თავს ზემოთ პაერში დაატრიალა. – თუ არის თქვენს შორის ადამიანი, რომელსაც არ სჯერა ეს, დამენახოს, წინ წამოდგეს, რომ მზე დავუბნელო. მის მიერ დანოხეული მეწამული სისხლი იყოს სამხილი იმისა, რომ სიმართლეს გეუბნებით; წინ წამოდგეს-მეთქი, გიმუროებო! – იგნოზიმ ერთხელ კიდევ შეათამაშა თავისი უზარმაზარი ნაჯახი, რომელიც მზის სხივებზე ვერცხლისფრად ლაპლაპებდა.

რადგან ხალხში არ აღმოჩნდა მსურველი, გამოხმაურებოდა გმირულ გარიანტს ცნობილი სიმღერისა „აბა გამო დილი, თუ გინდა სიკვდილი“, ჩვენმა ყოფილმა მსახურმა ისევ დიდის ამბით განაგრძო თავისი სეფე სიტყვა!

– მე თქვენი ჭეშმარიტი მეფე ვარ, ჭეშმარიტი და ერთადერთი. თუ ჩემთან ერთად იბრძოლებთ, გამარჯვება და დიდება გელით; მე მოგცემთ ხარებს, მოგცემთ ცოლებს, თქვენ დაიკავებთ საპატიო ადგილს ჩემს ჯარში. თუ თქვენ ამ ბრძოლაში დალუპვა გიწერიათ, მეც თქვენთან ერთად დავიღუპები. ვიცს ვდებ, რომ ჩემი ტახტზე ასვლის შემდეგ შეწყდება უსამართლო სისხლისღვრა და მკვლელობა, მისნებზე მონადირე ქალები აღარ დაუწეუბენ ძებნას უდანაშაულო ადამიანებს, რათა ისინი სრულიად უმიზეზოდ გამოასალმონ წუთისოფელს, არც ერთი კაცი არ მოკვდება გაუსამართლებლად, მოძალადური სიკვდილით, თუნდაც დამნაშავე იყოს. ადარავინ გამოგყრით თქვენი კრაალებიდან, ყველა თქვენგანი მშვიდად იცხოვრებს საკუთარ ქოხში, მშვიდად იმინებს, შიში აღარაფრისა ექნება. ჩვენს მიწაზე მართლმსაჯულება გამეფდება. როგორია თქვენი არჩევანი, ბელადებო, მეომრებო და ხალხო?

– დიახ, მეფეო!

– ძალიან კარგი, ახლა მიბრძანდით და დაინახეთ, როგორ მიიჩერიან თუალას გზირები ქალაქიდან აღმოსავლეთით, ჩრდილოეთითა და სამხრეთით, რომ ჯარები შეჰყარონ და ცოცხლად დაგვფლითონ მეც, თქვენც და, ჩვენთან ერთად, ჩემი თეთრი მეგობრებიცა და დამცემელებიც. ხვალ ან ზეგ თუალა მოვა აქ თავის ერთგულ ხალხთან ერთად, მაშინ შევძლებ გავარკვიო, ვინ არის თქვენს შორის ჩემი ერთგული, ვის არ ეშინია, მოკვდეს სიმართლისათვის ბრძოლაში. სიტყვას გაძლიერო, არ დაგივიწყებო ამაგს, ნადავლის გაყოფის დრო რომ დაგვიდგება. მე ვთქვი სათქმელი, ჰო, მეთაურებო, ბელადებო, მეომრებო და ხალხნო, ახლა კი წადით და ბრძოლისათვის მოემზადეთ.

ჩამოვარდა სიჩუმე, მერე ერთ-ერთმა მეთაურმა ხელი ასწია და გაისმა სამეფო მისალმება „კუუმ! კუუმ! კუუმ!“ ეს იყო ნიშანი იმისა, რომ მეომრებმა იგნოზი თავის მეფედ სცნეს.

ნახევარი საათის შემდეგ ჩვენ სამხედრო საბჭო მოვიწყიეთ, საბჭოს პოლკების ყველა მეთაური ესწრებოდა. ცხადზე უცხადესი იყო, რომ სულ მალე თუალას მრავალრიცხვოვანი ჯარი შემოგვიტევდა. მართლაც, აქედან ვხედავდით, როგორ უყრიდნენ თავს ჯარებს და როგორ გარბოდნენ მალემსრბოლები ლუუდან ყველა მიმართულებით, ალბათ იმიტომ, რომ მეფის დასახმარებლად რაც შეიძლება დიდი ჯარი შეეგროვებინათ. ჩვენ გვეავდა ოცი ათასი კაცი, რომელიც შვიდ პოლკს შეადუნდა. ინფადუსისა და მეთაურების გამოთვლით, თუალას ლუუში ეყოლებოდა ოცდაათი-ოცდაოთხმეტი ათასი მეომარი. გარდა

ამისა, მათი ვარაუდით, თუალას მეორე დღეს შუადღემდე შეეძლო დამატებით შეეკრიბა არა ნაკლებ ხუთი ათასი კაცისა. შესაძლებელი იყო, ჯარის ნაწილს ედალატა მისთვის და ჩვენს მხარეზე გადმოსულიყო, მაგრამ, რასაკვირველია, ამაზე იმედს ვერავითარ შემთხვევაში ვერ დავამყარებდით. ჯერჯერობით გაურკვეველი იყო ერთი რამ: თუალა გულდაგულ ემზადებოდა შეტევისათვის. გორაკის ძირში უკვე გამოჩნდა მეორების შეიარაღებული რაზები. ცხადი იყო, მეფის ჯარი ბრძოლის დაწყებას ეპირებოდა.

მაგრამ ინფადუსი და სხვა მეთაურები ფიქრობდნენ, დამე მტერი შეტევაზე არ გადმოვიდოდა. გარდა ამისა, საჭირო იყო მეორებს შორის გაექრაწყლებინათ მთვარის დაბნელებით გამოწვეული მძიმე შთაბეჭდილება, რასაც კუკუნელები ჩვენს ჯადოქრობას მიაწერდნენ. ბედადები და მეთაურები გვარწმუნებდნენ, შეტევა დილამდე არ დაიწყება. მართლაც, მათი ვარაუდი სავსებით გამართლდა.

ამასობაში ჩვენც საქმეს მოვკიდეთ ხელი, კცდილობდით, რაც კი შეგვეძლო, გაგვემაგრებინა ჩვენი მისადგომები.

შეელა უკლებლივ გვეხმარებოდა. გვეგონა, დრო არ გვეყოფოდა, რომ უველავერი მოგვესწრო. მაგრამ მეორებმა იმ დღეს სასწაული მოახდინეს. გორაკი, რომელზეც ჩვენ ვიმყოფებოდით, უფრო სანატორიუმი იყო, ვიდრე სიმაგრე, რადგან აქ, ჩვეულებრივ, აყენებდნენ ჯარის იმ ნაწილებს, რომელთაც ადრე მძიმე კლიმატურ პირობებში უხდებოდათ ყოფნა. ამიტომ ახლა საჭირო იყო ქვებით ამოგვეხრგა ყველა გზა, რომელიც გორაკის მწვერვალისაკენ მიემართებოდა და ყველა მისასვლელი შეძლებისამებრ მიუდგომელი გაგვეხადა. მეორებმა სხვადასხვა ადგილას დააგროვეს ქვები, რომ მაღლიდან მტრისთვის დაეშინათ. ყოველ პოლკს გარკვეული ადგილი უნდა სჭეროდა. ერთი სიტყვით, თავდაცვისათვის ყოველი დონე ვიხმარეთ.

მზის ჩასვლის წინ დავინახეთ მეომართა მცირერიცხვანი რაზმი, რომელიც ლუუდან ჩვენაკენ მოემართებოდა. ერთ-ერთ მეომარს ხელში პალმის ტოტი ეჭირა, ნიშნად იმისა, რომ მოსალაპარაკებლად მოდიოდა.

იგნოზი, ინფადუსი, რამდენიმე სარდალი და ჩვენც მათ შესახვედრად გორაკიდან დავეშვით.

პალმისტოტიანი დაწინაურდა. ომახიანი ვაჟკაცი იყო. მხრებზე ლეოპარდის მოსასხამი მოეგდო.

– სალამი მითქვამს! – დაიყვირა მან მოახლოებისთანავე. – მეფე სალამს უძღვნის მათ, ვინც მის წინააღმდეგ ეს მკრეხელური ომი წამოიწყო. ლომი სალამს უძღვნის ტურებს, მის ფერსთით ბოროტად რომ ღრენენ.

– თქვი, რა გინდა! – ვუთხარი მე.

– აი მეფის სიტყვა: დანებდით, ან არადა, ცუდი დღე გელით. შავ ხარს უკვე მხარი ამოსჭრეს, იგი სისხლისაგან იცლება და მეფე მთელ კრაალში დასდევს.

– მითხარი, რა სურს თუალას? – ცნობისწადილით შევეკითხე.

– მისი პირობა და სურვილი მადლობოსილი და კეთილმოწყალეა, როგორც ეს დიად მეფეს შეკვერის. აი, კუკუნელთა მბრძანებლის, ასი ცოლის ბრწყინვალე მეუღლის, ცალთვალა გოლიათის, დიდი გზის მცველის, დაყურსებულთა რჩეულის, შავი ძროხის ხბოის – თუალას სიტყვა. სიტყვა სპილოსი, რომლის ნაბიჯი მიწას აზანზარებს, ავაზაკთა ზარდამცემის, ფეხმარდი სირაქლემას, ბუმბერაზის, შავისა და ბრძენთაბრძენის მეფური სიტყვა:

„მე გულმოწყალე ვიწნები და არც თუ ბევრ სისხლს დავდგრი. ყოველ ათ კაცზე ერთ კაცს დავუბნელებ მზეს, დანარჩენებს თავისუფლებას მივანიჭებ, მაგრამ თეთრი ადამიანი, სახელად ინკუბუ, უფლისწულ სერაგაზე ხელი რომ აღმართა, მისი შავგანიანი მსახური, ტახტს რომ მეცილება, და ინფადუსი, ჩემი

მმა, რომელიც ჩემს წინააღმდეგ ხალხს აჯანყებს, მოწამებრივი სიკვდილით უნდა დაიხოცონ. ისინი მსხვერპლად "უნდა შეეწირონ დაყურსებულებს" – ასეთია თუალას მოწყალე პირობა.

მე მოვეთათბირე ჩვენებს და ხმამაღლა, ისე, რომ ჩემი სიტყვები ყველას გაეგონა, გუპასუხე:

– ძაღლო, დაბრუნდი თუალასთან, დაბრუნდი მასთან, ვინც გამოგგზავნა და გადაეცი, რომ ჩვენ, ესე იგი, იგნოზი, კუკუანელების კანონიერი მეფქ, ვარსკვლავეთიდან ჩამოსული თეთრი ბრძენი ჯადოქრები – ინკუბუ, ბუგვანი და მაკუმაზანი, რომელთაც შეუძლიათ მთვარის ჩაქრობა, აგრეთვე სამეფო სახლის შვილი ინფადუსი, ბელადები, მეთაურები და ყველა აქ შეკრებილი, პასუხად ვუთვლით, რომ არაფრად ვაგდებთ მის სიტყვას და ვიდრე მზე ორჯერ ჩასვლა-ამოსვლას მოასწრებდეს, თქვენი მეფის გვამი გაშეშებული ეგდება მისივე კრაალის კართან, ტახტზე კი იგნოზი ავა. ახლა კი წადი, წადი, ვიდრე როზგით გვერდებს შეგისურებდეთ და გვიფრთხილდი, კელავ არსად გადაგვეჭარო!

მოგზავნილმა გულიანად გადაიხარხარა.

– ვაჟაც მუქარითა და ბრტყელ-ბრტყელი სიტყვებით ვერ შეაშინებთ, – თქვა მან, – ვნახოთ, ხვალაც ამ გულზე იქნებით თუ არა, მთვარის ჩამქრობნო და დამბნელებელნო. იბრძოლეთ, გამოიჩინეთ მსხეობა და გულოვნება, იმხიარულეთ და იხარეთ, ვიდრე ყვავ-ყორანი ისე არ დაკორტნის თქვენს ძვლებს, რომ ისინი თქვენს სახეზე მეტად გათეთრდნენ. მშვიდობით, ეგებ ბრძოლაში კვლავ შევხვდეთ ერთმანეთს. გთხოვთ, ჯერჯერობით ვარსკვლავებზე ნუ გაფრინდებით, დამელოდეთ, თეთრო ადამიანები!

ამ დამცინაცი სიტყვებით მოციქული გაგვშორდა. მისი წასვლისთანავე მზეც ჩაესვენა და მიწას ბნელი მოეფინა.

იმ დამით ბევრი სამუშაო გვქონდა. მიუხედავად იმისა, რომ ყველანი სასტიკად დაღლილ-დაქანცულები ვიყავით, მაინც განვაგრძობდით მზადებას ხვალინდელი ბრძოლისთვის, რამდენადაც კი მთვარის მკრთალი შუქი ამის საშუალებას გვაძლევდა. შიგრიკები გარბოლ-გამორბოლენენ, რომ მეომართათვის გადაეცათ ჩვენი ბრძანება და კვლავ ბრუნდებოლენენ კარავთან, სადაც ჩვენ ვბჭობდით. ბოლოს, დაახლოებით დამის პირველი საათისთვის მოვაგვარეთ ყველაფერი, რისი მოგვარებაც ჩვენს ხელო იყო და მთელი ბანაკი ძილმა მოიცა. საერთო სიჩუმეს დროდადრო მხოლოდ ყარაულების შეძახილი არღვევდა. მე და სერ პენრი, იგნოზისა და ერთი მეთაურის თანხლებით, გორაკის ძირში ჩავედით და საგუშაგოები დაგათვალიერეთ. სრულიად მოულოდნელად ჩვენს თვალწინ აღიმართებოდა ხოლმე შუბი, რომელიც მთვარის სხივებზე ლაპლას იწყებდა, მაგრამ როგორც კი ვიტყოდით პაროლს, მაშინვე ქრებოდა. ცხადი იყო, გუშაგებს არ ეძინათ. საგუშაგოებს დავუარეთ და ისევ უკან გამოგბრუნდით, ფეხაკრეფით გავიარეთ ათასობით მძინარე მეომართა შორის, მრავალ მათგანს ხომ ამქვეჭნად უკანასკნელად ეწერა ძილი.

მთვარის სხივი ლიცლიცებდა შუბებზე, სხლტოდა მეომართა სახეებზე და მათ მიცალებულებს ამსგავსებდა. დამის ცივი ქარი ჯილის ფრთებს აფრიალებდა. მეომრები უწესრიგოდ მიყრილიყვნენ აქეთ-იქით. მთვარის შუქზე მათი ვეება, ბრგე სხეულები როგორდაც უცნაური და აჩრდილისებრი ჩანდა.

– როგორ ფიქრობთ, ბევრი გადაურჩება ხვალინდელ დღეს? – იკითხა სერ პენრი.

პასუხად მხოლოდ თავი გავიქნიე და ისევ მძინარეთ დავაცქერდი. მიუხედავად დაღლილობისა, ძალზე აღგზებული ვიყავი და მეჩვენებოდა, რომ სიკვდილის ყინულოვან ხელს უკვე გაეშეშებინა ეს ადამიანები. გულში ვიმახსოვრებდი მათ სახეებს, ზედ რომ სიკვდილის აჩრდილი დასთამაშებდათ. მეჩვენებოდა, თითქოს მხოლოდ ახლა ჩავწვდი სიკვდილ-სიცოცხლის დიდ

საიდუმლოს. გული ღრმა სევდით მეგსებოდა, როცა ვფიქრობდი, რა ტრაგიკულად განწირული იყო ჩვენი სიცოცხლე. აი, ამ დამით ათასობით კაცს ღრმა, ჯანსაღი ძილით სძინავს, ხვალ კი, შესაძლოა, ისინიც, ჩვენც და მრავალი სხვაც, ამქვეყნად აღარც კი ვიყოთ. სიკვდილის ცივი სუნთქვა შებოჭავს და გააშეშებს უკელას. ცოლები დაქვრივდებიან, შვილები დაობლდებიან, ქოხებს აღარასოდეს დაუბრუნდებათ პატრონი. მხოლოდ მთვარე განაგრძობს ცაზე უშფოთველად ციალს, დამის ნიავი კვლავინდებურად შეარხევს ბალასს და უკიდეგანო მიწა ნებივრად მიუცემა განცხომას. ყველაფერი იარსებებს ისე, როგორც არსებობდა მანამდე, სანამ ეს ხალხი განწყდებოდა და იარსებებს შემდეგაც, როცა მათი სახელები დავიწყებას მიუცემა. იარსებებს მარად, უაუნითი უკუნისამდე.

მაგრამ, ვიდრე სამყარო არსებობს, ადამიანი არ კვდება. მართალია, მისი სახელი დავიწყებას ეძლევა, მაგრამ ქარი, რითაც ის სუნთქვავდა, ისევ არხევს ფიჭვთა კენწეროებს მოუბრი. მისი სიტყვების უქო კვლავ და კვლავ განაგრძობს ქდერას სივრცეში, მისი ნააზრევ-ნაფიქრალი დღეს ჩვენს საკუთრებად ითვლება; მისმა ვნებებმა სიცოცხლე მოგვანიჭა, მისი სიხარული, მისი სევდა ჩვენი სევდა და სიხარულია; ხოლო საბედისწერო წუთს, ასეთი ორთოლვითა და შიშით რომ გაურბოდა, ვერც ჩვენ გავექცევით სადმე.

სამყარო სავსეა აჩრდილებით, არა სასაფლაოს შესუდრული მოჩვენებებით, არამედ სიცოცხლის მარად უჭანობი, უკვდავი ნაწილაკებით, რომლებიც თუ ერთხელ წარმოიშვა, აღარასოდეს კვდებიან, თუმცა შეუმნევლად ერწყმიან ერთიმეორეს და იცვლებიან, იცვლებიან მარადიულად.

მსგავსი ფიქრები მიტრიალებდა თავში, ვიდრე ვიდექი და დავუურებდი ამ მუქ, ფანტასტიკურ სხეულებს. მეომრებს, მათივე თქმისა არ იყოს, „შუბებზე ემინათ“.

სამწუხაროდ, ვამჩნევ, რომ რაც უფრო მეპარება სიბერე, მით უფრო მეტსა და მეტს გმხაველობ. რა საძაგელი ჩვეულება!

— კურტის, — ვუთხარი სერ ჰენრის, — ჩემდა სამარცხვინოდ, უნდა გამოგიტყდეთ, ძალიან მეშინია.

სერ ჰენრიმ გაიდიმა და ქერა წვერზე ხელი ჩამოისვა.

— მე არა ერთხელ მსმენია თქმენგან მსგავსი სიტყვები, ქუოტერმენ, — მითხრა მან.

— დიას, მაგრამ ახლა სერიოზულად გეუბნებით ამას. იცით, ვეჭვობ, ამ ბრძოლაში რომელიმე ჩვენგანი გადარჩეს. ჩვენ ძლიერ და მრავალრიცხოვან ჯართან გვექნება საქმე და იმედი არა მაქვს, რომ პოზიციების გამაგრებას შევძლებთ.

— ყოველ შემთხვევაში, ამ პოზიციებს ადვილად როდი დავთმობთ! ძმათა შორის სისხლის დვრა კაი საქმე არ არის და, მართალი გითხვარათ, არც უნდა გავრეულიყავით ამაში, მაგრამ რაკიდა ასე მოხდა, უნდა ყოველი დონე ვიხმაროთ და გავიმარჯვოთ. ჩემდათავად მოგახსენებთ: თუ სიკვდილი მიწერია, მიჯობს ბრძოლაში მოგვავდე. მით უმეტეს ახლა, როცა იმედი გადამიწყდა, რომ ვიპოვი ჩემს საბრალო ძმას. დიას, დიას, ჩემთვის ახლა უფრო ადვილია სიკვდილზე ფიქრი, მაგრამ იქნებ გავიმარჯვოთ? ნათქვამია, მამაცს ბედი არ უმტკუნებსო. რა თქმა უნდა, საშინელი ხოცვა-ულება იქნება, ჩვენ კი იქ უნდა ვიყოთ, სადაც უკელაზე ცხარე ბრძოლა იქნება, თუ გვინდა, სახელი და ლირსება შევინარჩუნოთ.

სერ ჰენრი ნადვლიანად ლაპარაკობდა, მაგრამ მის თვალებში მოკიაფე ნაპერწკლები სულ სხვას ამბობდა. ჩემი აზრით, უხაროდა კიდეც, ეს ბრძოლა რომ მოგველოდა.

ამ საუბრის შემდეგ დავწერით და ერთ-ორ საათს ძილს მივეცით თავი.

მზის ამოსვლისას ინფადუსმა გაგვაღვიძა და გვითხრა, ლუშმი დიდი გამოცოცხლება იგრძნობა, მეფის ჯარის მცირერიცხოვანი რაზმები ჩვენი მოწინავე ხაზისკენ მოქმართებიან.

ჩვენ საბრძოლველად მოვემზადეთ, ჩავიცვით ჯაჭვის პერანგები, თან თუალას ამ საუცხოო საჩუქრისათვის გულში მადლობას ვუძღვნიდით. სერ ჰენრი გატაცებით შეუდგა საქმეს და მალე კუკუანელ მეომარს დაემსგავსა.

— როცა კუკუანელთა ქავეანაში ხარ, კუკუანელივით უნდა მოიქცე, — თქვა და ფართო ბეჭებზე ჯაჭვის პერანგი ჩამოიცვა. მაგრამ ამაზე როდი შეჩერდა, ინფადუსმა მეომრის აღჭურვილობა მოუტანა, სერ ჰენრიმ ლეოპარდის მოსასხამი მოიცვა, თავზე კი სირაქლემას შავი ფრთხის ჯიდა დაიღდა. ასეთ ჯიდას მხოლოდ ბელადები ატარებდნენ. წელზე კამების თეთრი ტყავის საუცხოო მუჩა შემოიკრა, ჩაიცვა სანდლები, ხელში დაიჭირა მძიმე საბრძოლო ნაჯახი, კამების ტყავგადაკრული რკინის მრგვალი ფარი და რამდენიმე ტოლი, ესე იგი, ლითონის დანა. უკელაფერ ამას, ყოველი შემთხვევისათვის, თავისი რეკოლვერიც დაუმატა. ეს მორთულობა, რა თქმა უნდა, სერ ჰენრის ველურს ამსხავსებდა, მაგრამ უნდა გითხრათ, ამაზე უფრო მოსული და ძლიერი კაცი ჯერ არსად შემხვედრია. ჩაცმულობა კიდევ უფრო უსვამდა ხაზს მის აღნაგობას. როდესაც იგნოზი და სერ ჰენრი ერთად დავინახე, გავიფიქრე, ჩემს სიცოცხლეში პირველად ვხედავ ამგვარ გოლიათებს-მეთქი. ვერ გეტყვით, რომ გუდს ჯაჭვის პერანგი ისე მორგებოდა ტანზე, როგორც სერ ჰენრის. საქმე ის არის, რომ კაპიტანს არ უნდოდა თავის შარვალს განშორებოდა. უნდა ვადიარო, რომ ტანდაბალი, ჩაფსკვნილი ჯენტლმენი, რომელსაც ცალ მხარეს პირწმინდად გაევარსა სახე, მეორე მხარეს კარგა მოზრდილი წვერი მოეშვა, ჯაჭვის პერანგი კი გულდაგულ ჩაეტნია საკმაოდ შელანძულ ველვატის შარვალში, მაინცდამაინც სასიამოვნო შთაბეჭდილებას ვერ ახდენდა. საკუთარ თავზე შემიძლია გითხრათ, რომ ჯაჭვის პერანგი ხალგათად მადგა ტანზე, ამიტომ იგი ტანსაცმლის ზემოთ გადავიცვი, თუმცა მაინც ვერ ამოვავსე. გარდა ამისა, გადავწევიტე, ფეხსაცმელი გამეხადა, რომ თუ უძანდახევა მოგვიწევდა, უფრო ადვილად შემძლებოდა გაქცევა. ამავე მიზეზით, შარვალიც გავიხადე და ველდესქუნის ამარა დავრჩი. შები და ფარი, რომლის ხმარებაც არ ვიცოდი, წევილი დანა და, ბოლოს, მონადირის ქუდზე დამაგრებული უზარმაზარი ჯიდა შეადგენდა ჩემს სამხედრო მორთულობას. მინდოდა, რაც შეიძლება მეტად დავმსგავსებოდი სისხლისმსმელს. გარდა ამისა, თან წავიდეთ თოფები, მაგრამ რადგან ტყვიები შემოგველია, ისინი ჩვენთვის ზედმეტი ტვირთი იყო. ამიტომ განკარგულება გავცით, თოფები წამოედოთ მეომრებს, ჩვენ უკან რომ მოდიოდნენ.

საბრძოლოდ გამოვეწვეთ, ნაჩქარევად ვისაუზმეთ და ქოხიდან გამოვედით, რომ საქმის ვითარება გაგვერკვია.

პლატოს ერთ კუთხეში პატარა ყავისფერი კონცხი მოჩანდა, ეს იყო ჩვენი შტაბი და ამავე დროს სათვალთვალო პუნქტიც. აქ დაგვხვდა ინფადუსი, რუსების პოლკით გარშემორტყმული. ეს პოლკი კუკუანელთა არმიის საუკეთესო მეომრებისაგან შედგებოდა. ამჟამად პოლკში სამი ათას ხუთასი კაცი იყო. ეს პოლკი სათადარიგოდ უნდა დაგვეტვებინა. მეომრები ჯგუფ-ჯგუფად იწვენენ მიწაზე და უცქეროდნენ, როგორ გამოდიოდნენ ლუშდან მწყობრი რაზმები, რომელთაც ბოლო არ უჩანდათ. სულ სამი პოლკი იყო, თითოეულში თერთმეტიდან თორმეტი ათასი კაცი იქნებოდა.

ქალაქს რომ გამოსცდნენ, პოლკები საბრძოლოდ დაეწვენენ. მერე ერთმა პოლკი მარჯვნივ გაუხვია, მეორემ — მარცხნივ, მესამე კი ნელი ნაბიჯით პირდაპირ ჩვენკენ გამოემართა.

— აპა, — თქვა ინფადუსმა, — ემზადებიან, რომ ერთდროულად სამი მხრიდან შემოგვიტიონ!

ეს ახალი ამბავი ძალზე საყურადღებო იყო, რადგან ჩვენი ჯარის ნაწილები გორაკზე გაფანტული იდგნენ, საჭირო ხდებოდა მათი თავმოყრა. ხომ ვერ მივუთითებდით მოწინააღმდეგებს, როგორ მოეტანა ჩვენზე იერიში ისე, რომ გამარჯვება ჩვენ დაგვრჩნოდა? ყველაფერი უნდა გაგვეპეტებინა, რაც შეგვეძლო. ვაფრინეთ ბრძანება, რაზმები მზად ყოფილიყვნებ მტერზე იერიშის მისატანად.

## თ ა ვ ი X I I I

### თ ა ვ დ ა ს ხ მ ა

სამივე პოლკი ნება-ნება მოიწევდა წინ, მეომრებს სიჩქარე არ ეტყობოდათ. ხუთას იარდზე რომ მოგვიახლოვდნენ, შუა პოლკი შეჩერდა; იქ იწყებოდა მიწის წვრილი ზოლი, ჩვენს გორაკში რომ იქრებოდა. გორაკს თითქმის ნალისებრი მოყვანილობა ჰქონდა და მისი ორივე დაქანებული კიდე ლუუსკენ იყო მიმართული.

შუა პოლკს განზრასული ჰქონდა, ბრძოლაში ჩავეთრიეთ, ამასობაში ორი დანარჩენი გორაკს შემოუვლიდა და მერე ყველანი ერთდროულად დაგვესხმოდნენ თავს.

— გვ, ახლა ერთი გეტლინგი მოგვცა, — სინანულით თქვა გუდმა და ოხვრით გადასხედა გორაკის ძირში თავმოყრილ მჭიდრო რაზმებს. — ოციოდე წუთში მთელ დაბლობს მოვასუფთავებდით.

— მაგრამ რაკი გეტლინგი არა გვაქვს, არც დირს ამაზე ოხვრა-კვნესა, — მიუგო სერ ჰენრიმ. — რა მოხდება, აქედან რომ ესროლოთ, ქუოტერმენ? მოხვდება თუ არა თქვენი ტყვია აგერ იმ აყლაყუდას, განზე რომ დგას და, ჩემი აზრით, რაზმს ხელმძღვანელობს? სანაძლეოდ ვდებ სევერინს, რომელსაც უქველად გადავიხდი, თუკი, რასაკვირველია, ამ ბრძოლას გადავურჩით, რომ თქვენი ტყვია ხუთი იარდით მაინც ასცდება მიზანს.

მისი სიტყვები შიგ გუდმი მომხვდა, „ექსპრესი“ სასკდომი ტყვიით დავტენე და დაგელოდე, სანამ ის მეთაური თავის თანაშემწებოან ერთად ათიოდე იარდით მაინც არ გასცდა რაზმს, რათა უკეთ დაეთვალიერებინა ჩვენი პოზიციები. მერე მიწაზე გავწექი, თოფი კლდეზე გავდე და ჩემს მსხვერპლს უელში ვუმიზნე იმ გარაუდით, რომ ტყვია შიგ გულში უნდა მოხვედროდა, თუ მსედველობაში მივიღებდით მანძილს და იმ გარემოებასაც, რომ ჩემი თოფი მხოლოდ სამას ორმოცდაათ იარდზე ისროდა. მეთაური მშვიდად იდგა, მაგრამ არ ვიცი, ვდელავდი, ქარმა წამოუბერა, თუ საერთოდ, მიზანი კარგა დიდ მანძილზე იყო ჩემგან დაცილებული, ასე იყო თუ ისე, ვარაუდი არ გამიმართლდა.

მსხვერპლი მიზანში ამოვიდე და ჩახმახს თითო გამოვგარი. როცა ბოლი გაიფანტა, დავინახე, რომ ის კაცი უვნებლად იდგა, მისი თანაშემწე კი უსულოდ ეგდო ძირს. მეთაური სწრაფად შეტრიალდა და საშინლად შეშფოთებული თავისი რაზმისაკენ გაქანდა.

— ვაშა, ქუოტერმენ, — შეტყვირა გუდმა, — რჯულზე კი შეაშინეთ, აი!

ამან ძალზე გამაბრაზა, საშინლად არ მიყვარს, როცა ვინმეს თანდასწრებით მიზანს ავაცდენ ხოლმე. ამიტომ შეძლებისდაგვარად ვცდილობ ასეთ შემთხვევებს თავი აგარიდო. გაცოფებული გულს ვეღარ მოვერიე და წინდაუხედავად მოვიქეცი: გაქცეულს სწრაფად დაგუმიზნე თოფი და ტყვია ზურგში მივაყოლე. ამჯერად აღარ ამიცდენია, საბრალომ ხელები აიქნია და მოცელილივით დაეცა გულდაღმა. ამას ვწერ მხოლოდ იმისათვის, რომ

დაგანახოთ, რა ცოტას ვფიქრობთ სხვებზე, როცა საქმე ჩვენს თავმოყვარეობას, ან რეპუტაციას ეხება.

ამის დანახვაზე ჩვენმა მეომრებმა აღტაცების ყიუინა დასცეს, ფიქრობდნენ, უველავერი ეს ჩვენი გამარჯვების საწინდარი იყო. გარდა ამისა, ერთხელ კიდევ დარწმუნდნენ, რომ ჩვენ უძლეველი ჯადოქრები ვიყავით. რაზმა კი, რომელსაც მოკლული მეთაურობდა (მერე შევიტყვეთ, რომ ის საბრალო მართლაც რაზმის მეთაური იყო), უწესრიგოდ იწყო უკანდახევა. ამის დანახვაზე სერ ჰენრიმ და გუდმა თოვებს ხელი დაავლეს და სროლა ატეხეს. გუდი თავს არ იზოგავდა და თავისი ვინჩესტერიდან ტყვიას ტყვიაზე აყრიდა მეომართა მჭიდრო რიგებს. ჩვენ შევძელით შვიდი-რვა კაცის მოკვლა და დაჭრა, სანამ რაზმი სასროლ მანძილს გასცდებოდა.

როგორც კი სროლა შევწყვიტეთ, მარჯვნივ საშინელი ღრიალი გაისმა, მტერი მუქარით მოიწევდა ჩვენკენ. ეს ხმა და შეძახილები იმწამსვე აიტაცა მოწინააღმდეგებ მარცხენა ფრთაზე და ორივე პოლკი ერთდროულად გამოქანდა ჩვენკენ. მათ ღრიალზე ჩვენს პირდაპირ მდგარი პოლკის მჭიდრო რიგები შეირხა, მეომრებმა რადაც ველური სიმდერა დასხახეს და აუჩქარებლად წამოვიდნენ გორაკისაკენ, შემდეგ კი გამოჰყვნენ ვიწრო მწვანე ზოლს, მათ განშტოებას შორის რომ იყო ჩაჭედილი. ჩვენ სამშა კი (იგნოზი მხოლოდ სანდახან გვეხმარებოდა) სერყვასავით დავაყარეთ ტყვიები მტერს, მაგრამ მხოლოდ რამდენიმე კაცი მოვგალით.

ჩვენკენ მოიწევდა თავით-უქებამდე შეიარაღებული ათასობით ადამიანი და აბა მათთან ჩვენი თოვებით რას გავხდებოდით? ეს იგივე იყო, წვრილი კენჭები დაგვეშინა აბობოქრებული ტალღისათვის, ჩვენ ჩასანთქმელად რომ მოიწევდა.

მეომრები შუბებს ჰაერში იქნევდნენ, ყვირილ-დრიალით მოიწევდნენ წინ და უკვე უახლოვდებოდნენ ჩვენს საგუშაგოებს გორაკის ძირში. ცოტა ხნის შემდეგ მტერმა ოდნავ შეანელა თავდასხმა. დიდი წინააღმდეგობა არ გაგვიწევია მათოვის, მაგრამ თავდამსხმელები აღმართზე ამოდიოდნენ და სიარული უჭირდათ. ჩვენი თავდაცვის პირველი ხაზი დაახლოებით შუა გორაკზე იყო, მეორე – მისგან ორმოცდათიოდე იარდის დაშორებით, მესამე კი – პლატოს კიდეზე.

მტერი სულ უფრო და უფრო გვიახლოვდებოდა, ისმოდა ხმამაღალი შეძახილები:

– თწალა, თწალა! ჩპიელე! ჩპიელე! (თუალა, თუალა, მიდი, დასცხე!)  
– იგნოზი, იგნოზი! ჩპიელე! ჩპიელე! (იგნოზი, მისცხე, არავინ დაინდო!) – გაჟყვიროდნენ საპასუხოდ ჩვენი მეომრები.

ახლა მტერი სულ ახლოს იყო. ჰაერში წამისწამ ელავდა დანები. ბოლოს მოწინააღმდეგენი ველური ღრიალით ეკვთნენ ერთმანეთს.

გაზაღდა ხელჩართული ბრძოლა. მეომრები მოცელილივით ეცემოდნენ ძირს. მალე რიცხობრივად ჭარბმა მოწინააღმდეგებ უკუაგდო ჩვენი რაზმები. ჩვენი თავდაცვის პირველმა ხაზმა ნელ-ნელა დაიხია უკან და სულ მალე მეორე ხაზს შეუერთდა. ერთ ხანს აქ იბრძოდნენ, მაგრამ ჩვენი ჯარები მალე იძულებული გახდნენ უკან დაეხიათ, სულ რაღაც ოციოდე წუთში ბრძოლაში ჩვენი თავდაცვის მესამე ხაზის მეომრებიც ჩაებნენ, მაგრამ ამ დროისთვის მოიერიშებს ძალ-ღონე გამოელიათ და მესამე ხაზის გარღვევა ვეღარ შეძლეს. გარდა ამისა, ძალიან ბევრი დაჭრილ-დახოცილი პყავდათ. რამდენიმე წუთის განმავლობაში ბრძოლა ხან მძაფრდებოდა, ხან ისევ ნელდებოდა. გაშმაგებული ველურები წინ მოიწევდნენ, მეორე წუთს კი უკან იხევდნენ, ამიტომაც ძნელი იყო თქმა, ვინ გაიმარჯვებდა. სერ ჰენრი თვალნათლივ შეჰყურებდა მებრძოლებს. უეცრად უსიტყვოდ შეიჭრა მათ შორის, გუდიც ფეხდაფეხ მიჰყვა. მე კი ვირჩიკ, დავრჩენილიყავი იქ, სადაც ვიდექი.

ჩეგნმა მეომრებმა დაინახეს, სერ პენრი პრძოლაში ჩაებაო, და გაორკეცებული ძალით ეკვეთნენ მტერს, თან ყვიროდნენ:

— ანზია ინჯუბი ანზია ნუნგუკლოვო (აბა დასცხეთ! სპილო ჩვენთან არის, ჩვენთან იბრძვის!) ჩპიელე! ჩპიელე!

აბ წუთიდან საეჭვო აღარაფერი იყო, რომ გამარჯვება ჩვენ დაგვრჩებოდა.

თუალას მეომრები სასტიკ წინააღმდეგობას გვიწევდნენ, მაგრამ ნაბიჯ-ნაბიჯ უბან იხევდნენ და გორაკს თანდათან ქვემოთ მიუევებოდნენ. შემდეგ საბოლოოდ აირ-დაირივნენ და თავის პოლკს შეუერთდნენ. იმავ წუთს მოვიდა მაცნე და შეგვატყობინა: მარცხენა ფრთიდან მტერი უკუგდებულიაო. მე უკვე ჩემს თავს ულოცავდი, ბრძოლა რამდენიმე ხნით მაინც შეწყდება-მეთქი, მაგრამ უკრად დავინახე, რომ ჩვენი მეომრები, რომელთაც მარჯვენა ფრთის დაცვა უვალებოდათ, პლატოზე გამორბოდნენ, უკან მტერი მოხდევდათ. ეტყობოდა, თუალას ჯარებმა იქ ჩვენი თავდაცვა გაარღვიეს.

იგნოზიმ, რომელიც ჩვენს გვერდით იდგა, წამსვე აუდო ალდო შექმნილ ვითარებას. მისი ბრძანებით, რუხების სათადარიგო პოლკი თვალისდახმამხებაში დაეწყო და საბრძოლველად მოემზადა.

იგნოზიმ კვლავ გასცა განკარგულება. ისიც წამსვე აიტაცეს და ბელადებს გადასცეს. ამოსუნთქვაც ვერ მოვასწარი, რომ შეტევაზე გადასული მეომრების ძლიერმა ტალღამ გამიტაცა და ჩემდა უნებურად ჯარის შუაგულში მოვხვდი, რაც, რასაკვირველია, დიდად არ გამხარებია. ჩვენები გააფთრებით მიიწევდნენ მტრისკნ. მეტი რა ჯანი მქონდა, მეც მათთან ერთად უნდა გავქცეულიყავი. მაგრამ ვცდილობდი, რაც შეიძლება ახლოს ვეოფილიყავი იგნოზისთან. ორიოდე წუთის შემდეგ — მე კი მეგონა დრო საოცრად ნელა მიიჩნაზნება-მეთქი — შევუერთდით მარჯვენა ფრთაზე მტრისაგან უკუკლეულ ჩვენი რაზმების ნაწილებს და ისინიც აქვე, ჩვენს უკან დაეწყენენ. მერე კი, მერე არ ვიცი, რა მოხდა, მასსოვს მხოლოდ, რომ ფარები გამაყრუებლად ეხეთქებოდა ერთმანეთს და საზარელი ჯახაჯუხი გაჰქინდა.

მაგონდება ისიც, რომ გამოჩნდა ვიდაც ახმახი, რომელსაც თვალები გადმოცვენაზე ჰქონდა და სისხლში მოსვრილი შუბით ჩემკენ გამოქანდა. ეჭვი არ მეპარება, რომ მარტო ამ სურათის დანახვაზე ბევრი უგონოდ დაეცემოდა ძირს, მაგრამ სიამაყით უნდა მოგახსენოთ, არ დავბნეულვარ, წამსვე მოვისაზრე, ასე ერთ ადგილზე თუ გავშემდი, კარგი დღე არ დამადგება-მეთქი და როგორც კი ის საზარელი მოჩვენება ჩემკენ გამოქანდა, მაშინვე ფეხებეშ შევუგარდი, თანაც, ისე მარჯვედ, რომ მან შეჩერებაც ვერ მოასწრო, წაქცეულს ფეხი წამომკრა და მიწას დაასკდა. ვიდრე განძრევას მოასწრებდა, წამოვხტი, რევოლუციი დავახალე და ანგარიში გავუსწორე.

ამის შემდეგ დიდ ხანს არ გაუვლია, რომ ვიდაცამ ხელი მკრა და უგონოდ დავეცი.

როცა გამოვფხიზებლიდი, დავინახე, გუდი ჩემკენ გადმოხრილიყო, ხელში წყლით სავსე გოგრის ბოთლი ეჭირა, ისიც შევამჩნიე, რომ პლატოზე ვიყავით, ჩვენი სათვალთვალო პუნქტის გვერდით.

— როგორა ხართ, მეგობარო, — შეწუხებული ხმით მკითხა გუდმა.

მე წამოვდექი, ტანსაცმელი ჩამოვიბერტყე და მხოლოდ ამის შემდეგ გავეცი პასუხი:

- არა მიშავს, გმადლობთ.
- მადლობა ღმერთს. რომ დავინახე, ხალხს აქეთ მოჰყავდით, მუხლო მომეკვეთა, მეგონა, ცოცხალი იდარ იყავით.
- არა, მეგობარო, ამჯერად გადავრჩი, ვფიქრობ, დარტყმამ ტვინი შემინჯლია. მაგრამ მითხარით, რით დამთავრდა ბრძოლა?

— ჯერჯერობით მტერი ყველგან უკუგდებულია, დანაკლისი დიდი გვაქვს, ორი ათასი კაცი გვეყოლება დაჭრილი და მოკლული, თუალას კი ალბათ სამი ათასამდე მეომარი გამოაკლდებოდა; მაგრამ ერთი ამ სურათს შეხედეთ, — მითხვა და ჩვენკენ მომავალი ხალხის გრძელ მწკრივზე მიმითითა. მეომრები ჯგუფ-ჯგუფად მოდიოდნენ და ტყავის საკაცეები მოჰქონდათ. საკაცეებს კუთხეებში გაკეთებული პქონდა მარყუჯები, რომ უფრო იოლი საზიდი ყოფილიყო (სხვათა შორის, ასეთი საკაცეები ბლომად არის კუპუანელთა ჯარის ყოველ რაზმში). ამ ტყავებზე, ანუ საკაცეებზე, იწვნენ დაჭრილები, რომელთაც მოყვანისთანავე სინჯავდნენ მკურნალები. თითოეულ პოლკს ათ-ათი მკურნალი ჰყავდა. თუ ჭრილობა მძიმე არ იყო, დაჭრილი მიჟყავდათ და რამდენადაც შეეძლო, გულდაგულ წამლობდნენ, მაგრამ თუ დაჭრილის მდგომარეობა უიმედო იყო, ერთ-ერთი ექიმი მჭრელი დანით გადაუჭრიდა არტერიას და საბრალო სწრაფად და უდრტვინველად კვდებოდა. რასაკირველია, ერთი შეხედვით გეგონებოდათ, თითქოს მკურნალები საშინელ ბოროტებას ჩადიოდნენ, მაგრამ განა ეს გულმოწყალება და ლმობიერება არ იყო?

საერთოდ, დაჭრილებს მაშინ კლავდნენ, როცა მათ ჭრილობა ტანზე პქონდათ მიყენებული, რადგან კუპუანელთა შების უზარმაზარი წვეტით დაჭრილი ადამიანის განკურნება შეუძლებელი ხელმები ხოლმე. უმეტეს შემთხვევაში ასეთი დაჭრილები უგრძნობდლად იმყოფებოდნენ, იმათ კი, ვისაც გრძნობა არ პქონდა დაკარგული, ისე სწრაფად და უმტკიგნეულოდ გადაუჭრიდნენ ძარღვებს, რომ საბრალონი ამას ვერც კი გრძნობდნენ. მაგრამ ეს სურათი თავისთვის იმდენად შემზარავია, რომ მე და გუდი სწრაფად განვერიდეთ იქაურობას. ჩემს სიცოცხლეში ამაზე ამაზრზენი არაფერი მინახავს. მკურნალი გასისხლიანებული ხელებით ჭრიდა ძარღვს, რომ ამ საბრალო ადამიანისათვის უკანასკნელ წუთებში მაინც შეემსუბუქებინა ტანჯვა. დიახ, შეემსუბუქებინა, მაგრამ რა გზით?

ასეთივე თავზარდამცემი სურათი ვიხილე მხოლოდ ერთხელ, როცა სვაზის ტომის მეომრებმა ბრძოლის შემდეგ თავისი დაჭრილები ცოცხლად ჩაფლეს მიწაში.

ამ საშინელებისათვის რომ ადარ გვეცეირა, მოპირდაპირე მხარეს წავედით; აქ დავინახეთ სერ პენრი, რომელსაც საბრძოლო ნაჯახი ჯერაც ხელში ეჭირა. აქვე იყვნენ იგნოზი, ინფადუსი და ერთი-ორი მეთაურთაგანი. ისინი ძალიან სერიოზულად ბჭობდნენ.

— მადლობა ლმერთს, რომ მოხვდით, ქუოტერმენ, მე კარგად ვერ გავიგორას აპირებს იგნოზი. თუმცა მტერი უკუვაგდეთ, მაგრამ მგონი თუალას დიდალი მაშველი ჯარი მოუვიდა, ახლა ისინი ალბათ ალყას შემოგარტყამენ, რომ შიმშილით სული ამოგვხადონ და დაგვაუძლურო.

— მაშ ჩვენი საქმე ცუდად ყოფილა.

— ეგ საკითხავიც არაა, მით უფრო, რომ, ინფადუსი ამბობს, მალე სასმელი წყალი აღარ გვექნებაო.

— დიახ, დიახ, ჩემი მბრძანებელო, — კვერი დაუკრა მოხუცმა მეომარმა, — პატარა ნაკადული სად გაწვდება ამოდენა ხალხს. წყალი სწრაფად კლებულობს. ჯერ კიდევ დაღამებამდე წყურვილით დაგიხოცებით. მისმინე, მაკუმაზან, შენ ბრძენი ხარ და, რასაკირველია, მრავალ ომში მიიღებდი მონაწილეობას იმ ქვეყანაში, საიდანაც მოხვედი, თუკი თეთრი ადამიანები საერთოდ იბრძვიან ვარსკვლავეთში. გვირჩიე, როგორ მოვიქცეთ! თუალამ ხელახლა შეჰყარა ჯარი, ისინი დაღუპულთა ადგილს დაიჭერენ, მაგრამ ასე თუ ისე, იმ მტარვალს ჭარა ვასწავლეთ. მიმინოს როდი ეგონა, ყანხა წინააღმდეგობას გაუწევდა. ჩვენ ნისკარტით დავუფლითეთ გული და ახლა, ცოტა არ იყოს, შიში აქვს. ამიტომ ვეღარ ბედავს ხელმეორედ დაგვესხას თავს, თუმცა უნდა ითქვას, ჩვენც საკმაოდ

გავწამდით. ახლა ალბათ ალყის შემორტყმას გვიპირებენ, რომ შიმშილით ამოგვხოცონ, ან ცოცხლად ჩაგვიგდონ ხელში.

— მესმის, — ვუთხარი მე.

— ასე რომ, მაკუმაზან, როგორც გითხარით, წყალი არ გვაქვს, საჭმელიც ძალიან ცოტა დაგვრჩა. ამიტომ სამში ერთი უნდა ავირჩიოთ: უნდა დავიტანჯოთ და დავსუსტდეთ, როგორც მშიერი ლომი თავის ბუნაგში, ან ვცადოთ გავარდვიოთ მტრის ალყა სამხრეთით, ან არადა, — აქ იგი წამოდგა და მტრის მჭიდროდ შეკრული რიგებისკენ გაიწვდინა თითი, — ჯიქურ მივეჭრათ მათ და თუალას ყელში ვტაცოთ ხელი. ინკუბუ დიდი მეომარია, დღეს იგი ბადეში მომწყველეული კამეჩივით იბრძოდა და მისი ნაჯახი ისე ცელავდა თუალას მეომრებს, როგორც სეტყვა პურის თავთავს. ინკუბუ გვეუბნება, მტერს თავს დავესხათო, მაგრამ სპილოს მუდამ თავდასხმაზე უჭირავს თვალი. რას იტყვის მაკუმაზანი — ბებერი, ეშმაკი მელა, რომელსაც ცხოვრებაში ბევრი რამ უნახავს და ფარულად ზურგიდან უყვარს მტრის დაგესვლა? გადამწყვეტი სიტყვა, რასაკვირველია, იგნოზის ეკუთვნის, რადგან ის მეფეა, მაგრამ მანამდე გვინდა მოვისმინოთ შენი ხმა, ჰოი მაკუმაზან, და აგრეთვე ხმა ადამიანისა, რომელსაც გამჭვირვალე თვალი აქვს.

— შენ რას იტყვოდი, იგნოზი? — ვკითხე მე.

— არა, ჩემო მამავ, — მითხრა ჩვენმა ყოფილმა მსახურმა, რომელიც ველურების საუცხოო იარაღით იყო შექურვილი და ჭეშმარიტად მეომარი მეფის შთაბეჭდილებას ახდენდა, — ილაპარაკე, მინდა შენი სიტყვები მოვისმინო, შენთან შედარებით მე უგუნური ბალდი ვარ.

ამ დაუინებული თხოვნის შემდეგ სასწრაფოდ მოვეთათბირე სერ პენრისა და გუდს და ორიოდე სიტყვით გადავეცი, რასაც ვფიქრობდი: რაკიდა ალყაშემორტყმულები ვართ და წყალიც მალე შემოგვაპლდება, თავს უნდა დავესხათ თუალას და ეს რაც შეიძლება სწრაფად უნდა მოხდეს-მეთქი, ვუთხარი. უნდა მოხდეს მანამ, სანამ ჭრილობები მოგვიშუშდება და ვიდრე მოწინააღმდეგის ჭარბი ძალების ცქერით ჩვენს მეომრება გული ცვილივით არ გაულხვებათ. ასე რომ არ მოვიქცეთ, ზოგი სარდალი თუალას შეურიგდება, მის მხარეს გადავა და ჩვენზე გამოილაშქრებს-მეთქი.

როგორც ეტყობოდა, ჩემი აზრი მოეწონათ. უნდა მოგახსენოთ, რომ ჩემს სიტყვას არც მანამდე, არც შემდეგ არსად პქონია ისეთი ფასი და წონა, როგორც კუპუანელთა ქვეყანაში. მაგრამ საბოლოო სიტყვა მაინც იგნოზის ეკუთვნოდა. იგნოზი, მას შემდეგ, რაც მეფედ იქნა აღიარებული, გადამწყვეტი ხმითა და უსაზღვრო უფლებებით სარგებლობდა. ამიტომაც ყველანი მას მივაჩერდით.

იგნოზი ერთ ხანს დუმდა, ეტყობოდა, საზღვრავდა შექმნილ მდგომარეობას, შემდეგ კი დაიწყო:

— ინკუბუ, მაკუმაზან და ბუგვან, გულადო თეთრო ადმიანებო და ჩემო მეგობრებო! შენც, ინფადუს, ჩემო მამის მმავ, და თქვენც მეთაურებო. მე გადავწყვიტე: დღეს თავს დავესხმი თუალას და ამაზე იქნება დამოკიდებული ჩემი ბედი და ჩემი სიცოცხლე. დიახ, დიახ, ჩემი და ყველა თქვენგანის სიცოცხლე. მისმინეთ, რას გეტყვით, ხომ ხედავთ, ეს გორაკი ნახევარმთვარესავით არის მოხრილი, დაბლობი კი ენასავით იჭრება ზემოთკენ.

— ჰო, რასაკვირველია, — კვერი დავუკარი მე.

— ახლა შეადლეა, — განაგრძო იგნოზიმ, — თქვენმა მეომრებმა მოიკლან წყურვილი და დაისვენონ მომქანცველი ბრძოლის შემდეგ. როცა მზე მცირე მანძილს გაივლის ცაზე და დასალიერს მიუახლოვდება, შენი და კიდევ ერთი სხვა პოლკი, ინფადუს, ჩავიდეს დაბლა, იმ მწვანეზე. თუალა რომ ამას დაინახავს, თავის ჯარებს იქით მოაყრის, მაგრამ ეს ადგილი ვიწროა, მტრის

პოლკები მხოლოდ თითო-თითოდ თუ გამოილაშქრებენ ჩვენს წინააღმდეგ და შენი მეომრები ერთიმეორის მიყოლებით გაანადგურებენ მათ. თუალას მთელი არმია თქვენსკენ იქნება თვალმოპყრობილი. ამ ბრძოლაში, ინფადუს, შენთან ჩემი მეგობარი ინკუბუ იბრძოლებს. თუალა რომ მას რუხებს შორის დაინახავს, აღელდება და სულიერად დაეცემა. მე კი წამოუძღვები მეორე პოლკს, რომელიც თქვენს უკან განლაგდება. იმ შემთხვევაში, თუ რუხები დამარცხდნენ, რაც სულ ადგილად შეიძლება მოხდეს, გვერდით ეყოლებათ მეცე, რომლის გულისათვისაც მეომრები ბრძოლაში თავს არ დაზოგავენ. ჩემთან ერთად მაკუმაზანი წამოვა.

— მესმის, პო, მეფეო, — მიუგო ინფადუსმა, იგი საოცრად გულგრილად შეხვდა იმ ამბავს, რომ მოკლე ხანში მისი პოლკი უნდა გაანადგურებულიყო.

მართალი მოგახსენოთ, ეს კუკუნელები საოცარი ხალხია. მათ არ აშინებთ სიკვდილი, როცა ამას მოგალეობა მოითხოვს.

— და ვიდრე თუალას მთელ არმიას ამ ბრძოლისკენ ექნება მიპყრობილი თვალი და უური, — განაგრძო იგნოზიმ, — ჩვენი დარჩენილი ჯარის ერთი მესამედი, ესე იგი, ექვსი ათასამდე კაცი, ფოფხვით დაეშვება გორაკის მარჯვენა შტოდან და თავს დაესხმის მათ მარცხენა ფრთას. მეორე მესამედიც ასევე შეუმჩნევლად დაჟყვება მარცხენა შტოს და იერიშს მიიტანს მარჯვენა ფრთაზე. მაშინ მეც ჩემი მეომრებით პირდაპირ შევუტევ. თუ ბედი შეგვეწია, უსათუოდ გავიმარჯვებოთ და ვიდრე დამე თავისი შავი ხარებით მთებზე გადარბენას მოასწრებდეს, ჩვენ მშვიდად ვისხდებით ლუუში. ახლა კი, პატარა დავნაყრდეთ და ბრძოლისათვის მოვემზადოთ. შენ, ინფადუს, განკარგულება გაეცი, ჩემი ბრძანება ზუსტად იქნას შესრულებული. პო! ჩემი თეთრი მამა ბუგგანი მარჯვენა ფრთას გაჟყვება, რომ მისმა ბრწყინვალე თვალმა ჩვენს მეომრებს გული გაუმხნეოს.

ეს მოკლე განკარგულებები საოცარი სისწრაფით შესრულდა.

საათზე ცოტა მეტი დასჭირდათ, რომ ჩამოერიგებინათ მეომრებისათვის საჭმელი (რაც მათ თვალისძახამხამებაში გააქრეს), ჩამოეყალიბებინათ სამი რაზმი და განემარტათ ბელადებისათვის თავდასხმის მიზანი. ჩვენ ახლა თვრამეტი ათასამდე მეომარი გვყვავდა. გარდა მცველებისა, რომელთაც დაჭრილებთან ვტოვებდით, ყველანი საბრძოლოდ მოემზადნენ.

აქ რომ ასეთი მზადება იყო, მე და სერ პენრის გული მოგვიახლოვდა, ხელი ჩამოგვართვა და გვითხრა:

— გემშვიდობებით, მეგობრებო, ბრძანების თანახმად, მარჯვენა ფრთის მეომრებს მიეგვები და თქვენთან გამოსათხოვრად მოგედი, უგებ ველარც კი ვნახოთ ერთმანეთი.

ჩვენ უხმოდ გავუწოდეთ ერთმანეთს ხელი და იმდენად ავდელდით, რამდენადაც ეს ტრადიციული ნორმების მიხედვით დასაშვებია ყოველი ინგლისელისათვის.

— ჩვენი საქმე ძალზე სახიფათოა, — თქვა სერ პენრიმ ოდნავ შემკრთალი ხმით, — მართალი გითხრათ, დარწმუნებული არა ვარ, რომ ხვალ კიდევ ვიხილავ მზეს. რამდენადაც გავიგე, რუხები, რომელთაც მე უნდა გავყვე, იბრძოლებენ მანამდე, ვიდრე ერთიანად არ გაწყდებიან, რომ გვერდიდან თავდამსხმელებს შესაძლებლობა მისცენ შეუმჩნევლად ჩამოვიდნენ დაბლა, თავი დაუარონ თუალას ჯარებს და ზურგიდან მოულოდნელად დაეცნენ. რა ვუყოთ, დაე, ასე იყოს. ყოველ შემთხვევაში, ვაჟაცური სიკვდილით მოვავდები. მშვიდობით, მეგობრებო, — მომიბრუნდა იგი მე, — ღმერთი იყოს თქვენი შემწე. იმედი მაქვს, თავს დაგადწევთ ყველაფერ ამას და ხელში ჩაგიგდებოთ ალმასებს. მაგრამ ერთი რჩევა კი უნდა მოგცეთ, ქუოტერმენ, თუ ამ ბრძოლას სადსალამათად გადაურჩით, კვლავ ნუდარასოდეს დაიჭერთ საქმეს ტახტის მაძიებლებთან.

გუდმა ერთხელ კიდევ მაგრად ჩამოგვართვა ხელი და გაგვშორდა. მისი წასვლის შემდეგ ინფადუსი მოვიდა და სერ პენრი რუხების პოლკისკენ წაიყვანა. მე კი შავბნელი ფიქრებით შეპყრობილი იგნოზისკენ გავეშურე და ჩემი ადგილი დავიჭირე პოლკში, რომელიც რუხების განადგურების შემდეგ შეტევაზე უნდა გადასულიყო.

## თ ა ვ ი  X I V

### რ უ ხ თ ა  უ პ ა ნ ა ს გ ნ ე ლ ი ბ რ ძ თ ლ ა

რამდენიმე წუთის შემდეგ პოლკებმა, რომელთაც მიიღეს განკარგულება, ფრთებიდან დასხმოდნენ თაგს მოწინააღმდეგებს, სრულ სიჩუმეში დატოვეს იქაურობა. დიდი სიფრთხილით მიიწევდნენ დაბლა, ეფარებოდნენ ლოდებსა და ბუჩქებს, რომ მზეერავთა მახვილ თვალს დამალოდნენ.

ნახევარი საათის შემდეგ ფრთებზე განლაგდნენ. ამავე დროს რუხები უძრავად იდგნენ ადგილზე. მათ ზურგს უმაგრებდა ერთ-ერთი უძლიერესი პოლკი. იგი კამეჩების პოლკის სახელით იყო ცნობილი. ეს იყო ჩვენი არმიის ძირითადი ბირთვი და მოწინააღმდეგის თავიდათავი დარტყმა მას უნდა მიედო.

ორივე პოლკი თითქმის უკლისად იყო, ამასთანავე, არც დაღლილები იყვნენ. დილიოთ რუხები თადარიგში იდგნენ, ხოლო როცა მოწინააღმდეგებმ ჩვენი თავდაცვის ხაზი გაარღვია (ეს მაშინ იყო, მე რომ თავში დარტყმით გამაბრუეს), მათ ძალიან ცოტა მებრძოლი დაკარგეს. რაც შეეხება კამეჩებს, ისინი დილიოთ მარცხენა ფრთაზე, თავდაცვის მესამე ხაზთან იდგნენ და რაკი ამ მიმართულებით თავდამსხმელებმა ვერ შეძლეს ხაზის გარღვევა, ბრძოლაში სულაც არ მიუღიათ მონაწილეობა.

ინფადუსი გამოცდილი ბეჭადი იყო, ძალიან კარგად იცოდა, რომ ასეთი ბრძოლის წინ უნდა გაემხნევებინა თავისი მებრძოლები და აემაღლებინა მათი სულიერი განწყობილება, ამიტომ თავის პოლკს სიტყვით მიმართა; ენამჭევრულად განუმარტა მეომრებს, რა დიდი პატივი იყო მათვის, მოწინავე ხაზზე საბრძოლველად რომ აგზავნიდნენ, თანაც ვარსკვლავეთიდან ჩამოსულ თეთრ მებრძოლებთან ერთად. იმ შემთხვევაში, თუ ჩვენი ჯარი გაიმარჯვებსო, – დააბოლოვა მან თავისი სიტყვა, – მეფე იგნოზი ბრძოლაში გადარჩენილებს ჯოგებსა და სამხედრო სარბიელზე დაწინაურებას პპირდებაო.

მე თვალი გავაყოლე მეომრების გრძელ მწკრივებს, მკაცრ სახეებს, მოყრიალე შავ ჯიდებს და მწარედ გავიფიქრე, რომ სულ რადაც ერთი საათის შემდეგ ამ შესანიშნავი ვაჟაცების უმრავლესობა მკვდარი, ან მომაპვდავი ეყრება ბრძოლის ველზე-მეთქი. სხვაგვარად არც შეიძლებოდა. მათ საკუთარი ყურით მოისმინეს განაჩენი, რომელიც ბეჭადი ასე გულგრილად აუწყა. ადამიანის სიცოცხლის ასეთი უგულებელყოფა ხშირად ხელს უწყობს მთავარსარდლებს, დაზოგონ თავისი ძალები და განახორციელონ დასახული მიზანი, ერთი სიტყვით, ისინი ბრძოლის დროს სწირავენ ადამიანთა გარკვეულ რაოდენობას, რათა უზრუნველყონ მთელი არმიის გამარჯვება. რუხები წინასწარ იყვნენ სასიკვდილოდ განწირულნი და იცოდნენ კიდეც ეს. მათი მიზანი იყო ბრძოლა გაემართათ თუალას პოლკებისათვის, როცა ისინი ერთიმეორის მიყოლებით შემოვიდოდნენ ვიწრო, მწვანე ზოლზე, გორაკის შტოებს შორის რომ იყო მოქცეული. მათ უნდა ებრძოლათ მანამ, სანამ არ დაამარცხებდნენ მოწინააღმდეგებს, ან სანამ მარჯვენა და მარცხენა ფრთაზე განლაგებულ ჯარს შესაძლებლობა მიეცემოდა, გადასულიყო შეტევაზე. ყველაფერი ეს იცოდნენ

რუხებმა, მაგრამ, მიუხედავად ამისა, წუთითაც კი არ დაუწყიათ ყოფმანი. მათ სახეებზე იოტისოდენა შიშიც კი არ შემინიშნავს. დიახ, ჩემ წინ იდგნენ სასიკვდილოდ განწირული მეომრები, რომლებიც აგერ-აგერ სამუდამოდ უნდა განშორებოდნენ დღის კურთხეულ ნათელს, მაგრამ წარბშეუხრელად და უშიშრად ელოდნენ სულ-ხორცის გაყრის უამს. მიუხედავად იმისა, რომ ძალზე დაძაბული წუთები იყო, არ შემეძლო უნებლიერ არ შემედარებინა მათი სულიერი მდგომარეობა ჩემი მდგომარეობისათვის. არა, მე არ შემეძლო მათსავით მშვიდად კვიფილიყავი, — გავიფიქრე ეს და ჩემდაუნებურად ამოვიოხერე. ეს ოხვრა შერით და აღტაცებით იყო გამოწვეული. დღემდე არსად შემხვედროდა ასე თავდადებული და თავისი მწარე ხვედრისადმი ეგზომ გულგრილად განწყობილი ადამიანები.

— აი, თქვენი მეფე, — დაასრულა სიტყვა ინფადუსმა და ხელი იგნოზისკენ გაიწვდინა, — წადით, იბრძოლეთ და დაიხოცენით მისთვის, ასეთია გმირთა ხევდრი. მარადუამს კრული და შერცხვენილი იყოს მისი სახელი, ვინც შიშობს თავი გახწიროს მეფისათვის, ვინც ეცდება, თავი აარიდოს ბრძოლას და მტერს ზურგი უჩვენოს. აი, თქვენი მეფე, მეთაურებო, ბელადნო, მეომრებო. ახლა ფიცი დასხეთ გველის წმინდა გამოსახულების წინაშე და მერე უკან მოგვყევით. ინკუბუ და მე თუალას ჯარების შუაგულისკენ გავიკვლევთ გზას.

ჩამოვარდა ხანძოკლე სიჩუმე. შემდეგ მოულოდნელად მეომართა რიგებში გაისმა ხმაური, თითქოს სადღაც, შორიდან ზღვის ტალღების ყრუ ბუბუნი მოისმისო. ამ ხმას გამოსცემდა ექვსი ათასი ფარი, რომლებსაც მეომრები ნელნელა ურტყამდნენ შუბის ტარებს. ხმაური თანდათანობით გაძლიერდა, გაფართოვდა, გაღრმავდა და ბოლოს გამაყრუებელ გუგუნ-გრიალში გადაიზარდა. მთებმა ჭექა-ჭეხილივით აიტაცა ეს ხმა და მერე გრიალით უკუაქცია. ხმების მდლავრმა ტალღებმა ჰაერი დაამძიმა. შემდეგ გრიალი თანდათანობით მიწყდა და ბოლოს სულაც ჩაკვდა. ჩაკვდა და სიჩუმეში უეცრად იჭექა შეძახილმა... — კუუმ! კუუმ! კუუმ! — ხალხი მეფეს ესალმებოდა.

გულში გავიფიქრე, ალბათ რომის არც ერთ იმპერატორს არ მისალმებიან ასეთი აღტაცებით სასიკვდილოდ მიმავალი გლადიატორები და იგნოზის დღეს უფლება აქვს იამაყოს თავისი მდგომარეობით და თავისი ხალხით-მეთქი.

იგნოზიმ საბრძოლო ნაჯახი ჰაერში შეათამაშა და ამით გამოხატა თავისი მადლობა მეომრებისადმი. შემდეგ რუხები სამ რაზმად დაეწყვნენ. ყოველ რაზმში, მეთაურის ჩაუთვლელად, ათასამდე მეომარი იყო. პოლკები თავისი პოზიციებისაკენ გაეშურნენ. როცა ბოლო რაზმი ორმოცდათიოდე იარდით დაგვშორდა, იგნოზი სათავეში ჩაუდგა კამეჩებს, რომლებიც ასევე სამ რაზმად იყვნენ დაყოფილნი. მეფის ბრძანების თანახმად, ჩვენც დაბლა ვიწყეთ ჩასვლა. გულში მხურვალედ ვლოცულობდი, დეკროს შევთხოვდი, განსაცდელი ამაშორე და სიკვდილისგან მიხეხნი-მეთქი. ჩემს ცხოვრებაში მრავლის უმრავლესი ჭირი გამომივლია, მაგრამ ასეთი შავი დღე ჯერ არ გამოენებია, არასოდეს არ მქონია გადარჩენის ასე მცირე შესაძლებლობა.

როცა პლატოს კიდეს მივაღწიეთ, რუხები უკვე ფერდობის შუაგულში იყვნენ და გორაკის ძირში სოლივით შემოჭრილი ამწვანებული ვაკისკენ მიიჩქაროდნენ.

თუალას ბანაკში დიდი მოძრაობა შეიმჩნეოდა. პოლკები სწრაფი ნაბიჯით, ან უკეთ რომ ვთქვათ, სირბილით მოდიოდნენ მადლობისკენ, ცდილობდნენ, მანამდე მოსულიყვნენ გორაკის ძირში, ვიდრე ჩვენი მეომრები ლუუს ველზე გაიშლებოდნენ.

გორაკში სოლივით შეჭრილი მწვანე სამკუთხედის სიგანე სამასორმოცდათი ნაბიჯი თუ იქნებოდა, იგი წვეროსკენ კიდევ უფრო ვიწროვდებოდა და ორმოცდათიოდე ნაბიჯს აღწევდა. რუხები, სამკუთხედს რომ

მიუახლოვდნენ, დანაწილდნენ და ვიწრო ადგილი ისე ჩაათავეს, მაგრამ როცა სამკუთხედი საკმაოდ გაფართოვდა, კვლავ სამ-სამ მწკრივად დადგნენ და ადგილზე გაშეშდნენ.

მაშინ ჩვენც, ესე იგი, კამეჩებიც, დავეშვით სამკუთხედის წვერზე და რუხების ბოლო მწკრივის უკან, დაახლოებით ასი იარდის დაშორებით, სათადარიგო ადგილი დავიკავეთ. ვიდექით და გადავჭრებდით, როგორ მოეშურებოდა ჩვენაქნ თუალას ჯარი. ეტყობოდა, დილანდელი შეტაკების შემდეგ მაშველი რაზმები მოსვლოდათ და ახლა მათ რიგებში, მიუხედავად დიდი დანაკარგისა, ორმოცი ათასამდე კაცი იქნებოდა. თავდამსხმელები თანდათანობით მოუახლოვდნენ სამკუთხედის ფუძეს, შედგნენ და აშკარად შეყოფიანდნენ. არ იცოდნენ, როგორ მოქცეულიყვნენ, გორაკის შტოებისაგან წარმოქმნილ ხეობაში მხოლოდ და მხოლოდ ერთ პოლკს შეეძლო გავლა. გარდა ამისა, ხეობის შესასვლელიდან სამოცდაათი იარდის დაშორებით იდგა რუხების სახელგანთქმული პოლკი – კუკუანელთა არმიის მშვენება და სიამაყე, რომლის მეომრებიც ყოველ წამს მზად იყვნენ მოქრათ მათოვის გზა. ოდესლაც სამი რომაელი ასე იცავდა ხიდს ათასობით თავდამსხმელისაგან. რუხებზე თავდასხმა მხოლოდ წინა მხრიდან იყო შესაძლებელი, რადგან მათ ორივე ფრთიდან გორაკის კაჭრით მოფენილი ციცაბო ფერდობები იცავდა. როგორც მოგახსენეთ, თავდამსხმელები შეყოფიანდნენ და ერთ ხანს გაუნდრევლად იღგნენ ადგილზე. ეტყობოდა, არც თუ ისე ჩქარობდნენ შებმოდნენ რუხებს – ამ კუშტსა და მამაც მეომრებს, რომლებიც ბრძოლის დაწყებას ელოდნენ. უეცრად თავდამსხმელთა რიგებს გამოეყო ვიღაც მაღალ-მაღალი აცი. მას თავზე სირაქლემას ფრთების ჩვეულებრივი ჯიღა ეღგა. უკან მეთაურებისა და შიკრიკების კარგა მოზრდილი ჯგუფი გამოჰყა. ეს თვით თუალა უნდა ყოფილიყო. თუალამ გასცა ბრძანება და პირველი პოლკი ლრიალით გადავიდა შეტევაზე. რუხები სრულ მდუმარებაში იდგნენ. არც კი შერხეულან, ვიდრე თავდამსხმელები ორმოცდაათ იარდზე არ მიუახლოვდნენ და დანები სეტყვასავით არ დააყარეს.

მაშინ კი მეუსეულად მოსწყდნენ ადგილს, წინ გაქანდნენ და შუბები შემართეს. ორივე პოლკი ერთმანეთში აირ-დაირია, დაიწყო სამკვდრო-სასიცოცხლო ბრძოლა. წამიც და ერთმანეთს შეჯახებული ფარების გრიალი ქუხილივით მოსწყდა ჩვენს სმენას. დაბლობი თითქოს აინთო მზის სხივების ათინათით, რომელთაც მოქნეული შუბები ირეკლავდნენ. ერთმანეთს შერკინებული ეს ზღვა ხალხი ტალღებივით ირწეოდა აქეთ-იქით. მაგრამ ასე დიდხანს არ გაგრძელებულა. მოკლე ხანში თავდამსხმელთა რიგები შესამჩნევად შეთხელდა. მოულოდნელად რუხები ზანტად, ზვირთივით თავზე გადაევლნენ მათ, ისე როგორც ზღვის ტალღა გადაურბენს ხოლმე თავზე კბოდოვან ბრაგებს. მიზანი მიღწეული იყო – თავდამსხმელთა პოლკი პირწმინდად განადგურდა, მაგრამ რუს მეომართაგან მხოლოდ ორი მწკრივი გადაორჩა. მეომართა ერთი მესამედი დაჭრილ-დახოცილი ეყარა მიწაზე.

რუხებმა კვლავ შეამჭიდროვეს რიგები, სრულ მდუმარებაში მხარდამხარ დადგნენ და ახალ შემოტევას ელოდნენ. წარმოიდგინეთ, როგორ გამიხარებოდა, როცა მათ შორის სერ პენრის ქერა წვერს მოვერა თვალი. სერ პენრი აქეთ-იქით მიღი-მოდიოდა და წესრიგს ამჟარებდა. მაშ ასე, იგი ჯერ ცოცხალი იყო.

ამასობაში ჩვენც მივუახლოვდით ბრძოლის ადგილს, რომელიც დაჭრილ-დახოცილებითა და მომაკვდავებით იყო მოფენილი. ჩემი ვარაუდით, აქ ოთხი ათასი კაცი მაინც იქნებოდა. მიწაზე სისხლის გუბები იღგა. იგნოზიმ გასცა ბრძანება, რომელიც სწრაფად გადაეცა რაზმებს. ბრძანების თანახმად, რუხებს ეკრალებოდათ დაჭრილი მტრის მოკვლა. მეომრები მეფის სიტყვას უყოფიანოდ

ასრულებდნენ, ასე რომ არ მომხდარიყო, გულშემზარავი სანახაობა გველოდა. თუმცა ამაზე ფიქრის თავი მაშინ ვის პქონდა!

აი, თანდათანობით მოახლოვდა თუალას მეორე პოლკიც. მეომრებს სხვებისაგან განსხვავებით ჯიდები, მოკლე ქვედატანი და ფარები მთლად თეთრი ფერისა პქონდათ. მტერი მოიწევდა წინ, რომ თავს დასხმოდა რუსებს, რომელთაც ახლა ორი ათას მეომარზე მეტი არ ჰყავდათ. რუსები ახლაც ავბედითად დუმდნენ. დუმდნენ და ელოდნენ, როდის მოუახლოვდებოდათ მოწინააღმდეგე. როცა თუალას ჯარი ასე, ორმოც იარდზე მოახლოვდა, რუსები თავგანწირვით ეკვეთნენ მათ. კვლავ გაისმა ერთმანეთს შეხეთქებული ფარების გამაყრუებელი გრიალი და წელანდელი საზარელი ტრაგედია ზუსტად იმავე სახით განმეორდა. ვერ წარმომედგინა, რომ რუსები კვლავ შეძლებდნენ გამარჯვებას. თუალას პოლკი, რომელშიც სულ ახალგაზრდა მეომრები იყვნენ, გააფორებით იბრძოდა. თავდაპირველად მეგონა, რუსებმა უკან დაიხიეს-მეთქი. საზარელი ხოცა-ულეტა იყო. ასობით მებრძოლი ყოველ წუთს მკვდარი ან დაჭრილი ეცემოდა ძირს. მებრძოლთა ყვირილში, მომაკვდავთა კვნესასა და გადაჯვარედინებული შუბების უღრიალში ისმოდა შეძახილები: შ'გე ს'გეე! ამ სიტყვებს წამოიძახებდა ხოლმე გამარჯვებული, როცა მტერს შებს სასიკვდილოდ აძგერებდა და ძირს დასცემდა.

საუკეთესო წესრიგს, სიმტკიცესა და სიმამაცეს სასწაულების მოხდენა შეუძლია. გარდა ამისა, ერთი გამობრძმედილი მებრძოლი ორ ახალბედას უდრის. დიახ, ეს სულ მალე დადასტურდა. ის იყო, გავიფიქრე, რუსების აღსასრული მოვიდა-მეთქი და ბრძოლის ველზე გასასვლელად მოვემზადეთ, რომ ამ აურზაურში გარკვევით შემოგვესმა სერ პენრის ხმა. წამით თვალი მოვკარი საბრძოლო ნაჯახესაც, რომელსაც იგი პაერში ატრიალებდა. შემდეგ რადაც ცვლილება მოხდა. რუსები უკან-უკან ადარ იხევდნენ. კლდესავით იდგნენ და ამ კლდეს, ადამიანთა ამ გაუგალ ზღუდეს ელექტროდნენ შუბოსანთა გააფორებული ტალღები. ელექტროდნენ მხოლოდ იმისათვის, რომ ისევ უკან დაქანებულიყვნენ. უეცრად რუსები კვლავ შეინძრნენ, ამჯერად წინ წაიწიეს. კიდევ წუთი და თავდასხმა შესუსტდა.

— დიახ, ესენი ნამდვილი გმირები არიან, დახეთ, ერთხელ კიდევ გაიმარჯვეს! — წამოიყვირა იგნოზიმ, რომელიც ჩემ გვერდით იდგა და მდელგარებისაგან კბილებს აკრაჭუნებდა. — აჯა, შეხედეთ, გამარჯვებაც სწორედ ამას პქვია!

უეცრად თავდამსხმელთა პოლკი ზარბაზნის ლულიდან გამოჭრილი ბოლივით დაიფანტ-დაიქსაქსა. მეომრები ჯგუფ-ჯგუფად გარბოდნენ უკან. ქარი კვალდაკვალ მიაფრიალებდა მათ თეთრ ჯიდებს. დიახ, რუსებმა გაიმარჯვეს, მაგრამ ვაი, ამ გამარჯვებას! მათი პოლკი განადგურებული იყო. იგი ადარ არსებობდა. სამი ათასი მეომრის ნაცვლად, ამ ორმოციოდე წუთის წინათ სამ მწკრივად რომ იდგა, ახლა დიდი-დიდი ექვსასი კაცი ყოფილიყო ცოცხალი. ისინიც თავით ვეხებადე სისხლში მოთხვრილნი იდგნენ, სხვები კი უსულოდ ეყარნენ ბრძოლის ველზე. გადარჩენილმა მეომრებმა შუბები პაერში შეათამაშეს და გამარჯვების ყიუინა დასცეს. ვფიქრობდით, ჩვენებენ წამოვიდოდნენ, მაგრამ არა, წინ გაიჭრნენ და მტერს ფეხდაფეს მიჰყვნენ. ასიოდე იარდის შემდეგ ხელთ იგდეს ერთი მომცრო გორაკი, კვლავ სამ მწკრივად დადგნენ და გორაკს სამმაგი ალყა შემოარტყეს. შემდეგ კი, პოი ბედიერებავ! თვალი მოვკარი სერ პენრის, ინფადუსთან ერთად საღსაღამათი რომ იდგა გორაკზე. მაგრამ აი, თუალას პოლკებმა კვლავ შემოუტიეს ამ სასიკვდილოდ განწირულ, გმირ ადამიანებს და ბრძოლა განახლდა.

ამ წიგნის მკითხველი ალბათ დიდი ხანია მიხვდა, რომ ცოტა არ იყოს, მშიშარა კაცი ვარ და ბრძოლისკენ სულაც არ მიმიწევს გული. მართალია,

ხშირად ჩავვარდნილვარ ხოლმე გაუსაძლის მდგომარეობაში, როცა იმულებული გავმხდარვარ, ადამიანის სისხლი დამეღვარა, მაგრამ ამას მუდამ ძალდატანებით და ზიზდით ჩავდიოდი. ის კი არადა, ზოგჯერ გაქცევასაც არ ვთაკილობდი, თუ გული მიკარნახებდა, რომ ეს აუცილებელი იყო. მაგრამ ახლა, ამ წუთებში ჩემს სიცოცხლეში პირველად აღვენოუ ბრძოლის უინით. ინგოლძბის ლეგენდის საბრძოლო სტრიქონები და ძველი აღთქმის მრისხანე სიტყვები ერთიმეორის მიყოლებით აღდგა ჩემს მეხსიერებაში. ამ საზარელი სანახაობით ნახევრად გაყინულმა სისხლმა მძაფრად იწყო ჩემთვა ძარღვებში და დამეუფლა ველური სურვილი, ველური ჟინი, არავინ დამხედო, ამომეულიტა და მომესრნა ირგვლივ უველა და ყოველი. თავი მივაბრუნე და ჩემ უკან მეომართა მჭიდროდ შეკრულ რიგებს გავხედე. წამით დავინტერესდი, მეც ისეთი სახის გამომეტყველება მაქვს, როგორც მათ, თუ არა-მეთქი. მეომრები მდუმარედ იდგნენ, ისრები დაძაბულად წაეწვდინათ, ბაგე ნახევრად გაპობოდათ, ხელის კუნთები უთრობოდათ, გააფთრებული სახეები ბრძოლის დაუოკებელი ჟინით ანთებოდათ. თვალჩაციებით იცქირებოდნენ რუხებისაკენ. ასე უცქერის ხოლმე მეძებარი თავის მსხვერპლს.

მხოლოდ იგნოზი იდგა უშფოთველად. მას ხომ თავშეკავების საოცარი უნარი აქვს და ახლაც ალბათ გული მშვიდად უცემდა მკერდქეშ, თუმცა კბილებს განუწყვებლივ აკრაჭუნებდა.

– ნუუ, ვიდრე ფეხებს არ გავიდგამო, ამ ადგილზე უნდა ვიდგეთ, ამბობა, ანუ იგნოზი, და ველოდოთ, როდის გაჟღებს თუალა ჩვენს მმებს იქ, გორაკთან!

– ვეღარ მოვითმინე მე.

– ოჰ, არა, მაკუმაზან, – მითხრა მან, – აი, ნახავ, როგორც კი ხელსაყრელი წუთი მოვეცემა, მაშინვე ჩავერთვებით ბრძოლაში.

ამ დროს თუალას ახალმა პოლკმა ელვის უსწრაფესად დაუარა თავი რუხებს, მერე შემობრუნდა და ზურგიდან დააცხრა.

ახლა კი შემართა იგნოზიმ თავისი საბრძოლო ნაჯახი და კამეჩებს ნიშანი მისცა, შეტევაზე გადავიდეთო, მეომრებმა საომარი ყიუინა დასცეს და ზღვის შმაგი ტალღებივით გაქანდნენ მტრისაკენ.

არ ძალმიძს გადმოგცეთ, რა მოჰყვა ამას შემდეგ. მახსოვს მხოლოდ, რომ ჩვენები გააფთრებით ეკვეთნენ მტერს. მეომართა ფეხექეშ მიწა ზანზარებდა, მტერმა უმალ შეცვალა ფრონტის ხაზი და ხელახლა გადააწყო პოლკი, რომელსაც ჩვენ ვუტევდით. ამას მოჰყვა საშინელი დარტყმა, ხელის ყრუ გუგუნი და შებების განუწყვებელი ლაცლაცი, სისხლივით წითელ ნისლში რომ ილანდებოდა.

როცა გონება გამინათდა, დავინახე, რომ რუხების პოლკის გადარჩენილ ნაწილთან ერთად ბორცვის მწვერვალთან ვიდექი. მოპირდაპირე მხარეს სერ ჰენრის მოვეკარი თვალი. ცხელ გულზე ვერც კი მოვისაზრე, როგორ მოვხვდი იქ. შემდეგ სერ ჰენრიმ მითხრა, კამეჩების გააფთრებულმა შემოტევამ ზედ ჩემს ფეხებთან მოგადოო. როცა კამეჩებმა უკან დაიხიეს, მე იქ დავრჩენილვარ. სერ ჰენრი რუხების რკალიდან გამოჭრილა და შიგ შევუთრევივარ.

ვის ძალუმს აღწეროს, რა მოხდა შემდეგ? თუალას მეომრები კვლავ და კვლავ ესხმოდნენ თავს რუხებს. მათი რკალი თანდათანობით მცირდებოდა, მაგრამ ჩვენ გმირულად ვიგერიებდით იერიშებს. მსგავსი ბრძოლა შესანიშნავად არის აღწერილი ერთ ლექსში:

გხედავ შუბოსანთა გაუგალ ტყეს,  
და იმათ გმირობას ვუმდერი დღეს,  
რამდენი ვაჟგაციც ბრძოლაში დაეცა,  
იმდენი ვაჟგაცი მათ ნაცვლად დგას...

დიდებული სურათი იყო. თუალას რაზმები დროდადრო გადმოდიოდნენ შეტევაზე, რისთვისაც უხდებოდათ მათივე მეომრების ახორხილ-დახორხილი გვამები გადმოეთელათ. ეს კი არც ისე ადვილი იყო. ზოგჯერ, იერიშის დროს, მეომრები წინ იფარებდნენ მოკლულთა გვამებს, რათა ჩვენი შუბებისაგან თავი დაეცვათ, მაგრამ ეს ვერაფერს შეელოდათ. მე აღტაცებით შევყურებდი ინფადუსს. ეს გამოპარმედილი, უდრეკი მებრძოლი ისე მშვიდად იძლეოდა ბრძანებებს, თითქოს აღლუმზე არისო. ზოგჯერ სუმრობდა კიდეც, რომ გაემხიარულებინა თავისი მცირერიცხოვნი ჯარი. ხოლო როცა მტერი მორიგ შეტევაზე გადმოდიოდა, იგი მუდამ იქ გაჩნდებოდა, სადაც კველაზე ცხარე ბრძოლა იყო, რათა შემმუსვრელი ძალით დაემარცხებინა და უკუეგდო მტრის ჯარი; მაგრამ ინფადუსს სერ ჰენრი სჯობდა. სირაჭლემის ფრთების ჯილა ვიღაცას შუბის დარტყმით გადაეჭრა მისთვის, გრძელ ქერა თმას ქარი უფრიალებდა და ახლა უფრო მეტად წააგავდა ძველ დანიელს. ამ მებრძოლ გოლიათს ხელები, ნაჯახი და ჯაჭვის პერანგი ერთიანად სისხლში ჰქონდა მოსვრილი. მის დარტყმას ვერავინ უძლებდა. შუბის ან ნაჯახის ერთი დაკვრით ძირს დასცემდა მტერს და ახლა სხვას დაერეოდა. „ო-ჰოი“, „ო-ჰოი“, იძახდა ხოლმე ასეთ წუთებში სწორედ ისე, როგორც ეს მის ბერგშირელ წინაპრებს სხვეოდათ. ლენდა ფარებს, ნაფოტებად აქცევდა შუბებს, მოწინააღმდეგეს თავის ქალებს უმსხვერევდა. ბოლოს და ბოლოს საქმე იქამდე მივიდა, რომ ვერავინ ბედავდა, მიახლოვებოდა ამ თეთრ „უმტაგატილ-ს“, ესე იგი, თეთრ მისანს, ყველას მუსრს რომ ავლებდა, თვითონ კი უვნებელი რჩებოდა.

მაგრამ უეცრად მტრის მხარეზე ჩოქრლი ატყდა. „თუალა!“ „თუალა!“ გაისმა ხმა. მოწინააღმდეგეთა რიგებს გამოეყო ცალთვალა ბუმბერაზი და აუზქარებლად წამოვიდა ჩვენაკენ. ხელში საბრძოლო ნაჯახი ეჭირა, ტანზე ჯაჭვის პერანგი ეცვა.

ეს თვით მეფე თუალა გახლდათ.

— სადა ბრძანდები, ინკუბუ, თეთრო ჯადოქარო, სკრაგას მკვლელო? აბა, გამოპარძანდი! ვნახოთ, ვინ ვის დაამიწებს! — ამ სიტყვებით სერ ჰენრის დანა ესროლა. საბედნიეროდ, სერ ჰენრიმ თვალი შეასწრო მის მოძრაობას და დანას ელვისუმალ ფარი შეაგება. დანამ ფარი გახვრიტა და ზედვე დაერჭო.

თუალამ დაიღრიალა, გადმოხტა და სერ ჰენრის ფარს მძლავრად დაარტყა ნაჯახი.

სერ ჰენრი დიდი დონის პატრონი იყო, მაგრამ დარტყმის ძალამ მაინც მჟელებზე დასცა. ორთაბრძოლა ამით არ დამთავრებულა. სწორედ ამ დროს იმ მხრიდან, საიდანაც მტერი გვაწვებოდა, ზარდამცემი ყვირილი გაისმა. იქით გავიხედე და უმალ ყველაფერს მიეცვდო.

მარჯვენა და მარცხენა ფრთიდან ჩვენი მეომრები გამორბოდნენ. უმჯობესი წუთის შერჩევა საამისოდ შეუძლებელი იყო. როგორც იგნოზი ვარაუდობდა, თუალას მოელი არმიის სული და გული რუხებისა და კამეჩებისკენ იყო მიპყრობილი. ამ ორმა პოლქმა, ჩვენი არმიის ძირითად ბირთვს რომ წარმოადგენდა, იმდენად მიიზიდა მტრის უერადება, რომ იგი აღარც კი ფიქრობდა, შეიძლება მოწინააღმდეგე ფრთებიდან დაგვესხას თავსო. თუმცადა ფრთებზე განდაგებული პოლქმის შეუერთდა კიდეც ერთმანეთს და ახლა, ვიდრე თუალას ჯარი გონს მოეგებოდა, ისინი ორივე მხრიდან გრიგალივით დააცხრენენ თავს.

სულ რაღაც ხუთიოდე წუთში ბრძოლის ბედი გადაწყვეტილი იყო. რუხებთან და კამეჩებთან სამკედლო-სასიცოცხლო ბრძოლაში ისედაც გასავათებულმა პოლქმიმა ვეღარ გაუძლეს ჩვენი ჯარების ორმხრივ შეტევას და თავზარდაცემულებმა პირი იბრუნეს. სულ მალე დაბლობი უკუჭცეული მეომრებით აივსო.

ის რაზმები კი, ჩვენ და კამეჩების პოლკი ალექსი რომ მოგვიმწყვდიეს, ისე შემოგვეცალნენ და გაიპარნენ, თითქოს რადაც ჯადოსნურ ძალას გაექროს.

იქაურობას მარტო ჩვენდა შემოვრჩით. შემოვრჩით ისე, როგორც სალი კლდე ზღვის უკუქცევის შემდეგ. რა ამაზრზენი სურათი გადაგვეშალა თვალწინ! ჩვენ ირგვლივ გროვა-გროვად ეყარა მაკვრები და დაჭრილები. რუსებიდან მხოლოდ ორმოცდათხუთმეტი კაცი იყო ცოცხალი. მარტო ინფადუსის პოლკმა ორი ათას ცხრაასზე მეტი კაცი დაკარგა.

ინფადუსი ხელზე ჭრილობას იხვევდა და დროდადრო აავლ-ჩაავლებდა ხოლმე თვალს თავისი პოლკის გადარჩენილ მეომრებს.

— მეომრებო, — მშვიდად წარმოთქვა მან ბოლოს, — თქვენ დაიცავით თქვენი პოლკის ღირსება. დღევანდელი ბრძოლის ამბავი ზღაპრად მიუვა თქვენს შვილებსა და შვილიშვილებს. — შემდეგ შებრუნდა, სერ პენრის ხელი ჩამოართვა და უბრალოდ უთხრა: — შენ დიდი ადამიანი ხარ, ინკუბუ, მთელი ჩემი ცხოვრება ომსა და ბრძოლებში გავატარე, ბევრი გმირი მინახავს, შენებრი კი დაემდე არსად შემხვედრია.

სწორედ ამ დროს გვერდით ჩაგვიარეს კამეჩებმა, ლუუსკენ მიემართებოდნენ. მათ გადმოგვცეს იგნოზის თხოვნა, სერ პენრი, ინფადუსი და მაკუმაზანი მე შემომიერთებოდნენ. ჩვენ ვუბრძანეთ რუსებს, დაჭრილებისათვის მიეხედათ და კამეჩების პოლკისაკენ წარმოდით. იგნოზიმ გვაუწყა, ლუუში მივდივარ, რომ სრული გამარჯვება მოვიპოვო და, თუ შესაძლებელი იქნება, თუალა ტყვედ ვიგდოო. ჩვენც მას გავჰვით.

ცოტა მანძილი რომ გავიარეთ, თვალი მოვკარით გუდს. იგი ასიოდე ნაბიჯზე ჭიანჭველების ბუდეზე დამჯდარიყო. მის გვერდით მკვდარი მებრძოლი ეგდო.

— ვაი თუ ჩვენი კაპიტანი დაჭრილია, — აღელვებით თქვა სერ პენრიმ. იმავე წამს უცნაური რამ მოხდა. ის „მკვდარი“ კუპუანელი, გუდის გვერდით რომ ეგდო, უეცრად ზე წამოიჭრა, გუდი ჭიანჭველების ბუდიდან გადმოაგდო და ზედიზე აძგერა შუბი. კაპიტანი ყოველ დარტყმაზე შესაბრალისად იკრუნებოდა. ჩვენ თავზარდაცემულები გავექანეთ მისებნ. კუპუანელმა თვალი გვკიდა, ერთხელ კიდევ გააფთრებით აძგერა შუბი, ესეც შენ, კუდიანოო, მიაძახა და გაიქცა. გუდი არ ინძრეოდა. ვიფიქრეთ, უკვე მოკვდაო, დამწუხრებულები მივუახლოვდით ჭიანჭველების ბუდეს და ძალზე გავვოცდით, როცა დავინახეთ, რომ გუდი უშფორველად იღიმებოდა, თუმცა ძალზე ფერმკრთალი და ღონებისდილი ჩანდა. წარმოიდგინეთ, მონოკლიც კი არ მოვარდნოდა თვალიდან.

— ეს ჯაჭვის პერანგი პირდაპირ საოცრებაა, — დაიჩურჩულა, როცა მისკენ დავიხარეთ. — რას იტყვით, ხომ მარჯვედ გავაცურე ებ კუპუანელი? — თქვა და გრძნობა დაკარგა.

ჩვენ დიდი სიფრთხილით გავუსინჯეთ მთელი სხეული. აღმოჩნდა, რომ უკანდახევისას სერიოზულად დაეჭრათ დანით, მაგრამ შუბს მისთვის არავითარი ვნება არ მიეყენებინა. ამჯერად რაღაც სასწაულით გადაურჩა სიკვდილს, მხოლოდ ეგ იყო, მთელი ტანი ჩალურჯებულ-ჩაშავებული პქონდა.

რაკიდა აქ ვერაფრით დავეხმარებოდით, წნელის საკაცეზე დავაწვინეთ, რომ ლუუმდე მიგვევანა. საკაცე მეომრებს ჩვენ უკან მოპქონდათ.

ლუუს ალაფაფის კარს რომ მივადექით, ერთი ჩვენი პოლკი უკვე იქ დაგვევდა. იგნოზის ბრძანებით ამ კარის დაცვა მას ევალებოდა. დანარჩენი პოლკები ქალაქის სხვა შესასვლელებს იცავდნენ. პოლკის უფროსი ეახლა იგნოზის და თაყვანი სცა, როგორც მეფესა და მბრძანებელს, შემდეგ მოახსენა, მოწინააღმდეგე ჯარებმა ქალაქს შეაფარეს თავი და თუალაც იქით გაიქცა, მაგრამ არმია დემორალიზებულია და მზად არის, იარაღი დაჭყაროსო. იგნოზიმ ურადღებით მოუსმინა, მერე ჩვენ მოგვეთათბირა და შიგრიკები აფრინა ქალაქის

უკელა კარისაკენ, სადაც მტრის ჯარი იყო განლაგებული. შიკრიკებს დავალებული პქონდათ, გადაეცათ ალექსემორტყმულთათვის ბრძანება, გაეხსნათ ქალაქის კარიბჭეები, აგრეთვე გამოეცხადებინათ, მეფე შეწყალებასა და დანაშაულის მიზევებას პპირდება უკელას, ვინც იარაღს ნებაყოფლობით დაყრისო. ამან სასურველი შედეგი გამოიღო. იმავე წამს თხრილზე დაეშვა ასაწევი ხიდი, ქალაქის კარი გაიღო. კამეჩებმა ყიუინა დასცეს და ჩვენ ქალაქში შევედით. თუმცა ვერთხილობდით კია, რომ მტერი საიდანმე მუხანათურად თავს არ დაგვსხმოდა. გზების გასწვრივ სახემოქურუხებული მეომრები იდგნენ, თავი ჩაექინდრათ, ფარები და შუბები კი ფერხთით დაეწყოთ. ისინი მდაბლად ესალმებოდნენ იგნოზის, როგორც მეფეს შეცვერის. ჩვენ პირდაპირ თუალას კრაალისაკენ გავემართეთ. მოედანი, სადაც ამ ცოტა ხნის წინათ მეფემ ჯარების დათვალიერება, შემდეგ კი მისნებზე ნადირობა მოაწყო, ცარიელი იყო. თუმცა არა, მოშორებით, თავისი ქონის წინ, იჯდა თუალა, მის გვერდით გაგულას გარდა არავინ ჩანდა.

ძალზე დამაღონებელი სურათი იყო. თუალას თავი მკერდზე ჩამოეგდო, საბრძოლო ნაჯახი და ფარი გვერდით ეწყო, თავის ერთგულ ქვეშევრდომთაგან ეს ბებერი კუდიანიდა შემორჩენოდა. ხომ დარწმუნებული ვიყავი, რომ ჩემ წინ ბოროტი და სისხლისმსმელი არსება იჯდა, მაგრამ წამით შემებრალა ეს დამარცხებული კერპი, როგოლსაც თავისი მაღალი კვარცხლბეჭერიდან ძირს გადმოუძახეს. არც ერთი მეომარი, არც ერთი ჯარისკაცი არ დარჩენილა მასთან, რომ თანაეგრძნო და ნუგაში ეცა, არ იყო არავინ იმათგან, ვინც ადრე ეპირფერებოდა და ფეხეჭვეშ ეგებოდა, არ ჩანდა არც ერთი ცოლი, რათა მისი მწუხარება გაეზიარებინა. საბრალო, საბრალო ველური! ეს გახდათ ერთი იმათგანი, ვისაც ბედი მკაცრად აფრთხილებს: ადამიანები ყრუ და ბრმანი არიან მათ მიმართ, ვისაც ცხოვრება სამარცხინო დაღს დამჩნევს, ყრუნი და ბრმანი არიან დამცირებულთა და შეურაცხყოფილთა, ცხოვრებისაგან გარიყელთა მიმართ. თუმცა, მართალი მოგახსენოთ, თუალა არ იყო შეწყნარების დირსი.

პირდაპირ მისკენ გავემართეთ. ოცდაათიოდე იარდზე რომ მივუახლოვდით, პოლკი შევაჩერეთ და ყოფილი მეფის ქონისაკენ მხოლოდ რამდენიმე მცველის თანხლებით წავედით. გაგულამ წყევლა-კრულვა მოგვაყარა. თუალამ ჯილით შემქული თავი ასწია და თვალჩაციებით დააცერდა თავის ბედნიერ მეტოქეს – იგნოზის. მისი მზერა შეუოკებელ ბოლმასა და გულისწყრომას გამოხატავდა.

– სალაში შენდა, პო მეფე! – მწარე დაცინვით წამოიძახა მან. – შენ ჩემი სტუმარი იყავი. ჩემს ჟურს ჭამდი, მერე კი ჯადოქრობის წყალობით ჯარი ამირდამირიე და ამ გზით გაიმარჯვე. რას მიპირებ ახლა, რა გაქვს განზრახული?

– უნდა მოგალა ისე, როგორც მოკალი მამაჩემი. დაგავიწყდა, მთელი ეს წლები ვისი ტახტი გეჭირა?

– ძალიან კარგი, მე დაგანახვებ, როგორ უნდა მოკვდეს ვაჟაცი. გაიხსენე ეს, როცა უამი მოგივა. შეხე დასალიერს! ცა სისხლითა მოსვრილი, – თქვა და თავისი ნაჯახი მეწამული ცისკენ გაიწვდინა, – კმაყოფილი ვარ, რომ ჩემი მზეც იმ მზესთან ერთად ჩაესვენება. მზადა ვარ მოგვდე, პო, მეფეო: მაგრამ დამრთე ნება, მოგვვდე ბრძოლაში. ეს უფლება ბოძებული აქვთ სამეფო გვარიშვილთ. ამაზე უარს ვერ მეტყვი, რადგან მაშინ ყბადასაღები შეიქნები თვით იმ ლაჩრებისთვისაც კი, რომლებიც დღეს ბრძოლის ველიდან თავლაფრდასხმულები გარბოდნენ.

– მომიცია ეგ უფლება, აირჩიე ვისთან გსურს შერკინება. თვით მე ვერ შეგებრძოლები, რადგან მეფეს ბრძოლა მხოლოდ ომში მართებს.

თუალამ თავისი ბოროტი მზერა აავლ-ჩავლო ჩვენს მწკრივს. მომეჩვენა, რომ თვალი ჩემზე შეაჩერა და შიშით ავცახცახდი, ჩემთან შებმას ხომ არ აპირებს-მეტქი. როგორ უნდა შევმოდი ამ გააფთრებულ ველურს, ამ უზარმაზარ

გოლიათს? მიჯობდა აქვე, ახლავე მომეკლა თავი. შედეგი ერთი და იგივე იქნებოდა. გავიფიქრე ეს და გულში გადავწყვიტე, უარი მეოქვა ორთაბრძოლაზე, თუნდაც ამისთვის კუპუანელებს სამარცხევინოდ გავეძევებინე თავისი ქვეყნიდან. ჩემი აზრით, სჯობს დაგცინონ და გაგაძევონ, ვიდრე საბრძოლო ნაჯახით ნაჭერნაჭერ აგქუწონ.

— რას იტყოდი შენ, ინკუბუ? — მოულოდნელად თქვა თუალამ, — ხომ არ დავამთავროთ დღევანდელი ჩვენი ბრძოლა? თანახმა ხარ, თუ უფლება მექლევა საბრალო მხდალი გიშოდო?

— არა, არა, — სიტყვა გააწყვეტინა მას იგნოზიმ, — შენ არ შეებრძოლები ინკუბუს!

— თუ შიშობს, რასაკვირველია, არ შევებრძოლები, — მიუგო თუალამ.

სამწუხაროდ, სერ ჰენრი მიხვდა ამ სიტყვების მნიშვნელობას და სახეზე აღმურმა აკკრა.

— ახლავე შევებრძოლები ამ ოქლაქს და მაშინ ნახავს, მშიშარა ვარ თუ არა! — წამოიძახა მან.

— ლვთის გულისათვის, — შევევედრე მე, — რატომ სწირავთ თავს, რა გესაქმებათ ამ თავზეხელადებულ ველურთან, განა დღეს ყველას არ დაუმტკიცეთ, რომ მხდალი არა ხართ?

— მაინც უნდა ვიბრძოლო, — მითხრა სერ ჰენრიმ, — ვის რა უფლება აქვს, მხდალი მიწოდოს? მე მზად ვარ! — თქვა, ნაბიჯი წინ წადგა და ნაჯახი ჰაერში შეათავაშა.

სერ ჰენრის ასეთმა უაზრო, დონკიხოტურმა საქციელმა სასოწარკვეთილებაში ჩამაგდო, მაგრამ რაღას გავაწყობდი, ვიცოდი მისი ჯიუტი ხასიათის ამბავი, რაკი თქვა, ადარ გადათქვამდა!

— ნუ შეებრძოლები, ჩემო თეთრო ძმაო, — უთხრა იგნოზიმ და ხელი მხარზე მეგობრულად დაადო. — შენ დღეს ისედაც ბევრი რამ გადაიტანე, რამე რომ შეგემთხვეს, გული ორად უნდა გამეპოს.

— მე უნდა ვიბრძოლო, იგნოზი, — გაიმეორა სერ ჰენრიმ.

— რაღა მეოქმის, ინკუბუ, რაკი აგრეა, იბრძოლე, ეს ნამდვილი ბრძოლა იქნება. მზადა ხარ, თუალა? სპილო გელის!

ყოფილმა მეფემ შმაგივით გადაიხარხარა, წინ წამოდგა და სერ ჰენრის პირდაპირ დაუდგა. წამით ორივე უძრავად იდგა. ჩამავალმა მზემ გააშუქა მათი სახეები და ცეცხლის ჯავშნით შეუმოსა ტანი. დიახ, ეს დირსეული წყვილი გახლდათ.

შემდეგ ორივემ ნაჯახები შემართა და წრე-წრე მიჰყვნენ ერთმანეთს.

უეცრად სერ ჰენრი გადახტა და მოწინააღმდეგეს საშინელი ძალით მოუქნია ნაჯახი, თუალამ განზე გახტომა მოასწრო. ჰაერში მძლავრად მოქნეულმა ხელმა სერ ჰენრი ცოტას გაწყდა, თავად არ დასცა ძირს. თუალამ წამსვე ისარგებლა შექმნილი ვითარებით, თავისი მძიმე საბრძოლო ნაჯახი ჰაერში დაატრიალა და ისეთი წარმოუდგენელი ძალით მოიქნია, რომ შიშით კინადამ სული გამძრა. მეგონა, ყველაფერი დამთავრდა-მეთქი. მაგრამ არა, სერ ჰენრიმ მარცხენა ხელით ნაჯახს სწრაფად შეაგება ფარი და დარტყმა აიცდინა. ნაჯახმა ფარს კიდე ჩამოამტკრია და სერ ჰენრის მარცხენა მხარზე მოხვდა, მაგრამ ამით არა ევნო რა, რადგან ფარმა დარტყმის ძალა შეასუსტა. სერ ჰენრიმ უმალვე მოიქნია ნაჯახი, მაგრამ თუალამაც ფარი შეაგება. შემდეგ კი ჰაერში წამისწამ ელავდა ნაჯახები, მეტოქენი ან გვერდზე გახტებოდნენ, ან ფარს შეაგებებდნენ ხოლმე, მათ ირგლივ ხალხი უფრო და უფრო დელავდა. პოლკს, რომელიც ამ ორთაბრძოლას შეჰყურებდა, წესრიგის აღარაფერი ახსოვდა. მეომრები ახლოს მიიჭრნენ და ნაჯახის ყოველ მოქნევაზე სიხარულის შეძახილები ან სასოწარკვეთილი გმინვა ისმოდა. სწორედ ამ დროს გუდი,

რომლის საკაცე მეომრებმა აქ მოსვლისას ჩემ გვერდით დადგეს, გონს მოვიდა, წამოჯდა და მებრძოლებს დააცქერდა. წუთის შემდეგ ფეხზე წამოიჭრა, ხელი წამავლო, ცალ ფეხზე აქეთ-იქით ხტოდა და მეც მიმათრევდა, თან სერ ჰენრის გამამხნევებლად უყვიროდა.

— მიდი, მისცხე-მეთქი! აი, ეს კი მესმის! ასე, ასე! ცენტრში უმიზნე გემს, ცენტრში!

სერ ჰენრიმ თუალას ნაჯახს ფარი შეაგება და თვითონაც საპასუხო დარტყმა აგება. ნაჯახმა ფარი და ფოლადის ჯავშანი გაქვეთა და თუალას მხარზე ღრმა ჭრილობა მიაყენა. ველურმა გააფორებით შეჰვირა და მისმა ნაჯახმა სერ ჰენრის ნაჯახს ტარი გადაუმტვრია, მიუხედავად იმისა, რომ იგი მარტორქის ძვლისაგან იყო გაკეთებული და სიმაგრისათვის ფოლადის რგოლები ჰქონდა დატანებული. მაგრამ ტარს ვინ დაეძებდა, იმ ოხერმა ნაჯახმა სერ ჰენრის ება შუაზე გაუხლიჩა.

სერ ჰენრის ნაჯახი მიწაზე დავარდა. კამეჩებმა სასოწარკვეთით დაიღრიალეს. თუალამ კი ხელახლა შემართა თავისი საზარელი იარაღი და ყვირილით გაქანდა მოწინააღმდეგისაკენ. სიმწრით თვალი დავხუჭე. როცა ხელახლა გამოვიხდე, სერ ჰენრის ფარი მიწაზე ეგდო. ჩვენს ფალავანს კი მძლავრი ხელები თუალასთვის ჩაევლო და ხელდახელ უპირებდა შებმას. ისინი ირწეოდნენ და ერთმანეთს დათვეურ მკლავებში ედვლემდნენ. ძალ-დონეს იკრებდნენ, თავანანწირვით იბრძოდნენ, რათა დაეცვათ სიცოცხლე, რომელიც ესიღენ ძვირვასია ყველასათვის, დაეცვათ სიცოცხლეზე უფრო მეტიც — ვაჟაცის სახელი და პატიონსნება.

არაადამიანური ძალდატანებით თუალამ თავის მტერს წონასწორობა დააკარგვინა და ორივენი მიწაზე დაენარცხენ. აქაც განაგრძობდნენ ბრძოლას. აქეთ-იქით გორავდნენ კირქვით მოკირწყლულ გზაზე. თუალა ცდილობდა, სერ ჰენრისათვის თავში ნაჯახი დაეკრა, სერ ჰენრი კი ლამობდა დანით გაეჭრა ბუმბერაზის ჯაჭვის პერანგი.

საზარელი სანახავი იყო ამ ორი გოლიათის ბრძოლა, მათი სამკვდრო-სასიცოცხლო შერკინება.

— ნაჯახი, ნაჯახი წაართვი! — ღრიალებდა გუდი. შესაძლოა, სერ ჰენრიმ უკრი მოჰკრა მის სიტყვებს, იმიტომ, რომ დანა გადააგდო და ჩაებდაუჭა ნაჯახს, რომელიც თუალას კამეჩის ტყავის თასმით ჰქონდა ხელზე დამაგრებული. ისინი მიწაზე გორავდნენ, მძიმედ-მძიმედ სუნთქავდნენ და ველური კატებივით იბრძოდნენ ნაჯახისათვის. უკრად ტყავის თასმა გაწყდა. არაადამიანური ძალდატანებით სერ ჰენრიმ თუალას მკლავების მარწუხს თავი დააღწია. ნაჯახი ხელში შერჩა. იმავე წამს ფეხზე წამოიჭრა, სახეზე მიუენებული ჭრილობიდან სისხლი მოთქრიალებდა, თუალაც ფეხზე წამოვარდა, ქამრიდან მძიმე დანა ამოიძრო და კურტისს მკერდში ძლიერად ამგერა, მაგრამ დანა ფოლადზე ასხლება. თუალამ საზარლად დაიღრიალა, დანა მეორედ მოიქნია, მაგრამ იგი ამჯერადაც ასხლება, თუმცა დარტყმის ძალამ სერ ჰენრი დაატორტმანა. თუალა კვლავ მიერანა მოწინააღმდეგეს. ამასობაში ჩვენმა მამაცმა მებრძოლმა ძალ-ღონე მოიკრიბა და მძლავრად მოიქნია ნაჯახი.

ხალხმა აღელვებით შეჰვირა. დიახ, მოხდა უცნაური, წარმოუდგენელი რამ. თუალას თავი მხრებიდან ჩამოხტა, ხტუნგა ხტუნვით გაგორდა მიწაზე და ზედ იგნოზის ფეხებთან შეჩერდა. თუალა ისევ ფეხზე იდგა, მაგრამ მხოლოდ ერთი წამით. გადაჭრილი ძარღვებიდან შადრევანივით ამოხეთქა სისხლმა. შემდეგ უთავო სხეული მიწაზე დაენარცხა, ოქროს გვერგვი კისრიდან მოძვრა და მიწაზე გაგორდა. სერ ჰენრიც თუალას გვამის გვერდით დაეცა.

წაქცეული თვალისდახამხამებაში წამოაყენეს. ვიდაცის მზრუნველმა ხელმა სისხლიანი სახე ჩამობანა და სერ პენრიმ დიდი, ნაცრისფერი თვალები ნელ-ნელა გაახილა.

დიახ, ის ცოცხალი იყო.

ზედ ამ დროს მზეც ჩაესვენა.

მიწაზე, მტკერში თუალას თავი ეგდო. მე იქითკენ წავედი. გაყინულ შუბლზე დიდი ალმასი ავართვი და იგნოზის მივუტანე.

— აიდე ეს ალმასი, კუჭუანელთა მეფე! — ვუთხარ.

იგნოზიმ ჯიღით შუბლი დაიმშვენა, შემდეგ თუალას გვამს მიუახლოვდა, ფართო მკერდზე ფეხი დაადგა და გამარჯვების სიმღერა შემოსახა.

სიტყვები არ მყოფნის გადმოგცეთ, რა საუცხოოდ მღეროდა ეს ველური. ერთხელ ვიღაც ბერძული ენის მცოდნე ხმამაღლა კითხულობდა ბერძენი პოეტის, პომეროსის ლექსეს. იმ ნარნარ, რითმიულ სტრიქონებს რომ ვისმენდი, ადგრაცებით ადგილზევე გავშეშდი. იგნოზის სიმღერამაც ზუსტად ისეთივე შთაბეჭდილება მოახდინა ჩემზე, მიუხედავად იმისა, რომ ძალზე დაღლილ-დაქანცული ვიყავი. განა ამ რამდენიმე დღეში ცოტა რამ გადაგხდა თაგს?!

„ბოლოს და ბოლოს ჩვენი ბრძოლა გამარჯვებით დაგვირგვინდა“, — მღეროდა იგნოზი.

ამ დიღით ჩვენი მტკერი წამოდგნენ, ძილი განიშორეს, სირაქლემას ფრთებით მოირთვნენ და საბრძოლოდ მოემზადნენ.

ისინი წამოდგნენ, მეომრებმა მეთაურებს მოუწოდეს: მოდით, წაგვიყვანეთო, უთხრეს. მეთაურებმა კი მეფე იხმეს, ბრძოლაში გვითავკაცეო.

ადსდგა ოცი ათასი მეომარი და კიდევ ოცი ათასი.

ფრთებმა, რომლითაც მეომრებს თავები ჰქონდათ შემკული, ერთიანად დაფარა მიწა. ასე ფარავს ჩიტი თავისი ფრთებით ბუდეს. ისინი იქნევდნენ შებებს და ყვიროდნენ, დიახ, დიახ, ისინი მაღლა ისროდნენ შებებს, რომლებიც მზის სხივებზე ელავდნენ, სწყუროდათ ბრძოლა და გულს სიხარული უვსებდათ.

ისინი ჩემ წინააღმდეგ წამოვიდნენ, ძლიერნი წინ-წინ მორბოდნენ, ჩემი მოკვლა ეწადათ. ყვიროდნენ, ჰა, ჰა, ეგ ხომ უკვე ცოცხლებში აღარ წერიაო.

მაშინ მე მათ სული შევუბერე, ეს შებერვა ქარიშხალზე ძლიერი იყო და ისინი დაიხოცენ.

ჩემმა ელგამ განგმირა მტკერი. მე გავაცამტვერე მათი ძალა, დაგხოცე ისინი ჩემი შებების ელვით, მოვსრენ ჩემი მქუსარე ხმით.

მათი რიგები გაიპო, დაიფანტა, გაქრა დილის ნისლივით. ისინი ყვავებისა და მელიების ლუკმად იქცნენ, ბრძოლის ველი მათი სისხლით მოირწყო.

სად არიან ეს ჯან-დონით სახსე ადამიანები, დილით რომ წამოდგნენ? სად არიან ის დიდგულა მეომრები, ჩემზე რომ ამბობდნენ, ეგ უკვე ცოცხლებში ადარ წერიაო? სად არის ის ხალხი, თავები ჰაერში მოფრიალე ფრთებით რომ ჰქონდათ შემკული?

შეხეთ, თავებს ხრიან, მაგრამ იმიტომ კი არა, რომ ძილი მორევიათ. წვანან, თითქოს სძინავთო, მაგრამ არა, ეს ძილი არ არის.

მათი სახელები მაღე ყველას დაავიწყდება, ისინი წყვდიადს შეუერთდნენ და პვლავ ადარასოდეს დაბრუნდებიან. მათ ცოლებს სხვები წაიყვანენ, შვილებსაც აღარ გაასენდებათ.

გესმოდეს ყველას! მე შორს წავედი აქედან, როცა დამე ბნელი იყო, მაგრამ დავუბრუნდი მშობლიურ კერას იმ დროს, განთიადმა ქვეყანა რომ გააბრწყინა.

თავი შეაფარეთ ჩემი ფრთების ჩრდილს, ჰო, ადამიანებო, მე დაგამშვიდებთ და შიში და სევდაც გაქრება.

დადგა ბედნიერი დრო, ყველას ელის ჯილდო და წარჩინება.

ველებში დამიდის ურიცხვი ჯოგები, ქალიშვილებიც კრაალებში ჩემი ნება-სურვილის ამსრულებლები არიან.

ზამთარმა პირი იბრუნა. დადგა ზაფხული, ახლა ბოროტება სახეზე რიდეს ჩამოიფარებს და ჩვენს ქვეყანაში სიკეთე და სიყვარული შროშანასავით გაიფურჩქნება.

იზეიმე და იხარე, ჩემო ხალხო! და, იზეიმოს მთელმა ქვეყანამ, იმიტომ, რომ მოისპო მტარვალი, იმიტომ, რომ მე მეფე ვარ!"

იგნოზი დადუმდა და საღამოს ბინდბუნდში ექოსავით იგრგვინა პასუხმა:

— შენ მეფე ხარ ჩვენი!

ამგვარად, ის სიტყვები, თუალას რომ ვუთხარი, წინასწარმეტყველური გამოდგა. ჯერ ორმოცდარვა საათსაც კი არ გაევლო და მისი უთავო გვამი გაშეშებული ეგდო კრაალის კართან.

## თ ა ვ ი X V

### გ უ დ ი ა ვ ა დ მ ყ თ ფ თ ბ ს

ორთაბრძოლა დამთავრდა. სერ ჰენრი და გუდი თუალას ქოხში შეიყვანეს, მეც, რასაკვირველია, მათ მიყვევი. ორივემ იმდენი სისხლი დაკარგა და ისე იყვნენ დაღლილ-დაქანცულები, რომ ძლივსდა ფეთქავდნენ. უკეთესად არც მე ვვრძნობდი თავს. თუმცა ბუნებით ჯანმრთელი კაცი გახლავართ, თანაც სხვაზე მეტად ამტანიც, რადგან გამხდარი და კარგად გაწროთბილ-გაკაუებული ვარ. მაგრამ იმ საღამოს მეც ძლივს ვიდეს ფეხზე. როცა ძალიან ვიდლები, ლომის ნაკეჭნი საშინლად მაწუხებს ხოლმე ფეხზე. ამას ისიც დაუმატეთ, რომ თავი ტკივილისაგან გახეთქაზე მქონდა. გახსოვთ ალბათ, დილით რომ რაღაც ჩამარტყეს და დამარტყიანეს, მერე გრძნობაც ხომ დაკარგე. პოდა, ყველაფერმა ახლა იჩინა თავი. ერთი სიტყვით, ძნელი წარმოსადგენია იმაზე უფრო საცოდავი და უბადრუები ადამიანები, იმ დაუკიტყარ საღამოს ჩვენ სამნი რომ ვიყავით. თავს იმით ვინუგეშებდით, რომ ბედმა მთლად არ გაგვწირა და პირში სული ისევ გვედგა, მაშინ როცა ათასობით მამაცი მეომარი ბრძოლის ველზე ეყარა.

როგორც იქნა, მშვენიერი ფულატას დახმარებით გავიძრეთ ჯაჭვის პერანგები, ორი ჩვენგანი უეჭველი სიკვდილისაგან რომ იხსნა. მას შემდეგ, რაც სიკვდილს გადავარჩინეთ, ფულატამ თავისი ნებით იკისრა მოახლეობა და გამორჩევით ზრუნვადა გუდზე. დიახ, გავიძრეთ ჯაჭვის პერანგები და მხოლოდ მაშინ დავინახეთ, რაც გვიტორდა: თავით ფეხამდე ჩაბეჭილ-ჩაღურჯებულები ვიყავით. ფოლადის ჯაჭვის პერანგში შეუბის წვერი ვერ ატანდა, თორემ სხვაფრივ ჩვენი დაცვა არ შეეძლო. სერ ჰენრისა და გუდს მთელი ტანი სისხლნაჟღენთებით ჰქონდათ დაფარული, მეც საკმაოდ დალილავებული ვიყავი. ფულატამ დასრუესილი ფოთლებისაგან რაღაც წამალი შეგვიმზადა და დაუეფლ ადგილებზე სალბუნივით დაგვადო. წამალს სამო სუნი ჰქონდა, ტკივილებიც საქმაოდ დაგვიამა. მაგრამ სისხლნაჟღენთებზე მეტად სერ ჰენრისა და გუდს იარები აწუხებდათ. კაპიტანი „მშვენიერ თეთრ“ წვივში იყო დაჭრილი და ბლომად სისხლიც დაეკარგა. სერ ჰენრის კი, სხვა იარებზე რომ აღარაფერი ვთქვა, თუალას წყალობით ყბა დრმად ჰქონდა გაპობილი.

საბედნიეროდ, გუდი საქმაოდ კარგი ქირურგი იყო და როგორც კი წამლების ყუთი მოუტანეს, მაშინვე საქმეს შეუდგა: გულდაგულ მობანა ორივე ჭრილობა და კუპუანელთა ჭრაქის მერთალ შუქზე საქმაოდ გულმოლგინედ გაკერა, შემდეგ იარებს სქლად წასცხო რაღაც ანტიკური მალამო,

რომელიც პატარა ქილით „აფთიაქში“ ედგა და ცხვირსახოცის ნაფხრეწებით შეგვახვევინა. ამასობაში ფულატამ მაგარი ბულიონი მოგვიმზადა, რადგან ისე ვიყავით დასუსტებულები, რომ საჭმელს პირს ვერ დავაკარებდით. როგორც იყო, დავხვრიპეთ წვნიანი და მერე თუალას ფართო ქოხში კაროსებზე – ბეწვეულის საუცხოო ხალიჩებზე მივეკარეთ. ამ ხალიჩებით თითქმის მთელი იატაკი იყო მოფენილი. აი, ბედის მწარე დაცინვა: ყოფილი მეფის საწოლზე ეძინა მის მკვლელს – სერ ჰენრის. ვამბობ ეძინა-მეთქი, მაგრამ იმდღევანდელი ამბების შემდეგ ვის დაეძინებოდა! ყოველი მხრიდან მოისმოდა ჭირისუფალთა შეკივლება და შესაბრალისი მოთქმა-გოდება. ქალები დასტიროდნენ დახოცილ ძმებს, შვილებს, ქმრებს. არც საკვირველია, რომ ყველა ტიროდა და გლოვობდა, ამ საზარელ ბრძოლაში ხომ ოცი ათასზე მეტი მეომარი, ესე იგი, კუკუანელთა არმიის ერთი მესამედი დაიღუპა.

ტყავის საწოლზე წამოწოლილი ვისმენდი ამ კვნესა-გოდებას და გული მეფლითებოდა. მაშინ, მხოლოდ მაშინ შევიგრძენი ცხადად, რა საშინელი ტრაგედია დატრიალდა მხოლოდ იმისათვის, რომ ადამიანს თავისი პატივმოყვარეობა დაეკმაყოფილებინა.

ამასობაში შუაღამებაც მოატანა, მოთქმა-გოდება თანდათანობით მიწყდა. ჩამოვარდა სიჩუმე, რომელსაც დროდადრო გაბმული, გულისმომწყვლელი კივილი არდვევედა. მეზობელ ქოხში გაგულა თუალას უსულო გვამს დაკყმულდა.

ბოლოს ჩამეძინა, მაგრამ ძილში ვკრთოდი და წამისწამ მეღვიძებოდა. მეგონა, ისევ ბრძოლის ველზე ვიყავი, ხან ვთომც ის მეომარი, ჩემი საკუთარი სელით რომ მოვკალი, მიტევდა და თავს მესხმოდა, ხან რუხების პოლკის გმირი მეომრებით გარშემორტყმული ვიდექი, ხან კი თუალას გასისხლიანებული, ჯიღით მორთული თავი კბილთა ღრჯიალით მიგორავდა ჩემს ფერხთით, მისი ერთადერთი თვალი კი ბოროტად შემომცეკეროდა. მაგრამ ასე იყო თუ ისე, ის წამების დამეც ბოლოს და ბოლოს მიიღია. შეცისკრებულზე დავინახე, რომ ჩემს ამხანაგებს დამით ჩემზე უკეთ არ სძინებოდათ. გუდი ძლიერ ციებ-ცხელებას შეეპყრო და მალე ბოდვაც დააწყებინა, თან სისხლს ადებინებდა, რამაც ძალზე შემაშინა. ალბათ ფილტვში სისხლი ჩაექცა, როცა ის კუკუანელი მეომარი ჯაჭვის პერანგზე შებს უხატებუნებდა. სამაგიეროდ, სერ ჰენრი ბევრად უკეთ გრძნობდა თავს, მიუხედავად იმისა, რომ მთელი სხეული ისე დაბეჭვოდა და სტკიოდა, განძრევაც კი არ შეეძლო. სახეზე მიყენებული ჭრილობის გამო კი ვერც ჭამდა და ვეღარც იცინოდა.

დილის რგა საათისათვის ჩვენ სანახავად ინფადუსი მოვიდა. გვითხრა, მთელი დამე თვალი არ მომისუჭავს და არც დავწოლილვარო. გუშინდელ დღეს მასზე არცოუ ისე ემოქმედნა, გამოცდილი, ბრძოლებში გამოწრთობილი მეომარი იყო და თავი უფრო მხენედ ეჭირა. მას გაეხარდა ჩვენი ნახვა, გულთბილად ჩამოგვართვა ხელი, მაგრამ გუდის ასეთმა მძიმე მდგომარეობამ კი, ცოტა არ იყოს, დააფიქრა. მე შევამჩნიე, რომ ინფადუსი განსაკუთრებული მოკრძალებით ეპყრობოდა სერ ჰენრის, თითქოს იგი ჩვეულებრივი ადამიანი არ ყოფილიყოს. მართლაც, შემდეგ შევიტყვეთ, რომ კუკუანელები სერ ჰენრის რაღაც ზეპაცად რაცხდნენ. მეომრები ამბობდნენ, ინკუბუს ბრძოლაში ბადალი არ ჰყავსო და უკვირდათ იმ სისხლიანი, მოქანცელი დღის შემდეგ როგორდა შეეძლო შერკინებოდა თუალას, მეფესა და უძლიერეს მეომარს, და ერთი დაკვრით ხარივით წაეგდებინებინა თავი.

ინფადუსმა გვაუწყა, თუალას პოლკები დამორჩილდნენ იგნოზის, ხოლო ბელადები ქვეყნის ყველა კუთხიდან უთვლიან, შენი მონა-მორჩილნი გართო.

თუალას სიკვდილმა ბოლო მოუდო მდელვარებას. ყოფილ მეფეს სკრაგას გარდა შეილი არ ჰყოლია, იგნოზის ადარ ჰყავდა მეტოქე, რომელსაც შეეძლო ტახტზე თავისი უფლებები წამოგენებინა.

როცა ინფადუსს ვუთხარი, იგნოზიმ ძალაუფლება სისხლით მოიპოვა-მეთქი, მან მხრები აიჩება.

— დიახ, ასეა, — მითხა მოხუცმა მეომარმა, — კუპუანელები ვერ მოისვენებენ, თუ დროდადრო სისხლი არ დაიღვარა. მართალია, ხალხი დაიხოცა, მაგრამ ქალები ხომ დაგვრჩა? მალე ახალი მეომრები წამოიზრდებიან და მოკლულთა ადგილებს დაიკავებენ. ახლა ქვეყანა რამდენიმე ხნით მაიც დამშვიდება.

ინფადუსის შემდეგ იგნოზიმაც გვინახულა. თავზე სამეფო ჯილა ედგა. ვუყურებდი, როგორ გვიახლოვდებოდა ზვიადად, მეფეური ნაბიჯით, პირმოონე მლიქვნელებით გარშემორტყმული, და უნებლიერ თვალწინ დამიღვა მაღალ-მაღალი ზულუსი, რომელიც სულ რამდენიმე თვის წინათ მოვიდა ჩვენთან, ღურბანში და გვთხოვა, მსახურად ამიყვანეთო. ვჲ, — ვფიქრობდი, — რა უძუღმართია ბედისწერა და რა მოულოდნელად იცვლის გზას მისი ეტლი-მეთქი.

— სალამი, მეფე! — ვთქვი და წამოვდექი.

— დიახ, მაკუმაზან, როგორც იქნა, მეღირსა მეფობა და ამას თქვენ, ჩემს თეთრ მეგობრებს უნდა გიმაღლოდეთ.

შემდეგ გვითხარა, საქმე კარგად მიდის, ორიოდე კვირის შემდეგ ვაპირებ დიდი ზეიმი გავმართო და ამ ზეიმზე ჩემს ხალხს ვეჩვენო.

ვგითხე, გაგულას რადას უპირებ-მეთქი.

— გაგულა ჩვენი ქვეყნის ბოროტი სულია, — მიპასუხა იგნოზიმ, — მოვკლავ მას და მის მისნებზე მონადირე ქალებსაც ამოვხოცავ. ეგ ყველას ასეთი მიხრწილი ახსოვს, ცას შეაბერდა და ეგ არის. გაგულამ ასწავლა მისნებზე მონადირეებს ჯადოქრობა. ცათა უწყიან, რომ სულაც მაგ კუდიანის გამო გამეფდა ჩვენში ახეთი სისახტიკა.

— მართალია, მაგრამ გაგულამ ბევრი რამ იცის, — ვუთხარი, — ცოდნის მოსპობა უფრო ადვილია, ვიდრე მისი შეძენა, იგნოზი!

— გეოთანხმებით, — მითხა იგნოზიმ და ჩაფიქრდა, — მის გარდა არავინ იცის სამი ჯადოქრის საიდუმლო, რომლებიც იმყოფებიან იქ, სადაც გადის დიდი გზა, სადაც დაკრძალულნი არიან ჩვენი მეფენი და დაყურსებულები სხედან.

— დიახ და, ისიც იცის, სად არის დაფლული ალმასები. გახსოვს შენი პირობა, იგნოზი? უნდა ჩაგვიყვანო იმ საბადოში, თუნდაც ამისათვის გაგულას დანდობა მოგიხდეს. ხომ იცი, რომ მაგ ჯადოქრის გარდა, იქ გზას ვერავინ გაიგნებს?

— მახსოვეს, რასაც შეგპირდი, მაკუმაზან, ვიფიქრებ შენს სიტყვებზე.

იგნოზი რომ წავიდა, გუდის საწოლოან მივედი, რომ ავადმყოფისათვის დამეხედა. საბრალო კაპიტანს ჭრილობაზე ციებ-ცხელება აჟყვა და ახლა სიცხით იწვოდა, თან ბოდავდა. რაც დრო გადიოდა, მისი მდგომარეობა სულ უფრო და უფრო უარესდებოდა, თხის-ხუთი დღე არ გამომჯობინებულა. დარწმუნებული ვარ, ვერც გადარჩებოდა, ფულატას თავი რომ არ გადაედო. ქალი ყველან ქალია, კანის ფერს რა მნიშვნელობა აქვს.

გაოცებული ვადევნებდი თვალს, როგორ უვლიდა გუდს ეს შავიანიანი ტურფა ქალი, დღე და ღამე წახრილი იყო მის საწოლოან და ისე აკეთებდა ყველაფერს, რაც ავადმყოფს სჭირდებოდა, თითქოს კაი მოწყალების დაი ყოფილიყოს. პირველ ორ დამეს ვცდილობდი, შევშეცელებოდი ფულატას. სერ პენრიცა, თუმცა თვითონაც ძლიერ იდგა ფეხზე, შეძლებისდაგვარად ეხმარებოდა, მაგრამ ქალს არ მოსწონდა ეს; მოსწონდა კი არა, ძლივძლივობით მიტანდა თავის გეერდით. ბოლოს და ბოლოს დაიჟინა: თქვენი აქ ყოფნით აგადმყოფი წუხდება და ჯობია, მისი მოვლა მე მომანდოთო.

ვფიქრობ, ამ შემთხვევაში მართალი იყო, დღე და ღამე ფხიზლობდა, ავადმყოფს უვლიდა, ბუზებს უგერიებდა, აძლევდა მხოლოდ ერთ თავ წამალს —

ტულიპის ბოლქვებზე დაყენებულ რძეს. ეს ძალზე გამაგრილებელი სასმელიც იყო. თითქოს ახლაც თვალწინ მიღვას ეს სურათი, ჭრაქის მკრთალ შუქზე ყოველდამ რომ ვხედავდი: გუდი საწოლზე აქეთ-იქით აწყდებოდა, ფერმერთალი და სახეჩამომხმარი იყო. თვალები ფართოდ გაეხილა და განუწყვეტლივ რაღაცას ბუტბუტებდა. მის გვერდით მიწაზე ფეხმორთხმული იჯდა კუპუანელი ტურფა ასული, ზურგით ქოხის კედელს რომ მიყრდნობოდა. დადლილ-დაქანცულ სახეზე და ხავერდივით შავ თვალებში უსაზღვრო სიბრალული ეხატებოდა. ან იქნებ ის შავი თვალები სიბრალულით კი არა, უფრო სხვაგვარი, თბილი გრძნობით იყო სავსე?

მთელი ორი დღის განმავლობაში ეჭვი არავის გვეპარებოდა, რომ გუდი სასიკვდილოდ იყო განწირული, დაღვრემილ-დადარდიანებულები დავეხეტებოდით კრაბლში.

მხოლოდ ფულატა არ იზიარებდა ჩვენს ეჭვს და სულ ჩაგვჩიჩინებდა, არ მოკვდება, იცოცხლებსო.

თუალას ქოხის ირგვლივ მთელ სამას იარდზე და შეიძლება მეტზედაც სამარისებური სიჩუმე იყო. მეფის ბრძანებით, სერ ჰენრისა და ჩემ გარდა ახლომახლო ქოხებიდან ყველა გაასახლეს, რომ ავადმყოფი ხმაურს არ შეეწუხებინა. ერთხელ, დამით, ვიდრე დაგვწვებოდი, ჩემულებრივ, გუდის სანახავად წავედი. ეს სწორედ მისი ავადმყოფობის მეხუთე დღეს იყო.

ფეხაკრეფით შევედი ქოხში. იატაკზე დადგმული ჭრაქი მკრთალად ანათებდა იქაურობას, გუდი აღარ ბორგავდა, არც კვნესოდა, გაქვავებულ-გაშეშებული გაშხლართულიყო ტყავის საწოლზე.

მაშ, მოსახდენი მოხდა! გული შემეკუმშა და მკერდიდან მმიმე კვნესა აღმომხდა.

— შშშ! — მომესმა ამ დროს. ხმაზე მივიხედე და გუდის თავთით რადაც შავი აჩრდილი დავლანდე. ნელ-ნელა მივუახლოვდი საწოლს. არა, გუდი მკვდარი არ იყო, ღრმა ძილით ეძინა, გაძვალტყავებული თეთრი ხელი ფულატას თლილი თითებისათვის წავლო. მაშ კრიზისმა განვლო, გუდი გადარჩა. გადარჩა და მთელი თვრამეტი საათი ფეხგაუნძრევლად ეძინა. მეშინია ვთქვა, რადგან ვიცი, არავინ დამიჯერებს, მაგრამ მთელი ამ ხნის განმავლობაში ფულატა გაშეშებული იჯდა მის გვერდით; იმის შიშით, ვაითუ გაიღვიძოსო, ვერც განძრევა გაებედა და ვერც ხელის გათავისუფლება.

ვინ წარმოიდგენს, როგორ იტანჯებოდა ეს ქალი, ან როგორ ტეხდა სანგრძლივი ჯდომით გაშეშებული ხელ-ფეხი.

იმ დღიდან გუდი სწრაფად გამობრუნდა და მალე ფეხზეც წამოდგა. როცა სერ ჰენრიმ უამბო, როგორ უკლიდა ფულატა და როგორ იჯდა მთელი თვრამეტი საათი გაუნძრევლად მის თავთით, ამ სპერაკ ადამიანს თვალი ცრემლით აევსო. მერე შებრუნდა და გაემართა ქოხისაკენ, სადაც ფულატა საუზმეს გვიმზადებდა. თარჯიმნად მე წამიყვანა, მაგრამ ეს სულ ზედმეტი იყო, ფულატას საუცხოოდ ესმოდა მისი, მიუხედავად იმისა, რომ გუდმა სულ რაღაც ორიოდე სიტყვა იცოდა ზულუსურად.

— გადაეცით, — მითხა გუდმა, — რომ მის სიკეთეს და ამაგს სიკვდილამდე არ დავივიწყებ.

მე ვუთარგმნე ფულატას გუდის ნათქვამი და დავინახე, როგორ მოედო სახეზე ალი.

იგი სწრაფი მოძრაობით შებრუნდა გუდისაკენ, ისე მოხდენილად, თითქოს ჩიტმა შეითროხიალაო, დიდი შავი თვალები შეანათა კაპიტანს და მშვიდად უთხრა:

— ჩემს ბატონს დაავიწყდა, რაც მოხდა. განა მან არ მიხსნა სიკვდილის ქლანჭებიდან და განა მე მისი მხევალი არა ვარ?

როგორც ჩანდა, ამ ახალგაზრდა ლედის სულაც ადარ ახსოვდა, რომ მის გადარჩენაში მე და სერ პენრიც ვიღებდით მონაწილეობას. მაგრამ ქალები, საერთოდ, ასეთნი არიან. მასსოვს, ჩემი ძვირფასი მეუღლეც სწორედ ასე მომექცა. უნდა მოგახსენოთ, რომ ამ საუბრის შემდეგ ქოხში გულდამძიმებული დავბრუნდი. არ მომეწონა, მისს ფულატა ასე ნაზად რომ შესციცინებდა გუდს, რადგან კარგად ვიცოდი, რა ადვილად მოედებათ ხოლმე მეზღვაურებს სიყვარულის ალი.

ჩემი დაკვირვებით, ამქვეყნად ორი რამ არის შეუძლებელი და გარდუგალი: წარმოუდენელია, ზულუსი არ ჩხუბობდეს, ხოლო მეზღვაური ვინმეს არ ეტრიფოდეს.

რამდენიმე დღის შემდეგ იგნოზიმ მოიწვია დიდი საბჭო, რასაც კუკუანელთა ქვეყანაში „ინდიბას“ უწოდებენ. ამ საბჭოზე „ინდუნებმა“, ანუ უხუცესებმა, ოფიციალურად ცნეს იგი მეფედ.

ამ ცერემონიალმა, ისევე როგორც ჯარების დათვალიერებამ, ხალხზე დიდი შთაბეჭდილება მოახდინა. ჯარების დათვალიერების დღეს აღლუმზე რუხების პოლკის გადარჩენილი ნაწილიც მონაწილეობდა, მათ მთელი არმიის წინაშე გამოეცხადათ მადლობა განსაკუთრებული მამაცობისა და თუალას წინააღმდეგ გმირული ბრძოლისათვის. ყოველი რუხი მეომარი მეფემ დიდმალი საჩუქრით დააჯილდოვა. ამასთან, ყოველ მათგანს უბომა უფროსობა რუხების ახალ პოლკში, რომელიც ის-ის იყო, უნდა შეედგინათ. გარდა ამისა, საყოველთაოდ გამოცხადდა, რომ ჩვენ სამს – სერ პენრის, გუდსა და მე, ვიდრე მათ ქვეყანას ჩვენი აქ ყოფნით ღირსვეოფდით – მოგვსალმებოდნენ ისე, როგორც ეს მეფეს შეეფერებოდა და პატივიც მეფის საკადრისი ეცათ. გამოაცხადეს აგრეთვე, რომ ჩვენ უფლებამოსილნი ვიყავით ადამიანთა სიკვდილ-სიცოცხლეზე, ხოლო იგნოზიმ ხალხის წინაშე ერთხელ კიდევ გაიმეორა თავისი დაპირება, რომ ტყუილუბრალოდ, განუსჯელად არ დაღვრიდა ადამიანთა სისხლს და მისნებზე ნადირობას საბოლოოდ აღკვეთდა.

ნადიმის შემდეგ იგნოზის საკუთარ ქოხში ვეწვიეთ. როცა ყველა წავიდუამოვიდა და მარტონი დავრჩით, ვუთხარი: ძალიან გვინდა გავიგოთ იმ საბადოს საიდუმლო, დიდი გზის ბოლოში რომ არის და ამის თაობაზე ხომ არაფერი შეგიტყვიათ-მეთქი.

– აი, რა გავიგე ამ საკითხზე, ჩემო მეგობრებო, – თქვა იგნოზიმ, – მითხრეს, რომ იქ ზის სამი უზარმაზარი ქანდაკება, ჩვენი ხალხი მათ დაყურსებულებს ებახის. თუალას სწორედ მათოვის უნდოდა ფულატა მსხვერპლად შეეწირა. იქ, მთებში, უზარმაზარ მდვიმეში კრძალავენ ჩვენს მეფეებს, თუალას გვამიც იქ შეგიძლიათ ნახოთ. კუკუანელთა ყოფილი მეფე ზის მათან ერთად, ვინც ეს ქვეყანა მასზე ადრე დატოვა. იქვეა უდრმესი ჭა. იგი დიდი ხნის წინათ გათხარეს ადამიანებმა, რომ ამოელოთ ისეთი ქვები, თქვენ რომ დაეძებთ. ნატალში მეუბნებოდნენ ხოლმე, ბრჭყვიალი ქვები კიმბერლიშიც არისო. იმ ჭასთან არის სიკვდილის სავანე, მის გვერდით კი – საგანძური, რომლის აღილსამყოფელი მხოლოდ თუალამ და გაულამ იცოდნენ. მაგრამ თუალა ახლა მკვდარია, მე კი არც ის საგანძური ვიცი, სად არის და არც ის, რა არის შიგ ჩაფლული. ხალხში დადის ხმა, დიდი ხნის წინათ ერთ თეთრკანიანს ჩვენი მთები გადმოულახავსო. იგი ვიდაც ქალს წაუყვანია და განძეული უჩვენებია, მაგრამ ვიდრე უცხოელი განძის წაღებას მოასწრებდა, ქალს მოუხერხებია მისი დაბეზღება და მეფეს დაუყოვნებლივ გაუძევებია იგი კუკუანელთა ქვენიდან. იმ დღიდან მოყოლებული, იქ ქეთრციელს ფეხი არ შეუდგამსო.

– ეს ალბათ მართალია, იგნოზი, აკი იმ მთაზე თეთრკანიანი ვნახეთ.

– დიახ, ვნახეთ. ახლა კი, რაკი სიტყვა მოგეციო, თუ იმ საგანძურს ვიპოვით და თუ იქ მართლა აღმოჩნდა ძვირფასი ქვები...

- ქვები რომ არის, ამას ამტკიცებს ეგ ალმასი, შუბლზე რომ გიპეთია, - ვუთხარი და მიგუთითე ძვირფას თვალზე, თუალას შუბლზე რომ ავაგლიჯე.
- შესაძლოა, თქვენ მართალი იყოთ, - მითხრა იგნოზიმ, - და თუ ასეა, წაიღებთ იმდენს, რამდენსაც ზიდავთ, თუკი მართლა მოისურვებთ ჩემს დატოვებას, ძმანო ჩემნო!
- პირველ ყოვლისა, უნდა ის საგანძური მოვიძიოთ, - ვთქვი მე.
- ეგ კი მხოლოდ გაგულას დახმარებით შეგვიძლია.
- მერე, უარი რომ თქვას?
- უარს თუ იტყვის, მოკვდება, - მკაცრად მომიგო იგნოზიმ, - განა მხოლოდ იმიტომ არ დავინდე მისი სიცოცხლე? მოითმინეთ, თვითონ გადაწყვიტოს, იცოცხლებს თუ მოკვდება.
- იგნოზიმ მსახურს უხმო და გაგულას მოყვანა პრძანა.
- რამდენიმე წუთის შემდეგ კუდიანი ბებრუხანა წყევლა-კრულვით შემოვიდა ქოხში. უკან ორი მცველი მოსდევდა.
- დატოვეთ! - უბრძანა მათ იგნოზიმ.
- როგორც კი მცველები გავიდნენ, ეს საზიზდარი ჩვრების ფუთა იატაზე მიეფინა, - გაგულა მართლაც წააგავდა ძველი ჩვრების ფუთას. ამ ფუთაზე ორი, გველის თვალებივით ავბოროტი, თვალი ენთო.
- რას მიპირებ, რა გაქვს განზრახული, იგნოზი? - დაიწრიპინა გაგულამ, - შენ რა ნება გაქვს, ხელი შემახო. იცოდე, თითო რომ დამაკარო, ადგილზევე გაგაქრობ, უფრთხილდი ჩემს ჯადოს.
- შენმა ჯადომ თუალა სიკვდილისაგან ვერ იხსნა, ბებერო ძუკნავ, ამიტომ მეც ვერაფერს დამაკლებს, - მიუგო იგნოზიმ. - მისმინე, აი, რა მსურს შენგან, უნდა წაგვიძლვე საგანძურში, სადაც ის ბრჭყვიალა ქვებია დაფლული.
- ჰა, ჰა, ჰა! - გადაიხარხარა კუდიანმა, - იმ საგანძურს ჩემ გარდა ვერავინ მიაგნებს, მე კი კრინტს არ დავძრავ. თეთრი ჯადოქრები ცარიელ-ტარიელნი გაბრუნდებიან აქედან.
- ყველაფერს ახლავე მეტყვი, გაიძულებ, თქვა!
- რა გზით მაიძულებ, ჰო, მეფეო? შენ ყოვლის შემძლე ხარ, მაგრამ განა შეგწევს ძალა სიმართლე ამოგლიჯო ქალის ბაგებ?
- ეს ძნელია, მაგრამ მაინც შევძლებ.
- ხომ არ გამანდობ, რა გზით, მეფეო?
- არ იტყვი და, ნელი სიკვდილით ამოგხდი სულს.
- სულს ამომხდი? - დაიწრიპინა კუდიანმა, მაგრამ, ეტყობოდა, შიშით თავზარი დაეცა. - ვერ გაბედავ ხელი მახლო, - დაუმატა გააფთრებით. - ადამიანო, შენ არ იცი, ვინა ვარ. როგორ გგონია, რამდენი წლის ვიქები? მე მასხოვს თქვენი მამები და თქვენი მამის მამები. მე აქ ვიყავი, როცა ეს ქვეყანა ჯერ ნორჩი იყო, და აქვე ვიქები, როცა იგი დროს მოიჭამს. კიდევ დიდხანს ვიქები. მე არ მოვკვდები. შეიძლება, შემთხვევით მომკლან, დიას, შემთხვევით, მაგრამ ამას ვერ გაბედავენ.
- მოუხედავად ამისა, მაინც მოკვდები. მისმინე, გაგულა, ბოროტების დედავ, შენ ისეთი მიხრწილი ხარ, რომ სიცოცხლე აღარც კი გეყვარება. რის მაქნისია შენთვის სიცოცხლე? რად უნდა სიცოცხლე შენისთანა ბებერ ეშმაკს, რომელსაც აღარც ადამიანის სახე აქვს, არც თმა, არც კბილები - ერთი სიტყვით, არ გააჩნია არაფერი, გარდა სიძულვილისა და ბოროტი თვალებისა? ჩემი მხრივ დიდი სიკეთე იქნება, თუ მოგკლავ, გაგულა!
- სულელი ხარ! - კალავ იწივლა დედაბერმა, - წყევლო, უგუნურო არსებავ! შენა გგონია, მარტო ახალგაზრდებს უყვართ სიცოცხლე? მაშ, გულისა არაფერი გცოდნია. ახალგაზრდები ზოგჯერ ჩქარობენ სიკვდილს, რადგან გრძნობებს ემონებიან. მათ უყვართ, იტანჯებიან, დარდობენ, როცა მათი

რჩეულნი აჩრდილთა სამყაროში მიღიან, მოხუცებს კი გრძნობები არ გააჩნიათ, მათ არ ტანჯავთ სიყვარული და – პა-პა-პა! – იცინიან, როცა სხვებს წყვდიადი ნოქავს. პა-პა! უხარიათ, როცა დედამიწაზე ბოროტებას ხედავენ. მათ უყვართ მხოლოდ სიცოცხლე, თბილი, ძალიან თბილი მზე და ტკბილი, ძალიან ტკბილი პაერი. მათ ეშინიათ სიცივის, სიცივისა და ბნელის. პა-პა-პა!

ბებერი კუდიანი მიწაზე ხოხავდა, შეშლილივით ხარხარებდა და იქლაკნებოდა.

– შეწყვიტე ეგ ბოროტი სისინი და მიპასუხე! – რისხვით უთხრა იგნოზიმ. – მიმიყვან იმ საგანძურთან, სადაც ბრჭყვიალა ქვები ინახება, თუ არა? თუ არ მიმიყვან, მოკვდები, აი აქვე, ამწამსვე გაგათავებ! – იგნოზიმ შუბს ხელი დაატანა და გაგულას თავზე ადმართა.

– არა-მეთქი, არ მიგიყვან. შენ ჩემი მოკვლის უფლება არა გაქვს, ჩემი მკვლელი უკუნითი უკუნისამდე დაწყევლილი იქნება.

იგნოზიმ ნელ-ნელა დასწიდ შუბი ძირს, წვერით შეეხო ამ ჩვრების გროვას.

გაგულა გიჟური ყვირილით წამოიჭრა ზეზე, მერე დაეცა და იატაგზე ხოხვას მოჰყვა.

– ოჯ, არ მომკლა, მიგიძლვებით იმ საგანძურთან, მხოლოდ მაცოცხლე! ნება დამრთე, მზეზე გავთბე და დღეში თითო ლუქმა ხორცი მქონდეს, ნუ მომისპობ ამას და ყველაფერზე თანახმა ვიქნები.

– კარგი, ვიცოდი, რა გზითაც მოგიყვანდი ჭკუაზე. ხვალვე წაიყვან იქ ინფადუსსა და ჩემს თეთრ ძმებს. მიფრთხილდი, თუ მომატყუპ, ნელი სიკვდილით მოგკლავ.

– არ მოგატყუებ, იგნოზი, მე ჩემი სიტყვის პატრონი ვარ. პა-პა-პა! ერთხელ, ძალიან დიდი ხნის წინათ, ერთმა ქალმა იმ საგანძურში თეთრკანიანი შეიყვანა. მერე რა? იმ თეთრკანიანს ჭირის დღე დაადგა, – იმ ქალსაც გაგულა ერქვა, იქნებ... იქნებ მე ვიყავი ის ქალი?

– შენ ცრუობ, – ვუთხარი მე, – მას შემდეგ აგერ მეათე თაობა მოდის.

– შესაძლოა, შესაძლოა, როცა ამდენ ხანს ცხოვრობ, ყველაფერი გავიწყდება. ეგებ ჩემი დედის დედამ მომიყვა ეს ამბავი, მაგრამ იმ ქალს კი ნამდვილი გაგულა ერქვა. დაიხსომეთ, – გვითხრა მერე და ჩენ მოგვიბრუნდა, – საგანძურში, სადაც ბრჭყვიალა ქვები ინახება, ავსებულ ტყავის გუდას ნახავთ. ის გუდა თეთრმა ადამიანმა აავხო, მაგრამ ვეღარ წაიღო. უბედურება დაატყდა თავს, გეუბნებით, უბედურება დაატყდა-მეთქი. ეგებ ჩემი დედის დედამ მიამბო ეს ყველაფერი... გზას მხიარულად გავლევთ, ვნახავთ მათ გვამებს, ვინც ბრძოლაში დაეცა. ალბათ ყვავებმა უკვე ამოკორტნეს თვალები, ძვლები კი მხეცებმა დახრეს. პა-პა-პა!

## თ ა გ ი  X V I

### ს ი პ პ დ ი ლ ი ს      ს ა გ ა ნ ე

ზემოთ აღწერილი შემთხვევის შემდეგ ორმა დღემ განვლო. მესამე დღეს, სადამოს უკვე ბნელოდა, როცა „სამი ჯადოქრის“ მთის ძირს მივაღწიეთ. აქ იდგა რამდენიმე ქოხი, სადაც დამის გათვევას ვაპირებდით.

„სამ ჯადოქარს“ ეძახდნენ სამკუთხედივით აღმართულ სამ მთას, ამ მთებში წყდებოდა სოლომონ მეფის დიდი გზა. ჩვენ თან გვახლდა ფულატა – იგი, რასაკვირველია, გუდის გამო წამოგვყა, – ინფადუსი, გაგულა და მსახურთა და

მცველთა რაზმი. გაგულა საკაციო მოპყავდათ. მთელი გზა მხოლოდ მისი ბუზღუნი და წევლა-კრულვა ისმოდა.

მთები, ან უფრო ზუსტად რომ ვთქვათ, სამი მწვერვალი, რომლებიც, როგორც ეტყობოდა, ერთი და იგივე გეოლოგიური დაწევით იყო წარმოქმნილი, სამცუთხედის მსგავსად იყო განლაგებული. ფუძე საერთო ჰქონდათ, ერთი მწვერვალი მარჯვინ იდგა, მეორე – მარცხნივ, მესამე კი ზედ ჩვენ პირდაპირ იყო აღმართული.

რომ იცოდეთ, რა დიდებული სურათი წარმოგვიდგა თვალშინ მეორე დღეს დილით; ჩვენ წინ ცად აზიდულიყო თოვლის თეთრი გვირგვინებით შემკობილი სამი მწვერვალი, რომელთაც დილის მზის სხივები ელაციცებოდა. ქვემოთ, იქ, სადაც თოვლის ფაფანაკი მთავრდებოდა, მანანას ხშირი ბუჩქნარისაგან მოები წითლად იყო შედებილი. ასეთივე ფერით იყო გადაქარგული ტორფის ჭაობები, რომლებიც დაბლობიდან მთის ფერდობებს მიუყვებოდნენ. ჩვენ წინ კი თეთრი ზოლივით გადაჭიმულიყო სოლომონ მეფის დიდი გზა. იგი ასდევდა შუა მწვერვალს, ჩვენგან ხუთიოდე მილით რომ იყო დაშორებული, და მის თხემზე წყდებოდა.

ძნელია იმის აღწერა, როგორ ვდელავდით იმ დილით. მკითხველი თვითონ წარმოიდგენს, რა ყოფაში ვიქნებოდით. აჲა, როგორც იყო, მივუახლოვდით იმ საოცარ საბადოს. განა მის გამო არ დაიღუპა სამასი წლის წინათ მოხუცი პორტუგალიელი, მისი ბედკრული შთამომავალი ჩემი მეგობარი ხოზე სილვესტრი და სერ პენრის მმა ჯორჯ კურტისი?

ჩვენ რადა გველოდა? ამდენი ტანჯვისა და განსაცდელის შემდეგ, რას გვიმზადებდა ბედი? და სილვესტრას, როგორც ამ კუდიანმა გაგულამ გვითხრა, დიდი ტანჯვა-წვალების გადატანა მოუხდა. ნუთუ ჩვენც იგივე გვეწერა? ასე იყო თუ ისე, გზა თანდათანობით მიიღია. მე კი ვერა და ვერ გავართვი თავი შიშს, თუმცა, მგონი, სერ პენრი და გუდიც ვერ იყვნენ გულმაგრად.

ნახევარი საათი მაინც ვიარეთ გზაზე. გზას აქეთ-იქით მანანას ბუჩქები მიუყვებოდა. მდელვარებისაგან ისე სწრაფად მივაბიჯებდით, რომ მსახურები, რომელთაც გაგულას საკაცე მოჰქონდათ, ძლივდლივობით გვეწეოდნენ.

გაგულას ფარდებიდან გამოეყო დანაოჭებული სახე, თვალებანთებული გვიყურებდა და მოგვიოდა:

– სად მიგეწარებათ, თეთრო ადამიანებო? ასე რატომ ესწრაფვით სიკვდილს, განძის მაძიებლებო? – თქვა და ისე საზარლად გადაიხარხარა, რომ ტანში ცივმა ურუანტელმა დამიარა. ამ სიცილმა ცოტათი გამოგაფხიზდა და გზნება გაგვინელა, თუმცა მაინც ჯიუტად განვაგრძობდით გზას.

ბოლოს, სწორედ ჩვენ წინ გამოჩნდა დიდი, მრგვალი ხარო, დამრეცი კალთებით. იგი ნახევარ მიღზე მაინც იყო გაჭიმული, სიღრმე კი სამას ფუტამდე ექნებოდა.

– თქვენ ალბათ მიხვდით, რაც უნდა იყოს ეს, – ვუთხარი სერ პენრის და გუდს, რომლებიც გაოცებულნი ჩაჟურებდნენ ამ უზარმაზარ ძაბრისებურ ღრმულს.

მათ უარის ნიშნად თავი გააქნიეს.

– რაკი ასეა, ჩემთვის ცხადია, რომ თქვენ არასოდეს გინახავთ კიმბერლის ალმასის საბადოები. დაბეჯითებით შემიძლია ვთქვა, რომ სწორედ ეს არის სოლომონ მეფის ალმასის საბადო. აბა, აქეთ მოიხედეთ, – ვუთხარი და მერ ცისფერ შლამზე მივუთითე, ბალახსა და ბუჩქნარს შორის აქა-იქ რომ მოჩანდა.

– ეჭვი არ მეპარება, ამ მაღაროში რომ ჩაგსულიყავით, კიმბერლიტის მაგმით ან ალმასის შემცველი ბრეკჩიით ავსილ ალმასის მიღაკებს აღმოვაჩნდით. ახლა კი ამას დააკვირდით, – ვთქვი მე და მაღაროს დამრეც ფერდობზე, ძველისძველი წყალსადინარის ქვემოთ, კლდის ჯიშების გამოფიტული ბრტყელი ფილების

გროვისაკენ გაგიწვდინე ხელი. — კაცი არ ვიყო, თუ ოდესლაც ამ ფილებს ქანების გამოსარეცხად არ იყენებდნენ.

დიახ, ეს ხარო გახლდათ მოხუცი პორტუგალიელის რუგაზე აღნიშნული საბადო, მის კიდესთან დიდი გზა ორად იყოფოდა და საბადოს ირგვლივ უკლიდა. ბევრგან ეს გზა უზარმაზარი ქვებით იყო მოკირწყლული, ალბათ, იმიტომ, რომ გაემაგრებინათ მაღაროს კედელი და დაეცვათ ჩამოქცევისაგან ფუჭი ფიქალი, რომელიც ალმასის შემცველ ბრექჩიებს ერტყმოდა გარს. ფეხს აფუნქარეთ, გვინდოდა, რაც შეიძლება მალე გვენახა, რას წარმოადგენდა ის სამი ქანდაკება, ხაროს მოპირდაპირე მხარეს რომ მოჩანდა. როცა მივუახლოვდით, აღმოჩნდა, რომ ეს იყო სამი უზარმაზარი კოლოსი — სწორედ ის სამი დაყურსებული, კუკუანებული ისეთი მოკრძალებითა და შიშით რომ იხსენიებდნენ.

შავი კლდის უზარმაზარ კვარცხლბეგზე, რომელზედაც გაურკვეველი იეროგლიფები იყო ამოკვეთილი, ერთმანეთისაგან ოც-ოცი ნაბიჯის დაშორებით იდგა სამი ვეება ქანდაკება — ორი მამაკაცისა, ერთი კი — ქალის. ისინი ლუუსკენ მიმავალ გზას გასცეკროდნენ. თითოეული მათგანი სიმაღლით თვრამეტ ფუტს აღწევდა.

შიშველი ქალის ქანდაკება საოცარი სილამაზით გამოირჩეოდა, თუმცა, ცოტა არ იყოს, მკაცრი იერი დაპკრავდა. სამწუხაროდ, სახის ნაკვთები ძალიან დაზიანებული ჰქონდა. საუკუნეთა განმავლობაში ამინდის ცვალებადობას თავისი დალი დაესვა. ქალს თავს უმშვენებდა ორთავ მხარეს აღმართული ნამგალა მთვარის რქები. მამაკაცთა ქანდაკებები კი, ქალისაგან განსხვავებით, მოსასხამებში იყო გახვეული. ორივეს საზარელი სახე ჰქონდა. მაგრამ მარჯვნივ მჯდომი ნამდვილი დემონის განსხვიერება იყო, მეორეს კი უფრო მშვიდი, უშფორველი სახე ჰქონდა. თუმცა ეს სიმშვიდე გზარავდათ. გზარავდათ არაადამიანური სიმკაცრითა და ულმობლობით. ამგვარ სიმკაცრეს, სერ ჰენრის აზრით, ძეელი დროის ადამიანის ფანტაზია უძლიერეს პიროვნებებს ანიჭებდა. ამ პიროვნებას იქნებ სიკეთის ჩადენაც შეეძლო, მაგრამ მიუხედავად ამისა, თუ ადამიანის ტანკვა-წამების ცქერა სიამოვნებას არ ჰგვრიდა, ყოველ შემთხვევაში, არც დიდ სატანჯველს მიაყენებდა. სამი განმარტოებული ქანდაკება, საუკუნეების მანძილზე რომ გადმოსცეკეროდა დაბლა გაშლილ ტაფობს, მართლაც მოკრძალებისა და შიშის გრძნობას იწვევდა. შევცეკეროდით დაყურსებულებს, როგორც მათ კუკუანელები უწოდებდნენ, და ძალიან გვეწადა გაგვეგო, ვისმა ხელებმა გამოკვეთა ბუმბერაზები, ვინ გაიყვანა გზა და ამოთხარა ეს უზარმაზარი ხარო. გაოცებული ვუყურებდი ამ ქანდაკებებს და უეცრად გამახსენდა თქმულება ძეელი აღთქმიდან (ძეელი აღთქმა ხომ კარგად ვიცოდი): სოლომონი გადაუდგა თავის სარწმუნოებას და თაყვანს სცემდა უცხო ქვეყნის ღმერთებს. გამახსენდა იმ სამი ღმერთის სახელებიც: აშტორეტი — სიდონელთა ღმერთი, ჩემოში — მოაბიტების ღმერთი და მილკომი — ამონას შვილთა ღმერთი. თანამგზავრებს ჩემი მოსახრება გავუზიარე: იქნებ სამი ქანდაკება სწორედ ის სამი ცრუ ღმერთი არის-მეთქი.

— შეიძლება, თქვენ მართალი იყოთ, — დაფიქრებით მითხრა სერ ჰენრიმ. იგი ძალიან განათლებული კაცი იყო. ჯერ კიდევ კოლეჯში შეესწავლა კლასიკოსები. — ძეელბერძნული აშტორეტი ხომ ფინიკიელთა შორის ასტარტას სახელით არის ცნობილი, — განაგრძო მან. — ფინიკიელები კი სოლომონის დროს გამოჩენილი ვაჭრები იყვნენ. ასტარტას, რომელსაც მოგვიანებით ბერძნებმა აფროდიტას სახელი უწოდეს, ასახავდნენ ნამგალა მთვარის მსგავსი რქებით. ამ ქანდაკების თავზე კი ნათლად მოჩანს ასეთი რქები. ვინ იცის, შეიძლება ეს ბუმბერაზები გამოკვეთეს რომელიმე ფინიკიელი „დიდი კაცის“ ბრძანებით, რომელიც ამ მაღაროების მუშაობას ხელმძღვანელობდა.

ჩვენ ჯერ კიდევ თვალი ვერ მოგვეწყვიტა უძველესი ხანის ამ უტყვი მოწმეებისათვის, რომ ინფადუსი მოგვიახლოვდა. მან შები აღმართა და დაუურსებულებს სალამი მისცა. შემდეგ მოგვიბრუნდა და გვითხრა, ისურვებო სიკვდილის სავანეში ჩასვლას, თუ დაიცდით და ნაშუადლევს წახვალთ. თუ წასვლას ინებებთ, გაგულა მზად არის წამოგვეთო. ჯერ თერთმეტი საათიც არ იქნებოდა, მაშასადამე, შუადლემდე კარგი დიდი დრო იყო. ცნობისწადილი გველავდა, ამიტომ გადავწყვიტეთ, შუადლეს არ დავლოდებოდით და ინფადუს გამოვუცხადეთ, რომ მაშინვე გვინდოდა მაღაროში ჩაშვება. მე, ყოველი შემთხვევისათვის, ვთქვი, ვინ იცის, როდემდე დავყოვნდებით დაბლა და ცოტა რამ საჭმელი წავილოთ-მეთქი. მოიტანეს საკაცე, რომელზედაც გაგულა იჯდა. პატივცემული ლედი ცნობისმოყვარეობით ადევნებდა თვალს ჩვენს სამზადისს. ამასობაში ფულატამ, ჩემი თხოვნით, ლერწმის კალათში ცოტაოდენი ბილტონგი ჩადო და პირთამდე წყლით ავსებული გოგრის წყვილი ბოთლი ჩადგა.

ზედ ჩვენ წინ, ბუმბერაზებიდან ორმოცდათოოდე ნაბიჯზე, იწყებოდა ქვის ციცაბო კედელი, რომლის სიმაღლე რვას ფუტზე ნაკლები არ იქნებოდა. ზევით ეს აკედელი თანდათანობით ვიწროვდებოდა და წარმოქმნიდა თოვლით დაფარული დიდი მწვერვალის ძირს. მწვერვალი სამასი ფუტის სიმაღლეზე იქნებოდა აზიდული. გაგულა საკაციდან ჩამოვიდა, ჩვენაკნ გამოიხედა, ერთი ბოროტად ჩაიცინა, შემდეგ ჯოხს დაეყრდნო და სწორედ იმ ციცაბო კლდისკენ წატუსტუხდა. ჩვენც, რასაკვირველია, უკან მივყევით. მალე მივუახლოვდით ვიწრო თაღოვან კარიბჭეს, რომელიც შახტში ჩასასვლელ ტალანს წააგავდა.

გაგულა აქ გველოდა. სახეზე ჯერ კიდევ არ ჩამოცლოდა ბოროტი ლიმილი.

— მაშ, ვარსკვლავეთიდან ჩამოსულო თეთრო ადამიანებო, სახელოვანო მებრძოლებო: ინკუბუ, ბუგვან და მაკუმაზან, მზადა ხართ თუ არა? მე აქ მოვედი, რომ ადგასრულო მეფის, ჩემი ბატონის ბრძანება, გიჩვენოთ ბრჭყვიალა ქვების საგანძური.

— ჩვენ მზადა ვართ, — ვუთხარი.

— კარგი, კარგი, მაშ გაიკაუეთ გული, რომ გაუძლოთ, რასაც აქ ნახავთ. შენც მოდინეარ თუ არა, ჰო, ინფადუს, მეფის მოდალატევ და გამყიდველო?

ინფადუსმა წარბი შეიკრა.

— არა, არ მოვდივარ, ჩემი იქ ჩამოსვლა არ შეიძლება. შენ კი, გაგულა, გირჩევ ენა დაიმოკლო! ამ ხალხს გაბარებ, უფრთხილდი, ცუდს არაფერს გადაეყარონ. იცოდე, თავზე ბეწვიც რომ დააკლდეთ, სიცოცხლეს გამოგასალმებ. ვერ გადამირჩები, თუნდაც ათას ქაჯად და ეშმაკად იქცე. ხომ გმურება, რას გეუბნები?

— მეყურება, ინფადუს, მეყურება, მაგრამ ისიც ვიცი, რომ ტრაბახი გიყვარს. მახსოვს, პატარა რომ იყავი, დედას ემუქრებოდი ხოლმე. ეს კი სულ ახლახან იყო. ჰო, ნუ გეშინია-მეთქი, მე მხოლოდ იმისათვის ვცოცხლობ, რომ მეფის ბრძანება აღვასრულო. ჩემს სიცოცხლეში მრავალ მეფეთა ნება-სურვილი შემისრულებია, ინფადუს, მაგრამ ბოლოს და ბოლოს ყველას ჩემს ნებაზე ვათამაშებდი. ჰა! ჰა! მივდივარ იქ, რათა ერთხელ კიდევ დავინახო მათი სახეები, თუალაც იქ დამხვდება. წამოდით! წამოდით-მეთქი! აი, ჭრაქი, — გაგულამ თავისი ბეწვის მოსასხამიდან დიდი გულამოცლილი გოგრა ამოიღო. გოგრა ზეთით იყო ავსებული, პატრუქად კი ლერწმის ბოჭკო ჰქონდა.

— განა შენ კი არ წამოგვყვები, ფულატა? — ჰკითხა გუდმა, საშინლად დამტვრეულ კუკუანურ ენაზე. ჩვენი კაპიტანი ჯიუბად სწავლობდა კუკუანურს ამ ახალგაზრდა ლედის ხელმძღვანელობით.

— მეშინია, ჩემო მბრძანებელო, — მოკრძალებით მიუგო ფულატამ.

— მაშინ ეგ კალათი მომეცი, მე წავიდებ.

— არა, ჩემო მბრძანებელო, სადაც შენ წახვალ, მეც იქ ვიქნები.

„რადა თქმა უნდა, წამოხვალ, ეშმაგმა დალახვროს შენი თავი, – გავიფიქრე მე. – ეს კარგა გვარიანად გაართულებს საქმეს, თუ ოდესმე აქედან წასვლას დაგაპირებთ".

ამასობაში გაგულა ჩაძვრა ბნელ გასასვლელში, რომელშიაც თავისუფლად გაეტეოდა ორი გვერდი-გვერდ მიმაგალი ადამიანი. ჩაძვრა და მოგვაქნავლა, უკან მომყევითო. ჩვენც, ცოტა არ იყოს, შემკრთალები მივყევით უკან მის ხმას. ფრთების ფართხუნით გადაგვიქროლეს თავზე რადაც არსებებმა, რომელთაც ჩვენი მოსვლით მუცელობა დაგურდვით. ამ გარემოებას, თქმა არ უნდა, ჩვენი შიში არ გაუქარწყლებია.

– ეპე, ეს რადა? – წამოიძახა გუდმა, – ვიღაცა სახეში მიტყლაშუნებს.

– ლამურებია, – გამოვეხმაურე მე, – იარეთ, ნუ გეშინიათ.

ორმოციოდე ნაბიჯის შემდეგ შევამჩნიეთ, რომ გასასვლელი ოდნავ განათდა. კიდევ წუთი და საოცარ მდგიმეში აღმოვჩნდით.

წარმოიდგინე, მკითხველო, უდიდესი ტაძარი, რომელშიც კი ოდესმე ყოფილხარ, და მაშინ ნაწილობრივ მაინც მიხვდები, რამოდენა იქნებოდა ეს უზარმაზარი მდგიმე. დიდი არქიტექტორის, ბუნების, მიერ შექმნილი ეს ტაძარი ადამიანის ხელით აგებულ ყველა ტაძარზე უფრო მაღალი და ფართო იყო. ფანჯრები არსად ჩანდა, მაგრამ საიდანლაც ზემოდან ჩამოდიოდა მკრთალი შუქი. ალბათ თაღს, ჩვენგან რამდენიმე ფუტის სიმაღლეზე რომ აზიდულიყო, დატანებული ჰქონდა შახტები, რომლებშიც გარედან ჰაერი და სინათლე ატანდა. მღვიმეს მთელ სიგრძეზე მიუყვებოდა უზარმაზარი სვეტები, ისინი ყინულისაგან ჩამოსხმული გეგონებოდათ. ეს იყო უზარმაზარი სტალაქტიტები. გაგვაოცა ამ თეთრი სვეტების საოცარმა მოხაზულობამ და სინატიფებ. ზოგი მაღლა, პირდაპირ შორეული ფუქსეთან ოც ფუტზე მეტიც კი იქნებოდა. ზოგი მაღლა, პირდაპირ შორეული თაღისკენ მიიწვედა, ზოგი კი ახლა იქნებოდა და, სერ ჰენრის თქმისა არ იყოს, ძველი ბერძნული ტაძრის სვეტების ნანგრევებს მოგაგონებდათ. მაღლა, თაღზე ბუნდოვნად ილანდებოდა უზარმაზარი ლოლუების წვეტები.

გაოცებულები უხმოდ შევყურებდით ამ სურათს. დოოდადრო გვესმოდა წვეთების ოდნავ გასაგონი წაპუნი – შორეულ ლოლუებს წყდებოდა წყლის წვეთი და სწორედ ქვის იატაკზე აღმართულ თეთრ სვეტებს ეცემოდა. ზოგ სვეტს წვეთები ყოველ ორ-სამ წუთში ერთხელ ეცემოდა. საინტერესო იქნებოდა გამოგვეთვალა, ამ სიჩქარით რამდენი ხანი დასჭირდებოდა ოთხმოცი ფუტი სიმაღლისა და ათი ფუტი დიამეტრის ქონე სვეტის წარმოქმნას. თუ რა საოცრად ხელა მიმდინარეობდა ეს პროცესი, ამაზე ის მეტყველებდა, რომ ერთ-ერთ სვეტზე ამოკვეთილი იყო მუმიის მსგავსი რაღაც უხეში ხახატი. მუმიას თავთით დმერთი უჯდა. დმერთი აშკარად ეგვიპტური იყო. იგი სვეტზე ამოკვეთა ადამიანმა, რომელიც შორეულ წარსულში ამ საბადოში მუშაობდა. უცნობ მხატვარს „ხელოვნების ეს ნიმუში“ ნორმალური ადამიანის სიმაღლეზე, ესე იგი, იატაკიდან დაახლოებით ხუთ ფუტზე ამოეკვეთა. ალბათ, ყველა დროს ჰყავს თავისი უსაქმურები – უძველეს დროში მცხოვრები ფინიკიელი მუშა თუ თანამედროვე ეპოქის ინგლისელი ბიჭი, რომელთაც სურთ, რადაც უნდა დაუჯდეთ, უკვდავჭყონ თავიანთი სახელები ბუნების მიერ შექმნილი შედევრების ხარჯზე.

მას შემდეგ, რაც ეგვიპტელმა ის გამოსახულება ამოჭრა, თითქმის სამი ათასმა წელმა განვლო. სვეტის სიმაღლე კი ახლა, როცა მას ვათვალიერებდით, რვა ფუტი თუ იქნებოდა და მისი შექმნის პროცესი ჯერ კიდევ არ იყო დასრულებული. გამომდინარე აქედან, უნდა გვაფიქრა, რომ სვეტი ყოველ ათას წელიწადში ერთი ფუტით, ან საუკუნეში ერთი დუიმით იზრდებოდა. ჩვენ ეს დავიანგარიშეთ, როცა ამ სვეტთან ვიდექით და წვეთების თანაბარ წაპუნს ყურს ვუგდებდით.

მღვიმეში ზოგჯერ უცნაური ფორმის სტალაქტიტებიც გვხვდებოდა. ეს განსაკუთრებით შეიმჩნეოდა იქ, სადაც წყლის წვეთები დაცემისას ერთსა და იმავე ადგილზე არ ხვდებოდა. ასე, მაგალითად, ერთი უზარმაზარი ლოდი, რომლის წონა ასიოდე ტონა მაინც იქნებოდა, საყდრის კათედრას წააგავდა და გარედან ლამაზი, მაქმანების მსგავსი ნაყშებით იყო მორთული. სხვები ზღაპრულ ურჩხულებს მოგვაგონებდნენ. მღვიმის კედლები კი მოხატული იყო მარაოსებრი ჩუქურთმებით, რომლებიც მიწაზე ამოქარგულ ყინვის ნაყშებს ჰგავდა.

ამ უზარმაზარი დარბაზიდან მრავალი ტალანი გადიოდა უფრო პატარა მღვიმებში. სერ პენრიმ თქვა – ეს ტალანები დიდი ტაძრიდან პატარ-პატარა ეკვდერებში გასასვლელებს მაგონებსო. ზოგიერთი ტალანი ძალიან ფართო იყო, მაგრამ ერთი-ორი ძალზე ვიწრო აღმოჩნდა. ეს იყო განსაცვიფრებელი მაგალითი იმისა, თუ როგორ ირჯება ბუნება და როგორ ხელმძღვანელობს იმავე უცვლელი კანონებით, ამ სამუშაოების მასშტაბებისაგან დამოუკიდებლად. მაგალითად, ერთი პატარგინტელა მღვიმე სათამაშო სახლისოდენა თუ იქნებოდა. მიუხედავად ამისა, იგი შესანიშნავად გამოდგებოდა უზარმაზარი დარბაზის არქიტექტურულ მოდელად. ამ მღვიმეშიც ისევე წკაპუნობდა წყლის წვეთები, ისევე ეკიდა თაღზე ერთი ბეჭრ ლოლუები და ისევე აღმართულიყო მაღაროს თეთრი სეეტები.

სამწუხაროდ, დრო არ გვქონდა იმისათვის, რომ უფრო მეტი უურადდებით დაგვეთვალიერებინა ეს ლამაზი ქაბული. გაგულას არაფრად აინტერესებდა სტალაქტიტები და, როგორც ეტყობოდა, ცდილობდა, რაც შეიძლება ჩქარა მოემთავრებინა საქმე. ამან ძალიან გამაბრაზა, განსაკუთრებით იმიტომ, რომ გულით მეწადა, გამეგო, საიდან შემოღილდა მღვიმეში სინათლე, ვინ შექმნა იგი – ბუნებამ თუ ადამიანის ხელმა, იყენებდნენ თუ არა მას რაიმე მიზნით შორეულ წარსულში, რაც, რასაკვირველია, სრულიად შესაძლებელი იყო.

გულდაწყვეტილები მივყვებოდით ჩვენს ბოროტ წინამდობლს; გადაწყვეტილი გვქონდა, აქეთობას ყველაფერი კარგად დაგვეთვალიერებინა და თავს ამით ვინუგეშებდით.

გაგულა სულ წინ და წინ მიიწევდა, ახლა რომელიდაც უზარმაზარი მდუმარე მღვიმის შორეული კედლისკენ მივყავდით. ამ მღვიმეს არ პქონდა თაღი, კვადრატული იყო და გავიპტური ტაძრის შესასვლელს წააგავდა.

– მზად ხართ თუ არა სიკვდილის სავანებში შესასვლელად? – გვკითხა გაგულამ. ეტყობოდა, უნდოდა ამ კითხვით ჩვენზე მეტი შთაბეჭდილება მოეხდინა.

– გაგვიძებ, მაკდუფ! – ერთი ყოფით უთხრა გუდმა, თან ცდილობდა შიში არ დამჩნეოდა.

ფულდატას გარდა ყველას მშვიდად გვეჭირა თავი. ფულდატამ გუდს ხელზე ხელი წაავლო, თითქოს დაცვას სთხოვს.

– ცოტა არ იყოს, შიში შეეპარება ადამიანს, – თქვა სერ პენრიმ. – გაგვიძებ წინ, ქუოტერმენ, სენიორეს პნიორეს, ნუ ვალოდინებოთ პატივცემულ ლედის, – და მან ზრდილობიანად დამითმო გზა, რისთვისაც გულის სიღრმეში სულაც არ ვუმადლოდი.

– კაპ-ქაპ! – მიკაპუნობდა იატაკზე გაგულას ყავარჯენი. ეს კუდიანი არსება ბოროტი სიცილით მიგვიძლოდა ბნელ ტალანში. უსიამო წინათგრძნობით შეპყრობილი ნელ-ნელა ჩამოვრჩი უკან.

– წადით, წადით, მეგობარო, – მითხრა გუდმა. – ვიაროთ, თორემ ჩვენს მშვინიერ მეგზურს ჩამოვრჩით.

ამ სიტყვების შემდეგ ვეხს ავუჩქარე. მაღვე ერთ ბნელ მღვიმეში შევედით. მღვიმის სიგრძე ასე, ორმოცი ფუტი იქნებოდა, სიმაღლე და სიგანე კი – ოცდაათ-ოცდაათი ფუტი. ეტყობოდა, ადამიანის ხელით იყო გამოკვეთილი.

აქ, იმ პირველ, სტალაქტიტებიან მღვიმესთან შედარებით, ნაკლები სინათლე იყო. ბინძში დავლანდე ქვის დიდი მაგიდა, რომელიც მღვიმის მოელ სიგრძეზე იდგა. მაგიდის თავში იჯდა უზარმაზარი თეთრი გამოსახულება, ირგვლივ კი ისეთივე თეთრი, მაგრამ ჩვეულებრივი სიდიდის გამოსახულებები ჩანდა. მაგიდის შუაგულში რაღაც ყავისფერი საგანი დავინახე. ამასობაში ბნელს თვალი შევაჩვიე და როდესაც გავარჩიე, ანგარიშმიუცემლად, რაც ძალი და ღონე მქონდა, უკან მოვკურცხელე. უნდა მოგახსენოთ, რომ არც ნერვიული ვარ და არც ცრუმორწმუნა, მაგრამ აქ ნანახმა სურათმა საშინლად შემაძრწუნა. სერ ჰენრის საყელოში რომ არ წაევლო ჩემთვის ხელი და არ შევეჩერებინე, ხუთი წუთის შემდეგ მღვიმეში ადარ ვიქნებოდი და, კიმბერლის მთელი ალმასები რომ შემოვძლიათ, უკან მაინც არ დავბრუნდებოდი. მაგრამ სერ ჰენრის მაგრად ვყავდი ჩაბლუჯული და, რა გაეწყობოდა, ბედს უნდა დავმორჩილებოდი. წუთის შემდეგ სერ ჰენრიმაც შეაჩვია თვალი ბნელს. იმწამსვე მიშვა ხელი და შუბლიდან ცივი ოფლი მოიწმინდა. გუდი ხმადაბლა იგინებოდა. ფულატა ყვირილით ჩამოვკიდა კისერზე. გაგულა კი ხმამაღლა და შეუჩერებლად ხარხარებდა.

სურათი მართლაც შემაძრწუნებელი იყო: ქვის გრძელი მაგიდის თავში ადამიანის ჩონჩხის სახით იჯდა თვით სიკვდილი. სიმაღლით თხუთმეტ ფუტზე მეტი იქნებოდა. გაძვალტყავებულ თითებში უზარმაზარი შუბი ეჭირა. შუბი თავზემოთ ისე აღემართა, თითქოს ვიღაცას უნდა უგმიროსო. მეორე ხელით მაგიდას იმგვარად დაყრდნობოდა, გეგონებოდათ, წამოდგომას ლამობსო. ჩონჩხი წინ იყო წამოხრილი, ასე რომ მისი კისრის მაღებსა და მოლაპლაპე თავის ქალას გარკვევით ვხედავდით. თვალის ცარიელი ფოსოები ჩვენკენ ჰქონდა მოქცეული, ყბები კი ოდნავ გაეხსნა. ღმერთმანი, არ გაგვიკვირდებოდა, ახლა რომ რამე ეთქვა.

— ციურნო ძალნო! — დავიჩურჩულე ბოლოს, — რა არის ეს?  
— ესენი ვინდა არიან? — იკითხა გუდმა და მაგიდის ირგვლივ მსხდარ საზოგადოებაზე მიგვითითა.  
— ან იქ რა არის, დალახვროს ეშმაქმა! — თქვა თავის მხრივ სერ ჰენრიმ და ხელი მაგიდის შუაგულისკენ გაიწვდინა. — რა არის-მეთქი ის ყავისფერი საგანი?  
— ჰი-ჰი-ჰი! — იცინოდა გაგულა, — ვაი მათ, ვინც სიკვდილის სავანეში ფეხს შემოღამს, ჰი-ჰი-ჰი! აქეთ მობრძანდი, ინკუბუ, ბრძოლაში სახელგანთქმულო, მოდი და ნახე ის, ვინც საკუთარი ხელით მოჰკალი. — დედაბერმა სერ ჰენრის გაძვალტყავებული თითები სახელოში ჩასჭიდა და თავისკენ მიიზიდა.  
ჩვენ უკან მივყევით.

უეცრად გაგულა შეჩერდა და მაგიდის შუაგულში იმ ყავისფერ საგანზე მიგვითითა. სერ ჰენრიმ მის თითს მზერა გააყოლა და ყვირილით გადმოხტა უკან. არც არის გასაკვირი, ასე რომ აღელდა — იქ, მაგიდაზე დავინახეთ ვეება გვამი. ეს გახლდათ თუალა, კუპუანელთა უკანასკნელი მეფე. სულ შიშველი იყო, მუხლებზე კი ედო თავი, სერ ჰენრიმ ნაჯახით რომ წააგდებინა. მთელი გვამი თხელი, მინისებრი აფსკით იყო დაფარული, რის გამოც კიდევ უფრო საზარელი ჩანდა. თავდაპირველად ვერაფრით მივხვდით, საიდან გაჩნდა, ან რა იყო ეს აფსკა, მაგრამ უეცრად შევამჩნიეთ, რომ მღვიმის ჭერიდან პირდაპირ გვამის კისერზე უამდაჟამ ეცემოდა წყლის წვეთები, — ტკაპ! ტკაპ! კისრიდან წყლის წვეთები ნელ-ნელა უვლიდა მთელ სხეულს და ბოლოს მაგიდაში დატანებული პაწაწინა ხვრელით კლდეში გადიოდა. ახლა კი ყველაფერი ცხადი გახდა ჩემთვის — თუალას გვამი თანდათანობით სტალაქტიტად უნდა ქცეულიყო.

ჩემი მოსაზრების სისწორეს ამტკიცებდა თეთრი გამოსახულებები, მაგიდას ირგვლივ რომ შემოსხვეოდნენ. ეჭვგარეშეა, ეს იყო ადამიანთა სხეულები, ან უკეთ რომ ვთქვათ, ის, რაც ოდესაც ადამიანთა სხეულებს წარმოადენდა, ახლა

კი სტალაქტიტებად ქცეულიყო. კუპუანელები უხსოვარი დროიდან ინახავდნენ ამგვარად თავიანთ მეფეთა გვამებს.

საბოლოოდ მაინც კერ გავიგე, რაში მდგომარეობდა პეტრიფიკაციის, ანუ გაქვავების მთელი მეთოდი, თუკი იგი საერთოდ არსებობდა, გარდა იმისა, რომ მიცვალებულებს ათავსებდნენ მაგიდაზე ისეთ ადგილას, სადაც წვეთ-წვეთად ჩამოდიოდა წყალი და მათ ყინულისებრი აფსკით ფარავდა. აფსკს წარმოქმნიდა სილიციუმის სინარი, რომელიც გვამებს უკუნითი უკუნისამდე შეინახავდა.

საზარელ სურათს წარმოადგენდნენ შპატის თეთრ სუდარებში გახვეული მეფეები. აფსკის ქვეშ ბუნდად ილანდებოდა მათი სახის ნაკვთები. სულ ოცდაშვიდი მეფე დავთვალე. უკანასკნელი იგნოზის მამა იყო. უსხედნენ მეფენი ამაზრზენ მაგიდას, რომელზედაც თვით სიკვდილი მბრძანებდლობდა. მათი რიცხვის მიხედვით შეიძლებოდა დაგვედგინა, რომ გვამების შენახვის ეს წესი შემოღებული იქნა ოთხი საუკუნის წინათ.

არ იქნებოდა მართალი, თუ ვიტყოდით, რომ აქ იყო კუპუანელთა უველა მეფე, რადგან ზოგი მათგანი, ცხადია, სადმე, ბრძოლაში დაიღუპებოდა. თუ ჩავთვლით, რომ ყოველი მეფე საშუალოდ თხუთმეტი წელიწადი იჯდა ტახტზე, დაახლოებით ოთხას ოცდახუთ წელიწადს მივიღებთ, მაგრამ სიკვდილის უზარმაზარი ჩონჩხი კიდევ უფრო ადრე უნდა ყოფილიყო მღვიმეში შემოტანილი და თუ არ ვცდები, იმავე ადამიანის ხელით იყო შექმნილი, ვინც კლდეში ის დაყურსებულები გამოკვეთა. ჩონჩხი გამოქანდაკებული იყო სტალაქტიტისაგან და განსაკუთრებული ოსტატობით იყო შესრულებული.

გუდი ზედმიწევნით ერკვეოდა ანატომიაში და განაცხადა: ანატომიის თვალსაზრისით, ჩონჩხი სრულყოფილი არის.

ჩემი აზრით, ეს საზარელი ჩონჩხი რომელიმე უძველესი მოქანდაკის გაუკუდმართებული ფანტაზიის ნაფოვი იყო და კუპუანელებს უფრო მოგვიანებით დაებადათ აზრი, თავისი გარდაცვლილი მეფეები დაესვათ მაგიდაზე სიკვდილის საშინელი აჩრდილის გერღილი. შესაძლოა, თავის დროზე ჩონჩხი აქ იმიტომაც შემოიტანეს, რომ დაეფრთხოთ მპარცველები, თუ ვინიცობაა ისინი განძსაცავში შესვლას დააპირებდნენ. არ ვიცი, ნამდვილად ასეა თუ არა, დაე, ჩემი ნაამბობიდან მკითხველმა თვითონ გამოიტანოს საკუთარი დასკვნები.

ყოველ შემთხვევაში, ასეთი იყო სიკვდილის თეთრი აჩრდილი და ასეთი იყვნენ თეთრი მიცვალებულები.

## თ ა ვ ი X V I I

### ს თ ლ თ მ თ ნ მ ე ფ ი ს ს ა გ ა ნ ძ უ რ ი

ვიდრე გაოცებულები სიკვდილის სავანეს ვათვალირებდით და ვცდილობდით, შიში დაგვეთრებუნა, გაგულა სულ სხვა საქმით იყო გართული. იგი რაღაც მანქანებით სწრაფად აძვრა უზარმაზარ მაგიდაზე (როცა სჭირდებოდა, ძალზე მარდი ბრძანდებოდა) და გაემართა იქით, სადაც ჩვენი განსვენებული მეგობარი თუალა იჯდა. გუდმა თქვა, უნდა ნახოს, როგორ „მუჟუქდება“ მისი საყვარელი მეფეო. მართლა ასე იყო, თუ სხვა რამ ფარული მიზანი ამოძრავებდა, ეს გაგულას გარდა არავინ უწყოდა. შემდეგ ბებერი კუდიანი ისევ უკან გამობრუნდა. დროდადრო შეჩერდებოდა, რათა ხან ერთი და ხან მეორე შესუდრული გვამისთვის მიემართა ჩემთვის გაუგებარი სიტყვებით. ამასთან, ისეთი სახე ჰქონდა, როგორიც მექნებოდა მე, ან თქვენ, მკითხველო,

ჩვენს პეთილ მეგობრებს რომ შეხვედროდით. ეს საიდუმლო და საზარელი რიტუალი რომ დაამთავრა, პირდაპირ სიკვდილის ჩონჩხის წინ ჩაჯდა და, რამდენადაც მიეხვდი, ლოცვა-ვედრებას მოჰყვა. ცხადი იყო, ეს ბოროტი კუდიანი ღვარძლს ანთხევდა კაცობრიობის უბოროტების მტრის წინაშე. მისი სახე, მთელი მისი გარეგნობა იმდენად ამაზრზენი იყო, რომ შევეცადეთ, რაც შეიძლება სწრაფად გავცლოდით იქაურობას.

— აბა, გაგულა, — თითქმის ჩურჩულით ვუთხარი მე, რადგან ასეთ ადგილას ხმამაღლა ლაპარაკი ვერ გამეტედა. — ახლა კი გაგვიძეს საგანძურისკენ.

დედაბერი მარდად ჩამოცოცდა მაგიდიდან.

— ჩემს მბრძანებლებს არ ეშინიათ? — მკითხა და ალმაცერად გადმომხედა.

— გაგვიძეხ-მეოქი, წინ!

— ძალიან კარგი, მბრძანებლებო, — თქვა გაგულამ, — თან კოჭლობით შემოუარა მაგიდას და სიკვდილის ქანდაკების უკან მდვიმის კედელთან შეჩერდა, — აი, აქ არის საგანძურის კარი, ჩემმა მბრძანებლებმა ჭრაქი აანთონ და შევიდნენ, — თქვა, ზეთით სავსე გოგრა იატაკზე დადგა, თვითონ კი მდვიმის კედელს მიეყრდნო.

მე ასანთი ავიდე (ყუთში კიდევ რამდენიმე ცალი ეწყო), ლერწმის ფთილას მოგუკიდე, თვალებით შესასვლელს ქებნა დაგუწყე, მაგრამ მთლიანი კედლის მეტი ვერაფერი დავინახე.

— შესასვლელი აქ არის, მბრძანებლებო, ჰა! ჰა! ჰა!

— ნე ხუმრობ, — მკაცრად ვუთხარი.

— რა დროს ხუმრობაა, მბრძანებლებო, აბა, აქეთ მოიხედეთ! — თქვა და კედელზე მიგვითოთა.

ჭრაქი მაღლა ავწიე და დავინახე, რომ ქვის უზარმაზარი ლოდი ნელ-ნელა მიიწევდა ზემოთ, სადაც მისთვის, ეჭვებარეშეა, საგანგებო ხერელი იყო დატანებული. ლოდის სიმაღლე, ასე, ცხრა ფუტი იქნებოდა, სისქე ხუთი ფუტი, სიფართე კი დიდი კასრისედნა ჰქონდა და, ალბათ, სულ ცოტა, ოცდათ ტონას მაინც იწონიდა. რასაკვირველია, უბრალოდ შეწონასწორებული საპირწონის პრინციპით მოძრაობდა. როგორ ამოძრავდა ეს მოწყობილობა, არც ერთ ჩევენგანს არ დაუნახავს, გაგულამ ყველაფერი უწუმრად მოიმოქმედა, მაგრამ ეჭვი არ მეპარება, რომ სადღაც იყო უმარტივესი ბერკეტი, რომელსაც საიდუმლო წერტილში ოდნავ დააჭერდი თითს და საპირწონეს მეოხებით ლოდი მაღლა ავიდოდა.

ლოდი ნელა, მსუბუქად მიიწევდა მაღლა, ბოლოს სულაც გაქრა და მის ნაცვლად ჩვენ წინ ბნელი ხვრელი გამოჩნდა.

ძნელი წარმოსადგენია, როგორ ვდელავდით... სოლომონ მეფის საგანძურში შესასვლელი თავისუფალი იყო! მე თავით ფეხებამდე ვცახვახებდი და ტანში ცივი ურუანტელი მივლიდა. „იქნებ ყველაფერი ეს ტყუილია, მისტიფიკაციაა, — ვფიქრობდი, — ან, პირიქით, შეიძლება, რასაც მოხუცი და სილვესტრა წერდა, ყველაფერი მართალი გამოდგეს. იქნებ ამ ბნელ ჯურდმულში მართლაც არის დაფლული განძი, რომელსაც შეუძლია ამქვეყნად უმდიდრეს ადამიანებად გვაქციოს?“ დიახ, ერთი-ორი წუთის შემდეგ საიდუმლოს ფარდა უნდა ახდოდა.

— შემობრძანდით, ვარსკვლავეთიდან ჩამოსულო თეორო ადამიანებო, — გვითხრა ჩვენმა ავბედითმა მეგზურმა და ზღურბლზე გადაალაჯა, — შემოდით, მაგრამ მოუსმინეთ მონასა თქვენსა გაგულას. ბრჭყვიალა ქვები, რომელთაც ახლა იხილავთ, ოდესდაც ამოიღეს ჭიდან, სადაც დაყურსებულები სხედან და აქ შეინახეს, მაგრამ ვინ ამოთხარა, ან ვინ შეინახა, ამზე არაფერი ვიცი. ადამიანებმა, ვინც ეს მოიმოქმედა, სასწრაფოდ დატოვეს აქაურობა, ისე რომ, თან არაფერი წაუდიათ. საუკუნიდან საუკუნეში გადაიღოდა ხალხში ხმა ბრჭყვიალა ქვებზე, თუმცა არავინ იცოდა, სად იყო დაფლული განძი, არც ამ კარის

საიდუმლო უწყოდა ვინმებ. მაგრამ ერთხელ მთების გადაღმიდან მოვიდა ერთი თეორკანიანი, ვინ იცის, იქნებ ისიც თქვენსავით ვარსკვლავეთიდან ჩამოსული იყო! მეფემ გულთბილად მიიღო უცხო სტუმარი. აი, სწორედ იმან, იქ რომ ზის, – გვითხრა და მაგიდაზე ჩამწკრივებულ გვამებს შორის მეხუთეზე მიგვითითა. – პოდა, მოხდა ისე, რომ ის თეორკანიანი და ვიდაც კუპუანელი ქალი მოვიდნენ სიკვდილის სავანეში. იმ ქალმა შემთხვევით გაიგო კარის საიდუმლო, თუმცა თქვენ ათასი წელიც რომ ეძებოთ, მაინც ვერაფერს ნახავთ. დიახ, თეორკანიანი ქალთან ერთად საგანძურში შევიდა და აავსო ქვებით გუდა, რომლითაც ქალმა საჭმელი მოიტანა. როცა კაცი საგანძურიდან გამოდიოდა, ერთი დიდი ბრჭყვიალა ქვა, ძალიან დიდი ქვა აიღო და ხელში დაიჭირა, – აქ გაგულა დადუმდა.

– მერე, მერე? – ვკითხე მე. თან აღელვებისაგან სუნთქვა მეკვროდა; კაპიტანი და სერ პენრიც ჩემს დდეში იყვნენ, – განაგრძე, თქვი, რა შეემთხვა და სილვესტრას?

ამ სიტყვების გაგონებაზე დედაბერი შეკრთა.

– საიდან იცი კაცის სახელი, რომელიც დიდი ხნის წინათ გარდაიცვალა? – უკმერხად მკითხა მან, თუმცა პასუხს არ დაელოდა და განაგრძო: – არავინ იცის, რა შეემთხვა იმ კაცს, მაგრამ, ეტყობა, თეორკანიანი რაღაცამ შეაშინა, გუდა მიწაზე დააგდო და გაიქცა. ხელში მხოლოდ ის დიდი, ბრჭყვიალა ქვა შერჩა. ისიც მეფემ წაართვა. სწორედ ის იყო, შენ რომ თუალას შუბლზე ააგლიჯვე, მაგუმაზან!

– და მას შემდეგ აქ არავინ ყოფილა? – ვკითხე და ბნელი ხვრელისკენ გავაპარე მზერა.

– არავინ ყოფილა, მბრძანებელო, მაგრამ კარის ამბავს საიდუმლოდ ინახავდნენ. მეფეები აღებდნენ ამ კარს, საგანძურში კი არ შედიოდნენ, რადგან ხალხში ხმა დადის, ვინც აქ ფეხს შემოადგამს, ერთი თვის შემდეგ მოკვდებაო. მოკვდება იმ თეორკანიანივით, თქვენ რომ მთებში, მდვიმეში, იპოვეთ, მაკუმაზან. აი, რატომ არ შემოდიან აქ ჩვენი მეფეები. ჰა! ჰა! ჰა! მე მუდამ სიმართლეს ვამბობ.

ამ დროს ჩვენი თვალები ერთმანეთს შეხვდა და მე ძარღვებში სისხლი გამეყინა.

– შემოდით, ჩემო მბრძანებლებო, თუ მართალი გითხარით, ქვებით ავსებული გუდა აქვე, იატაკზე დაგხვდებათ. აქ შემოსულ კაცს სიკვდილი ემუქრება თუ არა, ამას შემდეგ გაიგეთ. ჰა! ჰა! ჰა! – მან ჭრაქს ხელი დააგლო და წინ გაგვიძღვა.

მართალი გითხრათ, ვყოფანობდი, – შევიდეთ თუ არ შევიდეთ-მეთქი.

– წერულიმც იყოს! – დაიყვირა ამ დროს გუდმა. – წამოდით! გბ ბებერი კუდიანი ვერ შემაშინებს! – თქვა და გაგულას ბნელში აედევნა. გუდს ფულატა მიჰყვა. საბრალოს ეშინოდა, მთელი ტანით თრთოდა, მე და სერ პენრიც მივუვით.

გაგულამ რამდენიმე იარდი გაიარა და კლდეში გაჭრილ ვიწრო ტალანთან შეჩერდა. ჩვენ გველოდა.

– ხომ ხედავთ, ჩემო მბრძანებლებო, – თქვა და ჭრაქი წინ გაიწვდინა, – ყველაფერზე ეტყობა, განძის მფლობელმა სასწრაფოდ მიატოვა აქაურობა. ეშინოდა, ამ კარის საიდუმლო ვინმეს არ გაეგო, და რომ საგანძურში შესასვლელი დაეცვათ, აქ კედლის ამოყვანა გადაუწყვეტიათ, მაგრამ, ცხადია, დრო აღარ ეყოთ.

და მიგვითითა ორპირად ამოშენებულ ქვის კვადრატულ ფართო კედლის საძირკველზე, გასასვლელს რომ ხერგავდა. ეს კედლი სიმაღლით ორი ფუტი და სამი დუმი იქნებოდა. გასასვლელში ეყარა აგრეთვე დათლილი ქვები და, რაც

ძალიან საგულისხმოა, კირის ხსნარი და წყვილი ბარი, – დიახ, ბარი, სწორედ ისეთი, მუშები დღესაც რომ ხმარობენ.

უეცრად ფულატამ, შიშისა და ოლელვებისაგან თავით ფეხამდე რომ კანკალებდა, თავი ცუდად იგრძნო და გვითხრა, თქვენ წადით, მე კი აქ დაგელოდებით, რადგან სიარული აღარ შემთხვებია. ჩვენ ის დაუმთავრებელ პედელთან დავსვით, გვერდით სანოვაგიანი კალათი მივუდგით და მარტო დავტოვეთ, რომ ცოტა დამშვიდებულიყო.

ბეჭდ ტალანში კიდევ თხეუთმეტიოდე ნაბიჯი გავიარეთ და საგულდაგულოდ შედებილი ხის კარის წინ აღმოვჩნდით. კარი ფართოდ იყო მოფრიალებული. იმას, ვინც აქ უკანასკნელად იყო, ან დავიწყოდა მისი დახურვა, ან დრო ადარ ჰყოვნოდა საამისოდ.

ამ კარის ზღურბლზე ეგდო გუდა, რომელიც, როგორც ეტყობოდა, ძვირფასი ქვებით უნდა ყოფილიყო ავსილი.

– ჰა! ჰა! თეთრო ადამიანებო, – ჩაიხითხითა გაგულამ, როცა ჭრაქის შუქი გუდას მოხვდა, – მე გითხარით, თეთრკანიანი აქედან შეშინებული გაიქცა-მეთქი. გაიქცა და დააგდო ეს გუდა, რომელიც ქალს ეკუთვნოდა. შეხეთ, შეხეთ, მანდ არის!

გუდი დაიხარა და გუდა აიღო. გუდა მძიმე იყო, შიგნით კი რაღაც ჩხარუნობდა.

– ღმერთს გეფიცებით, ეს გუდა ალმასებით არის სავსე, – კრძალვით დაიჩურჩულა მან.

საკმარისი იყო იმის გაფიქრებაც კი, რომ ეს პატარა გუდა ალმასებით იყო სავსე, რომ რაღაცნაირი მოკრძალება გვეგრძნო.

– წავიდეთ, – მოუთმენლად თქვა სერ პეტრიმ, – აბა, პატივცემულო ლედი, მომეცით აქ ჭრაქი, – თქვა. გაგულას ჭრაქი ჩამოართვა, მაღლა ასწია და ზღურბლზე გადააბიჯა.

ჩვენც, რასაკვირველია, უკან მივყევით. დროებით დავივიწყეთ ალმასებით სავსე გუდა და სოლომონ მეფის საგანძურში შევედით.

ჭრაქის მკრთალ შუქზე დავლანდეთ კლდეში გამოკვეთილი პატარა ოთახი, ზომით არა უმეტეს ათი კვადრატული ფუტისა, შემდეგ თვალში მოგვხვდა ზედ თაღამდე ერთმანეთზე დაწყობილი სპილოს საუცხოო ეშვები. მნელი სათქმელია, რამდენი ეშვი იყო, რადგან ვერ ვხედავდით, რა აღგილი ეჭირათ კედლამდე. მაგრამ ოთხას-ხუთას ეშვზე ნაკლები მაინც არ იქნებოდა. მარტო ეს ეშვები კმაროდა იმისთვის, რომ ადამიანს მთელი სიცოცხლე უზრუნველად ეცხოვრა.

შესაძლოა, სოლომონმა თავისი „ტახტისთვის“, რომლის მსგავსი არც ერთ მეფეს არ ჰქონია, სწორედ აქედან წაიდო სპილოს ეშვები-მეთქი, – გავიფიქრე მე.

საგანძურის მეორე კადელთან იდგა ოციოდე ყუთი, რომლებიც მარტინ-პეტრის ფირმის ტყვიის ყუთებს წააგავდა, მხოლოდ მათზე ცოტა მოზრდილი ჩანდა და წილდად იყო შედებილი.

– აქ ალმასებია, ალმასები, – წამოვიძახე მე, – აქეთ მოანათეთ ჭრაქი!

სერ პეტრი მომიახლოვდა და შუქი ზედ ყუთს მიანათა. ყუთის სახურავი, მიუხედავად იმისა, რომ აქ სიმშრალე იყო, დროთა ვითარებაში დამპალიყო და ერთ ადგილას ჩატეხილიც იყო. ალბათ და სილვესტრამ თუ ჩატეხა. მე აჩქარებით ჩავყავი ყუთში ხელი და მთელი მუჭა მოვბლუჯე. მაგრამ ეს ალმასები კი არა, ძალიან უცნაური ფორმის ოქროს ფული გამოდგა. ჩვენ ამგვარი ფული არასოდეს გვეხნახა და მოგვეჩენა კიდეც, რომ ზედ ძველებრაულ ენაზე რაღაც ეწერა.

– ყოველი შემთხვევისათვის, აქედან ხელცარიელები არ გავტრუნდებით, – კოქვი და ფული უკან ჩავაბრუნე, – თითოეულ ყუთში ორი ათასი ოქრო მაინც

იქნება, აქ კი თვრამეტი ყუთი დგას. ეს ოქრო ალბათ მუშებისა და ვაჭრების გასასტუმრებლად იყო მოტანილი.

— მე კი ვფიქრობ, სწორედ ეს უნდა იყოს განძი, ალმასებს რაღაც ვერსად ვხედავ. ან იქნებ პორტუგალიელმა ყველა იმ გუდაში ჩაყარა? — შეესიტყვა გუდი.

— ჩემმა მბრძანებლებმა ის კუთხე მოსინჯონ, იქნებ ქვები იქ იპოვნონ, — შეგვესიტყვა გაგულა. იგი, ალბათ, ჩვენი სახის გამომეტყველებაზე მიხვდა, რაზეც ვლაპარაკობდით. — იქ ჩემი მბრძანებლები ნახავენ ღრმულს, რომელშიც სამი ქვის ყუთი დგას. ორი დაბეჭდილია, ერთი კი დია.

ვიდრე მის სიტყვებს სერ ჰენრის ვუთარგმნიდი და ვეტყოდი, ჭრაქი იმ ბნელი კუთხისკენ წაედო, ვერ მოვითმინე და გაგულას ვკითხე, საიდან იცი ყველაფერი ეს, თუკი იმ თეთრკანიანის შემდგა აქ ფეხი არავის შემოუდგამს-მეთქი.

— პოი, მაკუმაზან, და თქვენც ვარსკვლავეთის შვილნო, განა არ უწყით, ზოგ ადამიანს აქვს თვალი, რომელიც კლდეშიც ატანს? ჰა! ჰა! ჰა!

— ნახეთ იქ, კურტის, — ვუთხარი სერ ჰენრის და გაგულას მიერ მინიშნებული კუთხისკენ მივუთითე.

— ვჰე, მეგობრებო, — შეჰყვირა სერ ჰენრიმ, — აქ ნიშაა. ციურნო ძალნო! ჩქარა, აქეთ, აქეთ მოდით!

მისკენ გავექანეთ. ღრმულში, რომელიც ნახევრად მრგვალ ფანჯარას წააგავდა, ქვის სამი ყუთი იდგა. თითოეული მათგანის სიგრძე თრი ფუტი იქნებოდა. ორს ქვის სახურავი უფარა, მესამე ლია იყო, სახურავი კი იქვე იყო მიყუდებული.

— შეხედეთ, — თქვა სერ ჰენრიმ აღელვებისაგან მოგუდული ხმით და ჭრაქი ყუთს დაანათა.

თავდაპირველად ვერაფერი გავარჩიეთ, რადგან ვერცხლისფერმა მბზინვარებამ კინადამ თვალი მოგვჭრა. როცა მზერა შუქს შევაჩვიეთ, დავინახეთ, რომ ყუთი სამ მეოთხედზე მოყრილი იყო ალმასებით, ამათგან უმეტესობა კარგა მომსხო ჩანდა. მე ყუთში ხელი ჩავყავი და რამდენიმე ამოვიდედიას, ეს ნამდვილი ალმასები იყო, ახლა ამაში ეჭვი ადარ მეპარებოდა. ხელის შეხებით ალმასის გამოცნობა ძნელი არ არის, რადგან იგი როგორდაც თავისებურად სრიალებს.

ალმასები კვლავ ყუთში ჩავყარე. მდელვარებისაგან სულს ძლივს ვითქვამდი.

— ჩვენ უმდიდრესი ადამიანები ვართ ამქვეყნად, — შეგდახე უცებ, — მონტგრისტო ჩვენთან შედარებით დატაკია.

— მთელ ბაზარს ალმასებით ავავსებთ, — წამოიძახა გუდმა.

— ჯერ მივიტანოთ ბაზრამდე და მერე ვილაპარაკოთ, — მშვიდად მიუგო სერ ჰენრიმ.

აღელვებისაგან ფერმიხდილნი და თვალებდაჭყებილნი მივჩერებოდით ერთმანეთს. ჭრაქი მკრთალ შუქს აფრევევდა ბრჭყვიალა ქვებს. ვიდექით შეთქმულებივით, რომელთაც ბოროტი საქმე განუზრახავთ. ჩვენი შემხედვარე არავინ იფიქრებდა, რომ ამ წუთებში დედამიწის ზურგზე უბედნიერესი ადამიანები ვიყავით, ყოველ შემთხვევაში, თავი ასე მიგვაჩნდა.

— ჰი! ჰი! ჰი! — ბოროტად ხითხითებდა გაგულა ჩვენ ზურგს უკან და უხმაუროდ, უზარმაზარ დამურასავით დაფარფარებდა საგანძურში.

— აკა, ის ბრჭყვიალა ქვები, თქვენ რომ ასე გიყვართ, თეთრო ადამიანებო! აქ ბევრი ქვაა, წაიღეთ, რამდენიც გსურდეთ, დატკბით მათი ცქმრით, ხელი ალივლივეთ შიგ! ჭამეთ და სვით! ჰი! ჰი! სვით და ჭამეთ! ჰა! ჰა!

გაგულას ბოლო სიტყვები იმდენად სულელური მეჩვენა, რომ გიუივით სარხარს მოვკევი, სერ ჰენრიც და გუდიც ანგარიშმიუცემლად ამყვნენ. ვიდექით

და სიცილით ვიფხრიშებოდით. ვხარხარებდით, ვხარხარებდით! დიახ, ეს ალმასები ჩვენი იყო. მორჩილმა მუშებმა ჩვენთვის ამოიღეს უზარმაზარი ჭიდან და სოლომონ მეფის რომელიმე სანდო ხელქვეითმა ამ უუთებში სწორედ ჩვენთვის ჩაყარა. იმ პიროვნების სახელი იქნებ იეროგლიფებით იყო ამოკვეთილი ცვილის ნარჩენებზე, უუთების თავზე აქა-იქ ჯერ კიდევ რომ მოჩანდა. ეს ალმასები არ ეკუთვნოდა არც სოლომონს, არც დავითს, არც და სილვესტრას, არა! ამქვეწად ჩვენ გარდა არავის ეკუთვნოდა. ჩვენ წინ ბრჭყვიალებდა ქვები და ეს ქვები მილიონობით გირვანქა სტერლინგი დირდა, გროვა-გროვა ეყარა ათასობით და ათიათასობით გირვანქა სტერლინგი, ოქრო და სპილოს ძვალი.

დიახ, ყველაფერი აქ, ამ საგანძურში იყო თავმოყრილი და იმასდა ელოდა, წაგველო.

უეცრად ისტერიის შეტევამ გაგვიარა და ხარხარი შევწყვიტეთ.

— თავი ახადეთ სხვა უუთებს, თეთრო ადამიანებო, — დაგრჩხავლა გაგულამ. — ქვები იქ უფრო მეტია, წაიღეთ, მბრძანებლებო, ჰა! ჰა! ჰა! რაც შეიძლება, ბლომად წაიღეთ!

მის ჩხავილში ორ დაბეჭდილ უუთს სახურავები ავაგლიჯეთ, მაგრამ გულის სიღრმეში ვგრძნობდით, რომ უუთებზე ბეჭდების აცლა ვიდაც სხვა ადამიანის უფლებების შებდალვას, სხვისი საკუთრების ხელყოფას უდრიდა.

ვაშა! ეს უუთებიც სავსე იყო, პირთამდე სავსე! ყოველ შემთხვევაში, მეორე უუთი მაინც — საბრალო და სილვესტრას თავის გუდაში აქედან ქვაც კი არ ჩაეგდო. მესამე უუთი ერთ მეოთხედზე იყო ალმასებით მოყრილი. მაგრამ ქვები აქ არჩეული იყო და ყოველი მათგანი წონით ოც კარატზე ნაკლები არ იქნებოდა, ზოგი კი მტრების კვერცხისოდენა იყო; მაგრამ როცა შუქზე დავლანდეთ, ვნახეთ, რომ მომსხო ალმასებს ყვითელი ფერი დაპკრავდა, ესე იგი, როგორც კიმბერლიში ამბობდნენ, „შეფეროვნებულები“ იყვნენ.

ამასობაში გაგულამ, ღვარძლიანად, ბოროტად აგვავლ-ჩაგვავლო თვალი, გველივით ნელ-ნელა გაცურდა განძსაცავიდან და კლდეში დატანებული საიდუმლო კარისკენ წატუსტუსდა.

ჟე! ეს რა არის? რაღაცა ხმები ისმის. იქ, ტალანში, საიდუმლო კართან ვიდაც ყვირის, ფულატას ხმაა. რა დამართნია?

— ო, ბუგან, ჩქარა, მიშველეთ! ქვა ვარდება!  
— გამიშვი-მეთქი, გველის წიწილო, თორემ...  
— მიშველეთ, მიშველეთ! დანა დამცა!

ჩვენ ტალანში გაგრბიგართ და ჭრაქის შუქზე აი რას ვხედავთ: ქვის კარი ნელ-ნელა ეშვება, სულ რაღაც სამიოდე ფუტით თუდაა იატაკიდან დაცილებული, ფულატა და ბაგულა ზედ კართან ერთმანეთს ჩაბდაუჭებიან. ფულატა ერთიანად სისხლით არის მოთხვრილი, მიუხედავად ამისა, მაგრად უჭირავს მოხუცი კუდიანი, გარეულ კატასავით რომ იცავს თავს. ოჳ! ოჳ! ხელიდან დაუსხლტა, ფულატა დაგარდა, გაგულა კი პირქვე დაეცა, გველივით დაიკლაკნა და ლოდქეშ გაძრომას ლამბობს. ჰაა, უკკე ლოდქეშ არის. ლმერთო, ლმერთო, გვიანდა! უზარმაზარმა ლოდმა მიწას მიასრისა, არაადამიანური ტკივილისაგან იგი საზარლად კივის, ლოდი კი სულ უფრო და უფრო იწევს ძირს და მთელი სიმძიმით აწვება მახინჯ კუდიანს. უკანასკნელად გაისმის შემზარვი კივილი, ისეთი, როგორიც აქამდე არასოდეს გამიგონია. შემდეგ გვესმის ძვლების ლაწუნი, ამ ხმამ ძარღვებში სისხლი გაგვიყინა, გავრბივართ, გავრბივართ, სამივენი ზედ ვაწყდებით ქვის კარს, მაგრამ იგი სამუდამოდ იხურება.

ყველაფერი ეს რამდენიმე წამში მოხდა.

ახლა ფულატასაკენ გავექანეთ, წყეული კუდიანის დანას მისთვის გული გაეპო, იმწამსვე მივხვდი, სიცოცხლე ადარ ეწერა.

— ოჲ, ბუგვან, ვკვდები! — დაიჩურჩულა ფულატამ, თან სული ეგუბებოდა, — გაბულა გაცოცდა... არ დამინახავს... ცუდად ვიყავი... მერე ქვა ნელ-ნელა დაეშვა დაბლა. გაბულა გაბრუნდა და ტალანში დაიწყო ცქერა, მერე დავინახე, როგორ შემოძვრა კარქვეშ, თანდათანობით რომ ეშვებოდა, მაშინ ხელი წავავლე და დავაკავე. მაგრამ... დანა დამცა... ბუგვან, ვკვდები.

— საბრალო, საბრალო ფულაბა! — წამოიძახა გუდმა და უეცრად თითქოს მეტი გედარაფერი მოიფიქრაო, მივარდა და კოცნა დაუწეუ.

— ბუგვან, — თქა ფულატამ ცოტა ხნის სიჩუმის შემდეგ, — მაკუმაზმანი აქ არის თუ არა? თვალო დამიბნელდა, ვეღარაფერს ვხედავ.

- აქა ვარ, ფეხლაზა.

- მაგუმაზმან, მათხოვე შენი ენა, ბუგვანს არ ესმის ჩემი ლაპარაკი, მინდა, რამდენიმე სიტყვა ვუთხრა, ვიდრე წევდიადი ჩამნოქანს.

- ილაპარაკე, ფულატა, ყვალაფერს გადავუთარგმნი.

— გადაწყვეტილების მიზანის, წარმს გატოვნის, ღომებ მიყვარს, მიყვარს და მიხარია, ღომ

օվանսու շոօթա, Դյօս Ապէրա, ՀՅԱ... Ամիս, Այօթա ՀՅ Ամառ, ՀՅ  
Հյաջեմ, Ռածգաճ ծյցաճնե, Յօւզ, ԱՐ Մյշմլու տաջուս Յերազրյեճ Իյմիսաւ  
Հայկաց Ռուրու, Օյցայ, Ռաջորը Թիյե ԱՐ Մյշմլու ծնյալյու Մյյալլու. Ստեարու,  
Խոցչեր Այց մյցաճնա, Իյմիս Ցյուլնու Խօթու Ցրտեօալյեճա. Խօթու ՑյուլնուՃան  
Ամոցրյեճնա დա Տոմելյու Տյրճա. Աէծ, Ծյօնի մյյոնեճնա და Եյլս Վեճար Վաներյազ,  
մացրամ Աելաց յո, Աելաց ԱՐ Վցրմենի, Մյու Ես Ցյուլու Սբճա Թոյաշայե. Ոցո Օյցա  
Տոյցարյուլու Տացեյ, Տտաս Բյելսաց ԱՐ Հածյերդյեճու, ԱՐ Հածյերդյեճու, Ռոմ  
մյցուցելա. Ստեարու, Մյու յութե Համիթրյենճա Տոմուցելյա.. Ոյնիճ Վարսկացլացայուժու  
Մյցեաջե.. Գաճայցու, Վարսկացլացյութիւ Այցալյաճ Հազմեճնու, Մյումցա Մյումլյեճնա Ոյաց  
Մացյանօնանու Վոյց, Ստեարու. Արա, մակյամանա, Եյրացյերս Եթյազ, Եյրացյերս Եթյազ  
միօս Հարճա, Ռոմ մոյցարս... ռէ, մոմոկար մկյերճնե, ծյցաճն, Վեճարա Վցրմենի Մյենս  
մյցայցեծս... ռէ, ծյցաճն, ծյց...

— მოკვდა! მოკვდა! — დაიყვირა გულმა და წამოდგა, სახეზე ცრემლები ჩამოსწიოდა.

– ნუ გლოვობთ ასე ძლიერ, მეტობარო, – უთხრა სერ ჰენრიმ.

— რა გიდათ ამით თქვათ?

- მხოლოდ ის, რომ მალე გაიზიარებოთ ფულატას ბეჭედს. განა ვერ ხედავთ, რომ ცოცხლად დავიმარხეთ?

წვენ იმდენად თავზარდაცემულები ვიყავით ფულატას სიკვდილით, რომ ამ წუთამდე არც გვიფიქრია, რა მოხდა, რა საშინელება დაგვატებდა თავს. ახლა უცებ ყველაფერს მივხვდით. უზარმაზარი ლოდი დაეშვა, დაეშვა სამუდამოდ, რადგან ერთადერთი ადამიანი, რომელმაც იცოდა კარის საიდუმლო, ახლა გაჭეჭყილი იწვა ლოდქვეშ. უაზრობა იყო იმაზე ფიქრიც კი, რომ როგორმე გაგვიტანილი იყო მე ლოდების მიმართ.

ჩვენ მიწის ქვეშ გამომწყვდეულები აღმოგზნდით. რამდენიმე წელს გაშეშებულები ვიდექთ ფულატას გვამთან, თავზარდაცემულები ვფიქრობდით, რომ ნელი წამებით სიკვდილი გველოდა; შიმშილით, უწყლობით ამოგვხდებოდა სული. მნენობამ გვიმტკუნა. ახლა ჩვენთვის ყველაფერი ცხადზე უცხადესი შეიქნა. იმ ეშმაკეულმა გაგულამ წინასწარ გაგვიწყო ხაფანგი. ეს იყო მისი მორიგი „ხუმრობა“. მხოლოდ მის ლვარძლიან ტვინში შეიძლებოდა მომწიფებულიყო ასეთი ბოროტი აზრი. ამ კუდიანს ეწადა, დაედუპა სამი ოეთრკანიანი, რატომდაც იმთავითვე რომ ამოიძულა. დაედუპა ნელი სიკვდილით განძეულს შორის, რომელსაც ასე ხარბად დაექცებოდნენ. ახლადა მივხვდი, რისი თქმა უნდოდა, როცა დამურასაგით დაფარფატებდა საგანძურში და გთავაზობდა გვეჭამა და გვესვა ალმასები. აღბათ საბრალო და სილვესტრასაც ასე „გაეხუმრა“ ვიდაც. იმიტომ თუ მიაგდო და მიატოვა ზღურბლზე ქვებით სავსე გუდა.

— მეტი სიმხნევე გვმართებს, — თქვა სერ ჰენრიმ ადელვებისაგან ჩახდებილი ხმით, — ჭრაქი მალე ჩაქრება. ვიდრე ანათებს, ვეძებოთ, იქნებ მივაგნოთ ზამბარას, ამ ლოდს რომ ამომრავებს.

სასოწარკვეთილებამ ძალა გაგვიორკეცა და გასასვლელისაკენ გავექანეთ. წებოვან სისხლში მდგარნი ვათვალიერებდით კედელს, მაგრამ ბერკეტის ან ზამბარის მსგავსი არაფერი ჩანდა.

— მერწმუნეთ, ამ მხრიდან კარის გადება არ შეიძლება, — ვთქვი მე. — აქედან რომ იღებოდეს, გაგულა თავს არ გასწირავდა და ლოდქეშ არ გაძვრებოდა. იცოდა, რაც იყო და ამიტომ ცდილობდა გაქცეულიყო. წყეულიმც იყოს მისი სახელი.

— ყოველ შემთხვევაში, — თქვა სერ ჰენრიმ და ნერვიულად გაიცინა, — მისაგებელი მალე მიეგო! გაგულა საზარელი სიკვდილით მოკვდა, მაგრამ არც ჩვენ დაგვადება კარგი დღე. კარს არაფერი ეშველება. გავბრუნდეთ ისევ საგანძურთან.

სამივენი საგანძურისაკენ წავედით. რამდენიმე ნაბიჯი რომ გავიარეთ, დაუმთავრებელ კედელთან თვალი მოვკარი სანოვაგიან კალათას, საბრალო ფულატას რომ მოპქონდა. ავიდე და განძულით სავსე ოთახში შევიტანე. ეს ოთახი სულ მალე ჩვენს სამარედ უნდა ქცეულიყო.

შემდეგ ისევ გამოვბრუნდით. მოკრძალებით გადავიტანეთ ფულატას გვამი, ოქროთი ავსილი ყუთების გვერდით დავასვენეთ, თავად მიწაზე დავსხედით და ყუთებს ზურგით მივეყრდენით.

— მოდით, გავანაწილოთ საჭმელ-სასმელი, რომ რაც შეიძლება დიდხანს გვეყოს, — თქვა სერ ჰენრიმ.

იმწამსვე გავინაწილეთ ყველაფერი, რაც კალათაში იყო. ყოველ ჩვენგანს ერგო ოთხი-ხუთი ძალზე მცირე ულუფა. უფრო სწორად რომ ვთქვათ, ეს საჭმელი ორი დღე თუ გაგვატანინებდა თავს. ბილტონგის გარდა, კალათში იდგა წყლით სავსე ორი ბოთლი; თითო ბოთლი თითო კვარტ წყალს იტევდა.

— ახლა კი, — ნაღვლიანად თქვა სერ ჰენრიმ, — შევჭამოთ ცოტა რამ და წყალი დავლიოთ, თუმცა სულ ერთია, სიკვდილს მაინც ვერსად გავექცევით.

შევჭამეთ თითო ნაჭერი ხორცი და თითო ყლუბი წყალი დავაყოლეთ; რასაკვირებელია, მადა სრულებით არ გვქონდა, მაგრამ კუჭი მაინც თავისას ითხოვდა. ცოტა დავნაყრდით, თავი უკეთ ვიგრძენით, წამოვდექით და გულმოდგინეთ შევუდექით საგანძურის დათვალიერებას. ვსინჯავდით ჩვენი ციხის კედლებს, გაკაუნებდით ზედ, თან ოდნავი, სულ ოდნავი იმედი გვქონდა, რომ სადმე ვიპოვიდით გასასვლელს. მაგრამ, ვაი რომ, ყველაფერი ამაო იყო.

თუმცა ვინ დატოვებდა გასასვლელს ან ხვრელს იქ, სადაც ასეთი განძული ინახებოდა? ჭრაქის შექი მიმკრთალდა. ზეთი თითქმის ამოიწვა.

— ქუოტერმენ, — მითხრა სერ ჰენრიმ, — მუშაობს თუ არა თქვენი საათი, რა დროა?

საათი ჯიბიდან ამოვიდე და დავხედე. ნაშაუდდევის ექვსი საათი იყო. მდგიმეში კი დილის თერთმეტ საათზე შემოვედით.

— ალბათ ინფადუსი მოიფიქრებს რამეს, კურტის, — ვთქვი მე. — ამ საღამოს რომ არ მივალთ, დილიდან ძებნას შეუდგებიან.

— ამაოდ დაგვიწყებს ძებნას, რადგან არ იცის არც კარის საიდუმლო და არც ის, სად არის იგი დატანებული. აქამდე ეს გაგულას გარდა ძეხორციელმა არ უწყოდა, ახლა კი, საერთოდ, არავინ იცის. ინფადუსმა კარი კიდეც რომ იპოვოს, ვერ შემოამტბრევს. კუპუანელთა მთელი არმიაც რომ მოადგეს, ხუთი ფუტის სისქის კედელს ვერაფერს დააკლებს. მეგობრებო, ჩვენ აღარაფერი დაგვრჩნია გარდა იმისა, რომ დაუმორჩილოთ ბედს და დვთის განგებას

მივენდოთ. განძეულის ძიებამ ძალიან ბევრი მიიყვანა სიკვდილის კარამდე. ჩვენც მათ რიცხვს მივემატებით. ეს არის და ეს.

ჭრაქი ძლიერდა ბურტავდა. უეცრად იფეთქა და გაანათა მთელი საგანძური: თეთრი ეშვები, ოქროთი სავსე ყუთები, მათ წინ განრთხმული ფულატას ცხედარი, მოციმციმე ალმასები, ზღურბლზე მიგდებული სავსე გუდა და შეშლილი, გაწამებული სახეები სამი თეთრკანიანისა, სიკვდილის მოლოდინში იატაკზე რომ ისხდნენ.

ალი უკანასკნელად აციმციმდა და ჩაქრა.

## თ ა ვ ი X V I I I

### ს ა ს თ წ ა რ პ ვ ე თ ი ლ ნ ი

არ ძალმიძს ადგწერო ის საზარელი დამე. მხოლოდ გულმოწყალე ძილმა, დროდადრო თავს რომ წაგვართმევდა ხოლმე, გადაგვატანინა წარმოუდგენელი ტანჯვა-წამება. მართალია, დაღლილობამ თავისი ქნა, მაგრამ დიდხანს ძილი მაინც არ შეგვეძლო. წუთითაც არ მშორდებოდა ფიქრი იმაზე, რომ უეჭველად უნდა დავღუპულიყავით. ეს ფიქრი ამქვეყნად ყველაზე მხნე და გაბედულ აღამიანსაც კი შეაძრწუნებდა, თორებ მე რა ვიყავი! გარდა ამისა, თვით სიჩუმე ისეთი უსასრულო და იმდენად დამთრგუნველი იყო, რომ ძილი წამისწამ მიფრთხებოდა.

მკითხველო! ეგებ შენც გაგიტარებია უძილო დამე, შენც შეუწუხებიხარ მტანჯველ სიჩუმეს, მაგრამ დარწმუნებული ვარ, არავითარი წარმოდგენა არა გაქვს იმაზე, რა საზარელი და თითქმის ხელშესახებიც კი შეიძლება იყოს სრული სიჩუმე. ზემოთ, დედამიწის ზედაპირზე, მუდამ რაღაც მოძრაობს, მუდამ გაისმის ხმები. შეიძლება ეს ხმები ვერც კი მისწვდეს კაცის სმენას, მაგრამ ისინი მაინც ადუნებენ სრულ სიჩუმეს. აქ კი, ამ მღვიმეში ხმა არსაიდან აღწევდა. ჩვენ დამარხულები ვიყავით უზარმაზარი მთის ქვეშ, რომლის მწვერვალიც თოვლს დაეფარა. იქ, ზემოთ, ათასი ფუტის სიმაღლეზე ცივი ქარი თეთრი თოვლის ფანტელებს ხვეტდა, მაგრამ მისი ზუზუნი ჩვენს ყურამდე არ აღწევდა. გრძელი ტალანი და ხუთი ფუტის სისქის კედელი გვაშორებდა თვით იმ საზარელი სიკვდილის საგანესაც კი. მაგრამ მკაფიობებს ხომ სიჩუმე უყვართ. ცისა და მიწის არტილერიისათვის რომ მოვყარათ ერთად თავი, მისი გრიალიც კი არ მოაღწევდა აქმდე. დიახ, ცოცხლად ვიყავით დამარხულები და ჩვენი სამარე მთელ სამყაროს მოწყვეტილი იყო.

უეცრად საოცარი სიმწვავით შეგიგრძენი, რა სასტიკად, რა უწყალოდ დაგვცინა ბედმა. ირგვლივ ეწყო განძეულობა, რითაც შეგვეძლო გაგევსტუმრებინა ქვეყნის ნაციონალური ვალი, ან აგვეგო ჯაგშნოსანთა მთელი ფლოტილია, მაგრამ ჩვენ სიხარულით შეველეოდით ამ სიმდიდრეს, ოდონდ კი აქედან გასვლის მცირეოდენი იმედი მაინც გვქონდა. სულ მაღე ალბათ სიხარულით გავცელიდით ამ აღმასებს ერთ ლუკმა პურზე ან ჭიქა წყალზე, მერე კი იმაზეც, რომ ჩვენს ტანჯვას რაც შეიძლებოდა ჩქარა მოღებოდა ბოლო. მართლაც, სიმდიდრე, რომლის დასაგროვებლადაც აღამიანები სიცოცხლეს არ იშურებენ, სულის ამოხდის უამს კარგავს თავის ფასს.

დრო ზანგად მიიზლაზნებოდა.

— გუდ, — უეცრად წამოიძახა სერ პენრიმ და მისი ხმა დაძაბულ სიჩუმეში შემზარებად გაისმა. — ასანთის რამდენი დერი დაგვრჩა?

— რვა, კურტის.

– აანთეთ ერთი, ნახეთ, რა დროა.

გუდმა ასანთი აანთო, მისმა ალმა ამ უკუნი სიბირის შემდეგ პირდაპირ თვალი მოგვჭრა.

ჩემი საათის ისარი დილის ხუთს უჩვენებდა. ახლა ჩვენს ზემოთ ამომავალი მზის სხივები ალბათ გარდისფრად აელვარებენ მთის მწვერვალებს, გრილი ქარი კი დამის ნისლს ხეობისკენ ერექება.

– უთუოდ უნდა გადავყლაპოთ თითო ლუკმა საჭმელი, რომ ძალა შევინარჩუნოთ, – ვთქვი მე,

– რისთვის? – მომიგო გუდმა. – რაც უფრო ადრე დავიხოცებით, მით უკეთესი იქნება.

– ვიდრე ადამიანი ცოცხლობს, იმედი არ უნდა გადაიწყვიტოს, – ჩაურთო სერ ჰენრიმ.

ჩვენ ნაჩერევად გადავყლაპეთ ორიოდე ლუკმა ბილტონგი და თითო ყლუპი წყალი დავაყოლეთ. გამოხდა მცირე ხანი. სერ ჰენრიმ წინადადება მოგვცა, კართან მივსულიყავით და რაც ძალა და ღონე შეგვწევდა, გვეყვირა, რადგან გულის სიღრმეში მაინც გვიდვიოდა იმედი, იქნებ ჩვენი ხმა ზემოთ ვინმებ გაიგონოსო. გუდი ხელის ცეცებით მიადგა კარს და ქაჯივით მოჰყვა ყვირილს. ამგვარი ხმა ჩემს სიცოცხლეში არსად გამეგონა, მაგრამ მერე რა, გინდ მას უყირა და გინდ კოლოს ებზუვლა საღმე!

გუდმა ყვირილი შეწყვიტა და ჩვენები წამოვიდა. ყელი გაშრობოდა და ისე საშინლად სწეროდა, შეუძლებელი იყო, წყალი არ დაელია. ამის შემდეგ გადავწყვიტეთ, ადარ გვეყვირა, რადგან ეს შეამცირებდა ჩვენს ისედაც მცირე წყლის მარაგს.

კვლავ დავხსედით და ზურგით ალმასებით სავსე ყუთებს მივეყრდენით. ჰმ, ვისთვის რა საჭირო იყო ახლა ეს ალმასები? დიდხანს ვისხედით ასე უმოქმედოდ, გაუნძრევლად, რაც ჩვენს მდგომარეობაში ნამდვილად აუტანელი იყო. სასოწარკვეთილებამ შემიაყრო. სერ ჰენრის ფართო მხარზე მივეყრდენი და ავჭითინდი. დარწმუნებული ვარ, გუდიც ძლივს იკავებდა ცრემლს და ხმაჩახლებილი ლანძღავდა თავს სისუსტისათვის. მაგრამ რომ იცოდეთ, რარიგ კეთილი და ამავე დროს მტკიცე ხასიათის ადამიანი იყო სერ ჰენრი! მე და გუდი პატარა ბალლები რომ კეთილიყავით და ვინმეს შევეშინებინეთ, მაშინაც კი ვერ გამოიჩენდა ამდენ სინაზეს ჩვენდამი. კურტისს სრულიად გადაავიწყდა საკუთარი ტანჯვა და ყველაფერი მოიმოქმედა იმისათვის, რომ ოდნავ მაინც დაემშვიდებინა ეს ორი სასომიხდილი ადამიანი. მან გაიხსენა მრავალი შემთხვევა, როცა ჩვენსავით სასიკვდილოდ განწირულმა ადამიანებმა რადაც საოცარი შემთხვევის წყალობით ბოლოს მაინც თავი დაადწიეს სიკვდილს. მერე მიხვდა, რომ მსგავსი ამბებით გულს ვერ გაგვიმხევებდა, ვერც დაგვამშვიდებდა და თქვა, ჩვენი მდგომარეობა მხოლოდ წინა საფეხურია იმ გარდუგალი დასასრულისა, რომელიც ყველას ელის. ჩვენი ტანჯვა მალე დამთავრდება და ყველაზე მშვიდი სიკვდილით მოგვედებით (რაც, რასაკვირველია, წმინდა წყლის სიცრუე იყო).

შემდეგ ოდნავ შემკრთალმა წინადადება მოგვცა, განგებასა და ბედისწერას მივნდობოდით. ჭკუაში დამიჯდა მისი რჩევა. საოცარი ხასიათი აქვს სერ ჰენრის, ძალიან მშვიდი და ძლიერი კაცია.

ასე დამესავით გაიწელა დღეც, თუკი, საერთოდ, შეიძლებოდა ამ უკუნი წყვდიადისათვის დღე გვეწოდებინა. ასანთი ავანთე და კვლავ დაგხედე საათს. ისარი შვიდს უჩვენებდა.

კვლავ შეგვამეთ თითო ლუკმა საჭმელი და წყალი დავაყოლეთ. ამ დროს უეცრად ერთმა აზრმა გამიელვა.

– როგორ მოხდა, ამდენ ხანს უჰაერობით რომ არ ამოვიხრჩვით? – ვიკითხვ, – აქ ცხელა, მაგრამ ჰაერი ადრინდელივით სუფთაა.

— დმერთო ჩემო, — წამოიძახა გუდმა და ზე წამოიჭრა, — აქამდე როგორ ვერ მოვისაზრე? პაერი ქვის კარში ვერ შემოვა, რადგან იგი პერმეტულადაა დახული. აქ რომ საიდანმე პაერის ნაკადი არ შემოდიოდეს, დიდი ხანია, სულს გავაცხებდით. მოდით, ვეძებოთ!

ამ სიტყვებმა გულში იმედი გაგიღვიძა და ერთიანად გარდაგვემნა. წამის შემდეგ სამივენი იატაკზე დაფორთხავდით. დავდიოდით, ვამოწმებდით კედლებს, რომ გვეპოვა პაერის თუნდაც სულ უმნიშვნელო დინება. უკრად ხელი რადაც ცივ საგანს მომიხვდა, — ეს საბრალო ფულუბას სახე იყო. ჩემი აღტყინება მყისვე ჩაქრა.

ერთ საათზე მეტს დავლასლასებდით აქეთ-იქით, მაგრამ უშედეგოდ ბოლოს მე და სერ პენრის ყოველგვარი იმედი გადაგვეწურა და ძებნა შევწყვიტეთ. ერთიანად დაშაგებულ-დალილავებულები ვიყავით, რადგან ბნელში წამისწამ ვაწყდებოდით სპილოს ეშვებს, ყუთებს, კედლებს. გუდს ჯერ კიდევ არ გადაეწყვიტა იმედი, გულდაგულ განაგრძობდა ძებნას, თან ამბობდა, უმოქმედობას ისევ ფუჭი ძებნა სჯობიაო.

— მომისმინეთ, მეგობრებო, — თქვა მან ბოლოს უცნაურად მოგუდული ხმით, — აბა, ერთი აქეთ მოდით!

თქმა არ უნდა, მაშინვე მისკენ გავექანეთ, ბნელში ვბორძიკობდით და ერთმანეთს ვაწყდებოდით.

— ქუოტერმენ, აბა დაადეთ ხელი აქ, გრძნობთ რამეს?

— მე მგონია, აქ პაერი უნდა გადიოდეს.

— აბა, ყური დაუგდეთ! — თქვა გუდმა და იატაკზე ფეხი დაჰკრა.

ხმა ბუგე იყო. ამან გულში კვლავ იმედის ნაპერწკალი გაგვიღვივა.

აცახცახებული ხელით აგანთე ასანთი და დავინახეთ, რომ ერთ-ერთ კუთხეში ვიდექით. ჩვენ ქვეშ უდავოდ სიცარიელე იყო. სწრაფად მოვათვალიერეთ იატაკი და ზედ რადაც ბზარი შევამჩნიეთ. მაგრამ ეს რა არის? დმერთო ძლიერო, იატაკში ქვის რგოლია დატანებული! აღელვებისაგან ენას ვერ ვაბრუნებდით, გული ისე ძალუმად გვიცემდა, ლაპარაკი აღარ შეგვეძლო.

გუდს თან პატარა, კაუჭიანი დანა პქონდა. ამ კაუჭით ცხენს ცლოქვებში გაკვეტებულ კენჭებს აცლიან ხოლმე. კაპიტანმა დანა გახსნა და შეეცადა, კაუჭი რგოლისთვის მოედო. ნელ-ნელა შეაცურა ქვეშ და ფრთხილად მოსწია, რადგან ეშინოდა, ქვის სიმძიმეს არ გაეტეხა. მალე რგოლი შეინძრა. მიუხედავად იმისა, რომ მრავალი საუკუნის განმავლობაში გაუნძრევლად იდო, მისი ამოძრავება შესაძლებელი გახდა. ეს იმიტომ, რომ ქვისაგან იყო გაკუთებული. რკინის რგოლს ასე ადვილად როდი აამოძრავებდა კაცი. მალე რგოლი ვერტიკალურად წამოიზნიქა, მაშინ გუდმა ხელი გაუყარა და მთელი ძალით დაუჯაჯგურა, მაგრამ ამაოდ. ქვა არ ნებდებოდა.

— მოდით, ახლა მე ვცდი, — მოუთმენლად ვუთხარი. ქვა იმგვარად იყო კუთხეში ჩაჭედილი, რომ ორი კაცი ერთდროულად ვერ მიუდგებოდა. ამიტომ გუდმა თავისი ადგილი დამითმო. მე რგოლს ხელი წავალე და, რაც კი შემეძლო, გამოვქაჩე. არა, მეც ვერაფერს გავხდი.

მაშინ სერ პენრიმ შემცვალა, თუმცა ისიც ტყუილად დაშვრა.

გუდმა ხელახლა აიღო კაუჭი და ამოწმინდა ბზარი, საიდანაც საგანძურში პაერი შემოდიოდა.

— ახლა კი საქმეს შევუდგეთ, კურტის, — თქვა მან, — კაი მაგარი სამუშაო გელით. მაგრამ არა უშავს, ორი კაცის ღონე მაინც გექნებათ. ერთი წუთით მომითმინეთ! — გუდმა მოიხსნა თავისი შავი ყელსახვევი, რომელსაც არასოდეს იცილებდა და რგოლს გამოდო. ყელსახვევი მაგარი აბრეშუმის ძაფისაგან იყო ნაქსოვი და ასე იოლად არ გაწყდებოდა, — ქუოტერმენ, კურტის, მაგრად

ჩასჭიდეთ ხელი და როგორც კი გმტყვით, აბა, გასწიეთ-მეთქი, მთელი ძალით გამოქაჩეთ.

სერ პენრიმ მთელი თავისი გოლიათური ძალა მოიკრიბა, მე და გუდმაც შეძლებისდაგვარად წავაშველეთ ხელი.

— მიდით, მიდით, დაიძრა! — დაიყვირა სერ პენრიმ, თან სული ეგუბებოდა. მესმოდა მისი ძლიერი კუნთების ტკაცუნი.

უეცრად გაისმა ოაღაც ხმა და ქვის ფილა ნელ-ნელა გადმოიწია.

ხვრელში პაერის ნაკადი შემოიჭრა. ჩვენ ყველანი გულადმა ვეყარეთ, ზემოდან კი უზარმაზარი ქვის ფილა გვედო. მხოლოდ სერ პენრის გოლიათურმა ძალამ გვიხსნა.

— აანთეთ ასანთი, ქუოტერმენ, — მითხრა სერ პენრიმ, როგორც კი წამოვდექით და ცოტა სული მოვითქმით. — ფრთხილად! ფრთხილად! აი, ახლა კი გაჰკარით!

ასანთის შუქზე თვალი მოვკარი ქვის კიბის პირველ საფეხურს. ოჸ, დიდება შენდა, უფალო!

— როგორ მოვიქცეთ ახლა? — იკითხა გუდმა.

— ეგ რა საკითხავია. ჩავყვეთ ამ კიბეს და განგებას მივენდოთ.

— მოითმინეთ, — თქვა სერ პენრიმ, — ქუოტერმენ, წამოიღეთ ბილტონგი და წყალი, ჩემთვის არც ერთი ზედმეტი არ იქნება.

მე ხელის ცეცხლით გავიღუნდი იმ ადგილისკენ, სადაც ამ ცოტა ხნის წინათ უუთებზე ზურგმიყრდნობილები ვისხედით. უეცრად თავში მოულოდნელმა აზრმა გამიელვა. ამ ბოლო დროს ალმასები აღარც კი მოგვგონებია. მათზე ფიქრიც კი აუბანელი იყო. რადგან დაღუპვის პირად სწორედ ამ ქვებმა მიგვიყვანა. ეს ხომ ასე იყო, მაგრამ მაინც ვიფიქრე, არაუერი დაშავდება, რამდენიმე ცალი ალმასი თან რომ წავიდო, იქნებ ამ საზარელ ხვრელს სასწაულით თავი დავაღწიოთ, მაშინ ხომ გამოგვადგება-მეთქი. ხელი ჩავყავი პირველ ყუთში და ჩემი სანადირო ქურთუების ჯიბები ალმასებით ავაგსე. ბოლოს მესამე ყუთიდანაც ამოვიდე ორიოდე მუჭა მსხვილი ალმასი და იმ ალმასებს ზემოდან დავაყარე.

— მისმინეთ, მეგობრებო, — დავიყვირე, — ხომ არ წამოიღებთ ალმასებს? მე ჯიბებში ადგილი აღარ დამრჩა.

— ოჸ, ეშმაკმა დასწუევლოს ეგ ქვები, — მიპასუხა სერ პენრიმ, — იმედი მაქვს, ჩემს სიცოცხლეში მათ თვალით აღარ დავინახავ!

გუდმა კი სულაც არ გამცა ხმა. ვფიქრობ, იგი საბრალო ფულატას ნეშტს ემშვიდობებოდა. საწყალი უულატა, რა ძლიერ უყვარდა ჩვენი კაპიტანი! შენ, ჩემო მკითხველო, მშვიდად ზისარ შინ და ალბათ ფიქრობ, როგორ მიატოვეს ასე გულგრილად ეს აურაცხელი ქონებაო. შეიძლება ჩვენი ასეთი გულგრილობა უცნაურიც კი გეხვენოს. მაგრამ უქმელ-უსმელს ჩვენსავით მიწისქვეშ რომ გაგებარებინა მთელი ოცდარვა საათი, ცხადია, არც შენ მოისურვებდი ალმასების თრევით თავი დაგემძიმებინა. ისიც მაშინ, როცა სადღაც, ქვესკნელში უნდა ჩაჭოლოდი კიბეს, რომ როგორმე თავი გეხსნა. მე რომ მთელი სიცოცხლის მანძილზე სისხლში არ მქონდა გამჯდარი ჩვეულება, არ გადამეყარა ის, რისი გამოყენებაც ასე თუ ისე, შეიძლებოდა, რასაკვირველია, არც კი ვიფიქრებდი, ალმასებით ჯიბები ამევსო.

— წამოდით, ქუოტერმენ, — მითხრა სერ პენრიმ, იგი უკვე კიბის საფეხურზე იდგა. — მშვიდად, მშვიდად! მე წინ ვივლი.

— ფრთხილად იყავით, დაბლა შეიძლება უფსკრული იყოს!

— ჩემი აზრით, უფსკრული კი არა, მღვიმე იქნება, — თქვა სერ პენრიმ, თან ნელ-ნელა ეშვებოდა დაბლა და საფეხურებს ითვლიდა.

თხუთმეტი საფეხური რომ ჩაითვალა, შედგა.

— კიბე აქ წყდება, — თქვა მან. — მგონი, აქ ტალანი უნდა იყოს. ჩამოდით!

სერ პენრის კაპიტანი მიჰყვებოდა, სულ უგან კი მე მივდიოდი. კიბის ბოლო საფეხურს რომ მივაღწიე, ასანთი ავანთე. ახლა ყუთში ერთი დერი ასანთიდა დაგვრჩა. ასანთის შუქები დავინახეთ, რომ ვიწრო გვირაბში ვიმყოფებოდით. გვირაბის ერთი შტო მარცხნივ მიემართებოდა, მეორე — მარჯვნივ. მეტი ვერაფერი დავლანდეთ. ნამწვა თითები დამიწვა და ასანთიც ჩაქრა. ახლა საკითხავი ის იყო, საით წავსულიყავით, მარჯვნივ გავყოლოდით გვირაბს, თუ მარცხნივ გაგვეხვია? ვიდექით ბნელში და ვერაფერი მოგვესაზრებინა. ცხადია, არ ვიცოდით, რას წარმოადგენდა ან საით მიდიოდა ეს გვირაბები. მიუხედავად ამისა, ერთ-ერთ მათგანს შეიძლება გადავერჩინეთ, მეორეს კი დავედუპეთ. ვერ გადაგვეწყვიტა, როგორ მოვქაულიყავით, ვიდრე გუდმა უცრად არ გაიხსენა, რომ პარის დინებამ ასანთის ალი მარცხნივ გადახარა.

— წავიდეთ იქით, საიდანაც პაერის ნაკადი მოდის, — თქვა მან. — პაერი აქედან კი არ გადის, გარედან შემოდის.

დავთანხმდით. კედელ-კედელ მივდიოდით და, ვიდრე ნაბიჯს გადავდგამდით, მიწას ფრთხილად ვსინჯავდით ფეხით. ასე დაგადექით საზარელ გზას და თანდათანობით დავშორდით იმ წყელს საგანძურს. თუ ვინმეს უწერია, იქ ოდესმე ფეხი შედგას, რაც ვფიქრობ, არასოდეს მოხდება, საბუთად იმისა, რომ ჩვენ, სამივენი მართლაც იქ ვიყავით, ნახავთ ძვირფასი თვლებით სავსე დია ფუთებს, ცარიელ ჭრაქს და საბრალო ფულატას გამოხრულ თეთრ ძვლებს.

თხუთმეტიოდე წუთი ხელის ცეცხლით მივჰვაბოდით გვირაბს, მაგრამ აი, მან მკვეთრად მოუხვია, უეჭველია, იმ ადგილს მივაღწიეთ, სადაც ამ გვირაბს მეორე კვეთდა. გავუევით მას და მცირე ხნის შემდეგ მესამე გვირაბში მოვხვდით. რამდენიმე საათი ამგვარად დავეხეტებოდით. ასე გვევრნა, ჭვის ლაბირინთში მოგხვდით და მას თავს ველარასოდეს დავაღწევდით. რასაკვირველია, არც ერთმა ჩვენგანმა არ იცოდა, რას წარმოადგენდა ეს გვირაბები, ვფიქრობდით, რომ ეს იყო სხვადასხვა მიმართულებით გაყვანილი საბაზოს უძველესი გასასვლელები. ალბათ, ყველა გვირაბი საბაზოს ძარღვს გასდევდა.

ბოლოს სრულიად ილაჯგაწყვეტილები შეგჩერდით. ხსნის იმედი აღარ იყო. დარღით გული გვეწერებოდა. მაინც შევჭამეთ თითო ნაჭერი ბილტონგი და უკანასკნელი ყლუპი წყალი დავაყოლეთ, რადგან ყელი საშინლად გვქონდა გამშრალი. სწორედ რომ ბედის დაცინგა იყო: საგანძურში სიკვდილს თითქოს იმისთვის დავაღწიეთ თავი, რომ აქ, ამ ერთმანეთში ახლართულ-დახლართულ გვირაბებში დაგველია სული.

ვიდექით ასე დაღვრემილ-დაფიქრებულნი, აღარ ვიცოდით, რა გველონა ან რა გზას დავდგომოდით.

უცებ თითქოს რაღაც ხმა შემომესმა. ვიფიქრე, მომეჩვენა-მეთქი და ჩემს თანამგზავრებს ვთხოვე, უური მიეგდოთ. დიახ, ეს ნამდვილად ხმა იყო, მაგრამ ძალზე სუსტი და შორეული, თითქოს სადღაც წყალი მირაკრაკებსო. ვერ აგიწერთ, რა ნეტარებამ შეგვიპყრო სამივენი, როცა ამდენი ხნის შემდეგ, თითქმის ცოცხლად დამარცულებმა ძლივს გავიგონეთ რაღაც ხმის მსგავსი.

— ვფიცავ, აქ სადღაც წყალი უნდა მირარაკებდეს, — წამოიძახა გუდმა. — წავიდეთ, რაღაც ველით!

ისევ კედელ-კედელ მივჰევით ტალანს. რაც უფრო წინ მივიწევდით, მით უფრო გარკვევით გვესმოდა წყლის ჩხრიალი და ბოლოს ამ სამარისებურ სიჩუმეში კარგა ძლიერადაც დაირხა ეს ხმა. წინ! წინ! ახლა საეჭვო აღარა იყო რა, გარკვევით გვესმოდა წყლის ძლიერი ჩქერის ხმა. საოცარია, რა უნდოდა წყალს აქ, მიწის სიღრმეში!

ახლა სულ ახლოს ვიყავით მისგან. გუდი გვეფიცებოდა, წყლის სუნი მცემსო.

— ფრთხილად იყავით, — უთხრა სერ პეტრიმ, — მგონი წყალი აქ ახლოს უნდა იყოს.

ამის თქმა-და მოასწრო, რომ შემოგვესმა წყლის შხაპუნი და გუდის ყვირილი, დიახ, დიახ, ჩვენი კაპიტანი წყალში ჩავარდა.

— გუდ! გუდ! სადა ხართ? — ვყვიროდით დაფეთხებულები. რომ იცოდეთ, რა სიხარული ვიგრძენით, როცა შორიდან მოგვესმა მოგუდული ხმა.

— საშიში არაფერია, კლდეს ჩავეჭიდე, აანთეთ ასანთი, რომ დავინახო, საით გამოვცურდე!

მე საჩქაროდ ავანთე ასანთის უკანასკნელი დერი, მის სუსტ ალზე, ზედ ჩვენს ფეხებთან გამოჩნდა ჩაშავებული წყალი. თქმა არ უნდა, ამგვარ შუქზე მდინარის მეორე ნაპირს ვერ დავინახავდით, მაგრამ ჩვენგან მოშორებით თვალი მოგვარით გუდს, იგი კლდის ქიმს ჩაბდაუჭებული ეკიდა.

— სხვა გზა არ არის, უნდა გამოვცურო, — დაგვიყვირა გუდმა, — მზად იყავით, რომ წყლიდან ამოსვლისას ხელი შემაშველოთ.

შემდეგ ისევ შემოგვესმა წყლის შხაპუნი. გუდი მოცურავდა და თავგანწირვით ებრძოდა ტალღებს. კიდევ წუთი და იგი უკვე ჩვენ გვერდით იდგა. სერ პეტრიმ ხელი გაუწოდა და, როგორც იქნა, წყლიდან ამოვათრიეთ.

— დმერთმანი, — თქვა კაპიტანმა, თან პირით ხარბად იჭერდა პაერს, — იმ კლდეს რომ არ მოგჭიდებოდი, ან ცურვა არ მცოდნოდა, ცუდად წავიდოდა ჩემი საქმე. ჩქერი წარმოუდგენლად სწრაფია, ფსკერს კი ვერაფრით ფეხი ვერ ჩავუწიდინე.

ცხადი იყო, წინ ფეხესაც ვერ წავდგამდით.

გუდმა ცოტა დაისვენა და სული მოითქვა, ჩვენც ბლომად დავლიეთ მიწისქვეშა წყალი და საკმაოდ გემრიელიც გვეჩვენა. ხელ-პირი დავიბანეთ, რამდენადაც კი შეგვეძლო ჩამოვირეცხეთ ჭუჭყი. შემდეგ კი დავტოვეთ აფრიკული სტიქსის ნაპირი და იმავე გვირაბს უკან გავყვით. გუდის სველი ტანსაცმლიდან ტკაპატეუპით მოწვეოვადა წყალი, მაგრამ კაპიტანი ახლაც წინ მიგვიძოდოდა. ბოლოს მივაღწიეთ გზაგასაყარს, აქედან მარჯვნივ მეორე გვირაბი გადიოდა.

— რა გაეწყობა, უნდა ვცადოთ, — მოქანცული ხმით თქვა სერ პეტრიმ, — აქ უველა გზა ერთხაირია, ვიაროთ, სანამ არ დავეცემით.

დიდხანს, ძალიან დიდხანს მივლასლასებდით გვირაბში. ამჯერად წინ სერ პეტრი მიგვიძოდოდა.

უცცრად იგი შეჩერდა და დაიჩურჩულა:

— შეხედეთ! რა არის ეს, ჭკუაზე ვიშლები, თუ მართლა შუქია?

ჩვენ თვალჩაციებით დავაცექრდით ბნელს. წინ, სადღაც შორს, სარკმლისოდენად მართლაც მოჩანდა რაღაც მქრქალი შუქი. ეს შუქი იმდენად სუსტი იყო, რომ მხოლოდ ჩვენს ბნელს შექმნავ თვალებს შეეძლო მისი გარჩევა.

აღელვებისაგან სული შეგვეხუთა. იმედმა კვლავ გაგვინათა გული, მხნედ მივაბიჯებდით წინ. ხეთი წუთის შემდეგ აჭვი გაგვიქარწყლდა, — დიახ, ეს ნამდვილად შუქი იყო. კიდევ წამი და უკვე სად, სუფთა პაერს ვისუნთქავდით. დაღლილ-დაქანცულები სულ წინ და წინ მივიწევდით. უცცრად გვირაბი ისე დაგიწოვდა და დადაბლდა, რომ სერ პეტრის ოთხზე სიარული უწევდა. შემდეგ კი, შემდეგ, მელის სოროსოდენა რაღაც ხვრელში მივძრებოდით, მაგრამ ეს სორო მიწაში გადიოდა. ქვის ტალანი უკან მოვიტოვეთ.

კიდევ ერთხელ დავატანეთ თავს ძალა და აპა, სერ პეტრი უკვე გაცოცდა ხერელიდან, მას მე და გუდი მივყევით. ოჲ, დმერთო! მაღლით კურთხეული ვარსკვლავები დაგვნათოდნენ, ხარბად ვისუნთქავდით სუფთა, კრიალა პაერს. მაგრამ მოულოდნელად მიწა ფეხებში ჩავემზღვლა და კისრისტებით დაგქანდით

მირს. მივთელავდით მწვანე ბალახს, ვლეწავდით რბილ, ნოტიო მიწაზე ფეხმოკიდებულ ბუჩქებს.

როგორც იყო, ფეხს წაგავლე ხელი, შექმერდი, მერე ნელ-ნელა წამოვჯექი და, რაც ძალი და ღონე მქონდა, დავიყვირე. დაბლიდან სერ პენრი გამომეხმაურა, იგი ოდნავ წამოწეულ ადგილის გაჩერილიყო. ძლივძლივობით მივცოცდი მასთან. ეს ამოდენა კაცი სულს ძლივს იბრუნებდა, თუმცა დაშავებით არა დაშავებოდა რა. შემდეგ ორივენი გუდის ძებნას შევუდექით. ისიც იქვე ახლოს ვნახეთ, ფართოდ გაშლილ ორკაპა ფეხში გაჭედილიყო. ძალიან იყო დაუეჯილი, მაგრამ მალე მოვიდა გონის. სამივენი ძალახზე დავსხედით. ნანახ-განცდილმა ისე იმოქმედა ჩვენზე, რომ ძეგნიერებისაგან, მგონი, ავტირდით კიდევ. ხუმრობა ხომ არ იყო, თავი დავადწიეთ საზარელ საპყრობილება, რომელიც, ცოტას გაწყდა, სამარედ არ გადაგვექცა. ალბათ რაღაც მოწყალე ძალამ წარმართა ჩვენი ნაბიჯი იმ მხარეს, სადაც მთავრდებოდა გვირაბი და მელის სორო იწყებოდა, — დიახ, დიახ, ნამდვილად სოროში მოვფორთხავდით.

აი, ცამ პირი გახსნა და მთის მწვერვალზე ათრთოლდა განთიადის მაუწყებელი მოწითალო-მოვარდისფრო შუქი, მერე რუხი აისი დაუყვა მთის ფერდობებს, დილის რიერაჟმა ფრთა გაშალა და დავინახეთ, რომ უზარმაზარი საბადოს ფსკერზე ვიმყოფებოდით. იქვე მოჩანდა მდგიმეში შესასვლელიც. ჩვენ წინ კი სამი ბუმბერაზი იჯდა. ეჭვი არ მეპარება, რომ ის საზარელი გვირაბები, რომელშიც მთელი დამის განმავლობაში დავდიოდით, ოდესდაც ამ ალმასის საბადოს უერთდებოდა. რაც შეეხება მიწისქვეშა მდინარეს, მხოლოდ ერთმა ღმერთმა უწყის, საიდან მოდიოდა ან საით მიედინებოდა. პირადად მე არავითარი სურვილი არა მაქვს, ვიკვლიო მისი გზა და კვალი.

მიწას თანდათანობით მოეფინა ნათელი. ახლა უკვე კარგად ვხედავდით ერთმანეთს და, უნდა გამოგიტყდეთ, საშინელი სანახავები ვიყავით. ლოყები და თვალები სამივეს ღრმად ჩაგვცენოდა, თავით ფეხებამდე ჭუჭყსა და მტვერში ამოგანგლულები ვიყავით. სხეული და ხელ-ფეხი ერთიანად დაბეჭილ-დაჩეჩქილი გვქონდა. სახეზე კი ღრმად აღგვეჭდვოდა შიში, შიში სიკვდილის წინაშე, რომელსაც ამდენი ხანი ვებრძოდით. ერთი სიტყვით, ჩვენი შემსედვარე, თვით მზის სხივიც კი დაფრთხებოდა. ხომ ასე იყო, მაგრამ გუდს მონოკლი ისევ თვალზე ჭრნდა. არა მგონია, რომ ამ ხნის განმავლობაში ერთი წუთით მაინც მოეცილებინოს. ვერც წყვდიადში ხეტიალმა, ვერც მიწისქვეშა მდინარეში ჭყუმპალაობამ, ვერც ამ ფერდობზე კისრისტებით კოტრიალმა ვერ გაჰყარა ჩვენი კაპიტანი თაგის მონოკლს.

ცოტა დავისვენეთ და წამოვდექით. გვეშინოდა, დაღლილ-დაქანცულებს დიდხანს ჯდომით ფეხები არ დაგვეუუქებოდა. წამოვდექით და ნელ-ნელა შევუდექით ამ უზარმაზარი ძაბრის ფერდობებს. მთელი სხეული გვტეხდა და გვტეიოდა, ამიტომ ყველ ნაბიჯზე ვჩერდებოდით.

საათზე მეტი ჯიუტად მივყვებოდით აღმართს. ფრთხილად მივაბიჯებდით ცისფერ მოლიტულ თხისაზე და ბალახსა და ფეხებს ვებდაუჭებოდით.

აპა, როგორც იქნა, დასრულდა ჩვენი მოგზაურობა, უკვე დიდ გზაზე ვიდექით, ჩვენ პირდაპირ კი სამი ბუმბერაზი მოჩანდა.

ასიოდე იარდზე, ქოხების წინ, კოცონი ენთო. ირგვლივ ხალხი უსხდა, ჩვენც იქითკენ წავედით, ერთმანეთს ვეშველებოდით და წამისწამ ვჩერდებოდით, რომ ცოტა სული მოგვეთქვა. უეცრად ვიდაც კაცი ფეხზე წამოდგა, დაგვინახა თუ არა, მიწაზე დაეცა და შეშინებული აყვირდა.

— ინფადუს, ინფადუს, ეს ჩვენა გართ, შენი მეგობრები!

ინფადუსი იმწამსვე წამოხტა და ჩვენკენ გამოქანდა. შიშისაგან გაფართოებული თვალებით გვათვალიერებდა და ერთიანად კანკალებდა.

— ოპ, ჩემო მბრძანებლებო, ჩემო მბრძანებლებო, ოქვენ ნამდვილად მკვდართა ქვეყნიდან, მკვდართა სამყაროდან დაბრუნდით.

მოხუცი მეომარი ჩვენ წინაშე პირქვე დაემხო, სერ ჰენრის მუხლებზე ხელები შემოაჭდო და სიხარულისაგან ხმამაღლა აქვითინდა.

## თ ა ვ ი X I X

### მ შ ვ ი დ ო ბ ი თ , ი გ ნ ი ზ ი !

ათიოდე დღემ განვლო მას შემდეგ, რაც მიწისქვეშა საპყრობილეს თავი დაგაღწიეთ. ახლა კვლავ ლუუში, ჩვენს ქოხში ვიყავით. უცნაურია, მაგრამ ჩვენი საზარელი თავგადასავლის შემდეგ მოვიკეთეთ კიდეც, მხოლოდ ჩემი ჯაგარა თმა ერთიანად გამითეთრდა. გული კი ფულატას სიკვდილის შემდეგ ძალიან გამოიცვალა. მე, როგორც ხანში შესული კაცი, ბევრს ვფიქრობდი იმაზე, რაც თავს გადაგვხდა და მივედი დასკნამდე, რომ ყველაფერი კარგად დასრულდა. ფულატა რომ არ დადუპულიყო, გამოუვალი მდგომარეობა შეიქნებოდა. საცოდავი უბრალო ქალს როდი ჰავდა, საოცრად ლამაზი, მედიდური და საქმაოდ გონებაგახსნილი იყო. მიუხედავად ამისა, მაინც არ იქნებოდა სასურველი, გუდს თავისი ბედი მისთვის დაეკავშირებინა. საბრალომ აკი თავად თქვა: როგორც მზეს არ შეუძლია წყვდიადთან შეერთება, ისე თეთრკანიანს შავკანიანთან შეუდლებაო.

თქმა არ უნდა, სოლომონ მეფის საგანძურში შესვლა აღარ გვიცდია. როცა გონს მოვედით ყველა იმ საშინელების შემდეგ, რისი გადატანაც ამ ორმოცდარვა საათში მოგვიხდა, კვლავ ჩავეშვით საბადოში იმ იმედით, რომ ვნახავდით სოროს, რომლის მეოხებით ტყვეობას თავი დავაღწიეთ, მაგრამ ამაოდ დავეძებდით მას. ჯერ ერთი, გაავდრდა და წვიმამ ჩვენი კვალი გადარეცხა. გარდა ამისა, საბადოს ფერდობები მთლად დასერილი იყო ჭიანჭველაჭამიასა და სხვა ცხოველების სოროებით, ამიტომ შეუძლებელი იყო გარკვევა, რომელი იყო მათში ჩვენი მხსნელი. ვიდრე ლუუში გავბრუნდებოდით, ერთხელ კიდევ დავათვალიერეთ სტალაქტიტებიანი მღვიმის საკირველებანი, რაღაც უცნაური მდელვარებით შეპყრობილებმა ერთხელ კიდევ მოვინახულეთ მკვდართა სავანე, თეთრი სიკვდილის შემართული შუბის ქვეშ გავძვერით და დიდხანს შეცურებდით ქვის კადელს, რომელმაც იმ დღეს გზა ჩაგვიკეტა და გადარჩენის იმედი მოგვისპო. შევცქეროდით გრძნობით, რომლის გადმოცემაც ჩემთვის ძნელია. ამ წუთებში სამივენი ვფიქრობდით აურაცხელ სიმდიდრეზე, უცნაურ ბებერ კუდიანზე და მშვენიერ ფულატაზე, ვისი აკლდამის კარიც სამუდამოდ იყო დახმული ყველასთვის.

მე მოგახსენეთ, კედელს შვცქეროდით-მეთქი. იმიტომ რომ, თუმცა ბევრი ვეძებეთ, ასაწევი კარის ნიშანწყალიც კი ვერსად ვნახეთ და, რასაკვირველია, ვერ გავიგეთ იმ მექანიზმის საიდუმლოც, რომელიც ამ კარს ამოძრავებდა. ასე რომ, ის კარი ყველასთვის სამუდამოდ დაკარგულია. ბოლოს და ბოლოს გაბრაზებულებმა შევწყვიტეთ ძებნა. ეს უზარმაზარი ქვა ჩვენ თვალწინ მართლა რომ აწეულიყო, გამბედაობა არც კი გვემოფოდა, გადაგვებიჯებინა გაგულას დასახიჩრებული გვამისათვის და საგანძურში შევსულიყავით. არა, არა, რომ კიდეც დავერწმუნებინეთ ვინმეს, იმ ალმასებს ხელში ჩაიგდებოთ, მაინც ვერ გადავდგამდით ამ ნაბიჯს. მიუხედავად ამისა, ჯაგრით ლამის ავტირდი, როცა გავიფიქრე, რა უთვალავი სიმდირე რჩებოდა ამ კედელს იქით. ეს იყო ალბათ უდიდესი განძი, რომელიც კი ადამიანის ხელს ოდესმე დაეგროვებინა, მაგრამ რა უნდა გვედონა? მხოლოდ დინამიტს შეეძლო ჩვენთვის გზა გაეკაფა

ხუთი ფუტის სისქის კლდეში. ასე რომ, დავტოვეთ ეს საზარელი ადგილი. იქნებ შორეულ მომავალში, სხვა, უკეთეს საუკუნეში, ჩვენზე უფრო ბედნიერმა მკვლევარმა შემთხვევით მიაგნოს კარის საიდუმლოს, წარმოთქვას ჯადო სიტყვა „სეზამ, გაიღე!“ და მსოფლიოს ბაზრები ძვირფასი ქვებით აავსოს. მაგრამ მაინც მგონია, რომ ხის სამ უკანონო ჩაყრილი ის ძვირფასი თვლები ვერასოდეს შეაძმებენ ულამაზეს ასულთა და მანდილოსანთა თეთრ ყელს და, ვიდრე სამყარო ირსებებს, ის განძიც ისევე ხელუხლებლად იდება ბნელ დარანში ფულატას ძვლებთან ერთად.

გაწბილებულებმა დავტოვეთ იქაურობა და მეორე დღეს ლუუსკენ მიმავალ გზას დავადექით. უნდა ვთქა, ჩვენი მხრივ უმაღლერობა იყო, ასე გულდაწყვეტილები რომ მივდიოდით. ალბათ გახსოვს, მკითხველო, ვიდრე საპყრობილებს სამუდამოდ მივატოვებდით, მე ურველი შემთხვევისათვის ქურთუკის ჯიბეები ალმასებით ავივსე. ბევრი ძვირფასი ქვა დაკარგულიყო, როცა ფერდობზე დავგორდი, მათ შორის ის მსხვილი ალმასებიც, ზემოდან რომ დავაყარე, მაგრამ, მიუხედავად ამისა, მაინც ბლომად დამრჩა: თვრამეტი მსხვილი ქვის ჩათვლით, რომელთაგან თითოეული ოცდათიდან ას კარატამდე იწონიდა. დიახ, ჩემი ძველი ქურთუკის ჯიბეებში კიდევ იმდენი ძვირფასეულობა იყო, რომ ჩვენ ყველანი მილიონერები თუ არა, ძალზე მდიდარი ადამიანები მაინც ვიყავით. ამასთან, მთელს ევროპაში ალმასების ასეთი კოლექცია არავის ექნებოდა. ასე რომ, საწუწუნო და ბედის სამდურავი არაფერი გვქონდა

ლუუში რომ მივედით, იგნოზი სისარულით შემოგვეგბა. მშვენივრად გამოიყურებოდა, თუმცა საქმე თავსაყრელი ჰქონდა. ტახტი უნდა განემტკიცებინა და გარდაექმნა პოლკები, რომელთაც თუალასთან ბრძოლაში ძალზე დიდი დანაკლისი განიცადეს.

მეფემ დიდი უურადღებით მოისმინა ჩვენი თავგადასავალი. გაგულას საზარელი სიკვდილი რომ გაიგო, დაფიქრდა.

– მოდი აქ! – იხმო მან მოხუცი ინდუნუ (უხუცესი) დაახლოებულ პირთა რიცხვიდან, რომელებიც მოშორებით ისხდნენ და ჩვენი საუბარი არ ესმოდათ.

მოხუცი წამოდგა. მეფეს ეახლა, მოწიწებით დაუქრა თავი და დაჯდა.

– შენ კარგა დიდი ხნის კაცი იქნები, – უთხრა იგნოზიმ.

– დიახ, ჩემო მბრძანებელო, შენი მამის მამა და მე ერთ დღესა ვართ დაბადებულნი.

– მითხარი, ბავშვობაში იცნობდი გაგულას?

– დიახ, ჩემო მბრძანებელო.

– იმ დროს გაგულაც ბავშვი იქნებოდა, არა?

– არა, ჩემო ბატონო, ახლა რომ არის, ზუსტად ასეთი იყო, ის კი არა, პაპაჩემის ყმაწვილკაცობაშიც სწორედ ასეთივე სახედაღარული, მახინჯი, მიხრწნილი და ბოროტებით სავსე ყოფილა.

– გაგულა აღარ არის, გაგულა მოკვდა.

– მესმის, ჰო მეფეო. თუ ასეა, ოდინდელი წყევლა მოეხსნება ჩვენს ქვეყანას.

– კარგი, წადი!

– მიგდივარ, შავო ლეავო, ბებერი ძაღლის მკვლელო.

– ხომ ხედავთ, მმებო, – გვითხრა იგნოზიმ, – გაგულა ძალიან უცნაური ქალი იყო და მე კმაყოფილი ვარ, რომ მოკვდა. იმ ბნელ მღვიმეში თქვენი ცოცხლად დამარხვა ეწადა, შემდეგ იქნებ რამე ხერხი ეღონა და მეც მოვეპალი, როგორც ერთ დროს მოკლა მამაჩემი და ტახტზე თუალა აიყვანა. თუალა ხომ ძალიან უყვარდა. ახლა კი გთხოვთ, განაგრძოთ თქვენი თავგადასავალი, რომლის მხგავსი ჯერ არავის გადახდენია.

მე ვუამბე იგნოზის ჩვენი გადარჩენის ამბავი, ამასთან, ვისარგებლე შემთხვევით და ვუთხარი, თქვენი ქვეყნიდან უნდა წავიდეთ-მეოქი. მე, სერ პენრიმ და გუდმა ამაზე წინასწარ მოვითაობირეთ.

— ახლა კი, იგნოზი, ჩვენი გამოთხვების უამი დადგა. ჩვენ კვლავ უნდა გაგუცეთ გრძელ გზას სამშობლოსაკენ. მისმინე, იგნოზი, შენ ჩვენთან ერთად მოხვედი აქ დარიბ-დატაკი და უთვისტომო, ჩვენი მსახური იყავი, ახლა კი ძლევამოსილი მეფე ხარ. თუ ჩვენდამი მადლობის გრძნობა გიღვივის გულში, ნუ დაივიწყებ, რაც გვითხარი, მოიქმეცი ისე, როგორც ამას გვაირდებოდი; მართე ქვეყანა სამართლიანად, პატივი დასდე კანონს, ნურავის მოკლავ უმიზეზოდ, იცოდე, მხოლოდ მაშინ იქნები ბედნიერი, თუ შეასრულებ, რაც გითხარი. ხვალ გარიურაჟზე კი გამოგვაყოლე მეომრები, რომ მოებზე გადასვლაში დაგვეხმარონ. რად დაფონდი, მეფეო, უარის თქმას ხომ არ აპირებ?

იგნოზიმ თვალებზე ხელები აიფარა და ერთხანს ხმა არ გაუდია.

— გული მეტკინა, — თქვა ბოლოს, — თქვენმა სიტყვებმა გული ორად გამიპო. რა დაგიშავეთ, ინკუბუ, მაკუმაზან და ბუგვან, რატომ გინდათ მომაყენოთ ასეთი მწუხარება, რად უნდა დამტოვოთ?! თქვენ ხომ ბრძოლაში გვერდით მედექით, ნუთუ დამტოვებო გამარჯვების უამს, როცა ირგვლივ სრული სიმშვიდეა? რა გნებავთ? ცოლები? აირჩიეთ, ვინც კი მოგეწონებათ; საცხოვრებელი ადგილი? მთელი ქვეყანა თქვენს განკარგულებაშია; ისეთი სახლები გნებავთ, თეთრკანიანები რომ ცხოვრობენ? ასწავლეთ ჩვენს ხალხს, როგორ ააგონ და სახლებიც გექნებათ; საქონელი გინდათ, რდე ან ხორცი? — ყოველი ჩემი დაოჭახებული მამაკაცი მოგგვრით ხარს ან ძროხას. ნადირობას მოიწადინებთ? განა ირმები ჩემს ტყეებში არ დაეხეტებიან ან ბეჭემოტებს ლელიანებში არ სძინავთ? იქნებ გულში ბრძოლის უინი გიღვივით? ჩემი ჯარები თქვენს განკარგულებას ელიან. თუ გარდა იმისა, რაც ახლა ჩამოვთვალე, რამის ბოძება, ან რაიმე თხოვნის შესრულება კიდევ შემიძლიან, მითხარით და არც იმას დავიშურებ.

— არა, იგნოზი, — ვუთხარი. — ჩვენ არაფერი გვინდა, გარდა იმისა, რომ სამშობლოში დაგბრუნდეთ და საკუთარი კერა მოვიძიოთ.

— მაშ ასე, — მწარედ თქვა იგნოზიმ და თვალებში ნაპერწკლებმა გაუელვა. — თქმენ ეგ ბრჭყვიალა ქვები ჩემზე, თქვენს ძეელ მეგობარზე მეტად გიყვართ. ახლა ქვები ხელთ იგდეთ, ნატალში დაბრუნდებით, გადასერავთ შავ მღვრიე წყალს, რომ გაყიდოთ ისინი და მდიდრები შეიქნათ. ეს არის ყოველი თეთრი ადამიანის სურვილი და მისწრაფება. წყეულიმც იყოს ეგ ქვები, წყეულიმც იყოს, ვინც მათ ეძებს, სიკვდილი იმას, ვინც ფეხს შეადგამს მკვდართა სავანეში სიმდიდრის საძებნელად. მე ვთქვი! შეგიძლიათ წაბრძანდეთ, თეთრკანიანებო!

— იგნოზი, — ვუთხარი და ხელი ხელზე შევახე. — მიპასუხე, შენ რომ ზულუსების ქვეყანაში მოგზაურობდი, მერე კი ნატალში თეთრკანიანებს ემსახურებოდი, განა გული არ გეწეოდა ქვეყნისაკენ, რომელზედაც დედაშენი იმდენ რამეს გიამბობდა? განა არ გენატრებოდა მშობლიური მხარე, სადაც პირველად აგეხილა თვალი, სადაც თამაშობდი; განა გული სამშობლოსკენ არ მიგიწევდა?

— დიახ, მაკუმაზან.

— აი, ასევე გვენატრება ჩვენც ჩვენი სამშობლო.

ჩამოვარდა სიჩუმე.

— მესმის, რასაც ნიშნავს ეგ სიტყვები, მაკუმაზან, — დაარღვია დუმილი იგნოზიმ; ხმაშეცვლილი ლაპარაკობდა. — როგორც ყოველთვის, ახლაც ბრძნულად მსჯელობ. ფრენას შეჩვეულს მიწაზე ფორთხვა არ ძალუშს. თეთრკანიანს არ შეუძლია ზანგივით იცხოვროს. დიახ, თქვენ უნდა წახვიდეთ. უნდა წახვიდეთ, მაგრამ ჩემი გული სევდით არის სავსე, იმიტომ რომ იქიდან,

სადაც თქვენ იქნებით, თქვენს ამბავს ვერავინ მომაწვდის. მაგრამ, მისმინეთ. და, დაკ, ჩემი სიტყვა გაიგოს უველამ! დღეიდან გზა იმ მთებზე უველა თეთრკანიანისათვის დაკეტილია, მაშინაც კი, თუ ვინმე შეძლებს აქამდე მოაღწიოს. მე ჩემს ქვეყანაში არ შემოუშვებ თოფებითა და რომით მოვაჭრებს, ჩემი თანამემამულები მომავალშიც მხოლოდ შებებით იბრძოლებენ და წყურვილსაც, მსგავსად მათი წინაპრებისა, მხოლოდ და მხოლოდ წყლით მოკლავენ. მე არ დავუშვებ, რომ მისიონერებმა ჩემს ხალხს სიკვდილის შიში ჩაუნერგონ გულში, რომ უფრო ადვილად აამხედრონ მეფის წინააღმდეგ და ამით გზა გაუკაფონ თეთრკანიანებს, მათ მუდამ უკან რომ მიყვებიან. თუ რომელიმე თეთრკანიანი მოაღება ჩემს ქვეყანას, მე მას უკანვე გავაბრუნებ. ასი თეთრკანიანი რომ მოვიდეს, უკან დავახევინებ. თუ ჯარი მომადგება, მეც ჩემს ჯარს შევაგებებ და უცხოელებს გამარჯვება არ ეღირსებათ. ვერც ერთი ადამიანი ფეხს ვეღარ შემოდგამს აქ ბრჭყვიალა ქვებისთვის. ადამიანი კი არა, ჯარიც ვერ შემოადგევს! მაგრამ, თუ ვინიცობაა, მოვიდნენ, გავგზავნი ჩემს მეომრებს, რომ ქვებით ამოავსონ მადარო, დაამსხვრიონ თეთრი სვეტები და მილეწმოლეწონ იქაურობა ისე, რომ იმ კართან მიახლოვებაც ვერავინ შეძლოს. თქვენ სამისათვის კი – ინკუბუ, მაკუმაზან და ბუგვან – ჩემი ქვეყნის კარი მუდამ დია იქნება, იმიტომ, რომ მოკვდავთა შორის ჩემს გულს თქვენზე ძვირფასი და მახლობელი არავინ ჰყავს. ახლა კი ნებას გაძლევთ წახვიდეთ აქედან. ინფადუსი, ჩემი მამის ძმა ხელს ჩაგიდებთ და ისე გაგიყვანთ აქედან. მცველად მისი პოლკი წამოგყვბათ. მე შევიტყვა, რომ იმ მთებში სხვა გზაც გადის, ჩემი მეომრები სწორედ იმ გზით წაგიყვანენ. ახლა კი მშვიდობით, ძმებო, მამაცო თეთრო ადამიანებო. ჩემთან შეხვედრას ამის მეტად ნუდარ ეცდებით, იმიტომ, რომ გული მეტს ვეღარ აიგანს. მომისმინეთ, მე გამოვცემ ბრძანებას, რომელსაც ერთი მთიდან მეორეზე გადაძახილით შეატყობინებენ მთელს ქვეყანას. დღეიდან ჩემი ქვეყნის ხალხი თქვენს სახელებს მოიხსენიებს ისეთივე პატივით, როგორც თავის გარდაცვლილ მეფეთა სახელებს და სიკვდილი არ ასცდება მას, ვისი ბაგეც მათ წარმოოქვამს. ამგვარად, თქვენი ხსოვნა მუდამ იცოცხლებს ჩვენს ხალხში. წადიო-მეთქი, წადიო, ვიდრე ჩემს თვალებს, მსგავსად ქალისა, ცრემლი არ დაუფრქვევია. ოდესმე, როცა მოხუცდებით და გასათბობად ცეცხლის პირას დასხედებით, რადგან მაშინ შზის სიობო უკვე საქმარისი ადარ იქნება თქვენთვის, გაიხსენეთ, როგორ ვიდექით მხარდამხარ დიდ ბრძოლაში, რომლის დასასრული შენმა ბრძნულმა სიტყვებმა იმთავითვე გადაწყვიტა, მაკუმაზან. გაიხსენეთ, ბუგვანი წვეტიანი რქის მსგავსად რომ შეიჭრა მტრის ჯარში, ინკუბუ კი იდგა, რუხებით გარშემორტყმული, და მისი ნაჯახით მოკელილი ადამიანები ისე ეცემოდნენ, როგორც თავთავი თიბვისას. მოიგონეთ, როგორ შემუსრა ინკუბუმ გარეული კამების, თუალას, ძლიერება, და როგორ გაასწორა მიწასთან მისი სიამაყე. მშვიდობით, მშვიდობით, სამუდამოდ, ინკუბუ, მაკუმაზან და ბუგვან, ჩემო ძვირფასო მეგობრებო და მბრძანებლებო!

ამ სიტყვებით იგნოზი წამოდგა, რამდენიმე წუთს მდუმარედ, ღრმად ჩაფიქრებული გვიცემოდა, შემდეგ მოსასხამის კალთა თავზე გადაიფარა, თითქოს იმისთვის, რომ მისი სახე აღარ დაგვენას.

ჩვენ ხმაამოულებლივ გავედით ქოხიდან.

მეორე დღეს რიერაჟზე დავტოვეთ ლუჟ. თან მოგვევბოდა კამეჩების პოლკი და ჩვენი მეგობარი ინფადუსი, რომელიც ძალიან ნადვლობდა ჩვენთან განშორებას. ამ დილადრიან ქალაქის მთავარი ქუჩა ხალხით იყო გაჭედილი. როცა პოლკის თანხლებით გეგრდზე ჩაგუარეთ, ისინი მოგვესალმნენ შეძახილებით – „გულმ! გულმ!“ ქალები კი უვავილებს გვესროდნენ და გვლოცავდნენ იმისათვის, რომ მათი ქვეყანა თუალას ბატონობისაგან

გავათავისუფლეთ. ყველაფერი ეს ძალზე ამაღელვებელი იყო და სულაც არ პგავდა ველურებთან გამოთხოვების სურათს.

მაგრამ ძალიან სასაცილო ინცინდენტის გარეშე საქმე მაინც არ დამთავრებულა.

ის იყო, ქალაქის საზღვარს უნდა გავცდენოდით, რომ ხალხის ჯგუფიდან გამოქანდა ლამაზი ახალგაზრდა ქალი; ხელში რამდენიმე შროშანი ეჭირა. ყვავილები გუდს გაუწოდა (რატომდაც გუდს ქალთა შორის დიდი წარმატება ჰქონდა, ვფიქრობ, მონოკლი და ცალი ბაკენბარდი ამ ნაზი არსებების თვალში მას რადაც განსაკუთრებულ რომანტიკულ ელფერს ანიჭებდა) და უთხრა, შენთან დიდი სათხოვარი მაქვსო.

— თქვი!

— ჩემმა მბრძანებელმა უჩვენოს მის მონასა და მხევალს თავისი მშვენიერი თეთრი ფეხები, რომ შემეძლოს ერთხელ კიდევ მოვკრა მათ თვალი და მერე ჩემს შვილებს ვუამბო ყველაფერი. თქვენი მონა ოთხი დღე მოდიოდა, რათა ენახა იხინი.

— ეშმაკმა წამიღოს, თუ ასე მოვიქცე! — აღელვებით წამოიძახა გუდმა.

— კმარა, კმარა, ძვირფასო, — დაამშვიდა სერ პენრიმ. — როგორ შეიძლება ლედი გააწილოთ და თხოვნაზე უარი უთხრათ?

— არა, არა, — ჯიუტად გაიმეორა გუდმა, — ეს საშინელი უზრდელობა იქნებოდა. — მაგრამ ბოლოს და ბოლოს მაინც დათანხმდა, აეკარწახებინა შარვალი და თეთრი წვიგები გამოეხინა.

გაისმა აღფრთოვანებული შეძახილები. ყველაზე აღტაცებული ის ახალგაზრდა ლედი ჩანდა.

გუდი ასე შარვალაკაპიწებული მოდიოდა, ვიდრე ქალაქის კარიბჭეს არ გავცდით. ვშიშობ, ჩვენი კაპიტანის ფეხები აწ არასოდეს იქნება ესოდენი აღტაცების საგანი. მისი მოძრავი კბილები და, ასე გასინჯეთ, გამჭვირვალე თვალიც კი, საქმაოდ მობეზრდათ პუკუანელებს. „მშვენიერ თეთრ ფეხებზე“ კი მსგავსს ვერაფერს ვიტვით.

გზაში ინფადუსმა გვითხრა, იმ ქედის ჩრდილოეთით, რომლის გაგრძელებას სოლომონ მეფის დიდი გზა წარმოადგენს, სხვა გადასასვლელიც არსებობს, ან უკეთ რომ ვთქვათ, არის ადგილი, საიდანაც შეიძლება კლდოვან ქედს დაბლა დაჟყვეო. ეს ქედი კუკუანელთა ქვეყანას დიდი უდაბნოსაგან პყოფს, მის ზემოთ კი აღმართულია დედოფალ საბიას ორი მთა. ამ ორიოდე წლის წინათ კუკუანელი მეომრები სირაქლემებს გასდევნებიან და იმ გზით უდაბნოში ჩასულან. სირაქლემას ფრთებს ამ ქვეყანაში ხომ დიდი გასავალი აქვთ. მათ მეომართა ჯიდებისათვის იყენებენ. მონადირეები, ცოტა არ იყოს, შორს შეჭრილან უდაბნოში და ძალზე მოსწყურებიათ. შორს რადაც ხეების მსგავსი დაულანდავთ, იქითკენ წასულან და ამწვანებულ, წყალუხვ თაზისს კი წადგომიან. თაზისი რამდენიმე მილზე ყოფილა გადაჭიმული. ინფადუსის თქმით, ჩვენ სწორედ იქითკენ უნდა წავსულიყვათ.

მოხუცი მეომრის რჩევა ჭკუაში დაგვიჯდა, რადგან ეს გზა აგვაშორებდა მთების ძნელადსავალ ბილიკებს. გარდა ამისა, თაზისამდე მიგვაცილებდა რამდენიმე მონადირე, რომელთაც იგი აღმოაჩინეს. მონადირეები ამტკიცებდნენ, უდაბნოში სხვა ოაზისიც დავინახეთო. ჩვენ აუჩქარებლად მივიწევდით წინ და მეოთხე დღეს, სადამო ხანს, კვლავ კლდოვან ქედზე აღმოვჩნდით. უდაბნო დედოფალ საბიას მთების ჩრდილოეთით, დაახლოებით ოცდახუთ მილზე, იქნებოდა გადაშლილი. მისი ქვიშის ტალღები ზედ ჩვენ ფერხთით ადი-ჩადიოდა.

მეტეორ დღეს, განთიადზე ჩვენმა გამყოლებმა მიგვიყვანეს იმ აღგილამდე, სადაც იწყებოდა ციცაბო დაღმართი უდაბნოსაკენ. ჩვენ ახლა ორი ათას ხუთასი ფუტის სიმაღლეზე მაინც ვიმყოფებოდით.

აქ გამოვეთხოვეთ ჩვენს გულითად მეგობარს, ძველ მეომარს ინფადუსს. მან წარმატება და ბედნიერი მგზავრობა გვისურვა. თან მწუხარებისაგან ცრემლს ძლივს იმაგრებდა.

— ჩემი თვალები ვედარასოდეს ინილავს თქვენისთანა ადამიანებს, ჩემო მბრძანებლებო. როგორ ცელავდა ინკუბუ ბრძოლაში მტერს! რა სანახავი იყო, ერთი დარტყმით თუალას თავი რომ მოჰკვეთა!.. ასეთ დარტყმას ჩემს სიცოცხლეში ვედარ ვიხილავ, რასაკვირველია, თუ ძილში არ მესიზმრა.

ჩვენ ძალიან გვეძნელებოდა ინფადუსთან განშორება. გუდს ისე აუზუყდა გული, რომ მოხუც მეომარს თავისი მონოკლიც კი აჩუქა (შემდეგ აღმოვაჩინეთ, რომ ერთი მონოკლი კიდევ პქონოდა შემონახული).

ინფადუსი აღტაცებული იყო. წინასწარ იცოდა, რომ ამ ნივთის პატრონი საოცრად ამაღლებოდა ხალხის თვალში. ცოტაოდენი წვალების შემდეგ მან მაინც შეძლო მონოკლი თვალზე მიედგა. მართალი რომ მოგახსენოთ, ეს სულაც არ ეხამებოდა ძველი მეომრის ლეოპარდის წამოსასხამს და სირაქლემას ფრთების ჯიდას.

როცა დავრწმუნდით, რომ ჩვენს გამცილებლებს თან საკმარისი წყალი და სანოვაგე წამოედოთ და როცა გრგვინგასავით გაისმა კამეჩების გამოსათხოვარი სიტყვები, სამივემ მაგრად ჩამოვართვით ხელი ინფადუსს და ქედიდან დაბლა დავეშვით. ეს არც თუ ისე ადვილი იყო, მაგრამ ავად თუ კარგად, იმავე დღეს, სადამოს, მშვიდობიანად მივაღწიეთ დაბლობს.

— იცით, — თქვა სერ პენრიმ, როცა დამით კოცონს ვუსხედით და ჩვენს თავზე წამოყედებულ ფრიალო კლდეებს შევსცეროდით, — ვფიქრობ, დედამიწის ზურგზე მრავლის უმრავლესი ქვეყანაა კუკუანელთა მხარეზე უარესი. იყო დრო, როცა თავს გაცილებით უარესად ვგრძნობდი, ვიდრე ამ უკანასკნელი ორი თვის განმავლობაში, თუმცა უნდა გითხრათ, რომ ასეთი საოცარი ამბები თავს არასოდეს გადამხდენია. თქვენ რას იტყვით, მეგობრები?

— მე მგონი, თითქმის ვნანობ კიდეც, რომ იმ ქვეყნიდან წამოვედით, — ოხვრით მიუგო გუდმა.

მე კი გულში გავიფიქრე, ყველაფერი კარგია, რაც კარგად მთავრდება-მეტქი. ჩემი ცხოვრების მანძილზე, რომელიც, როგორც მოგეხსენებათ, სავსე იყო ფათერაკებით, არასოდეს ვყოფილგარ ისე ახლოს სიკვდილთან, როგორც ამ უკანასკნელ ხანებში ვიყავი. მარტო ბრძოლა რომ მომაგონდებოდა ხოლმე, თავით ფეხებამდე ქრუანტელი დამივლიდა, რომ აღარაფერი ვთქვა იმაზე, რაც იმ დაწყევლილ განძსაცავში გადავიტანეთ.

მეორე დღეს დავადექით უდაბნოს ძნელად სავალ გზას. ჩვენს ხუთ გამყოლს ბლობად მოპქონდა წყალი. დამე ცის ქვეშ გავათიერ, მეორე დღეს, რიურაჟზე კი ისევ განვაგრძეთ გზა. მესამე დღეს, შეადლისას დავინახეთ ხეები, — ჩვენ წინ ოაზისი იყო. მზის ჩასვლისას კი უკვე მაღალ ბალახში დავაბიჯებდით და წყლის რაკრაკს ყურს ვუგდებდით.

ახლა კი გადავდივარ ყველაზე საოცარ შემთხვევაზე ჩვენს უჩვეულო თავგადასავალში; აქედან შეგიძლიათ დაასკვნათ, რა არაჩვეულებრივი ამბები ხდება ცხოვრებაში.

მე ოდნავ გავუსწარი ჩვენს თანამგზავრებს და მშვიდად მივდიოდი ნაკადულის პირას, ოაზისიდან რომ მოედინებოდა და უდაბნოს გავარვარებულ ქვიშაში იკარგებოდა. მაგრამ უეცრად ერთ ადგილას გავშეშდი, თვალს არ ვუჯერებდი. ოციოდე იარდის დაშორებით, თვალწარმტაც ადგილას, ჩრდილში, იდგა პატარა, კოხტა ქოხი. იგი პირდაპირ ნაკადულს გადასცექეროდა. კაფრების ქოხების ყაიდაზე იყო აგებული ტირიფის დაწული ტოტებისა და ბალახისგან, მაგრამ დატანებული ჰქონდა ჩვეულებრივი კარი და არა ვიწრო საძრომი.

„ეს რაღა ჯანდაბა! — ვთქვი ჩემთვის — აქ ქოხს ნეტა რა უნდა!“ ვერც კი მოვასწარი ამის გაფიქრება, რომ კარი გაიღო და ქოხიდან კოჭლობით გამოვიდა კაცი, მას ტყავის ტანსაცმელი ეცვა. ალბათ მზემ თუ დამკრა და ჭკუა ამირდამირია-მეთქი, გადავწყვიტე. ვიცოდი, რომ არც ერთ მონადირეს აქ ვეხი არასოდეს დაედგა და, რასაკირველია, ცხოვრებითაც ვერავინ იცხოვრებდა. გაოცებისაგან თვალებდაჭყებილი შევურებდი ამ „მოჩვენებას“. ის კაციც ნაკლებ გაკვირვებული როდი მომჩერებოდა. ამ დროს, საბედნიეროდ, სერ ჰენრი და გუდიც მოგვიახლოვდნენ.

— მომისმინეთ, მეგობრებო, — მივმართე მათ, — გონს გადავცდი, თუ ეს მართლა თეთრკანიანია?

სერ ჰენრი და გუდიც შეაჩერდნენ უცნობს, რომელმაც იმავე წამს დაიყვირა და ჩვენები გამოიქცა, მაგრამ რამდენიმე ნაბიჯზე შედგა და უგრძნობლად დაენარცხა მიწაზე.

სერ ჰენრი ერთი ნახტომით მის გვერდით გაჩნდა.

— ღმერთო ჩემო, — წამოიყვირა მან, — ეს ხომ ჯორჯია!

ხმაურზე ქოხიდან მეორე კაცმაც გამოიხედა, მასაც ტყავის ტანსაცმელი ეცვა, ხელში თოფი ეჭირა. ისიც ჩვენსკენ გამოიქცა. დამინახა თუ არა, ხმამაღლა შეჰყვირა:

— მაკუმაზან, ვეღარა მცნობ? მე ხომ მონადირე ჯიმი ვარ. შენ რომ ბაასს წერილი მისწერე, ის დამეკარგა და უკვე ორი წელია აქ ვცხოვრობთ.

იგი ჩემ ვერხთით დაეცა, მიწაზე გორავდა და სიხარულით ტიროდა.

— აი, შე დოყლაპია, შენა, მაგისათვის ერთი კარგად უნდა აგიჭრელოს კაცმა გვერდები, — ვუთხარი მე.

ამასობაში ის შავწვერა გრძნობაზე მოვიდა და წამოდგა. ისა და სერ ჰენრი დიდხანს უხმოდ ართმევდნენ ერთმანეთს ხელს, რადგან ადელგვებისაგან სიტყვას ვერ ძრავდნენ. ვფიქრობ, წარსულში მათ ვინმე ლედის გუდისთვის მოუხდათ უსიამოვნება (თუმცა სერ ჰენრისთვის ამის თაობაზე არაფერი მიკითხავს), მაგრამ რა ნიადაგზეც არ უნდა მოსვლოდათ უქმაყოფილება, ახლა აღარაფერი ასეოდათ.

— ჩემო ძვირფასო, — აღმოხდა ბოლოს სერ ჰენრის, — მეგონა, ცოცხალი აღარ იყავი. მე ხომ სულეიმანის მთების იქით გეძებდი და უცებ თაზისში კი შეგხვდი; ზღაპრული აასვოგელი -ვით აგიგია ბუდე.

— ორი წლის წინათ მეც ვცადე გადამელახა სულეიმანის მთები, — თქვა შავწვერამ. ისე გაუბედავად ლაპარაკობდა, თითქოს მშობლიურ ენაზე საუბარს გადაეჩვიაო, — მაგრამ აქ რომ მოვედით, ფეხზე დიდი ლოდი დამეცა და ძვალი გადამიმტკრია. სიარული ადარ შემძლო, ვერც მთებისაკენ წავედი და ვერც კრაალ სიტანდაში დავბრუნდი.

ამასობაში მეც მივუახლოვდი მათ.

— გამარჯობათ, მისტერ ნევილ, აღარ გახსოვართ?

— დმერთო ჩემო, — წამოიძახა მან, — ქურტერმენ, ნუთუ ეს თქვენა ხართ? როგორ, გუდიც აქ არის? ხელი მომკიდეთ, თავბრუ მესხმის, რა უცნაურია ყველაფერი ეს, რა მოულოდნელად დამესხით თავს... თანაც სწორედ მაშინ, როცა საბოლოოდ გადამიწყდა იმედი. რა ბედნიერება!

\* \* \*

იმ საღამოს გვიანობამდე შემოვრჩით კოცონს, ჯორჯ კურტისი თავის თავგადასაგლს გვიყვებოდა; მასაც ბევრი რამ გამოველო და გადაეტანა.

ორი წლის წინათ გამოვიდა კრაალ სიტანდადან იმ განზრახვით, რომ სულეიმანის მთებამდე მიეღწია. ჩემი წერილი ჯიმს დაუკარგავს და ჯორჯმა მასზე დდემდე არაფერი იცოდა. მაგრამ ზანგებმა მიასწავლეს და გაემართა არა დედოფალ საბიას მთებისკენ, არამედ ციცაბო ქედისკენ, ჩემ რომ ახლახან გამოვიარეთ. ეს, რასაკვირველია, გაცილებით უფრო იოლი გზა იყო, იმასთან შედარებით, მოხუცი და სილვესტრას რუკაზე რომ იყო აღნიშნული. უდაბნოში მას და ჯორჯს დიდი გაჭირვება გამოევლოთ, მაგრამ ბოლოს და ბოლოს მოსდგომოდნენ ამ ოაზისს. აქ კი ჯორჯ კურტისს მოსვლისთანავე თავს დასტყვლომოდა უბედურება. ჯორჯი ნაკადულის პირას ჩამომჯდარიყო, ჯიმი კი მაღალ ციცაბო ნაპირზე აცოცებულიყო და ნაპრალიდან გარეული ფუტკრის თავლს იღებდა. ამ ფუტკრებს ნესტარი არა აქვთ, ამიტომ ჯიმი უშიშრად მოქმედებდა. კლდეზე რომ მიცოცავდა, უნებლიერ დიდი ლოდი შეუნძრევია. ლოდი დაგორებულა და ჯორჯ კურტისისათვის მარჯვენა ფეხი გადაუმტკრევია. მას შემდეგ თურმე ძლიერ კოჭლობდა და რაგი სიარული უჭირდა, გადაუწყვებია, ოაზისში დარჩენილიყო და შეხვედროდა სიკვდილს, რადგან, რომ წასულიყო, სულ ერთია, მაიც დაიღუპებოდა.

საჭმელი არ მოჰკლებიათ. ტყვია-წამალი ბლომად ჰქონდათ, ოაზისში კი წყლისთვის უამრავი ნადირი მოდიოდა. განსაკუთრებით დამით მოაწყდებოდნენ ხოლმე აქაურობას.

ჩემი მონადირეებიც მახეს უგებდნენ ან თოფით ხოცავდნენ ნადირს. ხორცს საჭმელად იყენებდნენ, ტყავს კი — ჩასაცმელად, რადგან ტანსაცმელი სულ შემოაცვდათ.

— ამრიგად, — თქვა დასასრულს ჯორჯმა, — თითქმის ორი წელიწადი რობინზონ კრუზოსა და პარასკევასავით ვცხოვრობდით ამ ოაზისში; იმედს მაიც არ ვკარგავდით, ვფიქრობდით, რამე შემთხვევის წყალობით ზანგი მონადირეები მოვიდოდნენ და აქედან გაგვიყვანდნენ, მაგრამ არავინ ჩანდა. ბოლოს, სწორედ გუშინ საღამოს, გადავწყვიტეთ, მე აქ დავრჩენილიყავ, ჯიმი კი კრაალ სიტანდაში დაბრუნებულიყო და მაშველად ვინმე წამოეყვანა. თუმცა, მართალი უნდა გითხრათ, ძალიან ცოტა იმედი მქონდა, რომ ჯიმი აქ ისევ მომაკითხავდა. და აი, შენ, სწორედ შენ, ვისი ნახვის იმედიც სრულიად აღარ მქონდა, — მიუბრუნდა იგი სერ პენრის, — უეცრად მომევლინე. მე კი დარწმუნებული ვიყავი, რომ შენ მშვიდად ცხოვრობდი ინგლისში და დიდი ხანია დაგავიწყდა კიდევ ჩემი არსებობა. ეს მეტად გასაოცარი ამბავია და უბედიერესი აღამიანი ვარ, ყველაფერი ასე კარგად რომ დასრულდა.

თავის მხრივ სერ პენრიმაც უამბო ძმას ჩვენი თავგადასავალი.

საუბარში კარგა ძალმა დამეტ გაიარა.

— მადლობა უფალს, — თქვა ჯორჯ კურტისმა, — რომ ჩემნაირი გამოუსედაგარი არსების გარდა, კიდევ იპოვეთ რაღაც, რაც გადატანილ ტანჯვა-წამებასა და გაჭირვებას აგინაზდაურებთ.

სერ პენრიმ გაიცინა.

— ეგ ალმასები ქურტერმენსა და გუდს ეპუთენის. ჩვენ პირობა დავდეთ, რომ ორივენი გაიყოფდნენ მთელს ნადავლსა და ალაფს, რასაც კი გზაში გადავეყრებოდით, ან ვოშვიდით.

ამ შენიშვნამ, ცოტა არ იყოს, ჩამაფიქრა. გუდს მოველაპარაკე და სერ პენრის ორივეს სახელით ვთხოვე აეღო ალმასების მესამედი. თუ უარს იტყვით, თქვენს წილს ჯორჯ კურტისს მივცემთ, რადგან ჯორჯი ამ ქვების გამო ყველა ჩვენგანზე მეტად დაზარალდა და დაიტანჯა-მჟოქი, — ვუთხარი. დიდი გაჭირვებით დავითანხმეთ ამ წინადადებაზე. ჯორჯ კურტისმა კი ჩვენი გადაწყვეტილება უფრო გვიან გაიგო.

\* \* \*

ვფიქრობ, აქ უნდა შეგწყვიტო თხრობა. ჩვენი გზა კრაალ სიტანდამდე ძალზე ძნელი იყო, განსაკუთრებით იმიტომ, რომ უნდა დაგხმარებოდით ჯორჯ კურტისს. ჯორჯს მარჯვენა ფეხი ძალზე ცუდ მდგომარეობაში ჰქონდა, დროდადრო დამსხვრეული ძვლის პატარა ნატეხებიც კი გამოდიოდა. მაგრამ, ასე იყო თუ ისე, უდაბნო მაინც გადავლახეთ. დაწვრილებით რომ აგიწეროთ ჩვენი მოგზაურობა, იძულებული ვიქნები გავიმურო ყველაფერი, რაც იქმობას გადაგვხდა თავს.

სიტანდაში ჩვენი თოფები და სხვა ნივთები ხელუხლებელი დაგვხვდა, თუმცა იმ ბეჭერ არამზადას, რომელსაც წასვლისას ყველაფერი ჩავაბარეთ, ძალიან ეწყინა, ცოცხლები და კარგად მყოფნი რომ დაგვინახა. ექვსი თვის შემდეგ ყველანი დურბანში, ჩემს პატარა სახლში შევიკრიბეთ, სადაც ახლა ამ სტრიქონებს ვწერ. აქედან ვემშვიდობები ყველას, ვინც თან მახლდა ამ არაჩვეულებრივ მოგზაურობაში.

.შ. ვერც კი მოვასწარი უკანასკნელი სიტყვის დაწერა, რომ ჩემი ფორთხოების ხეივანში დავინახე კაფრი. მას ორად გახლებილ ჯოხში წერილი გაეჩირა. წერილს სერ პენრი მწერდა. რაკიდა ამ პატარა ბარათს ჩემს ნა-ამბობთან უშუალო კავშირი აქს, მომყავს სიტყვა-სიტყვით.

## ბ რ ე ი ლ ი - ჰ თ ლ ი , ი ო რ პ შ ი რ ი

### ბ რ ე ი ლ ი ს თ ჰ უ რ ტ ე რ მ ე ნ

უკანასკნელი ფოსტით სულ რამდენიმე სტრიქონით მოგწერეთ, რათა მეცნობებინა თქვენთვის, რომ სამივენი — ჯორჯი, გუდი და მე — მშვიდობით ჩამოვედით ინგლისში. გადმოვედით საუტკემპტონში, აქედან კი დაუყოვნებლივ გავეშურეთ ლონდონს. უნდა გენახათ, როგორ მოირთო გუდი მეორე დღესვე-გულდაგულ გაიპარსა. ჩაიცვა შესანიშნავი ფრაკი, რომელიც ხელთათმანივით მოადგა ტანზე. შეიძინა ახალი მონოკლი და ასე შემდეგ და ასე ამგვარად. ერთხელ პარკში დავსეირნობდით. იქ ერთი-ორი საერთო ნაცნობიც შეგვხდა. ვისარგებლე შემთხვევით და გუდის „მშვენიერი თეთრი ფეხების“ ამბავი მოვუყევი.

გუდი გაცოფდა... განსაკუთრებით იწყინა, რომ ვიდაც გესლიანმა ჟურნალისტმა ყველაფერი ეს უცვლელად დაბჭდა ფეშენებელურ გაზეთში.

ახლა კი პირდაპირ საქმეზე გადავდივარ! რომ გაგვეგო ალმასების ღირებულება, მე და გუდმა სტრიტერის საიუველირო ფირმას მივმართეთ. პირდაპირ მეშინია გითხრათ, რამდენად შეაფასეს ისინი. საარაკო თანხა

დაგვისახელეს. თანაც ეს შეფასება მიახლოებითია. გვითხრეს, არ გვახსოვს, ოდესმე ბაზარზე ასეთი შესანიშნავი და ამდენი ალმასი ყოფილიყოს. აღმოჩნდა, რომ გარდა ერთი-ორი განსაკუთრებით მსხვილი ქვისა, ყველა წმინდა წყლის არის და არაფრით ჩამოუვარდება ბრაზილიის საუკეთესო ბრილიანტებს. შევთავაზე, ხომ არ იყიდით-მეთქი, მაგრამ მიპასუხეს, ვერ აუგალთო, და გვირჩიეს, ნაწილ-ნაწილ გაყიდეთ, რომ ბაზარი ალმასებით არ აივსოს. მიუხედავად ამისა, მაინც შემოგვაძლიერ ას ოთხმოცი ათასი გირვანქა სტერლინგი სულ მცირე ნაწილში.

თქვენ ინგლისში უნდა ჩამოხვიდეთ, ქუოტერმენ, და თავად მიხედოთ ამ საქმეს. მით უმეტეს, რომ ძალას მატანთ, ჩემმა მმამ აიღოს ეს ძვირფასი საჩუქარი – მთელი მესამედი ალმასებისა, რომლებიც მე არ მეტოვნის.

რაც შეეხება გუდს, იგი სულ გაგიუდა, მთელ დროს სახის პარსვას და ამაო მორთვა-მოკაზმვას ანდომებს. მაგრამ ვფიქრობ, ფულატა ჯერ კიდევ ვერ დაიგიწყა. ამას წინათ გამომიტყდა, რაც ინგლისში ჩამოვედი, ფულატასთანა თვალწარმტაცი და ტანადი ქალი არსად შემხვედრიაო.

ჩემო ძვირფასო მეგობარო, მინდა სამშობლოში ჩამოხვიდეთ და სადმე, ჩემ მახლობლად დასახლდეთ. თქვენ საკმაოდ იშრომეთ მთელი სიცოცხლის მანძილზე და ახლა ძალიან მდიდარი კაცი ხართ. ჩემს მეზობლად იყიდება მამული, რომელიც უეჭველად მოგეწონებათ. მაშ, რაც უფრო მაღე ჩამოხვალთ, მით უკეთესი იქნება. წიგნი კი შეიძლება გემზეც დაამთავროთ. ჩვენ არავის მცუამბობთ, რაც თავს გადაგვხდა, ვიდრე თქვენ წერას არ დაამთავრებთ, რადგან ვშიშობთ, მაინც არ დაგვიჯერებენ. თუ ჩემს რჩევას დაჰყვებით და საშობაოდ ჩამოხვალთ, ძალიან გთხოვთ, პირდაპირ ჩემთან მოხვიდეთ. იმ დროისთვის ჩემს მამულში იქნებიან გუდი, ჯორჯი და თქვენი ვაჟიც (ეს იმიტომ, რომ თქვენ შეგაცდინოთ და ჩამოგიყვანოთ). პარი ერთხელ უპვე იყო ჩემთან, ძალიან კარგი შთაბეჭდილება მოახდინა. თქვენი ვაჟი ძალიან მშვიდი ახალგაზრდაა. ნადირობისას მთელი გასროლა საფანგი დამახალა ფეხზე, მერე სათითაოდ ამომაცალა საფანგები ხორციდან და მითხრა, რა ბედნიერი დამთხვევაა, მონადირეთა შორის ექიმი-სტუდენტიც რომ ურევიაო.

მშვიდობით, ჩემო მეგობარო, მეტს ადარაფერს გატყვით, მაგრამ ვიცი, უეჭველად ჩამოხვალთ, იმისათვის მაინც, რომ პატივი დასდოთ თქვენს გულწრფელ მეგობარს.

### პენრი გურტისი

.შ. უზარმაზარი სპილოს ეშვები, იმ სპილოსი, საბრალო ხივა რომ დაფლითა, პოლში კამეჩის რქების თავზე მიყიდია. ის რქები ხომ თქვენ მაჩუქეთ! ნაჯახი კი, რომლითაც თუალას თავი მოვკვეთო, ჩემს საწერ მაგიდასთან დაგვიდე. რა სამწუხაროა, ჯაჭვის პერანგები თან რომ არ წამოვიდეთ!

პ. პ.

დღეს სამშაბათია. პარასკევს კი გემი გადის. ვფიქრობ, უნდა ვისარგებლო კურტისის მიწვევით და ვესტუმრო ინგლისს თუნდაც იმისთვის, რომ ვინახულ ჩემი პარი და, ამასთან, წიგნის დაბეჭდვაზეც ვიზრუნო, რადგან არ მინდა, ეს საქმე სხვა ვინმეს მივანდო.

ალან ქუოტერმენი

## ც თ ტ ა რ ა მ ა გ ტ ო რ ზ ე

1867 წელს სამხრეთ აფრიკაში, ქალაქ კიმბერლის მახლობლად, აღმოჩინეს აღმასის ქვიშრობი.

ამ აღმოჩინას უდიდესი ისტორიული მნიშვნელობა ჰქონდა ქვეყნისათვის. მეჯოგე ბურებისა და ჩამორჩენილი ზანგი ტომების პატრიარქალურ მხარეს ჩანჩქერივით მოასკდა ავანტიურისტი სპეცუალნიტებისა და სწრაფი გამდიდრების მოურნე საეჭვო პირების ნაკადი, ისინი ზღაპრული სისწრაფით იძენდნენ ქონებას. გუშინდელი მაწანწალა დღეს უკვე მიღლონერი ხდებოდა.

ინგლისს, რომელმაც ჯერ კიდევ მეცხრამეტე საუკუნის დასაწყისში კარგა მაგრად მოიკიდა ფეხი აფრიკის სამხრეთით – კაპის კოლონიასა და ნატალში, აღმასის ქვიშრობის აღმოჩინის შემდეგ უდიდესი ინგერესი აღეძრა ამ მატერიკისადმი. მას არ შეეძლო დაეშვა, რომ ეს უშრეტი სიმდიდრე სხვა ვინმეს ეგდო ხელთ.

ქვიშრობი ერთ-ერთი ადგილობრივი ზანგი ტომის მიწაზე იმყოფებოდა. ამ ტერიტორიაზე თავის უფლებებს აცხადებდა აგრეთვე ბურების ორანჟის რესპუბლიკაც. ინგლისის იმპერიალიზმს მდგომარეობიდან გამოსავალი მდიდარმა კოლონიალურმა გამოცდილებამ უკარნახა. საკითხი სულ უბრალოდ გადაწყდა: 1871 წელს ინგლისის მთავრობამ უბრძანა კაპის გუბერნატორს, დაეკავებინა აღმასის ქვიშრობის ტერიტორია.

სუთი წლის შემდეგ ინგლისის მთავრობამ ამ ტერიტორიისათვის სულ უმნიშვნელო თანხა – 90 ათასი გირვანქა სტერლინგი გადაუხადა ორანჟის რესპუბლიკას.

დაიწყო სამხრეთ აფრიკის ინგლისის კოლონიად გადაქცევის ეპოქა. იგი აღსავსე იყო პროვოკაციებით, მკვლელობებით, მშვიდობიან მოსახლეობაზე შეიარაღებული თავდასხმებით, ერთი ტომის მეორეზე გადაკიდებით და სხვა.

ამ კოლონიური ეპოქის, ყოველ შემთხვევაში, მისი პირველი ეტაპების მოწმე და მონაწილე გახლდათ მომავალი მწერალი – ჰენრი რაიდერ ჰაგარდი (1856-1925 წწ.).

ინგლისურ არისტოკრატიულ ოჯახებში ქველთაგანვე არსებობდა ტრადიცია, გაეგზავნათ შვილები კოლონიებში, სადაც მათ უნდა გაევლოთ ერთგვარი ცხოვრებისეული სკოლა. ეს აუცილებელი იყო მმართველი წრეების წარმომადგენლებისათვის.

იმ სანებში, როცა ახალგაზრდა ჰაგარდი თავის კარიერას იწყებდა, დედამიწის ზურგზე ყველაზე მიმზიდველი კუთხე სამხრეთ აფრიკა იყო და ცხრამეტი წლის ჰაგარდი 1875 წელს გაემგზარა აფრიკაში ნატალის ინგლისის გუბერნატორის პირადი მდივნის თანამდებობაზე. ამ ძალზე დაკვირვებულ, ცხობისმოყვარე და სხარგი გონების ახალგაზრდას ინგლისის კოლონიებში ჰაგარდ სანს მოუხდა ყოფნა. აქ გაეცნო ზანგ ტომებს, მათ ადათ-ჩვეულებებს, წესებს; თავს გადახდა უამრავი საინტერესო ამბავი, რაც შემდგომ თავის რომანებში გამოიყენა.

1877 წელს ინგლისის მთავრობამ ხელთ იგდო ტრანსვაალი. ჰაგარდი ამ დროს ინგლისის მთავრობის სპეციალური რწმუნებულის – შეპსტონის – შტაბში მუშაობდა. შემდგომ კი მომავალი მწერალი ტრანსვაალის სასამართლოს თავმჯდომარეობდა.

ჰაგარდი მოწმე გახდა იმისა, თუ როგორ აღდგნენ ბურები ინგლისელ დამპყრობთა წინააღმდეგ, როგორ დაიწყო ინგლისელებისა და ბურების პირველი ომი (1880-1881 წწ.), რომელიც ინგლისელების სრული დამარცხებით დამთავრდა.

ჰაგარდ ამის გამო ინგლისს სრულებით არ დაუკარგავს ინგერესი სამხრეთ აფრიკისადმი. ინგლისის იმპერიალიზმი ვერ შერიგებოდა

დამარცხებას და კვლავ და კვლავ ცდილობდა, ხელში ჩაეგდო ბურების მიწის წიაღში ჩაფლული აურაცხელი სიმდიდრე 1899 წელს მან ხელახლი ომი წამოიწყო ბურების წინააღმდეგ. მიუხედავად იმისა, რომ ინგლისელებს საქმაოდ ჭარბი ძალები ჰყავდათ, მათ ვერ შეძლეს, როგორც იტყვიან, ბურების ერთი ხელის მოსმით დამარცხება. ინგლისისთვის ეს სამარცხვინო ომი მხოლოდ 1902 წელს დამთავრდა და ბურების დამოუკიდებელი რესპუბლიკები ინგლისის კოლონიად იქცა. ბრიტანეთის იმპერიალიზმა ხელთ იგდო ალმასისა და ოქროს უმდიდრესი საბადოები.

ინგლისში დაბრუნების შემდეგ პაგარდი იწყებს ლიტერატურულ მუშაობას და 1882 წელს აქვეყნებს წიგნს „კენვაიო დ მისი თეთრი მეზობლები“. ამის შემდეგ გამოსცა კიდევ ორი რომანი, რომლებშიც აღწერილი იყო ინგლისის ჯარის დამარცხება ბურებთან პირველი ომის დროს, მაგრამ ამ წიგნებმა მკითხველი საზოგადოება დიდად ვერ დააინტერესა.

პაგარდის შემდეგი რომანი იყო „სოლომონ მეფის საგანძური“. ეს წიგნი გამოვიდა 1885 წელს და სულ რამდენიმე დღეში მოუპოვა ავტორს სახელი.

ახალი რომანის ეგზომ დიდი წარმატება, უპირველეს ყოვლისა, გამოწვეული იყო ინგლისელების უდიდესი ინტერესით სამხრეთ აფრიკის და მისი წიაღისეულის აურაცხელი სიმდიდრისადმი. თავგადასავალთა და სიმდიდრის მოყვარულებს რომანი კიდევ უფრო უცხოველებდა ინტერესს აფრიკის საიდუმლოებით მოცულ მთებში დაფლული განძეულის აღწერით.

ბევრმა გულუბრყველო მკითხველმა მწერლის ფანტაზია სინამდვილედ მიიჩნია. პაგარდს წერილს წერილზე სწერდნენ, ემუდარებოდნენ, გაემხილა მათვის სოლომონ მეფის საგანძურის ზუსტი აღგილსამყოფელი და კოორდინატები. ერთმა თავზეხელადებულმა კი მოსწერა: მიუხედავად იმისა, რომ უარს მეუბნებით მაცნობოთ, სად არის დაფლული ის განძი, მე მაინც განზრახული მაქვს, მოვაწყო ექსპედიცია, რათა ხელთ ვიგდო აურაცხელი სიმდიდრე.

რომანს წარმატება მარტო ამ ინტერესმა როდი არგუნა. ეს ასე რომ იყოს, რომანი მოკვდებოდა მაშინვე, როგორც კი შესუსტდა მკითხველი საზოგადოების ინტერესი სამხრეთ აფრიკისადმი. პაგარდის რომანში ცოცხლობენ დამაჯერებლად და ნათლად დახატული გმირები. დაუგიწყარია მონადირის – ალან ქუოტერმენის სახე. ასევე სიყვარულითა და სიმპათიით არიან დახატულნი მისი სხვა გმირებიც. ისინი მკითხველის გულს ინადირებენ თავიანთი რაინდული, ვაჟაცური ხასიათით, პირდაპირობით, კეთილშობილებით.

დიდი ინტერესით იკითხება პაგარდის ისტორიული რომანებიც: „მონტესუმას ასული“, „აიშა“, „მშვენიერი მარგარიტა“. მკითხველს იტაცებს რომანის გმირთა საინტერესო თავგადასავალი, მისთვის გასაგები ხდება რომანებში აღწერილი ეპოქის პოლიტიკური და რელიგიური მიმართულებები.

პაგარდის საუკეთესო სათავგადასავლო და ისტორიული რომანები უწინდებურად იზიდავს მკითხველს. ისინი მრავალ ენაზეა თარგმნილი და გამოცემული.